

ANTONI LE GRAND

APOLOGIA

PRO

Renato Des-Cartes

CONTRA

SAMUELEM PARKERUM,

S. T. P.

Archidiaconum Cantuariensem,

INSTITUTA & ADORNATA,



juxta

Exemplar Londinense,

nunc

Impensis JOHANNIS ZIEGERI,

NORIMBERGÆ

Typis recusa

à

CHRISTOPHORO GERHARDO.

A. C. M. DC. LXXXI,



11001011

Journal of the

...

...



...

...



Excellentissimo Domino

Principi GAVRIÆ

DOMINO MEO,

*Legionis Equestris Belgo - Germanicæ Chi-
liarchæ Pro Rege Catholico in Flan-
dria, &c.*



Excellentissime PRINCEPS.



Nihil certè magni hac
in Apologia molior, dum
Præstantissimum hujus-
ce seculi Philosophuū de-
fendendum aggredior,
& Metaphysicas ejus Positiones, in-
temeratæ esse certitudinis assero.
Nam cui sanæ Mentis unquam in
dubium venit, Supremum quoddam
Numen existere, & Hominis Ani-
mam ab ejus corporea mole distin-
gui? Annon id Barbari, id Agrestes
agnoscunt & profitentur? At, nihil

aliud *Cartesius* in prima sua Philosophia ostendendum suscipit, dum Rationibus à Deï Idea, & vario Mentis & Corporis conceptu, Mortales ad Summi Entis venerationem compellit, atque Humanam percipiendi Facultatem à Materia discernendam esse demonstrat. Verùm, quoniam Vir Eruditissimus, & inter modernos Authores haud incelebris, ejus Rationum firmitatem concutere nititur, & Argumentorum, quibus ad id probandum utitur, momenta tantùm non aspernatur; mearum partium esse duxi, tanto pugili imbellem etiam me opponere, & Magistri mei Demonstrationes, ab omni infirmitatis suspicione eximere ac tueri. Hinc Opusculum hoc, *Illustrissime Princeps*, celeberrimo nomini Tuo nuncupandum consultum existima- vi, quatenus sub Auspiciis Tuis tutamen fortiatur, & *Avitarum* Vir-
tutum

DEDICATORIA.

tutum splendore, ornaimentum acci-
piat, & novum Decus nanciscatur.
Nam licet *Veritas* ingenito lumine
fulgeat, & apparatus dedignetur,
quo se Mortalium animis insinuet;
ea tamen est Gentis tuæ dignitas, ea
Facinorum ejus gloria, ut sub tanto
Patrocinio prodire aμβiat, & tam
longè latèq; diffusis laudibus clares-
cere. Non hîc Animi tui dotes re-
censeo, dixisse sat est, *Excellentis-
simi Comitis Egmontani* apud
Serenissimum Magnæ Britanniae Re-
gem *Extraordinarii Legati* nunc
Proregis Sardiniae constituti, Te
Filium esse, & bonorum juxtà ac Vir-
tutum ejus Hæredem.

*Ros unus, color unus,
& unum mane duorum
Sideris & Floris.*

EPISTOLA DEDICATORIA.

Tanti Viri tum domi, tum militiae heroica facta meminisse animus non est, illa diffusiori calamo resumere alias statui. Accipe interim, *Illustrissime Princeps*, hanc pro Cartesio defensionem, in æternum Amoris pignus, & in clarum devincti Animi Indicem; quippe nihil mihi magis cordi est, quàm palam haberi.

Excellentia Tua

Devotissimus Cultor

Le Grand.



PRÆFATIO AD ATHEOS.

SEpe mecum dubius hæsi, quid vos Athei, ad DEUM è Mundo abdicandum adegerit, quo facto impulsì, ut quem cateri mortalium venerantur, non vilem modò habeatis, sed tanquam inutile Naturæ onus è rerum universitate amoliamini. An id seriò, an placida mente, an adhibita in consilium Ratione id aggressi estis? Haud equidem credo, qui ejus sum sententia, ut quis facilius Æsopi Fabulis assentiatur, existimetq; Gallum quondam cum Asino sermonem habuisse, quàm amplissimam hanc Mundi Fabricam, vi propria ortam esse, & citra moderatorem stare ac conservari. Nam quid in tanta Rerum existentium multitudine observari potest, quod DEI Majestatem ac munificentiam non arguit? Quæ ex eis adeò abjecta, ut Animos non exsuscitet, atque in Creatoris notitiam cognitionemque non deducat? Quippe licet Deus inconspicius sit, nullaque visibili specie attingi queat, ex Rebus tamen productis, quemadmodum testatur

Paulus, necnon ex mundo tam mirificè condito perspicì potest, & absque peregrina instructione intelligi.

- II. *Sicut enim Rerum transactarum memoria, inventionis subtilitate, omnique virtutis decore Mentis efficaciam agnoscimus, quamvis ipsa Corporis oculos effugiat: Sic Deum, Æternamque illam mentem, ex ejus operibus intelligimus, audacterque pronuntiamus, omnia Creatura ejus benignitate subsistere, atque ab interitu vindicari.*

— Superos quid quærimus ultra?

Juppiter est quodcumque vides, quocumque moveris.

Unde hac sedulo apud me discutiens, intentaque mente agitans; citius faterer nullum prorsus extare Numen, omniaque incerto casu volvi, quam tales reperiri Homines, qui Deum non esse asserant, aut eum confiteri detrectent.

- III. *Hinc eos desipere, mentisque penitus expertes censeo, qui Dominum ac Rectorem è medio tollunt, & latum hoc mundi imperium præstantissima mente orbant, ac frustrantur. Enimverò quo alio, quam amentia & delirii titulo, illos insignies, qui ut voluptati liberius vacent, sensuumque deliciis, sereno magis animo demulceantur, Universo Præsidentem deesse sibi persuadent, subsanantque quemcunque meminervis, insulse cogitationis vindicem? Sic dum brutescunt Corpora,*

Corpora, Animaliumque conditionem sortiuntur, Mens tenebris obvoluta, quodammodo torpescit, & ingenua Rationis vim ac efficaciam amittit. Quippe veluti humi serpentes, nihil sublime contemplantur, iis solummodo addicti, quæ cuticula blandiuntur, aut pascendis sensibus inserviunt & adminiculantur.

Aliud Atheorum genus est, qui suæ sortis magnitudine elati, seipsos ut numina suspiciunt, amore suicapti & cetera quæque spernentes. Quod si innata Arrogantia Fortuna accesserit, atque Rerum, quas meditantur, successui suffragetur, protinus in furem prolabuntur, & sibi ipsis sufficere autumantes, illum despiciunt, quem alii efferunt Natura Moderatorem. Unde mirum non est, si tanti vires suas astiment, ac sua consilia inter reconditoris politia arcana reponant; quia cum omnia illis ex animi sententia contingant, sui admiratione, in insaniam morbum incidunt, & ab insita ratione prorsus delabuntur.

IV.

Quosdam videre licet, quorum cerebella tam contumax vapor ex atrabile labefactat, ut nullo penitus futura Beatitudinis sensu tangantur. Obstat enim Hypochondria, ne summi boni fulgorem aspiciant, & mentis aciem, ultra eam, qua circumdantur, caliginem porrigant. Hinc erga genus humanum malevoli, ei perniciem optant, cui se odio esse experiuntur: & quemadmodum

V.

miseri calamitatem suam sociorum turba solantur; Ita ipsi ereptam omnibus felicitatis spem cupiunt, quatenus, si ipsis pereundum est, communi clade simul extinguantur. Cumque supremi illius Boni suavitatem, quam alii tantopere deliniuntur, præ animi molestia frui non possint, illud ut quid inane ac fictitium derident, & quod percipere nequeunt, abjectum & nullius ponderis reddere moliuntur.

VI.

Nonnulli Medicorum hoc quoque morbo corripuntur, qui dum Hominum salutem invigilant, totique eorum conservationi incumbere gloriantur, nimium avida Corporum inspectione, virus in animum adsciscunt, & Artis suæ contagionem contrahunt; quippe Cadaveribus dissecandis intenti, cum quicquam in humanis visceribus non observent, quod in Animalibus non deprehendatur, par in omnibus Temperamentum esse statuunt, ac simile Vitæ, ac Actionum omnium principium. Quippe congenere vident in omnibus corporibus nervos & arterias; atque à similibus fontibus profectas. Vident humores tum à cerebro, tum à sanguine ad varia fermentationis seminaria devehiri. Vident Sanguinem à Cordis compage circuitum suum ordiri, totoque vitæ decursu, eodem prorsus ritu, in omnibus conservari. Vident pares in cerebro spirituum series efformari, & varias sedes occupando, munia sua obire Vident eosdem mirabili
diva-

divaricatione, in singulas Corporis regiones excurrere, & affines ubique motus causari. Vident Bruta Animantia, quæ Ratione destitui pro certo habent, charitate proles suas prosequi, & suæ quodammodo familie prospicere. Si igitur quæ ab Animantibus peragi cernunt, multiplici partium commixtioni tribuantur, quidni & Mundi Fabrica in Elementorum consensum refundatur, & absque Rei Incorporea imperio subsistat, sed ratis ingenitisque motibus gubernetur.

Alii sunt, qui vix Rationis participes, Religionem humanæ Authoritati subjiçunt, voluntque nihil inter Homines sacrum reperiri, quod ab eorum beneplacito & potestate non pendeat. Sic quidam nostri temporis scriptor asserere non erubescit, Apostolos, qui Verbi Incarnati Interpretes sunt, canones, quibus Fideles adstringerentur, condere haud potuisse, ni Civitatis, aut Reipublicæ consensus accederet: Ac proinde Scripturam, quam Sacram appellamus, non nisi apud eos pro Lege reputari, qui prius protali, civili potestate firmatam agnoscant: Leviathan, cap. 24. Et eodem Libro, cap. 38. aperte docet nequaquam fieri posse, ut Respublica diu se tueatur, auctoritatemque illibatam servet, apud quam majoris pænæ ac præmii mentio habetur, quam quæ Magistratus irrogare queat, quæ hujus vitæ fruitio, ac ejusdem jactura existimatur: Ac idcirco concludit, quod cum æternæ vitæ

ac mor-

VII.

ac mortis aternæ jus, prioribus supergredia-
tur, nec illud in civili potestate situm sit, ci-
tra rationem quosdam sibi persuadere, posse
unquam perenni supplicio affici, aut sempi-
terna mercede remunerari. Hinc secundum
illum Authorem, cum Religio nihil authori-
tati Divina debeat, & ab hominibus dun-
taxat obligandi vim mutuetur, quid super-
est, quàm ut nullus Deus esse statuatur, &
quam de illo habemus Opinio, à Sapienti-
bus, Reipublicæ causa, ficta esse supponatur.

VIII.

Hi sunt præcipui Reipublicæ vestræ Cives,
ô Athei, hi Heroes, quibus Deum è Cælo de-
turbare nitemini, hi nobilis sectæ vestra fau-
tores ac Antesignani. At quales, pueris cer-
te imbecilliores, & qui non minùs animi sen-
su, quàm Ratione Rusticis & Agrestibus ce-
dunt. Nam si vos interrogare fas est, quor-
um numinis Majestatem tollitis, cur vanum
ducitis, quod tota penè gens mortalium co-
lit ac veneratur? Quoniam, inquitis, ille,
quem nobis narras, Deus, in conspicuus est,
& à mente quantumvis acuta & singulari
distinctè concipi nequit. An non magis Ra-
tioni consentaneum est, ut ea duntaxat exi-
stere credamus, quæ sensibus obviæ sunt,
quàm ad iis assentiendum arripiamur, quæ
nos fugiunt, & nunquam in conspectum nô-
strum venire?

IX.

Dignum tantis viris responsum! Non quic-
quam igitur in Natura subsistere arbitrami-
ni; quod oculis non patet? At si Epicuri Dis-
cipuli

*cupuli estis, qui Mundi ortum vagis & hinc inde gyra-
 nantibus Atomis acceptum refert, ad-
 mittere quadam vos oportet, quæ sub sensus
 non cadunt, nulliusque obtutui objiciuntur.
 An aliquis vestrum Atomos unquam contem-
 platus est? Eas invisibiles esse Lucretius as-
 serit, & omni prorsus colore destitutas. Quis
 varios earum motus, quorum ope, Mundi
 compages coaluit, aspexit? Quis inane, quis
 immane illud ultra Cælos spatium, in quo te-
 nuia hæc Corpuscula reconduntur, oculis lu-
 stravit? Aut si fortean Mundum infectum
 esse cum Aristotele opinamini, quis vestrum
 ejus Aternitatem deprehendit? Quis illa,
 quæ vos præcessere tempora, intuitus est?
 Quis eorum omnium oculatus testis est, qui-
 bus, ipsi alios fidem habere vultis? An cre-
 ditu difficilius esse putatis Deum esse Rerum
 omnium conditorem, quàm quòd ingens hæc
 Mundi machina ab æterno fuerit, & omni
 Authore destituta? Si immotum apud vos
 stat, nihil pro certo habere, quòd non fuerit
 obtutui vestro expositum, certè quantumvis
 Mundus iteratis vicibus producat, nemo
 factum esse fatebitur, qui ejus constructio-
 nem non spectaverit. Verum, quis ille est,
 qui id testabitur?*

*Ceterùm an id, quod cum tanta asseve-
 ratione proponitis, perspectum sit, attenden-
 dum est, nempe quenquam de re certum esse
 non posse, quam præsens non contemplatus est:
 Vel verumne sit, quòd quæ sensibus non
 decer-*

decernuntur, pari dubitatione laborent. Et sanè plurima à nobis pro exploratis recipi, quæ nunquam oculis exposita sunt, adeò manifestum est, ut nihil in Scientiis, ac in ipso Vita usu notius esse videatur. Quot enim propositiones, quas sola mente volvimus, & quæ visui nunquam objecta sunt, certissimas esse experimur? Quis in Geometria tantillum versatus, non exploratum habet, Triangulum Figuram esse tribus rectis lineis constantem, quamvis talem Figuram nullis sensibus attigerit? Nam nequidem ulla Lineæ pars, quæ reverà recta esset, visum nostrum movit, cum illas, quæ maximè rectæ apparent, perspicillo pulicario attentius consideramus, planè irregulares, & undularum ad instar ubique incurvas deprehendimus. Quis ambigit quin Lutetia Parisiorum reverà in Gallia sit, Roma in Italia, Londinum in Anglia, etiamsi tales Civitates nunquam præsens spectaverit? Certè qui talem Famam improbaret, fluxæque fidei ejus Authores arbitretur, necessum est, vel ut menti suæ vim inferat, aut qui in judicando regenda sit, ignorare profiteatur. Quippe Ratio, ob quam credibilibus testimoniis assentitur, atque Moralem certitudinem nanciscitur, ex eo ortum habet, quòd alios secundum ea, quæ in se percipit, metiatur, statuaturque fieri haud posse, ut tot tantorumque Hominum assertiones & testimonia falsa sint, & veritati publicæ adversentur. Rationis enim munus est, de

Rebus

Rebus quibusvis decernere, ac non minus de iis, quæ Sensus fugiunt, quàm quæ sub illos cadunt, ferre iudicium.

Sed quid iis tamdiu immoror? Ab ignavis, à Rusticis ipsis eruditionem haurite. Si enim eorum quemquam interrogas, quàm ob causam, ejus Corporis membra modis variis ciantur; quorsam ad ejus nutum, præsto sunt manus; cur versùs diversas regiones Oculi dirigantur? Haud mora reponet, quoddam in se ipso horum motuum esse principium. Si, quoddam illud sit? scisciteris, Voluntatem assignabit, cujus imperio, omnia Corporis sui membra ad Motum aut Quietem adiguntur? Si mox urgeas, an unquam voluntatem suam visu deprehenderit; cujus sit figura, quo colore imbuatur? Ultrò fatebitur, illi quidem desiderium eam facultatem cognoscendi inesse, at illam nunquam oculis spectasse, ac proinde penitus ignorare, quo colore, quæve figura instructa sit. Si respondentem premas denique instes, an quandam in se vim gubernatricem admittat, liset nullam suis sensibus speciem impresserit? Illicò annuet agnoscetque non omnia, quæ existere experimur, Sensibus metienda esse, sed quadam à nobis intelligi, quæ nullis lineamentis, aut membrorum figuris exhiberi queunt.

Quidni idem vos sentiatis, Athei? Quidni quoddam etiam in vobis latere principium fateamini, à quo operationes vestrae manant & proficiscuntur? An illas unquam aspexistis?

XI.

XII.

stis? Nemo inter vos adeò stolidus est, ut reor, qui id jactitet. At quid in Natura magis perspicuum, quàm quòd cogitatis, sive aliquas operationes eliciatis, quarum estis consci? Id enim adeò evidens est, ac per se notum, ut qui illud in dubitationem adduceret, de nulla Re prorsus certus esse posset. Gratis igitur Dei Numen esse inficiamini, quoniam ejus species non cernitur, aut quia nullibi gentium fit obvia, quandoquidem præcipua vestri pars, quæ invisibilis est, certò vobis innotescit, nec de illius existentia ambigere vobis fas est.

XIII.

Non obest, quòd non nisi Corpora in Mundo videantur, & quæ nobis observantur, rerum materialium sint Imagines: Nam quis adeò amentia valet, ut Pictoris officinam ingressus, in qua præter penicillos, pigmenta, ac simulachra deprehendit, existimaret hæc à seipsis esse orta, aut collatis viribus, se invicem produxisse, quoniam Artifex illic non apparet, qui penicillos confecit, pigmenta elaboravit, & picturas ad vivum expressit! An non immensa Mundi magnitudo, accuratus ejus partium ordo, grata Rerum varietas, concinna omnium structura, Opificem arguit, quamvis absconditus sit, & nunquam in mortalium conspectum venerit? Nemo enim tam insigne opus posse sine Artifice fieri opinabitur, nisi qui desipit, & qui in delirium, aut furorem reductus est.

Fateor

Fateor equidem, Homines ubi in Causas secundas divulgè positas, animum intenderint, posse in earum contemplatione consistere, & ulterius gradum non moliri: At ubi ad earum nexum attenderint, animadverterintque sibi ipsis implicari, atque ad eundem finem conspirare, non possunt non earum Authorem agnoscere, & primum earum principium demisso animo venerari. Nam quis credat Siderum Orbes, qui undique capitibus nostris imminet, sine Opificis consilio circa se circumvolvi? An solo Fortune ducta factum esse existimatis, ut Sol ab Ortum in Occasum, aut Terra axi suæ innixa ab Occasu in Ortum, viginti quatuor horarum spatio indesinenter devehatur? Cur circulo Aequatori parallelo, idque tanta constantia ac stabilitate, ut tot Annorum millibus, nequidem uno momento aut celerius aut tardius processerint? Unde Planeta situm tam commodum nacti sunt, ut vicinis orbibus prosint, nulli autem sint incommodo? Annon tam idonea Aeris temperatio, tam imperturbata Diei & Noctis vicissitudo, quadripartita Anni varietas, mutua Elementorum necessitudo, denique tam excellens & inimitabile Naturæ artificium Mundi Architectum spectandum nobis proponunt, & ejus Majestatem, decus, amplitudinem, splendorem, magnificentiam loquuntur, annuntiant, extollunt? Hinc David Dei operum Admirator unicus; omnia ut par est,

Opifici asserit, solidisque encomiis prosequitur, dum ait Psal. 103. *Quàm magnifica sunt opera tua, Domine! omnia sapienter fecisti; impleta est Terra possessione rerum tuarum.*

XV.

Scio vos universi aternitatem tueri, & omnia, quæ miramur, in natura vim, aut insitam cujusque Rei indolem referre: at ubi ad id probandum compellemini, Deus bone, quàm futilia, quàm absurda ad Ingenii ostentationem profertis! Gerronum, qui in principum aulis versantur, prorsus emulli, quibus si ludicra quæstio proponatur, imprimis insulsi aliquid ingerunt, & à communi Hominum captu abhorrens: si urgentur, difficultatisque nodus nova difficultate constringatur, se pluribus modis irretiunt, & quæ antehac levi negotio solvi poterant, aliis accedentibus involucris implicant, adeò ut, in quæ effugere moliebantur, absurda, incidant, & laqueis, quos vitare satagebant, corripiantur. Hæc fors vestra, Athei, hæc prætecta subtilitatis vestra fortuna; quippe si quis à vobis sciscitetur, qui factum, ut mundus tam affabre conditus sit, & qui omnes illius partes in tam concinnum ordinem redactæ sint, si illius opifex abest? Nihil nisi Corpora vos intueri dicitis: at si quis instet, an Corpora tam ordinatam seriem componere posse existimetis? Quoniam ad Agens incorporeum recurrere pudet, ipsis vim se movendi tribuitis; quæ certè si
mente

mente donentur, ô miseram natura vestra conditionem, qui parem habetis stipitem, & Res etiam vilissimas nulla prorsus dignitate superatis.

Neque me latet, quid ad hæc reponitis, nempe numen, quod vobis annuntiamus, incomprehensibile esse, ac ita Rebus cæteris supergredi, ut sua Influitate, non minùs mentis quàm Corporis oculos, declinet. Admonet autem Ratio, ut non modò de ignotis judicemus, verùm etiam ne quicquam admittamus, quod non evidentè ac distinctè nobis objicitur. At quòmodo id nobis perspectum erit, quod captum nostrum superat, & mente completi non valemus? Duo hoc Argumento ingeritis, primum, quod incomprehensibile est, nullatenus ab Intellectu attingi posse. Alterum, quod ab Intellectu attingi non potest, nihil esse, sive non existere. Et si haud agrè posterius concedant Philosophi, fateanturque illud à nobis inter fictitia posse numerari, cujus nulla Idea, seu conceptio occurrit: quia cùm Res nostri intuitu veræ aut falsæ sint, in quantum tales à nobis apprehenduntur, seu cogitantur, & non nisi cognosci dicuntur, cùm sui Ideam, seu notionem exhibent, id sano sensu pro non ente reputandū est, quod intelligi nequit.

XVI.

Non parì ritu de Priori differendum est, ut scilicet quod comprehendere non valemus, illud quoque ab Intellectu attingi non queat; ac proinde quando Deum Incomprehensibi-

XVII.

lem esse philosophi admittunt, sic accipiendi sunt, quòd ea sit humana Mentis imbecillitas, ut perfectam Rei Infinitæ notitiam sortiri non possit, siue talem de illa habere conceptum, qui illi correspondeat, ac commensuretur. Nam aliud est, adequatam substantiæ Infinitæ Ideam habere, aliud eam clare percipere. Perspicua quidem & distincta Rei summè perfectæ notio, in nobis est, non autem integra & comprehensiva. Enimverò quis talem Sui ipsius cognitionem habet? Quis entis etiam Finiti essentiam omnimodè callet? An Corporum, in quorum contemplatione tantoperè versamini, naturam perfectè intelligitis? Quamvis igitur Deum omni ex parte, ut ita dicam, non capiamus, & ejus perfectionum Infinitatem exhaurire impares sumus, nihil tamen obstat, quominus Rei absolutè perfectæ Ideam habeamus, modulo nostro conformem. Quia quod Deum non comprehendamus, non ex Ideæ defectu, sed ex mentis nostræ angustiiis oritur, quæ utpote finita, quod undequaque Infinitum est, complecti non potest.

XVIII.

Id adeò manifestum est, ut totum genus humanum hanc opinionem consensu communi tueatur. Qui enim summi, qui medii, qui infimi, hanc Numinis notionem non habuere? Antecedentia tempora repetite, in quorum Annalibus extare compertis ullam gentem Divinitatis sensu unquà caruisse? Quibus veterum litteris proditum

tum est, Atheismum in Regno, in Provincia, in Urbe, in Oppido publicè viguisse, & abolitam ibi penitus fuisse Numinis memoriam? Constat enim quòd nulla unquam fuerit Natio, quæ Deum aliquem non venerata sit, imò nulla adeò immanitate efferata jactatur, quæ non aliquem Enti Supremo honorem non præstiterit. Ab hoc fonte, quæ unquam in universo irrepit Idololatria originem habuit: Nam licet in numinibus eligendis Homines aberrarent, & debitum Deo vero honorem, in falsos Deos transferrent; hoc tamen ingenito principio innitebantur, supremum aliquod haberi Numen, cui honor exhibendus est, & Mortalium vota dirigenda. Nam unde profectum esse arbitramini, quòd nonnulli Solem aut Lunam colerent? Alii ignoto Deo aras struerent? Imo quidam eo dementia laberentur, ut Bovem, Vitulum, Crocodilum, aliasque ignobiles Creaturas, & vice Dei ducerent, & Religione prosequerentur? Quemadmodum testatur Juvenalis, Satyr. 15.

Quis nescit, Volusi Bithynice, qualia demens.

Ægyptus portenta colat? Crocodilon adorat.

Pars hæc, illa pavet saturam serpentibus
Ibin.

Nisi quia Entis supremi notione mens instructa est, ultrò ad se ei subjiciendum ferebatur, quod ante, & supra se esse existimabat.

bat. Ratum haberi debet, quod omnium gentium consensione firmatur, nec absque temeritate anceps redditur, quod Homines in omni loco, & tempore probant & tuentur.

XIX.

Nihil moror, quod vos è talium numero eximatis, ac Numen in natura Rerum esse inficiando, universalem Hominum consensum abnuatis. Nam qui estis vos, qui tam firma ac stabili veritati vim inferatis? Siccine paucorum suffragiis communis opinio infirmatur? Quid, Deus non est, quia Leucippus, Democritus, Epicurus, & similes impietatis assecla id asserunt? Quis dicet Humanum genus Rationis particeps non esse, quoniam nonnulli mentis inopes inveniuntur, & à Ratione aversi? An quia quosdam orbos in lucem edi videmus, idcirco cernendi Facultas non Homini propria est, nec omni convenit? Nemo, opinor, propositiones, quæ omnibus eruditis perspicuæ sunt, in dubium vocabit, quoniam pauci aliter sentiunt, & earum claritatem non assequuntur. Aliàs in cujuspiam potestate esset, fidem Veritati Morali, aut Theologica denegare, quoties eam capere non posset, aut intelligere dedignaretur. Reienim amplitudo, seu Universalitas, non in cujusvis particularis Hominis assensu posita est, sed in analogia, quam cum communi Ratione habet, à qua, velut à Principio, Humanum cætus & regitur & conservatur. Quicquid

quid Rationi consentit, id verum est, & quod verum est, universaliter verum est. Sint fortè, qui annuere detrectent in Triangulo duo esse latera reliquo majora: aut duos Angulos aequales esse, qui ab aequalibus lateribus subtenduntur; nunquam tamen efficiant, ut duæ hæc propositiones veræ non sint, & ab omnibus Geometris pro talibus non agnoscantur. Sic quantumcumque Numini adversemini, O Athei, ejusque imperium respuetis, nunquam tamen obtinebitis, ut Mortales omnes, in Supremi Entis notitia consentire non dicantur. De Hominibus, inquit Tullius, nulla gens est tam immansuetæ, neque tam ferrea, quæ non, etiamsi ignoret, qualem Deum habere deceat, tamen habendum sciat.

Omnium siquidem Animis insculpta est Dei Imago, seu supremi Entis instinctus, cui Barbari, cui peregrinæ Gentes auscultant, & obsequuntur. Quascumque enim inviseritis, nullas numinis suspitione carere nusquam reperietis. Novi quidem Orbis detecti sunt Incola, qui pudore abjecto, omnino nudi vitam degant. Alii extra leges moresque projecti, ita ab humanitate abhorrent, ut nihil præter vultum hominis præferre videantur; Verum, nullos adhuc deprehendit Navigantium curiositas, qui Deum non agnoscerent, ac eum quodam cultu non prosequerentur. Enimverò Deus Animis nostris sui characterem impressit,

dum nos ad suam Imaginem creavit, suaeque natura similitudinem impertitus est. Quae adeò firmiter Animæ nostra inhaeret, intimeque connectitur, ut nulla immanitate, nulla ferocia, nulla libidine ab ea avelli queat. Hinc Homines in periculo constituti, spontè, soloque Natura impetu oculos in Cælum dirigunt; palmas efferunt, repetitisque vocibus, ejus opem implorant, quem Rerum suarum præsidem esse intelligunt.

XXI.

Omni-
bus enim mortalibus natura insitum est, dum metu turbantur, aut in calamitate jacent, ad Supremum Ens, quod ipsis imminere autumant, confugere, sub cujus umbraculo tutos se esse arbitrantur, ac confidunt. Annon id vobis aliquando contigit Athei? Hac saltem in re recta mentis esto-
te. Nonne Dei cogitatio Animum vestrum quandoque subiit, ubi fortè vos aut circum-
stitit periculum, aut malum impendit? Fin-
gite adesse Mortis præludia, & in extremo positam esse vitam, quis pavor tunc Vos non corripit, qua formidine non concutimini, dum veluti somno soluti, in propinquo ultorem esse cernitis, quem tam saepe ludibrio habuistis, & perfriçta fronte estis aspernati? At si quicquam vestrùm sepulchro non superest, si Deus universo extorris est, vanus profecto foret ille timor, & cui facile Homines mederentur, modò tales se præstent, quales haberi cupiunt; verùm, cum sceleratì omnes imminentis Judicis aspectu
terrean-

terreantur criminumque pœnas, priusquam patiantur, præsentiant; id aliundè oriri non potest, quàm quia omnibus Mortalibus innata Dei notio est, & ita Humana natura infixa, ut ea vix quisquam careat.

Quidam ex vestris, hunc Numinis instinctum, non in Naturam, sed in Ambitionum. Hominum astutiam refundunt; qui ut in alios imperium obtinerent, dominationique suæ magis obnoxios redderent, eos primum Dei metu terruere, persuaserèque adfuturum aliquando Judicem, qui cujusque causam agnoscat, nullumque scelus inultum patiatur. Hinc Religio tanquam Imperii arcanum apud Imperitos invaluit, quæ nimirum magis tractabiles redderentur, & servitutis jugum æquiori animo subirent.

XXII.

At quid si illud precariò afferant, & quod in suæ Opinionis firmitatem finxere, politicorum utilitati adversetur. Nam si à Sapientibus efficta est de summo numine Opinio, si Reipublicæ causa inventa est Religio, ut Homines ad officium duceret; aperiant, quo tempore fraus illa emicuit, quo artificio in vulgus primum inducta est, qui illius Authores, & qui illam cateris prodiderunt. Nam quæ contingere potest, ut qui omnia hæc detexere, non se ipsos prius, mox cæteros Imposturæ admonerent? Quis credat dolum in omnes mortales, ipsis insciis, posse irrepere, qui tamen ipsis adeò exitiosus sit, ut vitæ tranquillitatem adimat, &

XXIII.

dum nos ad suam Imaginem creavit, suaeque natura similitudinem impertitus est. Quae adeò firmiter Anima nostra inhaeret, intimeque connectitur, ut nulla immanitate, nulla ferocia, nulla libidine ab ea avelli queat. Hinc Homines in periculo constituti, spontè, soloque Natura impetu oculos in Cælum dirigunt; palmas efferunt, repetitisque vocibus, ejus opem implorant, quem Rerum suarum præsidem esse intelligunt.

XXI.

*Omni-
bus enim mortalibus natura insitum
est, dum metu turbantur, aut in calamita-
te jacent, ad Supremum Ens, quod ipsis
imminere autumant, confugere, sub cujus
umbraculo tutos se esse arbitrantur, ac con-
fidunt. Annon id vobis aliquando contigit
Athei? Hac saltem in re recta mentis esto-
te. Nonne Dei cogitatio Animum vestrum
quandoque subiit, ubi fortè vos aut circum-
stitit periculum, aut malum impendit? Fin-
gite adesse Mortis præludia, & in extremo
positam esse vitam, quis pavor tunc Vos
non corripit, qua formidine non concutimi-
ni, dum veluti somno soluti, in propinquo
ultorem esse cernitis, quem tam saepe ludi-
brio habuistis, & perfriçta fronte estis asper-
nati? At si quicquam vestrum sepulchro
non superest, si Deus universo extorris est,
vanus profecto foret ille timor, & cui facile
Homines mederentur, modò tales se præ-
stent, quales haberi cupiunt; verum, cum
sceleratì omnes imminentis Judicis aspectu
terreari-*

terreantur criminumque pœnas, priusquam patiantur, præsentiant; id aliundè oriri non potest, quàm quia omnibus Mortalibus innata Dei notio est, & ita Humana natura infixa, ut ea vix quisquam careat.

Quidam ex vestris, hunc Numinis instinctum, non in Naturam, sed in Ambitiosorum Hominum astutiam refundunt; qui ut in alios imperium obtinerent, dominationique suæ magis obnoxios redderent, eos primum Dei metu terruere, persuaserèque adfuturum aliquando Judicem, qui cuiusque causam agnoscat, nullumque scelus inultum patiatur. Hinc Religio tanquam Imperii arcanum apud Imperitos invaluit, quæ nimirum magis tractabiles redderentur, & servitutis jugum aequiori animo subirent.

XXII.

At quid si illud precariò asserant, & quod in suæ Opinioni firmitatem finxere, politicorum utilitati adversetur. Nam si à Sapientibus efficta est de summo numine Opinio, si Reipublicæ causâ inventa est Religio, ut Homines ad officium duceret; aperiant, quo tempore fraus illa emicuit, quo artificio in vulgus primum inducta est, qui illius Authores, & qui illam cateris prodiderunt. Nam quæ contingere potest, ut qui omnia hæc detexere, non se ipsos prius, mox cæteros Imposturæ admonerent? Quis credat dolum in omnes mortales, ipsis insciis, posse irrepere, qui tamen ipsis adeò exitiosus sit, ut vita tranquillitatem adimat, &

XXIII.

voluptatis, cuius ita avidi sunt, cursum turbet & interrumpat. An fieri posse putatis, ut Homines adeò sui negligentes unquam evaserint, aut Rerum, quæ ad ipsos spectant, immemores, ut se fraude irretios esse nunquam intelligerent, nec de illius origine, aut progressu inquirerent! Sed mente tranquilla, citraque examen sibi imponi paterentur? Damus id paucis, iisque rudibus & stolidis posse nonnunquam contingere; at nemo sibi facile persuadebit Sapientes, Philosophos, Theologos, aliosque Doctrina insignes Viros posse hoc pacto illudi, ut Magistratum veritatem non olfaciant, sed utroque brachio id amplectantur, quod fictitium esse existimant, & nullo sensu, aut ratione suffultum. Imò quo admissio, sua libertati impetus sit, & inquietudo terrorque Animis incutitur.

XXIV.

Hoc enim prastigiarum ac impostura fatum est, ut ibi semel in lucem eruperint, continuo evanescant, & vim, quam antehac apud Homines obtinuerant, nunquam deinceps sortiantur. At quoties vos, duobus abhinc annorum millibus, hanc cantilenam cecinistis, numen à mundo abesse, ejus cultum non nisi Magistratum esse fucum, quo securius in plebem dominantur, & nihilominus opposita inter Homines Opinio semper viget, & non minus apud Barbaros, quam alios intemerata manet & inconcussa. Quod præstantius Argumentum adferri potest, ad ostendendum Dei Opinionem fictitiam non esse,

esse, sed omnium Animis impressam, quàm quod omnium gentium judiciis approbetur, nec ulla Arte adhibita dedisci queat?

Id evidentius in Christiana Religione elucescet, quæ non humano astu, non regnandi cupidine, non promovendis hujus vitæ commodis in Mundo enata est; & tamen seu propria, seu mutuata è Cælo virtute, Dominantium potestati prævaluit, & Paganis ac Infidelibus devictis, Victrix evasit, magnamque orbis partem Imperio suo subjecit. At quibus mediis? An armata manu præliando? An principum copias fugando? Imò morti occumbendo, & hoc solo telo instructa, Deum integro affectu esse colendum, & ei potius, quàm Hominiбус, quantumvis potentibus obtemperandum. Id aliquando futurum Regius Propheta vaticinatus est, Psalmo secundo, Quare fremuerunt gentes, & populi meditati sunt inania? Astiterunt Reges Terra, & principes convenerunt in unum, adversus Dominum, & adversus Christum ejus. Qui habitat in Cælis, irridebit eos, & Dominus subsannabit eos. Tunc loquetur eis in ira sua, & in furore suo conturbabit eos. Ego autem constitui eum Regem super Sion montem sanctum ejus: Dabo Tibi Gentes hereditatem tuam, & possessionem tuam terminos Terra. Et nunc Reges intelligite; erudimini qui judicatis Terram.

XXV.

Quicumque unquam extitère Mortales, hujus semper fuere sententia, supremum Numen,

XXVI.

Numen, Ens esse Æternum, Infinitum, Omniscium, Omnipotens, rerumque omnium, quæ præter ipsum sunt, Opifex. Verum, si tale Ens non existit, Deique Idea à fingente Intellectu omninò dependet; qui factum est, ut totum genus Humanum, paucis exceptis Atheis, rei assentiatur, inani, & ex animi libidine efficta? Imò quomodo contigit, ut huiusmodi notio, omnibus Hominibus unquam occurreret, aut ab illis efformaretur? An sat dicere putatis à Legislatoribus ortam esse, quorum instinctu, Deus in Mundo primum innotuit? Vel quòd huius opinionis Authores, faventibus initio principibus, eam in vulgus sparserit, & ad ceteros mortalium, succedentibus annis demum traduxerint? Certè nemo sententia vestra suffragabitur, nisi cum ignorantia infamia. Nam quis nescit nisi in Philosophia hospes, rerum Ideas non vocibus & verbis mentem subire, quæ nihil aliud, quàm Sonos, atque eorum Phantasmata nobis exhibent. Occasionem quidem Anima præbent huiusmodi notiones eliciendi, sed nihil prorsus continent, quod ad res ipsas referri queant, nisi in quantum verba, communi Hominum consensu instituta sunt, quatenus conceptus nostros, seu Ideas significarent. Quare si vocum significata, per Ideas nobis represententur, necessum est, ut illæ à nostra cogitandi facultate procedant, ac proinde mentibus nostris à natura impressæ sint & insculptæ.

Nam

Nam quancumque menti nostra potestatem assignemus, constat illam imparem esse novis Ideis effigendi, seu producendi, quæ prius non fuerint; sed eas duntaxat componendi, atque Res ipsas, quarum sunt Imagines, variis modis inter se connectendi. Neque certè eam vim obtinet, ut non ens positiva aliqua notione apprehendat, sive Ens assequatur, in cuius conceptu, neque actualis, neque possibilis existentia continetur. Quo pacto igitur Rei Immensa, Æterna, summæ potentis, Infinita Ideam ex nihilo, creare poterit? At id efficeret, si Deus non sit, sed tantum fingitur, & Sapientum quorundam vafritie, in Hominum Animos irrepit.

Nihil autem magis sententiam vestram labefactat, Athei, quàm in sceleratis conscientia stimulus, & inquieta anteacta vita memoria. Nam si numen Mundo exulat, & non nisi Regnantium astu & industria, in mortaliū animis viget; quorsum Impius mentis angore & cruciatu afficitur, ubi patrati facinoris recordationem Conscientia objicit? Cur tam acerbo metu concutitur? Cur in diffidentiam ac desperationem sapius proruit? E diverso iusti mentis securæ testimoniis fulti, nihil metuunt, aut exhorrescunt, quantumvis calamitatibus, penuria, tyrannorum servitia dejectioniur, aut labascant? Unde tanta in his mentis tranquillitas, in illis verò animi tristitia & dejectio, si Iudex non sit, qui virtutem præmio afficiat, & iniquitatem ulciscat.

ulciscatur? *Quis sibi persuadebit, posse Homines invisibilibus, nescio, cuius non-entis timore percelli? Unde tanta Animi carnificina? cur veluti Furiis agitati contremiscunt, si nullum Numen eorum actionibus praesidet, & eis fas est omnia pro lubitu exequi? Credite mihi, cuique Homini non modò Rerum delectus ingenuus est, sed iudicium, boni maliq; discrimen, quo unusquisque ad honesta fertur, & averfatur turpia. Quantumcunque atrocitas insonit impingantur, is constantiam tuetur, semperque in proposito perseverat: Qui verò aliquo crimine contaminatur, aut labem in mente conceperit, pœnam ante oculos continenter versari imaginatur, sic ut in deliciis, in tripudiis, in conjugis amplexu, animi morsus sentiat, & factorum pœnitentia ducatur.*

XXIX.

Si verò mentibus humanis impressa non est Dei notitia, quâ sit, ut aliquo Boni aut Mali sensu tangantur, & discrimen inter utrumque constituent? Quòd enim Bonum à malo discrepet, id suprema cuiusdam potestatis intuitu habetur, qua sublata, Rerum delectum evanescere necessum est. Nam dato Homines sine lege vivere, nulloque Imperii frano coerceri, quisque tunc sui juris factus, quod placet, rectum arbitratur, nihilque illicitum audiet, nisi quod pra imbecillitate ad metam perducere non valet.

XXX.

Boni itaque & Mali distinctio, sic à Deo veluti perfecta Recti regula pendet, ut neutrum humanis mentibus obvium fieret, nisi Bonum Supremum existeret, à quo probantur, & diversitatis suae vocabula sortiuntur. Nam cum honesti & turpis ratio,

ratio, qua Boni & Mali naturam sequitur, ad premium & pœnam ordinem habeat, cùmque nemo sui ipsius iudex constituatur, neque sœtum sit, proprias virtutes mercede donare, aut vitia castigatione reprimere; nam quis factis suis pramia meritis persolvit? Quis in se ipsum animadvertet, si nullis legibus coerceatur, & sui ipsius testis & vindex? Nemo enim se reum aut faetum, aut tacite consentit, qui prius eminentem sibi potestatem non agnoscit. Quare necessum est, ut Summum Bonum in natura detur, ad quod relate Hominum actiones, bona aut mala existimentur. Deum Mundo ablegare, nihil restat, quod recti & obliqui Index sit, nihil quod innoxios ab injuria tueatur, nihil quod à fœdiorum sevitia securos præstet. Omnia perverse aguntur, ubi quisque Lex est, & omnem Dominationem respuit.

Si propiora, & qua intimius oculis admoventur, numinis indicia exigitis, mira, que nonnunquam in universo contingunt, animadvertite. Annon ea, que miracula passim vocamus, id arguunt? Annon qua causis naturalibus supergrediuntur opera, Divinam potestatem testantur? Quis credat Hominem oculis ab origine captum, paucis verbis posse ad Rerum conspectum adduci? Vixis exemplum, & quem spiritus penitus deseruit, vita restitui; nisi Opifex adsit natura superior, qui Rerum ordinem ac decursum pro arbitratu invertat? Ad natura conditorem solummodo spectat, Causarum naturalium progressum sistere, & prout illi visum est, immutare. Quare si quid contra Naturæ ordinem patratum occurrat, merito Numini acceptum referatur, à quo speciali ritu profluit, At

XXXI.

At quid si nihil simile in universo unquam peractum sit? Inquitis. Quid si quod miraculum nuncupas, luxuriantis Natura duntaxat opus sit, & Causarum occultarum productio? Cum Rationis participes haberi velitis, Athei, quod ei consentaneum est, opinor, non respuetis; nihil autem magis cum ratione quadrat, quàm Majorum nostrorum monumentis fidem habere, & quod ipsi simpliciter, citraque commodi, aut utilitatis spem asserunt, pari affectu recipere. Alias si solos Sensus veritatis testes constituatis, nec quicquam verum arbitremini, quod Oculis non objiciatur, certè ad arctum Terræ angulum relegandi estis, & paucis limitibus cognitio vestra coercenda. Omnibus recta Ratione utentibus semper placuit, id pro vero accipere, quod priori ætate proditum est, modò probos Authores naçtum sit, & omni exceptione majores, hoc est, ubi nulla fraus subit, & factum verisimilitudini non adversatur. Nam tale quid inficiari, quid aliud foret, quàm Rationi Rationem opponere, illudque rejicere, ad quod credendum summa evidentia adigit. Nam quid Puerorum imbecillitati magis affine, quàm id Oculis intueri velle, quod jamdudum elapsum est ac evanuit? Quid risu magis dignum, quàm prioris ævi facta in dubium vocare, quoniam per Demonstrationem mathematicam non elucescunt? Rerum enim anteaçtarum notitia, credibilibus aliorum testimoniis comparatur,

primæ ipsarum monumentis firmitatem mutu-
entur.

Enimverò nemo Rationis compos, unquam XXXIV.
ambiget, quin Miracula à Christo patrata
sint, quandoquidem non illius modo Discipu-
li, & qui illius præceptis imbuti sunt; ve-
rùm etiam pertinaciores ejus Hostes, id te-
stentur, id probent. Pilatus, referente
Tertulliano, prodigia, quæ in Christi morte
contigere, ad Tiberium Imperatorem trans-
misit, quibus commoti Cæsares, ita in Chri-
stum affecti sunt, ut eum proprio instinctu
fuissent venerati, si servata dignitate, Reli-
gionem Christianam amplecti licuisset. Pu-
blius Lentulus ex Judæa Romam reversus,
publica oratione coram senatu, quæ spectā-
verat, retulit; Jesum Christum nempe plu-
res Mortuos in vitam postliminio revocasse,
atque omnia Morborum genera curasse. Imò
Christus ipse Judæorum incredulitatem im-
probans, & de sua Divinitate testimonium
perhibens: Si opera, inquit, non fecissem in
eis, quæ nemo alius fecit, peccatum non ha-
berent. Sic ut de miraculorum veritate pla-
nè constet; nec nisi cum contumacia possit
de illis dubitari.

At qui morborum insultus propulsantur? XXXV.
Qui lethalis infirmitas evanescit? Qui vi-
ta defuncti priori lumine restituuntur, si
nullum extat numen, quod naturæ emineat,
& ejus potestatem superet? Rem Nicodemus
attigit, dum Christi virtutem admiratus,
C Scimus.

Scimus, ait, quia à Deo venisti Magister; nemo enim potest hæc signa facere, quæ tu facis, nisi fuerit Deus cum eo. Nam cum miracula ad Causas naturales referri nequeant, earumque effluxum præterlabuntur, quicquam Divini intervenire necessum est, ubi Natura vis infertur, & ordinati Rerum motus perturbantur.

XXXVL

Vestra sortis misereor, Athei, nec minùs vos phreneticos, quàm amentes esse censeo, ni Rerum omnium Opificem agnoscatís, qui æquo jure virtutem remuneret, & scelus ulciscatur. Nam quid monstro similis videtur, quàm quòd Iniquus in hoc mundo vitam impunè traducat, malitiæque suæ præmium fortitur; Justus autem penè omnibus vilis fiat, & vix aut nunquam innocentia suæ mercedem assequatur: Etenim si Deus non est, ubi perversorum coercitio, aut supplicium? Ubi Bonorum retributio, & dignus laboribus fructus? Si verò Deus adest, qui jus dicat, & cuique pro meritis præmium, aut pœnā decernat, heu vos miseros, qui ejus majestatem spreveritis, violaveritis præcepta, offuscaveritis gloriam, fidem prodidistis, & prius creditum abjurastis. Quid vobis infelicius, si quicquam vestri post hanc vitam remanet? Fortè in nihilum redigemini; at quid si superstites? Quid si in irati numinis manus incidatis? An non aliter Homines, quàm bruta Animantia spirare fingitis? Sic Anima vestra extinguuntur, ut à morte quicquam vestri reliquum non sit?

Verum

*Verum quid si Hominis mens aterna sit?
Quid si nunquam sit interitura? Imò &
Corpus ipsam aliquando sit integritati resti-
tuendum?*

*Cum neutrum vobis certò constet, dubitque XXXVII.
hæreatis, mortalesne sint Anima vestra, an
interitus expertes, annon suadet Ratio, ut
viam securiorem ineatis, & Deum potius esse,
quàm non esse contendatis? Quippe si Deus
est, summum Bonum assecuti estis; si non est,
certe nullius rei jacturâ facitis? Quid autem
furorî proximius, quàm omnem futura felici-
tatis spem abjicere, & se aterna calamitatis
discrimini exponere. Scitote igitur, quicum-
que estis Athei, immortalem esse Hominem,
& ad Dei imaginem & similitudinem condi-
tum. Quod si Homo Dei imaginem refert,
ejusque similitudinem exprimit, eandem tuot
origine sua naturam consequi necessum est,
atque Eternitatis fore consortem. Piaculum
enim est, id caducum ac mortale statuere, quad
à Dei substantia prodiit, quodque à Divina
mente Homini est inspiratum.*

*Plura in hujus Argumenti evidentiâ addu- XXXVIII.
cerem, nî præfationis limites transgredi vere-
rer, nonnullosque suspicio subiret, me id ex pro-
posito suscepisse, quod sanè non nisi Animi im-
petu aggressus sum; monere vos, Athei, volui,
non rationibus vincere. Quippè si assertam
Numinis majestatem cernere cupiatis, si ma-
crocosmi Dominum, & microcosmi Opificem
mentis Oculis contemplari animus est, Cla-*

riſſimus Parkerus, Author Diſputationum de Deo & Providentia Divina perluſtrandus eſt. Is enim detecta primùm impietatis origine, validis adeò Rationibus Deum eſſe à Rerum Finibus, à mundi productione, à generis Humani ortu, & Corporis Humani ſtructura oſtendit, ut tantum non demonſtret. Sed quia Diſputatione ſexta, quam contra Scepticorum, & Academicorum diſciplinam, atque Metaphyſicas Carteſii meditationes inſtituit, celeberrimi huius Philoſophi Rationes ad Dei exiſtentiam probandam, expugnare molitur, muneris mei eſſe duxi, tanti viri Doctrinam in ſuis meditationibus traditam defendere, & Rationes, quibus ad Numinis exiſtentiam demonſtrandam utitur, ab omni ſeu Erroris, ſeu Imbecillitatis ſuſpicionem, pro Ingeniũ mei modulo vindicare ac tueri.

XXXIX

Et quoniam Eximius Theologus, via, quam iniit Carteſius, de Rebus omnibus ambigendi, imprimis adverſatur, aſſenſusque ſuſtinendi argumenta propugnat; nonnulla de Scepticorũ Dubitatione præſatus, Carteſiana Dubitationis utilitatem oſtendo, quæ in eo ſita eſt, ut à præiudiciis liberemur, & mentem à ſenſibus, quibus in Rerum cognitione comparanda tanto perè diſtrahimur, abducamus. Mox laudato clariffimi Philoſophi inſtituto, in Propoſitionibus Mathematicis quoque in ambiguo ponendis, donec, per explorata principia, earum Veritas certò innotefcat, ad primum, & inexpugnabile omnis ſcientiæ principium enucleandum

dum transeo, quod meritò pro Criterio, & indubitata vera cognitionis nota, ab omnibus habendum est. Facto hoc primæ Philosophiæ fundamento, nihil mihi facilius visum est, quàm discrimen inter Mentem & Corpus statuere, & cogitationem soli menti asserere.

Ceterùm cum Humana mens inter alias plurimas, quæ illi occurrunt, Ideas, Dei, seu Entis summè perfecti Ideam in se reperiatur, ritè inferitur, hujusmodi notionem nobis esse ingentam, hoc est, non à sensibus haustam, neque imaginationis opera, Intellectui representatam. Hinc etsi Deus Infinitus sit, nullisque limitibus coerceatur, nihil tamen obest, quin à nobis apprehendatur, quamvis comprehendi, seu per Infinitum conceptum exhiberi refugiat. Infiniti enim notio, ut vera habeatur, nequaquam comprehendi debet, quoniam formalis Infiniti ratio incomprehensibilitatem complectitur.

XL.

Denum Dei existentiam ex ejus natura ac essentia clarè deduci contendo, quod non ex Argumentis modò, sed ex ipsis Responsionibus ad Objectiones factis manifestum esse arbitror. Ut mihi securius consulerem, Cartesii Rationes ubique adhibeo, imò ejus verbis magis quàm propriis non rarò utor, ut Lectori perspicuè appareat, quicquam adhuc contra ejus Doctrinam excogitatum non fuisse, ad quod prius non ipse responderit, aut quod illi opponi posset, non præviderit.

XLI.



APOLOGIA

PRO

CARTESIO.

Caput Primum.

Cur non nisi pauci Cartesii principia, & deductas ex eis Veritates percipiunt.

I.
*Magni
apud quos-
dam Ho-
mines
Antiqui-
tatis esti-
matio.*

A Deo Antiquitatis gloria apud nonnullos Mortalium invaluit, tantamque in eorum Animis nacta est potestatem, ut Neoterica quæque inventa respuant, nihilque quod ipsi prosequantur, dignum autumant; quod ipsius Vetustatis authoritatem non adsciscit, & in sui assertionem, primorum Hominum canitiem non vendicat. Hinc *Novas* omnes Opiniones aspernantur, nihilque verum esse existimant nisi quod ab *Aristotele*, *Platone*, aut ipso etiam *Epicuro* traditum recipimus. Nihil præmonuisse juvat, eam esse veritatis indolem, ut præscribi nequeat, & non minus Temporum intervallum, quam Regionum privilegia supergrediatur; ipsis nunquam non suspecta est, nisi veterum suffragiis stabilitur, & posterioribus seculis emineat. Audaciam

ciam enim esse ducunt à communi Homi-
num *sensu* discedere, & singularitatis titulum,
natis apud nos inventis, aucupari. Nam ac
si apud priscos solos recondita foret veritas,
& in eorum penetralibus occultaretur, non
nisi ex ipsis eruendam esse pronuntiant, à
quibus jus mutuatur, & præscribendi vim ob-
tinet: quemadmodum *Tertullianus* de ve-
tustissima Philosophorum doctrina *Libro*
de Animo, *Cap. 2. differt*: *Magis dicendo*
persuadens, quàm docendo; *Leges Natura*
opinionem suas facit, omnia præscribit.

Huic *Tertulliani* Opinioni impenitè favet II.
Eruditissimus Doctor, adversus quem Apo- *Quid Sa-*
logiam pro Cartesio molior: Quippe *Dispu-* *muelens*
tatione sexta Libri sui (de Deo, & provi- *Parkerum*
dentia Divina) *in qua contra Scepticorum* *moverit*
& Academicorum Disciplinam, potissimum *adscriben-*
Ciceronis de Questionibus Academicis Li- *dum con-*
bros, & Cartesii Meditationes Metaphy- *tra Carte-*
sicas disputat, postquam in superbum quod- *sium,*
dam, procax, & fastidiosum Hominum ge-
nus, uti loquitur, invecus est, qui omnem
Scientiæ *rationem* summa cum petulantia as-
pernantur, quique scientias malè fundatas
esse, ac proinde à novis principiis inchoan-
das esse clamitant, in Cartesium demum im-
pingit, quem licet summo Ingenii acumine
prælituisse, & plurima in *Geometria* adinve-
nisse fateatur, quæ ipsi ingentem famam,
immortalitatemque conciliarunt: Illi tamē
succensere videtur, quod tantum ausus est,

atque Scientiarum fines provehere, non sat laudi duxerit, *nisi & nova omnium fundamenta jaceret.* Verum, quid, si quod aggreffus est Cartesius, egerit, quid si peregerit? an propterea superbiæ, aut procacitatis infimulandus est?

III.

Scientiarum
et
Artium
Conditores
semper ho-
nor sequi-
tur.

VIDEO undique apud priscos Authores Artium, & Disciplinarum Inventores maxime laudari, & tanquam sui ævi aut præsidia, aut decora à posteris haberi. VIDEO Gallos (si Cæsari Libro sexto de Bello Gallico habenda fides est) *Mercurium* quondam inter Deos coluisse, quod Scientiarum Conditor duceretur, ac eas Artes in Mundum introduxisset, quibus humanæ Vitæ *felicitas* stat, atque tam Animi, quam Corporis bonis consulitur. VIDEO *Athenienses* apud *Diodorum* Libro primo ver. Antiq. cap. 2. legem ab *Ægyptiis* mutuasse, quâ primum Nobilitatis gradum iis assignant, qui cæteris Doctrina eminent, aut novarum Artium inventores comprobantur. VIDEO in sacris Codicibus Genes. 11. quod licet scæminarum nomina subdiceantur, dum Hominum propages enumerantur, *Noemæ* ob Artis præstantiam, mentionem fieri, quæ lanificium, & pannum texere docuit, cum antea Homines pellibus uterentur, & se solis Animalium exuviis, ab Aeris intemperie vendicarent. Honor Scientiæ & Artis individuus semper comes fuit, & inseparabile ab earum Authoribus præmium.

Artes

*Artes nutrit honos, excelsæque indolis esca
est Gloria. ----*

Si ita se res semper habuit, annon merito quispiam inquireret, quorsum igitur Cartesius, quem & seculi nostri Ornamentum, & Philosophiæ Restauratorem appellant, à nonnullis deprimatur, eique temeritati vertatur, quòd novam Philosophandi rationem intulerit, atque alia principia, quibus veritas indagetur, invenerit? Si nova repentinam Animo commotionem causantur, sive Admirationem in nobis pariunt, cur apud quosdam Cartesii Doctrina vilescit? Causam profert vir eximius Sectione prima præfatæ Disputationis: *Inter recentiores autem alius nemo majori aut sui fiducia, aut aliorum applausu quàm Cartesius, omnium Scientiarum inventionem sibi arripuisse visus est.* En Cartesii crimen, en causa odii, quòd miserimam Philosophiæ sortem miseratus, à communi ac trita Scientias tradendi Methodo recesserit, & novam de rebus differendi viam sit ingressus. At tantum Scientiarum fundamenta reperisse *visus est*, siccinè? Quid si quod molitus est, præstiterit? Atque id præsticisse, testantur plurimi & doctrina, & ingenii acumine celeberrimi Viri, qui extractas ex ejus *principiis* Demonstrationes non solum exosculantur, sed eas Geometricis haud inferiores agnoscunt.

IV.

Cur à quibusdam Cartesius, ut par est, non aestimatur.

V.

Præclarorum Virorum de Cartesio

Sic testatur Author præfationis ad principia Philosophiæ More Geometrico demon-

stratæ: testimonia;

stratæ : Alii (Philosophi) jam receptam, & in Scholis doceri solitam, alii novam proprio Marte adinventam, istam in ordinem rede-
 gerunt Philosophiam, atque orbi literario propinarunt. Et quamvis diu multisque labor iste irritò successu susceptus fuerit, exortum tamen fuit tandem splendidissimum illud seculi nostri Jubar Renatus des Cartes, qui postquam in Mathesi quicquid Veteribus inaccessum fuerat, quidquid insuper à coetaneis suis desiderari posset, nova Methodo tenebris in lucem protraxerat, Philosophiæ fundamenta incussa eruit, quibus plurimas veritates ordine ac certitudine Mathematica superstrui posse, & ipse revera demonstravit, & omnibus, qui illius scriptis nunquam satis laudandis animum sedulo applicuerunt, luce meridiana clarius apparet. Unde haud immeritò Henricus Morus, illustris apud Cantabrigienses Philosophus Theologus, Epistola ad Dominum Descartes, sic eum alloquitur : Omnes quotquot extiterunt, aut etiam existunt Arcanorum Natura Antistites, si ad magnificam tuam indolem comparentur, pumilos planè videri ac pygmaeos : meque cum vel unica vice evolvissem lucubrationes tuas Philosophicas, suspicatum esse, illustrissimam tuam disciplinam, Serenissimam principem Elizabetham, universis Europæis, non feminis solum, sed viris, etiam Philosophis, longè evasisse sapientio-
 tiorem. Quod mox evidentius deprehendi-

cum

sum in ceperim scripta tua paulò penitus rimari & intelligere.

IMO si ipigentem eorum numerum spectes, qui Cartesianam Doctrinam secuti sunt, idem ipsis contigisse reperiēs, quod sui seculi Philosophis ac Mathematicis primum evenisse *Galileus* dialog. 2. Syst. Cosin. meminit, quod in Copernicanæ Hypotheseos assertoribus cottidiana adhuc experientia edocemur, illorum neminem unquam reperi-
tum esse, qui non prius adversam *Ptolemæi* can Opinionem amplexus sit, adeoque pers-
pectissimas *Ptolemæi* & *Aristotelis* rationes habuerit: cum è contrario nemo *Ptole-*
mæum *Aristotelem*que sequatur, qui *Coper-*
nici partes antea tutatus est, eoque spreto
in *Aristotelis* castra pedem intulerit. Quo
Argumento facile ad credendum adduci pos-
sumus, illos, qui Veterum Philosophiam de-
seruerunt, ut *Cartesii* vestigiis inhærerent,
evidentissimis ac urgentissimis rationibus
fuisse ad id impulsos.

SI scisciteris, quamobrem igitur tam per-
spicue rationes, cæteris aliis pari modo non
manifestantur? Cur nonnullos fugiunt, qui
iis intelligendis summam etiam adhibuere
operam? Ad hanc tuam Cupiditatem facient
Cartesii verba Epistolæ Dedicatoriæ ad sa-
cræ Facultatem Theologicam Parisiensem.
Quamvis certas & evidentes illas putem, non
tamen ideo mihi persuadeo, ad omnium
captum esse accominodatas. Sed quemad-
modum

VI.

Qui Car-
tesii do-
ctrinam
semel am-
plexi sunt,
eam sem-
per tueren-
tur.

VII.

Cur Carte-
sii rationes
Metaphy-
sica non ab
omnibus
percipiunt-
tur.

modum in *Geometria* multæ sunt ab *Archimede*, *Apollonio*, *Pappo*, aliisve scriptæ, quæ etsi pro evidentibus etiam ac certis ab omnibus habeantur, quia nempe nihil plane continent, quod seorsim spectatum non sit cognitu facillimum, nihilque in quo sequentia cum *antecedentibus* non accuratè cohæreant, quia tamen longiusculæ sunt, & valdè attentum Lectorem desiderant, non nisi ab admodum paucis intelliguntur: Ita quamvis eas, quibus hic utor, certitudine, & evidentia *Geometricas* æquare, vel etiam superare existimem, vereor tamen ne à multis satis percipi non possunt, tum quia etiam *Longiusculæ* sunt, & aliæ ab aliis pendent: tum præcipuè, quia requirunt Mentem à præjudiciis planè liberam, & quæ seipsam a Sensuum consortio faciliè subducatur.

VIII.

Unde pauci
sint studiosi
Metaphysicis
idonei.

Nec certè plures in Mundo, Metaphysicis studiis, quàm Geometricis apti reperiuntur: Ac præterea in eo differentia est, quòd in *Geometria*, cum omnibus sit persuasum, nihil scribi solere, de quo certa Demonstratio non habeatur, sæpius in eo peccant imperiti, quòd falsa approbent, dum ea videri volunt intelligere, quàm quòd vera refutent. Contra verò in *Philosophia*, cum credatur nihil esse, de quo non possit in utramque partem disputari, pauci Veritatem investigant, & multò plures ex eo, quòd a sint optima quæque impugnare, ingenii famam aucupantur. Quis enim nescit, plurimos

con-

contradicendi *impetu* arripi; atque illis veritatibus adversari, quas alii amplectuntur ac defendunt? Ut mobili & inquieta Mente gaudent, nullis limitibus coercentur & cogitationes suas non minus in *ignota*, quam nota dimittunt. Se ad veritatem inquirendam se genitos esse jactitant, quam ritè venari arbitrantur, si in utramque partem rationes proferant, aut nullius Sensui adstringantur. Quisque vult, Doctrina præstare, & gloriosum existimat, pro veritatis decore decertare. Nam ut præclarè scribit *Martialis*.

*Divitias & opes frequens donabit Amicus
Qui vult ingenio cedere, rarus erit.*

UNDE quamvis certa ac evidentiâ sint, quæ Cartesius stabilivit *principia*, & quas ex eis deducit veritates, *Geometricis* non cedant; quia tamen multa à teneris annis hausimus præjudicia, quibus nos exuere Adulti ægrè possumus; oritur, ut non nisi valde attentis, & Mentem à rebus corporeis avocantibus ad amussim cognoscantur. Eam ob causam Responsione ad secundas Objectiones palam profitetur, nullum illi cum iis esse Negotium, qui cum ipso rem attentè non considerant, ac sedulo meditari recusabunt. Et hujus propositi causa, ex eo potissimum elucescit; quòd cum inter illa, quæ proponit, summa de omnibus *Dubitatio* contineatur, nihilque magis comendet, quam ut singula diligentissimè circumspician-

IX.

*Mens à
sensibus
avocanda,
ad res Me-
taphysicas
intelligenda.*

spiciantur, nihilque prorsus admittatur, nisi quod tam clarè & distinctè fuerit perspetum, ut non possimus ei non assentiri: Et è contra non alia sint, à quibus *Lectorum* animos avocare cupiat, quàm ea, quæ nunquam satis examinarunt, nec ab ulla firma *ratione*, sed Sensibus solis hauserunt, non putat quemquam credere posse, in majore se errandi periculo futurum, si ea, quæ ei proponit sola consideret, quàm si ab his mentem revocet, & ad alia, quæ ipsis aliquo modo adversantur, tenebrasque affundunt (hoc est ad præjudicia Sensuum) illam convertat.

X.

Qui verisimilitudine contenti sunt, de Veritate comparanda non sunt solliciti.

ALIA etiam causa est, cur quidam observatam in *Cartesii* Meditationibus Methodum declinent, & concatenatas veritates fugiant; quod Rerum verisimilitudine contenti, de omnibus differere affectant, parum de veritate comparanda solliciti, modò famam aliquam sibi concilient. Nam cum facilè, citraque magnum laborem, veri species in Rebus deprehendatur, & in omni propemodum materia occurrat, à veritatis, quàm reconditam putant, investigatione abstinent, quæ in quibusdam paulatim duntaxat detegitur, & non nisi enixè meditantibus se manifestat. *Analysis* autem, quam solam in suis Meditationibus *Cartesius* sequitur, veram viam ostendit, per quam res Methodicè, & tanquam à priori inventa est, adeò ut, si lector illam sequi velit, atque ad omnia satis attendere, rem non minus perfectè intelli-

get,

get, suamque reddet, quàm si illam ipsemet invenisset. Nihil autem habet, quo Lectorem minùs attentum, aut repugnantem ad credendum impellat. Nam si vel minimum quid ex iis, quæ proponit, non advertatur, ejus *Conclusionum* necessitas non apparet, sæpeque multa vix attingit, quia satis attendenti perspicua sunt, quæ tamen præcipuè sunt advertenda.

HINC Philosophus in *præfatione* ad Lectorem, apertè insinuat, se nemini Authorem esse velle, ut Primæ suæ Philosophiæ initia legant, nisi iis, qui seriò cum illo meditari, mentemque à Sensibus, simulque ab omnibus præjudiciis abducere poterunt, ac volent, sed quales non nisi admodum paucos reperiri sat manifestum habet.

XI.

*A quibus
suis Me-
ditationes
legi oportet
Cartesius.*

QVOD igitur nonnulli, non ea, qua par est, humanitate, *Cartesium* aggrediantur, non tam id eorum malitiæ, quam ignorantix tribuendum censeo, ortumque inde arbitror, quod acutissimi Scriptoris Methodum, & rationes non calleant; vel satis Ingenii non habentes; vel satis Temporis ad eas discutiendas sumere detrectantes. Quippe non trita & vulgari *via* Philosophus, ut jam dixi, procedit, sed insolita Philosophandi ratione utitur, à rebus scilicet sub sensum & phantasiam non cadentibus, quibus humanus Intellectus totus immergitur, Animum suum abstrahit, profundissimarum Demonstrationum nexum brevissimo sæpe verbo,

XII.

*Cartesii
adversarii
non tam
malitiosi
sunt quàm
ignari.*

verborum gyro, ut *Mathematicus* constrin-
git. Odit enim profanum vulgus & arcet, qui
præjudicatis Opinionibus adhærentes, serio
meditari secum aut non possunt, aut non
volunt.

XIII. NON tamen inde inferendum est, *Phi-*
Cartesi *losophum* rectius facturum fuisse, si ab iis scri-
meditatio- bendis abstinuisset, à quibus legendis, per-
nes etsi ab multi abstinere debent; quippè ea, quæ in
omnibus *prima Mediatione* atque etiam in reliquis
non capi- continentur, tam necessaria esse existimat,
antur, non ut sine ipsis, nihil unquam firmum & sta-
ab eis scri- bile in Philosophia statui posse sibi persua-
bendis ab- deat. Nam quamvis ignis & ferrum ab
stinere de- imprudentibus, aut pueris, sine periculo
buit. non tractentur, quia tamen ad vitam utilia
sunt, nemo est, qui putet idcirco ipsis esse
carendum.

CAPUT SECUNDUM.

*Quid Sceptici, quidque docuerint, & an
inter illos sit Cartesius numerandus.*

I. *D. Parke-*
rius Scep-
tici Car-
tesium an-
numeras,
HAVD satis mirari queo, quo pacto
Cartesius, quem Dogmaticum tota
Eruditorum turba agnoscit, & qui
rationes suas pro certissimis & evi-
dentissimis proponit, à Clarissimo Doctore,
pro *Sceptico* haberi possit, & inter eos re-
cenferi, qui de rebus quibuslibet propositis
assensum continent, nihilque adeo pronun-
tiant. Nam ubi tredecim Sectiones Dispu-
tatio-

tationis suæ Sextæ in Pyrrhonorum & Academicorum repudianda Opinione impendisset, demum Decimam quintam hoc modo adoritur: *Jam verò cum qua lenitate suscepta sit veterum Scepticorum disciplina demonstraverimus, nihil opinor opus est ut ipsam eandem levitatem propter unum Cartesium nunc iterum reprehendamus.* Quasi verò Scepticorum sententiæ Philosophus accedat, & per omnia eos æmuletur.

QUALIS igitur fuerit *Cartesius*, & quos II.
potissimum ex Antiquis sequatur, liquidius *Tres Philosophorū*
apparebit, si in mentem revocemus tres *secta inter*
quondam inter *Græcos* fuisse Philosophandi rationes; Dogmatica, Acataleptica, & Sceptica. *veteres.*

DOGMA TICI Philosophi appellati sunt, III.
qui Rerum naturas se nosse profitentur, rationesque autumant quas se adinvenisse jactant *Dogmatici.*
Opiniones. Hinc secundum nominis etymologiam, placita, seu *Decreta* proferunt, quibus, rebus quas examinandas suscipiunt, firmitatem conciliant.

ACATALEPTICI dicuntur, qui de humani ingenii viribus nimium diffidentes, aut *Acataleptici.*
Naturæ producta nimis abstrusa, aut conceptu impossibilia arbitrati, non quicquam veri reperiri posse mordicus statuunt, sed veluti Res omnes tenebris involverentur, Mentis humanæ aciem fugere, aut saltem nequaquam posse comprehendendi.

V.
Sceptici.

SCEPTICI via media incedebant, utriusque Sectæ participes. Quippe neque verum adhuc inventum esse decernunt, nec quid nequaquam inveniri, comprehendique minimè possit, deliberant: sed veluti suspensi assensum cohibent, sententiamque sustinent, quamvis veritatem inquirant, aut ejus contemplationi sedulò incumbant. Unde cum illis argumentum propositum fuisset, quo humana libertas stabiliebatur, & cui respondendo impares se agnoscebant, illorum causam egit *Sextus Empiricus* his verbis: Cum aliquis rationem nobis adfert, quam destruere non possumus, illi dicimus, ante natiuitatem ejus, qui sectam, cui se sedit, introduxit, eam rationem, quam Secta ea ipsi prabet, bonam non esse visam, & tamen ea ratio, in rerum natura non desinebat esse, quamvis cognita non esset: sic etiam fieri potest, ut ratio, quæ eam destruit, quam adfert, in rerum natura inveniatur, quamvis nondum cognita sit, atque ideo non oportet cedere rationi, quam adfert, utut fortis etiam hoc tempore præsentì appareat.

VI.
Sceptici EAM ob causam *Ephecti* à Græcis nuncupati sunt, quòd de re qualibet ambigetur à Græcis *Ephecti* appellerent, nullique quantumvis manifestæ ac evidenti assentirentur. *Academici* quidem, quemadmodum *Agellius* libro undecimo, capite ii. Eorum secundo loquitur, Ipsum illud nihil comprehendendi, quasi comprehendant, & nihil posse discerni, quasi non decernant. *Pyrrhænei* autem
tem

tem, ne id quidem ullo pacto videri verum dicunt, quod nihil esse verum videatur. Nam constat Scepticos à Pyrrhone Eliensi nomen habuisse, à quo hoc Philosophandi institutum potissimum prognatum est, & dubitandi, deliberandique Methodus emanavit. Non incelebres habuit Pyrrho Discipulos; *Nausiphanem Teium, Timonem Phliasum, Hecatonem Abderidem, Philonem Naucidem, Eurilochum*, & quam plurimos alios, qui etsi abstrusa omnia esse assererent, & toti in evertendis aliorum Dogmatibus occuparentur, Disciplinæ tamen formam conscribere, quam velut legem ac Sectam posterii haberent, ac sequerentur. Ex iis jam nominatus, *Sextus Empericus* eminet. Plutarchi nepos, & quem tanti fecisse Marcus Antoninus fertur, ut cum illo jus diceret, cum jam Senex factus consuleret, atque in Rebus difficillimis, ejus sententiam amplecteretur.

PRÆCIPUA hujus Sectæ effata sunt: VII.

Quòd omni Orationi, aliæ æqualis ponderis, sive momenti orationes opponantur. *Præcipua Scepticorum Dogmata.*
 Quòd omnia, quæ sub Sensum, aut Intellectum cadunt, sunt indefinita, hoc est, quantum ego capio, pro eo quod est, sibi videri.
 Quòd Aliquid magis unum non est, quam aliud, ac proinde non magis uni propositioni assentiendum esse, quam alteri.

VIII.

*Secun-
dum Scep-
ticos natu-
ra rerum
non co-
gnoscun-
tur.*

SCEPTICI rerum quidem species, five apparentias admittunt, verum tales in seip-
sis esse inficiantur; quales Sensu deprehen-
duntur. Unde si Scepticum quis interroget,
an exempli causa, *Sol* splendescat, aut *Sac-
charum* dulcedine imbuatur, illico ita sibi
videri reponet. Sed cum ea, quæ in rebus
Sensu deteguntur, externa duntaxat adjun-
cta sint, & non nisi organa afficiant, ratio-
ne discerni non posse asseverabit, an intima
Sacchari & *Solis* natura, talis sit revera ejus-
modi, quandoquidem certis Hominibus,
temperamenti vitio, aliter videatur. Ad
eum prorsus modum *Sceptici* in Ethicis lo-
quuntur, quippe nihil à Natura pulchrum
esse, aut deforme, nihil justum, aut inju-
stum esse affirmant; ac proinde circa om-
nia dubii & ancipites, nihil determinant,
imò ne id quidem se determinare abnuunt.

IX.

*Quomodo
intelligen-
di Sceptici,
dum di-
cunt, se
nihil defi-
nire.*

UNDE cum Scepticus pronuntiat, *Nihil
asserto, nihil definio, nihil determino*; non
sic intelligendus est, quasi assereret, defi-
niret, aut determinaret se nihil asserere, de-
finire, aut determinare; sed veluti diceret,
adeò vacillantis nunc sum animi, ut nihil
eorum, quæ proponuntur, quicquam dog-
maticè affirmem, aut inficiar. Uti de *Arce-
sila*, qui mediæ Academiæ conditor fuit, Ro-
manus Orator testatur 1º. Acad. q. *Arcesilas*,
inquit, negat esse quicquam, quod sciri pos-
sit, ne illud quidem ipsum, quod Socrates sibi
reliquisset. Sic omnia latere censebat in oc-
culto,

culto, neque esse quicquam, quod cerni aut intelligi possit. Quibus de causis nihil oportere neque profiteri, neque affirmare quemquam neque assensione approbare: cohibereque semper, & ab omni lapsu continere temeritate. Quæ cum esset, insignis, tum aut falsa aut incognita res approbaretur. Neque hoc quicquam esse turpius, quàm cognitioni & perceptioni assensionem approbationemque præcurrere. Huic rationi quod erat consentaneum; faciebat, ut contra omnium sententias dies jam plerosque diceret. Ut cum in eadem re paria contrariis in partibus momenta rationum invenirentur, facilius ab utraque parte assensio sustineretur.

Hæc obiter de Scepticis, eorumque Effatis dicta sunt. Examinandum superest, X.
 num Cartesius in suis de prima Philosophia Censet
 meditationibus, Scepticorum institutum se- Parkerus
 cutus fuerit; nam id illi vir clarissimus ini- Cartesium
 tio Sectionis decimæ quintæ impropere vi- cum Scep-
 detur. tici con-
Quæ enim assensus sustinendi argu-
menta ipse (Cartesius) attulit, nisi quæ ipsi
(Sceptici) prius attulerunt; se nimirum aut
insanire aut semper somniare posse; quibus
quid inter priscos magis tritum, quid sæpius
repetitum legimus? venire.

FATEOR equidem Philosophum, XI.
 tationem suæ, & aliorum Scientiæ præferri Vindica-
 voluisse, ac proinde Causas in prima medi- tur Car-
 tatione exposuisse, propter quas de Rebus tesius à
 omnibus ambigere liceat. At quo fine? quo Sceptis-
pro- mo.

proposito id aggressus est? Non ut ipsa *Epoché*, seu dubitatione gradum sisteret, quemadmodum fecere Sceptici, qui authore *Gellio*, nihil decernunt, nihil constituunt; sed in quærendo semper considerandoque, quidnam sit omnium rerum, de qua decerni constituique possit. Verum, ut per *Dubitationem*, viam facillimam sterneret, ad Mentem à Sensibus avocandam, ac de iis, quæ postmodum vera esse deprehenduntur, in dubium amplius vocari non queant. Prout insignem Philosophum decet, veteres ac incertas opiniones exuit, ut novas & irrefragabiles sententias stabiliat, ac ita ab Erroribus, quibus ab ineunte ætate imbutus fuerat, se liberaret, ut demum aliquid firmum in Scientiis constitueret ac moliretur. An sic assensum cohibuere Sceptici? An ita mentem in libertatem asseruere, ut an indubiam & infallibilem veri cognitionem pertingerent? Imo potius de nulla re ullum unquam iudicium ferebant, assequi desperantes, quod tantopere prosequiebantur; uno verbo, semper dubitabant, ut ad verum, aut falsum nunquam pervenirent.

XII. Et ut Res, de qua sic agitur, extra omnem *Quadam* controversiam constitutatur, quis *Cartesii* non Dogmaticum agnoscit, ubi tam serio, *Decreta*, tantaque cum animi deliberatione asserentem videt, nobis de Rerum evidentia constare, *quibus* atq; nullatenus, errori esse obnoxios, ubi *ostenditur* perspicuè & distinctè rem percipimus; nos *Scepticum* non fuisse, non

non casu, & cœcæ fortunæ impetu natos esse, sed à Deo, tanquam communi omnium Conditori prognatos.

1.

SUBSTANTIAM esse, quæ propria virtute existit, ac proinde Deo & Creaturis non pari ratione, sive uni voce, ut loquuntur *Dialectici*, convenire. Rei autem corporeæ, seu materiali, & Menti creatæ univocè competere.

2.

SUBSTANTIAM, cui inest immediatè Cogitatio, *Mentem* vocari, & Substantiam, quæ est immediatum extensionis subjectum, & Accidentium, quæ extensionem præsupponunt, ut figuræ, situs, motus localis, &c. vocari *Corpus*. Et quemadmodum localis motus, situs, figura, modi sunt Corporis; Ita puram Intellectionem, Imaginationem Sensum modos esse rei Cogitantis.

3.

DUPPLICEM esse Imaginationem, Corpoream, & Incorpoream; *illam* cerebri ministerio exerceri, *hanc* autem citra illius opem, mentem nostram exerere.

4.

SUBSTANTIÆ Cogitantis *Voluntatem*, voluntariè quidem & liberè (hoc enim est de Voluntatis essentia) ferri, sed nihilominus Infallibiliter in Bonum sibi clarè cognitum: ac proindè libero nos pollere arbitrio, in cuius usu verò generositas posita est.

5.

IN omnis Rei Idea, sine conceptu, *existentiam* contineri, quia nihil concipere valemus, nisi sub ratione existentis; sic ut possibilis, seu *contingens* existentia, in Rei limi-

6.

tatæ conceptu continetur, sed *necessaria* & perfecta in conceptu eritis summè perfecti.

7.

QUASDAM Ideas menti nostræ occurrere; non à Sensibus haustas, aut aliarum ope in nobis genitas, sed à Deo per se, & immediatè mentibus nostris impressas, quas *innatas*; communelque Rerum Ideas appellamus.

XIII.
Ue Cartesius à Scepticis differat.

Quæ omnia Decreta, satis indicant Cartesium à Scepticorum opinione prorsus dissentire, & eo fine de Rebus ambegisse, ut ad solidam Sapientiam obtinendam se compararet. Sceptici autem, quemadmodum observavit Lactantius lib. 3. de falsa Sapientia cap. 27. quasi furibundi exiliunt, & exclamant, se cæcos esse & excordes. Hinc ex hac desperatione, natam esse *Socratis* Disciplinam existimat, in qua Ignoratio & discitur, & docetur: Nec illos, qui Scientiam sibi assumpserunt; id ipsum, quod se scire putabant, constanter defendere potuisse. Qui, quoniam ratio illis non quadrabat, per ignorance[m] Rerum Divinarum tam varii, tam incerti fuerunt, sibi que sæpè contraria differentes, ut quid sentirent, quid vellent, statuere ac dijudicare non possis. An par sit in *Cartesio*, ac Scepticis dubitandi ratio, id judicent, quorum Mens non ita in æquilibrio posita est, quàm rationum ponderibus deprimi queat.

CAPUT TERTIUM,

Omnes propemodum Philosophi, à Dubitatione ad veritatis inquisitionem processerunt.

QUAMVIS Dubitatio Scientiæ ad-
versari videatur, & veritatis in-
quisitionem præpedire; non tamen
Cognitionis penitus expers est, *I. Dubita-
tio omni-
bus fermò
Philoso-
phis com-
munis.*
imo nequaquam nosse quis dicendus est, qui
prius non dubitaverit. Ab hac enim Philo-
sophandi Methodo, omnes penè prisci Do-
ctrinæ viam inierunt, se ad Rerum eviden-
tiam ac certitudinem faciliè perventuros ar-
bitrati, si cum novis Rebus quasi modò nas-
centes, ut loquitur Cicero, *hesitarent*, &
tamdiu suspensos tenerent animos, donec ad
veri falsique judicium, perfectioribus Cogi-
tationibus pervenirent. Nam cum omnis
cognitio, uti Cicero differit. 4. Acad. q. mul-
tis sit obstricta difficultatibus, eaque sit &
in ipsis Rebus obscuritas, & in Judiciis no-
stris infirmitas, non sine causa & Doctissimi
& Antiquissimi invenire se posse, quod cu-
perent, diffisi sunt.

SOCRATES qui *Platonem* pro discipulo *II.*
habuit, & cui suam differendi rationem im-
pertitus est, inter Philosophandum dubitasse
fertur; cui peculiare fuit, nihil quicquam
de Rebus propositis statuere: sed percontari,
interrogare, & quodam respondendi ri-
tu, sermonem moderari, ac refutare. *Sic sus est,
ita*

ita loquentem *Plato* in *Menone* introducit: Non ego certa explorataque rerum cognitione mihi consto, ut eo efficiam, quo alii dubitent: sed potius planè dubitabundus, in eisdem Dubitationis laqueos induco alijs, quoniam Dubitationem præmitti debere existimavit, à qua velut Exordio, Rerum investigatio manat, & proficiscitur. Id apertè *Protarchus* indicat, dum ait, Dubitationem, non disputantis esse scopum, sed ut ad aliquid certi postmodum deveniatur; ac proinde, ut ejus verbis utar, deliberare illum (nempe *Socratem*) ut alio modo Controversia componatur.

III.

Plato dubitandi modum affectat.

Non ab hac procedendi via *Plato* abhorruit, sed Magistri sui vestigijs hærens, ad Scientiæ prolectum, judicium retinuit, ut libratis utrinque Rationum ponderibus, quid eligendum foret, facilius assequeretur. Nam licet dum de Ideis, sive exemplaribus Rerum formis agit, aut Divinam providentiam explicandam aggreditur, Dogmaticus appareat, in pluribus tamen aliis, judicium ampliat, & Dubitantium ritum non in probabilibus tantum, sed & in existentibus imitatur. Quemadmodum testatur *Augustinus* libr. 8. de Civit. Dei cap. 4. *Plato cum magistri sui Socratis, quem fecit in voluminibus suis disputantem, notissimum morem dissimulanda Scientiæ, vel Opinionis sue servare affectat, quia & illi ipse*

ipse mos placuit, factum est, ut etiam ipsius Platonis de Rebus magna sententia non facile perspicui possint.

NAM quid Dubitationi magis favens, & ad exercitatorium characterem magis accedit, quàm nullam certam viam inire, & in Scientiis comparandis quærere, an principiis ad finem potiùs, quàm è diverso à fine ad principia progrediendum sit? Uti apud *Aristotelem* refertur libr. de moribus cap. 2. Rectè enim Plato, & de hoc dubitabat, & quærebat, utrum via à principiis ad finem, & à finibus ad principia duceret. Non tamen vaga omnino, & in incerto constituitur *Platonis* Dubitatio; sed eam ad veritatis inventionem assumebat, quatenus examinatis, quæ in utramque partem, in medium afferuntur, rationibus, aliquid veri statuatur, aut ad illud saltem quàm proximè accedat. Nonne igitur, (*Platonis* ipsius sunt verba in *Epinomide*) hoc maximè fundamento constare videtur hæc nostra de Sapientia dubitatio & inquisitio, & ad hunc finem maximè referri? Quæ quidem amplior afficitur hac spe, quæ singulis inest. In iis vel maximè, qui seipsos, & alios omnis rationis genere prudenter & congruenter explorare possunt, &c.

IV.
Non tamen in Dubitatione hæret, sed ad cognitionem pergit.

CARNEADES, etsi recentis Academiae Conditor, non à priscorum Philosophandi ritu recessit; sed assensum in omnibus coercendum esse ratus, eos plurimum insequ-

V.
Carneades Dubitationem initus est.

batur, qui verum reperiri posse judicarent, & plusquam verisimilitudinem Hominibus obviam fieri arbitrabantur. Quippe sustinebat esse *Rerum ejusmodi dissimilitudines, ut alia probabiles videantur, alia contra.* Id autem non esse satis, cur alia percipi posse dicas, alia non posse. Propter ea quod multa falsa probabilia sint, nihil autem falsi perceptum & cognitum possit esse. Itaque eos vehementer errare asserit, qui dicunt ab *Academia* Sensus eripi. Illud autem non disputatum, non inesse his propriam, quæ nusquam alibi, esset, veri & certi notam: quæ cum exposuisset, adjungit dupliciter dici, assensum sustinere *Sapientem*, uno modo, cum hoc intelligatur, omnino eum rei nulli assentiri: Altero, cum se à respondendo, ut aut approbet quid, aut improbet, sustineat, ut neque neget aliquid, neque ajat.

V.

Dum voluit assensum esse cohibendum,

Id cum ita sit, alterum placere, ut nunquam assentiatur; alterum tenere, ut sequens probabilitatem. Ubique hæc aut occurrat, aut deficiat, aut etiam aut non, respondere possit. Nec ut placeat, eum qui de omnibus rebus continet se ab assentiendo, moveri tamen, & agere aliquod, reliquit ejusmodi visa, quibus ad actionem excitemur. Item ea, quæ interroganti in utramque partem respondere possumus, sequentes tantummodo quod ita visum sit, dum sine assensu, neque tamen omnia ejusmodi vi approbari, sed ea, quæ nulla re impedirentur. Sic Carneadis

neadis mentem explicat *Clitomachus* apud *Ciceronem* l. c. 4. Acad. q. Sed quam *Sextus Empericus* lib. 1^o. *Pyrrh. Hypoth. cap. 33.* fusius aperit.

Quod hæc dubitandi ratio, *Aristoteli* VI. quoque arriserit, & ad probè judicandum *Utilem ac* utilem ac necessariam esse duxerit, ex plu- *necessari-* rimis ejus Scriptis manifestum apparet. Con- *am esse* stat enim hunc Philosophum Topicis Dis- *Dubita-* putationibus delectatum fuisse, & de rebus *tionem* in contrarias partes differendi modum affe- *censuit* ctasse. Quippe nihil frequentius in magnis *Aristote-* ejus voluminibus, quàm hæc verba reperi- *les.* untur: *paulò ante dubitavimus*, aut illa, *dubitaret aliquis*, aut ista, *quid miram habet dubitationem*. Quibus certè sat indicat, à Dubitatione ad causarum notitiam esse per- tingendum, & citra ipsam, non posse ad cer- tam cognitionem perveniri. Sed planius, & velut ex proposito libro primo *Metaphy-* sicorum, capite secundo, circa hanc rem, mentem suam aperit: *Propter Admiratio-* nem, inquit, & nunc, & primò cæperunt *Homines Philosophari*, à principio quidem, admirando ea, quæ de dubitandis faciliora erant. Deinde paulatim ulterius proceden- tes, etiam de majoribus dubitando.

Et certè de *Aristotelis* mente quisquis VII. lecurus esse potest, si ad libri tertii *Meta-* *Quod ex* physicorum inscriptionem attendat, quæ sic *ejus scrip-* habetur: *utilitas Dubitationis*, & de quibus *is meta-* prius dubitare necessum est. Quare nihil *physicis* eviden- *colligitur.*

evidentius ex Philosophi sententia , quàm *Dubitationem* esse necessariò Scientiæ inquisitioni anteponendam , nec unquam veritatis lucem affulgere , ni priùs per examen dubia amoveantur , & pro utraque parte Rationes agitentur ; ne scilicet aliorum sententiis temerè receptis , aut rationibus , quæ eas fulciunt non probè perpensis , eas amplecti , aut opponere videamur. Et hanc fuisse Aristotelis sententiam , declarat *Fonsecra* lib. 3. metaphysic. *Est aliud documentum planè generale , quod docet Aristoteles , non modò initio huiusmodi Scientiarum ; sed etiam particularium tractationum , quibus proposita est rerum difficultium determinatio , à Dubitationibus , initium sumendum esse : nec vel utrumque id faciendum : sed bene , hoc est , diligenter & accuratè , nullaque pro parte dissimulata ratione.* Nam solvere vinculum nemo potest , qui vinculi nodum ignorat. Quare cum nihil aliud sit , rei propositæ difficultates pro utraque parte discutere , quàm vinculorum mentis modos inspicere , (nihil enim aliud sunt Argumenta pro utraque parte , quàm vincula , quibus mens ligatur & impeditur , ne ultra progredi possit) is sanè ad veritatis perceptionem optimè se comparabit , qui de proposita re dubia diligenter & accuratè , pro utraque disputaverit.

VIII.

Necessaria Dubitatione ad verum comparandum.

E diverso , qui à *Dubitatione* abstinent , & Difficultates , quæ in proposita *Quæstione* latent ,

latent, expiscari dedignantur, etsi veritatem nonnunquam nanciscantur, an autem ad Disputationis finem pervenerint, planè ignorant; iis prorsus similes, qui iter ingressi, nesciunt quantum quem destituerunt, ab eo, ad quem tendunt locum, distet, aut quâ ad eum pergendum sit. Quippe licet ad locum, quem meditabantur, appulerint, implicati tamen tenentur, eumne certò attigerint, aut ulterius contendendum sit. Quare cum Dubitatio unica via habeatur, quæ ad veritatem inquirendam ducat, & qua ignorata, ab ea abripimur, tamdiu difficultatibus nobis inhærendum est, donec veritas innotescat, & fulgore suo mentibus nostris se insinuet.

A *Scepticorum* Dubitatione recensenda, IX.
hoc in loco abstineo, quia cum, uti capite *Sceptici* præcedenti observatum est, in Rerum con-*dubitant* templatione duntaxat occupentur, ac ea-*tantum*, rum veritatem quibusdam falsitatis signis, *nec ultra* misceri profiteantur, nihil unquam positive *progre-* decernunt, sed omnia incomprehensibilia *diuntur*, esse existimantes, assensum retinent, nullique Opinioni aut favent, aut adversantur. Quoniam ut benè animadvertit *Gellius*:
Judicia rei cujusque & sinceras proprietas negant posse nosci & percipi.



pro CARTESIO.
CAPUT QUARTUM.

*De Cartesiana Dubitatione, & maximo ejus
in prima Philosophia usu.*

I.

*Quem ob
finem de
rebus om-
nibus pri-
mum du-
bitavit
Cartesius.*

CARTESIUS novam philosophandi Methodum adorsus, id assequi haud posse putavit, ni à primis *principiis* inchoaret, omniumque rerum existentiam in dubium vocaret, si quid aliquando *firmum* & perenne cuperet in Scientiis stabilire. Nam cum animadverteret vir solertissimus, & in veritatis investigatione prorsus singularis, quam imbecille sit humanum ingenium, & quam multas de rebus ad Scientias spectantibus Opiniones, Infantiae tempore, admiserimus, existimavit ab iis nequaquam nos posse liberari, ni illas abdicemus, atque omnia tum *dubia*, tum quæ aliquam Falsitatis speciem præferunt, simul & semel rejiciamus. Longo enim usu observavit, non ingenio tardos duntaxat, & quorum flaccescit industria, à Sensibus decipi, verum etiam sedulos, & quos acris discendi cupido incessit.

II.

*Exuenda
primo
sunt om-
nia præju-
dicia in-
fantia,*

Quis enim non deprehendit Homines, in teneris annis, Bestiarum more, vitam agere, & à *sensibilibus* objectis variè percellī? Unde mirum non est, si in multis hallucinentur, erroresque adsciscant, qui fortè succedentibus annis tolli, aut emendari possent, nisi præjudicatæ Infantiae Opiniones continuò adessent, easque nimium pertinaciter

siter

citer foverent, ac tuerentur. Nam licet indefesso studio, veritatem sectemur, operamque demus manifestos *Errores* corrigendi; quia tamen nonnulli adhuc Mentibus nostris inhærent, & eis indissolubili penè vinculo alligantur, fit, ut ab *is* nunquam immunes evadamus, & ad vitæ terminum nobiscum perseverent. Quare omnibus præjudiciis amoliendis, optimum judicavit *Cartesius*, ad genuinam Scientiam adipiscendam, judicium suspendere, nullique Rei assentiri, donec novum examen accedat, quo Mens purior evadat, & certi ac veri cognitione, sibi undequaque cohærente, exornari possit. Nam ut præclare animadvertit *Theodoretus lib. 10. de cur. Græc. Aff.* *Quo pacto fidem habeat novis ac recentibus Rebus, qui prius ex Animo non depulerit, quæ male sibi insita fuerunt?*

ETSI hæc Regula ad res quascumque, III. quas nondum exploratas habemus, & de *Per Dubi-* quibus aliqua incertitudinis suspicio adest, *tationem* extendi possit? ea tamen potissimum in iis, à *Sen-* quæ Sensum movent, rejiciendis usui est; *suum er-* utpote quæ præ reliquis, errandi *causas* roribus suggerunt, occasionemque præbent à vero *caveant,* declinandi. Quidquid enim eatenus ut maxime verum *Philosophus* admiserat, vel à Sensibus, vel per Sensus acceperat: cum verò eos nonnunquam fallere deprehendisset, prudentiæ esse duxit, nunquam illis planè confidere, quæ nos vel semel de-

E

cepe-

ceperunt. Quia non necessum est, ut Sensuum fidem repudiemus, errorem in his continuo deprehendamus; sed sufficit, si falsitatis suspecti sint, quemadmodum insinuat *Philosophus* Responsione quinta ad *Gassendum*: Ut probes Sensuum fidem mihi non debere esse suspectam, dicis, Etsi aliquando non utens Oculo visus sim ea sentire, quæ sine Oculo non sentiuntur, me tamen non semper esse expertum eandem falsitatem tanquam si non sufficiat ad dubitandum, quod Errorem aliquando deprehenderimus, & tanquam si fieri posset, ut semper, quoties fallimur, adverterimus nos falli, cum è contrain hoc *Error* consistat, quod à nobis sub specie erroris non advertatur.

IV.

*Quod
maximè
rationi
consenta-
neum est
à Dubita-
tione er-
diri.*

ENIMVERO quid magis Rationi convenit, quàm ab iis *judicium* cohibere, quæ nos in Errorem aliquando induxerunt, & suspecta habere Sensuum testimonia, quæ vel semel imposturam fecerunt? En *Philosophi* textus *Artic. 1º. primæ partis principiorum*: Quoniam Infantes nati sumus, & varia de rebus sensibilibus judicia prius tulimus, quàm integrum nostræ Rationis usum haberemus; multis præjudiciis à veri cognitione avertimur: quibus non aliter videmur posse liberari, quàm si semel in vita, de iis omnibus studeamus dubitare, in quibus vel minimam incertitudinis suspicionem reperiemus.

NON

NON temerè igitur *Cartesius* Dubitatio-
nem primis Philosophiæ fundamentis præ-
tulit : nam cum illa nuda sit , ac simplex ju-
dicii suspensio , seu potius eorum recogni-
tio , quæ ab incunabulis , ac juvenili ætate
judicavimus , ut rectius postmodum percep-
ta , animo complectamur , & contraria reji-
ciamus : per eam dubias ac falsas suas *Opini-
ones* sustulit , viamq; stravit , ad principia
vulgò receptis certiora invenienda. Quia
Dubitatio , (nequis sibi imponat) non *Re-
rum* , quæ considerantur , intuitu instituitur :
sed ipsarum dubitandi Rationum ; sic ut men-
tis dubitantis Affectio est , non autem rei
dubiæ , quæ objicitur. Non enim quis ex eo
quòd dubitat , Rerum omnium penitus igna-
rus est , imò earum , de quibus controverti-
tur , Ideas habet , sive illa concipit , quo-
rum Images in ejus mente versantur. Ali-
as dubitabundus hanc Quæstionem , *An Sol
luminis effectrix causa sit* , proponens , se-
queretur , quòd nullam de Sole cogitatio-
nem haberet , aut ipsum , quod cottidiè ocu-
lis contemplatur , lumen , fugeret. Dum de
Rebus omnibus igitur ambigitur , non ita fit
de illis subtractio , ut nullus rei propositæ
conceptus subeat , aut quasi causæ , propter
quas Dubitatio instituitur , ignotæ sint ; nimis
enim præpostera foret hæc procedendi ratio ,
& parum Philosophicæ industriæ congrua.
Sed *Dubitatio* confusam rei notitiam suppo-
nit Menti inhærentē , verum citra assensum ,

aut dissensum, quandoquidem Judicii suspensio utriusque expers est, & tam Affirmationem quàm negationem æquo jure repudiat.

VI.
*Dubitatio-
nis in
genere de-
scriptio.*

UNDE hanc generalem Dubitationem haud malè quis hoc modo descripserit: Universalẽ quandam eorum omnium, quæ Infantia & juventutis tempore judicavimus, ad examen revocationem, ut quæ rectæ Rationi consona sunt, resumantur, & adversa ablegentur.

VII.
*Dubitatio
non ad
res, sed ad
dubitantes
rationes refer-
tur.*

EAM autem Philosophi mentem in prima Meditatione, ex iis, quibus utitur, verbis, clarè elici potest. Quippe in meditatione prima, ut se à præconceptis opinionibus securum se præstet, *falsas*, inquit, *imaginariasque fingam*. Ut à rebus, quæ occurrunt decipi posse se ingerat, *supponam igitur non optimum Deum fontem veritatis, sed Genium aliquem malignum*. Ut omnia corpora ab oculis submoveat, *Putabo Cælum, Aerem, &c.* Ut seipsum absque oculis, manibus, carne, & sanguine tueatur: *Considerabo meipsum, tanquàm manus non habentem, &c.* Quibus loquendi modis, sat aperit, quòd etiam si omnes res illas contempletur, ac earum Ideas habeat; Judicium tamen suspendere affectat, donec per *Difficultatum* propositarum attentionem, veris tantummodo postmodum assentiatur, & demum ad profundioris Scientiæ penetralia perveniat. Quippe mera
hujus-

hujusmodi *fictio*, non Judicii partem facit, sed ei opitulatur ac inservit, non quicquam asserit, aut negat, sed cum attentione, nihil concludendo, nihil componendo defixa manet. Sic non erit necesse, quemadmodum animadvertit *Philosophus* initio primæ Meditationis, ut omnes opiniones falsas esse ostendatur, quod nemo fortè nunquam assequi posset; sed quia Ratio persuadet, non minùs accuratè ab iis, quæ non planè certa sunt atque indubitata, quàm ab apertè falsis assensionem esse cohibendam, satis erit ad omnes rejiciendas, si aliqua dubitandi ratio in unaquaque reperiatur.

VIII.

TRES sunt hujus Dubitationis *utilitates*, Tres sunt quas hic observare juvat, contra quosdam *Dubita-*
Calumniatores, qui eam tanquam super-*tionis uti-*
vacaneam exhibitant, veluti Hominis deli-*litates*,
rantis, aut somniantis figmentum obtru-
dunt.

IX.

PRIMA est, quòd cùm humanus Intel-
lectus non tabula rasa sit, sicuti *Aristote-*
les imaginatus est; sed variarum Opiniorum *Prima*,
& Errorum coloribus, ut ita dicam, imbu-
tus in eum ab ineunte ætate irreperunt; *ad praju-*
dicatas
necessarium videtur, ut qui ad Scientiam *Opiniones*
aspirant, & solidam certamque rerum Cog-
nitionem meditantur, ab universali omni-
um *Infantia*
amoven-
das,
Errorum & *Opinionum* abdicatione in-
cipiant, & illa dediscant, quæ non recta
satis judicii regula admiscere. Obest quoque

is, qui discere volunt, magistrorum auctoritas, quorum inventa sine ullo iudicio probant, & ab aliis pecudum ritu ducuntur. Quoniam infirmissimo ætatis tempore, ut dissierit *Cicero Lib. 4. Ac. q.* aut Amico cuidam obsecuti, aut unâ alicujus, quem primum audierunt, oratione capti de rebus incognitis judicant; & ad quamcumque sunt Disciplinam quasi tempestate delati, ad eam tanquam ad saxum adhærescunt. Quippe *Spurii* illi, & furtivè inducti conceptus, sinceram Veritatis Lucem obfuscant, & eam à legitimo suo Domicilio expellunt.

X.
*Secunda
 utilitas,
 in mente
 formanda
 circa Veri
 electionem.*

SECUNDO, prodest hæc generalis præjudiciorum abdicatio iis, qui nondum philosophi, sed ordine philosophaturi, firmi aliquid reperire aggrediuntur; quique alia fundamenta non habent, quàm quæ à priscis hausimus. Per *Dubitationem* enim Animus purgatur, & dissipata immaturæ ætatis caliginæ, Veritas Mentibus nostris affulget; Ut declarat *Cartesius* in Synopsi primæ meditationis, his verbis: In prima (Meditatione) causæ exponuntur, propter quas, de Rebus omnibus, præsertim *Materialibus*, possumus dubitare; quamdiù scilicet non habemus alia Scientiarum fundamenta, quàm ea, quæ antehac habuimus. Etsi autem istius tantæ Dubitationis Utilitas prima fronte non appareat, est tamen in eo maxima, quòd ab omnibus præjudiciis nos liberet, viamque facil-

facillimam sternat ad Mentem à Sensibus abducendam : Ac denique efficiat, ut de iis, quæ postea vera esse comperiemus, non amplius dubitare possimus. Seponuntur igitur omnia *præjudicia*, & Mens ab Opinionum sordibus diluitur, usque dum inconcussa, & Indubitabilia principia prodeant, & quid verum, quid falsum sit, postmodum innotescat.

TERTIA Dubitationis Utilitas est, ut per eam Res Intellectuales à Corporalibus discernamus & citra Fidei auxilium, etiam illa, quæ Sensus nostros fugiunt, liquidò apprehendamus. Nam cum per eam, omnia Scepticorum argumenta, iis proponantur, quæ eorum solvendorum adhuc rudes sunt, habitum priori contrarium inde contrahunt, omnia Corporum simulacra, ac extensionis, figuræ, spatii, motus, species, à conceptibus suis removendi. Hominum enim plurimi, *Infantia* præjudiciis mancipati, omnia sub materiali forma percipiunt, nec quicquam possunt nisi coloribus & pigmentis adornatum effingere. Ex eorum numero quondam *Augustinus* fuit, dum unicuique rei magnitudinem assignabat, & quicquid quærebat, sub quibusdam lineamentis, adinveniendum esse arbitrabatur : *Et quoniam cum de Deo meo cogitare vellem, cogitare nisi moles corporum non noveram : Neque enim videbatur mihi esse quicquam, quod*

XI.

*Tertio incernitur
servit Dubitatio ad
distinguen-
das materia-
les à Spi-
ritualibus
Rebus.*

tale non esset, ea maxima & propè sola causa erat inevitabilis erroris mei.

XIII.
Cartesia-
na metho-
dus ab
omnibus
in Veri-
tatis inve-
stigatione
sequenda.

AT huic hallucinandi principio oppor-
tunè *Cartesiana Methodus* succurrit, qua
quicquid materiale est; aut cum Materia
affinitatem habet, removemus; ad eam sic
attendentes, ac si nihil esset, aut in Natura
Rerum nunquam aliquid extitisset. Adeò
ut, ad rerum Spiritualium cognitionem,
materia, aut corpore non utamur, nec ulla-
tenus nitamur, dum in Mentis humanæ,
aut Dei contemplatione sistimur; Ac proin-
de sicuti passim experimur, eos magis *fer-
ventes*, majorique zelo, in Dei cultum fer-
ri, qui à Religione erroneâ transmigrant,
quàm qui à teneris annis, in vera enutriti
sunt. Sic hi sincerius *Veritatem* inquirunt,
ac de Rebus Philosophicis certiores eva-
dunt, qui antea dubitaverint, & falsa repu-
taverint, quæ clarè non intuebantur. Quare
cum nihil magis ad firmam *Rerum* cogni-
tionem assequendam conducatur, quàm ut
de rebus omnibus, præsertim corporeis, du-
bitare assuescamus; optandum est, ut *Le-
ctores* non modò breve illud tempus, quod
ad primam Cartesii Meditationem evolven-
dam requiritur, impendant, sed menses
aliquot, vel saltem hebdomadas, in iis, de
quibus tractat, considerandis, antequam
ad alia progrediantur: Quippe ita fiet, ut
longè majorem inde fructum capiant, &
firmiorem de rebus Incorporeis notitiam
hanciscantur.

HINC

HINC evidenter concluditur, *Cartesius* XIII.
um nequaquam pro *Sceptico* haberi posse; *Immerito*
 five eorum morem imitari, qui omnia in du- *Cartesius*
 bium revocant, & nullum alium finem, *inter Sce-*
 quam *Dubitationem* sibi præfigunt: Sed il- *pricos nu-*
 lum tantummodò dubitasse, quatenus ex- *meratur,*
 plosis *Infantiæ*, rudis adhuc ætatis præcon-
 ceptis *Opinionibus*, solida demum & in-
 concussa *Scientiarum* fundamenta inveni-
 ret; quæ, hoc modo, si quæ essent, effu-
 gere non possent. Dubitavit igitur *Philo-*
sophus, sed ut à *Dubitatione* securum se tue-
 retur; *Judicium* distulit, at nullatenus ab-
 stulit; recognovit quæ antea hauserat, ut
 post debitum examen, ad profundioris *Sci-*
entiæ firmitatem pertingeret. Quare an
 Vir Clarissimus *Sectionem* suam decimam
 quintam benè inceperit, dum ait: *Jam ve-*
rò cum qua levitate suscepta sit veterum Sce-
pticorum disciplina demonstraverimus, nihil
opinor opus est, ut ipsam eandem levitatem
propter unum Cartesium nunc iterum repre-
hendamus, prudens Lector Judex esto.

CAPUT QUINTUM.

Rectè *Cartesius*, ob *Errores*, quibus *Sensus*
 sunt obnoxii, de *Rebus Materialibus* præ-
 sertim particularibus dubitare aggressus *I.*
 est. *Sensus*

CARTESIO, dum solidam *Sapientiam* *Scienti-*
 meditaretur, & indubitata *Veritatis* am ducere
 principia cogitaret, placuit *Prisco-existima-*
 E s *rum iur.*

rum vestigia relinquere, atque ab eorum
 iudicio se subtrahere, quos tantoperè An-
 tiquitas, sed immeritò, venerata est. Quip-
 pe nihil familiarius tum Ignaros, tum Eru-
 ditos, quàm admittere *Sensus* naturalis co-
 gnitionis esse initia: imò solos esse, qui
Anima Nuntiorum munere fungantur, ea
 quæ foris geruntur, impertiendo. Enimverò
 philosophia, quam experimentalèm vocant,
 & quæ hisce diebus maximè excolitur, tota
 penè Sensibus innititur, & à Phænomenis,
 quæ per eos eliciuntur, certitudinem ac di-
 gnitatem suam haurit. Eum inaniâ meditari
 necessum est, qui iis relictis, abstractas No-
 tiones venatur, & ad vana, quæ nihil solidi
 habent, abripi.

II. VERUM, quantum est illud, quod à
Sensus Sensibus ad Animum nostrum demigrat?
non res e- Quid illud, quod eorum ope edocemur; præ-
tiam ma- ter Rerum umbras, & externas earum Imagi-
teriales nes? Illi, qui Sensus consulunt, eorumq;
detegere ministerio utuntur, Hominibus in *Platonis*
queunt. antro inclusis, meritò similes reputandi sunt,
 qui externorum Objectorum simulacra dun-
 taxat intuentur, atque ea tantum, quæ arcto
 caveæ suæ foraminì obijciuntur, deprehen-
 dunt. Latius Mundus porrigitur, quàm ut
 à Sensibus detegi queat, & parum de ejus
 amplitudine discernere valemus, si eam per
 Ideam, quam de illo habemus, metiamur.
 Hinc ob istam Sensuum nostrorum imbecilli-
 tatem & angustiam oritur, ut *infinita* prope-
 modum,

modum, quæ nos circumstant Animalia, diu ignoraverimus, quæ nunc tandem Microscopii ope deprehensa sunt, ac explorata. Ingens nihilominus aliorum numerus superest, quæ inventa jam perspicilla pervadere non valent, nec illa unquam in lucem proditura esse, ulla spes affulget.

Hæc excusanda foret Sensuum nostrorum obtuties, nec nisi injuriâ illis vitio verteretur, quod infirmi sint, & certis limitibus coarctentur, ni *Fallaces* essent, & suis nuntiis nos in Errorem sæpius protraherent, hoc est, ni Mentibus nostris occasionem præberent, seipsis imponendi. Fateor equidem nos nequaquam à *Sensibus* circumscribi, ut loquuntur *Jurisconsulti*, dum circa externas objectorum imagines versantur, & eas prout in seipsis sunt, nobis repræsentant; sed solum dum judicium ferimus, res externas illis apparentiis esse conformes. Exempli causa, Lumen quis contemplatur, aut Calorem sentit, in hoc nulla fraus inesse potest, cum verò utrumq; percipiat, sed tum demum eluditur, quando judicat *Calorem*, qui sentitur, extra Animam esse, quæ illum percipit. Hinc verè dixit Augustinus: Sensus non est falsus internuntius, sed falsus iudex.

III.

Sensus occasionem menti præbent seipsam fallendi.

IV.

Fallacia

QUIA igitur Sensus deceptionis causas, & Materiam suggerunt, & ad ipsis assentiendum spontè inclinamur, illorum repræsentationibus fallacia meritò adscribitur, atque tur.

atque ideò erroncorum Nuntiorum nomen obtinent. Nam quis non experitur à Sensibus proficisci, quòd *Remus*, qui integer est, Aquæ immersus, fractus appareat? Quòd *Turris* quadrangula, de longinquo cylindri rotunditatem simulet? Quòd *poma*, per vitrum aspicientibus majora videantur? Quòd *Semita Parallela*, ut concurrentes ad certam distantiam exhibeantur? Non Visus modò, sed & Auditus, quantumvis Disciplinæ Sensus reputetur, fallaciæ reus est: Nam in aurem percussus, *sonum* sibi tanquam à foris venientem percipere videtur. Siquis digito *aurem* obturet, tremulum quoddam murmur, quod exterius advenire arbitratur, audit. Qui cœlestis murmuris, & *Plaustri* strepitum auribus excipere assuevit, tonitru reboante, plaustri sonitum audire cogitat. Sic Tactus captionis arguitur, quando pavimenta manibus asperiora, pedibus leviora putantur, & in Lavacris idem balneum ferventissimum primò, temperatissimum subinde existimatur. Adeò ut nullus sit Sensus, qui de fallacia non reprehendatur, & nobis non aliquando illudat.

V.

Hinc Sensationes pro rerum principiis Cartesius MERITO igitur Cartesius sedulò Philosophaturus, & indubitata principia inquiturus, *præjudicia* tanquam inveniendæ Veritatis impedimenta abegit, & se iis Opinionibus exuit, quas antea hauserat. Nam cum quicquid priùs verum admiserat; *Sensibus* noluit.

sibus acceptum referret & perfectissima illi visa est perceptio, quæ illorum fidei inniteretur, non potuit non ipsis postmodum diffidere, ubi manifestos eorum Errores detexit, longoque usu expertus est, Rerum loco, nonnisi umbras Mentibus obijcere. Admonet quippè Philosophica Prudentia, ne *is* fidem habeamus, qui vel semel imposturam fecere, & qui Rectorum vicem obeuntes, nos sperata Veritate frustrantur. Quare cum *Cartesius* talia tunc inquireret Principia, quæ comparandæ Scientiæ famularentur, pro talibus Sensationes suas habere non potuit, à quibus tam sæpe fuerat delusus.

SICCINE, inquires, omnibus te Sensibus destituis, & nihil certum reputas, quod per eos demonstratur? Quis Judicio tuo subscribet? Nam licet *Res*, circa quas Sensus occupantur, vel ob suam parvitatem, aut nimiam ab organis distantiam assequi non valeant, non tamen eorum fides in dubium vocanda est: sed eorum imbecillitas potius incusanda, quæ talis est, ut non nisi justæ magnitudinis Corpora, & satis vicina percipi sinat. Quis credat te decipi, dum hæc exaras, dum digitis *calamum* premis, dum ex eo stillare atramentum cernis, & *chartam* nigrore afficere? Qua ratione efficies, ut dubitem an sit Sol, Terra, Cælum, an Corpus, Manus, Oculos habeam?

VI.

Excusantur Sensus ab erroribus.

QUID.

VII.

*Eadem
somnia-
nibus, qua
vigilibus
occur-
runt.*

QUI DNI hæc omnia prudenti etiam Vi-
ro in dubium veniant? nam cum is Homo sit,
& se corporeis Affectionibus subiectum ag-
noscat, agnoscit quoque ei suetum esse no-
ctu dormire, atque eadem somno oppressum
pati, quæ sanus & sui compos experitur.
Omnibus penè Hominibus commune est, iis
per somnum inquietari, quæ *vigilantes* & so-
luti per dies exagitarunt; quemadmodum
observavit *Claudianus Lib. 3. Præfationis,*

*Judicibus lites, aurigæ somnia currus,
Vanaque nocturnis meta cavetur equis.
Gaudet amans furto: permutat Navita Mer
Et vigile lapsas querit avarus opes. (ces:
Blanda que largitur frustra sitientibus agris,
Irriguus gelido pocula fonte sopor.
Me quoque musarum studium sub nocte silenti
Artibus innumeris sollicitare solet.*

Si igitur non aliæ *Animo* cogitationes,
resoluto in somnum corpore obversantur,
quàm diurnæ actiones aut munia, quæ certò
decernam me nunc non illudi? Unde mihi illa
securitas, non somniare, dum vigilem me
esse affirmo? Respondet Vir Eximius Sectio-
ne decima quinta: *Quæ eadem est de somni-
antibus cavellatio, quod quamquam vigilemus
an dormiamus, inter somniandum judicare
non possumus; hæc tamen dum scribo, me vi-
gilare certò novi, neque an dormiam dubita-
re possum.*

Non!

Non! faterer equidem *cuique* Mortalium à Natura concessum esse, Vigiliam à Somno secernere, & certis indiculis nosse an expurgiscatur, aut somno sopitus inter strata decumbat, nisi interveniret Memoria, suggereretque, iisdem cogitationibus me sæpe numero deceptum fuisse, quibus, dum hæc scribo, agitor. Quoties inter dormiendum me scribere existimavi? Quoties cum familiaribus colloqui? Quoties Amicum amplecti? Quoties, uti habet Virgilius 2. *Æneid.*

*In somnis ecce ante oculos maestissimus He-
Visus adesse mihi, &c.* (Hor

knò quoties contendi, & velut mecum altercatus sum, me non in lecto jacere, non somniare, Rem oblatam Oculis intueri, præsentia manibus attingere? Quæ omnia adeò evidenter distinctèque Menti offerebantur, ut somno postmodum abrupto, in ea imaginatione permanerem, nec nisi post tempus, Somnia fuisse, mihi persuadere valerem.

UNDE cum *Socrates* apud *Platonem* quaesisset, quo argumento demonstrari posset, si quis roget, utrum hoc tempore dormiamus, & quicquid cogitemus somniemus? an vigilemus, & revera inter nos differamus? Respondet *Theætetus*: Omnia enim tanquàm retrò commeantia se metuò consequuntur. Nam eo, quo nunc modo disputabamus nihil impedit,

VIII.

Difficile

est som-

nium à

Vigilia di-

stinguere.

quo-

VII.

*Eadem
somnia-
ntibus, qua
vigilibus
occur-
runt.*

QUIDNI hæc omnia prudenti etiam Vi-
ro in dubium veniant? nam cum is Homo sit,
& se corporeis Affectionibus subiectum ag-
noscat, agnoscit quoque ei suctum esse no-
ctu dormire, atque eadem somno oppressum
pati, quæ sanus & sui compos experitur.
Omnibus penè Hominibus commune est, iis
per somnum inquietari, quæ *vigilantes* & so-
luti per dies exagitarunt; quemadmodum
observavit *Claudianus Lib. 3. Præfationis,*

*Judicibus lites, auriga somnia currus,
Vanaque nocturnus meta cavetur equis.
Gaudet amans furto: permutat Navita Mer
Et vigile lapsas querit avarus opes. (cæ?
Blandaue largitur frustra sitientibus agris,
Irriguus gelido pocula fonte sopor.
Me quoque musarum studium sub nocte silenti
Artibus innumeris sollicitare solet.*

Si igitur non aliæ *Animo* cogitationes,
resoluto in somnum corpore obversantur,
quàm diurnæ actiones aut munia, quæ certò
decernam me nunc non illudi? Unde mihi illa
securitas, non somnare, dum vigilem me
esse affirmo? Respondet Vir Eximius Sectio-
ne decima quinta: *Quæ eadem est de somni-
antibus cavillatio, quod quamquam vigilemus
an dormiamus, inter somniandum judicare
non possumus; hæc tamen dum scribo, me vi-
gilare certò novi, neque an dormiam dubita-
re possum.*

Non!

Non! faterer equidem *cuique* Mortalium à Natura concessum esse, Vigiliam à Somno secernere, & certis indiculis nosse an expergiscatur, aut somno sopitus inter strata decumbat, nisi interveniret Memoria, suggereretque, iisdem cogitationibus me sæpe numero deceptum fuisse, quibus, dum hæc scribo, agitor. Quoties inter dormiendum me scribere existimavi? Quoties cum familiaribus colloqui? Quoties Amicum amplecti? Quoties, uti habet Virgilius 2. Æneid.

*In somnis ecce ante oculos mæstissimus He-
Visus adesse mihi, &c.* (Ctor

Imò quoties contendi, & velut mecum altercatus sum, me non in lecto jacere, non somniare, Rem oblatam Oculis intueri, præsentia manibus attingere? Quæ omnia adeò evidenter distinctèque Menti offerebantur, ut somno postmodum abrupto, in ea imaginatione permanerem, nec nisi post tempus, Somnia fuisse, mihi persuadere valerem.

UNDE cum Socrates apud Platonem quæ-
sisset, quo argumento demonstrari posset,
si quis roget, utrum hoc tempore dormia-
mus, & quicquid cogitemus somniemus?
an vigilemus, & revera inter nos differamus?
Respondet Theætetus: Omnia enim tanquã
retrò commeantia se metuo consequuntur. Nam
eo, quo nunc modo disputabamus nihil impedit.

VIII.
Difficile
est som-
nium à
Vigilia di-
stingere.

quo-

quominus dicamus, nos quasi in somnio quodam discere: Nec certè inepta est somniorum similitudo istis sermonibus, quemadmodum cum per insomnia somnia videmur commemorare. Cum igitur à Somno Vigiliam distinguere nequeamus, & pari modo Res in utroque statu, nobis objiciantur, quâ de veritate Rerum, quas nobis Sensus exhibent, constabit? Quis spondebit nos non soporari, dum vigiles ac vegetos esse arbitramur? Quo docente discemus insomnes potius objecta intueri, tactuque percipere, quàm dum somno graves, eadem agere videmur? Hæc seriò meditati manifestum fiet, Dubia esse omnia, quæ nobis per Sensus ingeruntur, ac proinde ad Scientiam, ad quam aspirabat *Cartesius*, eos prorsus evanidos esse ac inutiles.

IX. IMO animadvertit *Philosophus* in Dissertatione de Methodo, ob Somniorum erroribusque Veritas aque evidens est. *Imo utriusque Veritas aque evidens est.* si quis *Geometra*, exempli causa, novam aliquam Demonstrationem inveniret, ejus profecto Somnus non impediret, quominus illa vera esset. Quantum autem ad errorem Somniis nostris familiarem, illum nempe, qui in eo consistit, quòd varia nobis objecta repræsentet, eodem planè modo, quo ipsa nobis à Sensibus externis inter vigilandum exhibentur, non in eo nobis oberit, quòd occasionem det ejusmodi Ideis, quas à Sensibus

vel accipimus, vel accipere putamus, parum credendi: possunt enim illæ etiam dum vigilamus non rarò nos fallere; ut cum ii, qui morbo regio laborant, omnia colere flavo infecta cernunt; aut cum nobis Astra, vel alia corpora valdè remota, multò minor, quàm sint, apparent. Omnia enim sive vigilemus, sive dormiamus, solam evidentiam Rationis judicia nostra sequi debent. Hæc Philosophus.

TANTAM inter Vigiliam & Somnum X.
affinitatem Vir eruditissimus non agnoscit, *Objicitur,*
ac proinde inanem esse Cartesii simulatio- *ea, quæ o-*
nem opinatur, nec ullatenus sibi persuade- *culis ob-*
re valet, quâ hac fictione, præjudicatæ Opi- *versantur*
niones è mentibus nostris eluantur: *Quen-*
quamne à se extorquere censuit (Cartesius) *in dubi-*
ut Solem nunquam lucere, se corpus nullum um vo-
habere, totum parte majus esse ex animo opi-
netur? Cum enim ipso judice insanius sit, qui cari.
ista omnia incerta diceret, qui ea falsa di-
cunt, omnium certè qui insaniunt, despera-
tissimos judicare deberet.

XI.

QUAMVIS his verbis, Cartesio adver- *In Robus*
sari videatur, illi tamen maximè favet, & *ad vitæ*
ut ita dicam, illius interpretes haberi potest. *usum per-*
Oblervat enim *Philosophus* multis in locis, *tinenti-*
maximum interjacere discrimen, inter Vitæ *bus, pro-*
actiones, & Veritatis inquisitionem: cùm *babilitas*
una ad Theoriam, altera ad praxim tendat, *sufficit, ut*
quæ in communi Hominum vita exercenda *quis eas*
est, & sæpiùs absque manifesta certitudinis *amplecta-*
Fexplo-
tur.

exploratione. Nam quantum ad usum Vitæ, ut habet Philosophi textus prima parte princip. Artic. 3. quia persæpè rerum agendarum Occasio præteriret, antequam nos dubiis nostris exsolvere possimus, non rarò quòd tantum est verisimile cogimur amplecti: Vel etiam interdum, etsi è duobus unum altero verisimilius non appareat, alterutrum tamen eligere. Quicquid enim probabile est, ad Vitæ communis commercium spectans, sæpe illud sequi præcipit Cartesius, licet exacta probatio non præcesserit. *Et de talibus nemo unquam sanæ mentis dubitavit.*

XII. *Certitudo autem in iis, quæ ad Veritatem spectant.* Cum verò de indubitata Animi certitudine agitur, is certè planè insanus esset, qui fidem Sensibus haberet, & vanam non censeret, quam nobis de rebus Opinionem ingenerant. Nam licet Natura me, utpote ex Mente & Corpore constantem doceat, ea quidem refugere, quæ *Doloris* sensum inferunt; illa autem prosequi, quæ sensum *Voluptatis*, & talia: Verùm, non apparet, illam præterea nos admonere, ut quicquam ex istis Sensuum perceptionibus, sine prævio Intellectus examine, de rebus extra nos positis concludamus, quia de his verum nosse, non ad Compositum pertinere videtur, sed ad Mentem solam. Tria hac de re exempla profert Philosophus Meditatione Sexta.

PRIMUM, quamvis Stella non magis oculum meum, quàm *Ignis* exiguæ facis afficiat; nulla tamen in eo realis, sive positiva propensio est ad credendum illum non esse majorem; sed sine ratione ab ineunte ætate judicari.

XIII.
Tribus
exemplis
ostenditur
Sensus
non vera
exhibere;
primo.

SECUNDUM, quamvis ad Ignem accedens sentio *Calorem*, ut etiam ad eum nimis prope accedens sentio *Dolorem*, nulla perfectio ratio est, quæ suadeat in Igne esse aliquid simile isti Calori: ut neque etiam isti *Dolori*, sed tantummodò in eo aliquid esse, quodcumque demum sit; quod in nobis Sensum caloris & doloris efficiat.

XIV.
Secundo
exemplo.

TERTIUM, etsi in aliquo Spatio nihil sit, quod Sensus moveat, non ideo sequitur, in eo nullum esse Corpus; sed video in his aliisque permultis ordinem Naturæ pervertere esse assuetum, qui nempe Sensuum perceptionibus, quæ propriè tantùm à Natura datæ sunt, ad Menti significandum, quænam Composito, cujus pars est, commoda sint, vel incommoda, & catenus sint satis claræ & distinctæ, utor tanquam Regulis certis ad immediatè dignoscendum, quænam sint Corporum extra nos positorum essentia. De qua tamen nihil nisi valdè obscure & confuse significant.

XV.
Tertio
exemplo.

XVI.
Cum errori sint
Sensus ob-

Cum igitur Sensus suspecti sint nuntii, & non raro credulos in errorem inducant, suadet Ratio, ut assensum cohibeamus, do-

nec est.

nec alia quædam certiora detegantur, & innotescant. Quæ autem illa sint, in sequentibus aperientur.

CAPUT SEXTUM.

Qua ratione Cartesius Res generales & Mathematicas Veritates in dubium vocavit.

I.
Quid mo-
vis Car-
tesium ad
voca-
dum in
dubium
generales
rerum
affectio-
nes.

POSTQUAM Cartesio necessarium fuit, Opiniones Sensibus innixas evertere, ac ostendere *Scientiam*, quam meditabatur, debilibus his fulcris nullatenus posse superstrui; *Generalium* quoque Rerum abdicationem cogitavit, eisque assensum denegavit, quamdiu inconcussa fundamenta investigaret, & ad inexpugnabilem Sapientiam pervenire moliretur. Quippe quum *Scientia* stabili fundamento innitatur, & certam ac evidentem rationem exigat, dignitate sua privatur; & in *Opinionem* degenerat, ubi imbecillis est ratio, aut objectum, quod contemplatur, non nisi confusam sui speciem exhibet. Sic licet *Generalia* Rerum attributa Mentibus nostris occurrant, & eas suis, ut ita loquar, coloribus afficiant; nam quis *Rei Corporea* ideam, prout quid est tribus dimensionibus constans; sive prout *Res* est, in longum, latum, & profundum extensa, in mente versari non experitur? Quis non
clare

clarè percipit, *Figuram* in genere esse Rerum extensarum extremitatem? Quis non Corporum *magnitudinem*, tam continuam, quàm discretam intelligit? An aliquem integræ mentis *Tempus* fugit, per quod durat? & *situm*, quo materiæ partes in ordinem rediguntur?

HÆC tamen quamvis communia, & omnibus Hominibus familiaria, pro *dubii* reputari possunt, ubi de inconcussa certitudine comparanda agitur. Nam cùm videamus nos in iis, quæ certissima videbantur, fuisse sæpius deceptos, & ea pro veris recepisse, quæ factò postmodum examine, falsa esse deprehendimus, naturali instinctu admonemur, ut dubia saltem ea consideremus, & de eorum veritate ambigamus, quamdiu nondum certiora, quàm quæ ex teneræ ætatis præjudiciis, Præceptorum placitis, Affectuum propensionibus *fundamenta* hausimus. Præterea, cùm in Mentem Dei alicujus Omnipotentis cogitatio venit, qui pro suo arbitratu, aut ob alias rationes, quas ignoramus, nos ejus naturæ creaverit, ut in iis etiam, quæ nobis evidentissima videntur, fallamur, videmur de generalibus Rerum Attributis, æquè ac de reliquis dubitare.

II.
Possunt omnia attributa in dubium vocari.

III.
*An quis possit naturas universales omnes ab-
dicare.*

VIR Clarissimus eadem sectione 15. factum impossibile esse arbitratur, ut quis omnibus notionibus se exuat, & ad tempus dubias omnes ab-

falsasque existimet. Verùm, priusquam illud probatione manifestum reddat, ambigit ipse, seriòne & reipsa, an joco duntaxat, & voce tenus de omnibus dubitaverit Cartesius. Si seriò, *sint autem*, inquit, *validæ rationes*, ob quas de omnibus dubitari vellet Cartesius, an serio itaq; dubitaverit, *Solne sit, Cælum, Terra; habeat ipse caput, oculos, manus?* Huic suæ interrogationi Cartesii verbis alicubi ex ejus Meditationibus desumptis, respondet, *nequaquam, neque enim de iis quispiam sana Mentis unquam seriò dubitavit.*

IV.

Distinguenda sunt Vita actiones, à Veritatis investigatione.

OPTIME! & quid naturali rationi magis consonum reponi potest? Quoniam ut Capite præcedenti observatum est, insulsum omninò videtur, & rationi planè extraneum, ubi de *Vitæ* actionibus quæstio est, Sensibus non credere, & suspectos falsitatis habere tam fidos humanarum actionum directores. At verò ubi de *Veritatis* inquisitione agitur, dico de omnibus dubitari posse, imo pro falsis existimari, ad alia animadvertendum, quæ quia hoc pacto rejici non possunt, hoc ipso esse certiora demonstratur. Quoties de cogitationum mearum Veritate, securum me esse putavi, dum *Solem* intuitus, illum non duorum pedum magnitudinem excedere judicabam? Dum *Cælum* fornicis instar extensum, *Terram* in planitiem porrectam percipiebam? Quæ postmodum invictis Demonstrationibus, conceptibus meis

meis dissona & adversa inveni. Quidni in
iis, quæ distinctissimè contemplari videor,
pari ritu decipiar, & dum *Corporis* Naturam
in genere, ac ejus Affectiones confidero,
dum oculos in *Solem* dirigo, dum caput, dum
manus me habere affirmo, fallar, & nihil
nisi umbra, & earum omnium Rerum simu-
lacia Menti obversentur? Quandoquidem
ea, quæ Vigilanti oïci apparent, omninò
similia noctu Dormienti, & inter strata de-
cumbenti sæpè occurrant. Seriò igitur, &
non ob *levitatem* & *inconsiderantiam*, de
omnibus Cartesius dubium movit; sed prop-
ter *meditatas* & *validas rationes*, quas an-
teâ breviter perstrinximus.

AT quid si joco tantum & *fictione*, subji- V.
cit Vir Eximius, *dubitandum esse velêt*, Seriò re-
quid *quiso* profuit? cum inani ista *simulatio-* rum om-
ne nulla omnino præjudicata opinioniones eluun- nium ab-
tur? Atque adeò suis dubitandi principis ni- dicatio-
hil earum revera sustulit, & nisi sustulerit, nem Car-
certa adhuc & indubitata supersunt, quas testis co-
scilicet nullis rationibus, etiamsi omnibus vi- gitavit.
ribus id unum ipse conatus sit, tollendas fa-
teatur. Miror prudentem Doctorem fingere
potuisse *Philosophum* per jocum, & nomine
tenus, Res omnes in dubium traxisse, cùm
ipse prorsus contrarium in fine Meditatio-
nis primæ asserat his verbis: Tandem cogor
fateri, nihil esse ex iis, quæ olim vera pu-
tabam, de quo non liceat dubitare, idque
non per *inconsiderantiam* & *levitatem*; sed
F 4 prop-

propter validas & meditatatas rationes, ideoque etiam ab iisdem non minus, quàm ab apertè falsis accuratè deinceps assensionem esse cohibendam, si quid certi velim invenire. Quibus verbis, sat apertè ab eatemeritate immunem se reddit, qua Imprudentes, & à Ratione averfi, de Rebus, ad quas intellectus non attendit, judicium suspendunt; atque ab illa inconstantia se absolvit, quam vagi, & nulli rei addicti Homines, in actionibus suis præferunt.

VI. AT quæ validæ sunt illæ rationes, *inquies*, Sufficit ad ob quas *Philosophus* de omnibus dubitare dubitan- potuit? Paucis dicam: Cùm in Meditatione dum quòd prima præsertim, non de *Dubitatione* illa, rationes quæ ad Vitæ usum transfertur, ut præmo- qua offe- nui, ageret: sed de summa illa, quam Metaphysicam appellat; satis illi fuit ad judicium suspendendum, si id, quod intellectu obijciebatur, minimam falsitatis suspicionem ingereret: cùm ad Veritates metaphysicè certas investigandas, non major dubiorum, quàm planè falsorum ratio habenda sit. Quemadmodum ipsemet in responsione ad septimas Objectiones testatus est. Eæ enim sunt satis validæ rationes ad cogendum nos ut dubitemus, quæ ipsæ *dubie* sunt, nec proinde retinendæ. Atque *validæ* quidem sunt, quamdiu nullas alias habemus, quæ *Dubitationem* tollendo, certitudinem inducant. Et quia nullas inveniebat in prima Meditatione, quantumvis con-

conspiceret, & meditaretur, &c. idcirco eas, quas habuit ad dubitandum, *validas* esse dixit ac *meditatas*.

VERUM, quoniam ita Viro Clârissimo VII. aliquatenus placet, detur Cartesium joco, *Non No-* & per lulum de omnibus dubitasse, quid in *tiones, sed* de mali secuturum esse imaginatur? Quid! *Opiniones* inquit, *ista simulatione nulla præjudicata opi-* per dubi- *niones eluuntur.* Et quibusdam interpositis; *tationem* & certa adhuc & indubitata supersunt, quas tolluntur, *scilicet nullis rationibus, etiamsi omnibus vi-* ribus id unum ipse conatus est, tollendas fateatur. Si præjudicatarum Opinionum vocabulo intelligat, Rerum *Ideas*, sive notiones, quæ menti nostræ obversantur, spontè largior, seu seriò, seu joco *Cartesius* præjudiciorum abdicationem moliatur, non posse universas deponi & elui: Uti Capite præcedenti observatum est. Si verò per præjudicatas Opiniones, omnes illas Opiniones usurpet, quas judicia antea à nobis facta Animo impresserunt, quid obest, quin omnes exuere possumus, & ab iis tanquam falsis assensionem cohibere? Nam cum judicare & non judicare ad *Voluntatem* pertineat; & illius sit actio, manifestum est, eam in potestate nostra esse, ac proindè penes nos esse, *Opiniones*, quæ talibus judiciis inniuntur, eluere, tollere, amoliri. Quandoquidem ut quis præjudicia deponat, nihil aliud requiritur; quàm ut apud seipsum proponat, nihil eorum, quæ antea affirmavit,

vel negavit, antequam id rursus ad examen revocarit, affirmare, vel negare, etiam si interea eas omnes notiones memoria retineat.

VIII. *Qua ratione licuit Cartesio Mathematicas Demonstrationes in dubium trahere, atque illa principia pro inexploratis habere, quæ antea ut per se nota recipiebantur.* Id Viris prudentibus peculiare est, ut nihil ab Homine extraneum sibi inesse arbitrentur, ac proinde communis imbecillitatis memores, sibi accidere posse credunt, quod aliis contingere cotidiano usu experiuntur. At cum nonnullos in *Mathematicis* Demonstrationibus Cartesius errasse comperisset, & quædam pro certis & evidentibus admisisse, quæ falsa postmodum apparuere: cogitavit se quoque in iis falli posse, ac ita à Veritate posse abduci, dum *duo & tria* simul addebat, vel *Quadrati* latera numerabat, aut si quid aliud facilius effingi potest; nam in nobis hanc libertatem esse experimur, ut semper ab iis credendis, quæ non planè certa sunt & explorata, abstinere possimus, atque ita cavere, ne unquam erremus.

IX. *Mathematica Demonstrationes non adeò certa sunt, ut de illis ambigi non queat.* ENIMVERO quidni cum ratione dubitaret Philosophus, cum plurimæ *Mathematicæ* Demonstrationes obscuræ sint, neque iis consent, quæ per se nota habentur, & recertæ sunt, bus, quæ demonstrantur, propria. Hinc *Plato* de Republica, quemadmodum observavit *Pervetus Libro primo* in Acrosm. *Physic. cap. 12.* dicit,

dicat, Mathematicos somniare circa Quantitatem, & in tractandis suis Demonstrationibus, non scientificè, sed ex quibusdam suppositionibus procedere; quamobrèm non vult doctrinam eorum appellare Intelligentiam, aut Scientiam, sed tantum Cogitationem. In quam sententiam multa scribit *Proclus* in primo libro suorum commentariorum in *Euclidem*. Verum tametsi neque *Platonem*, neque *Proclum*, neque alios Philosophos, graves habemus hujus Sententiæ Authores, tamen id per se manifestum fit cuivis, qui vel leviter attigerit eruditum illum Mathematicorum pulverem. Nam si quis secum repræsentet, atq; diligenter consideret demonstrationes *Geometricas*, quæ libris Elementorum *Euclidis* continentur, planè intelliget, eas sic esse effectas, ut ante diximus.

Ac de multis unum, aut alterum proferam exemplum. Geometer demonstrat *Triangulum* habere tres Angulos æquales duobus rectis, propterea quòd Angulus externus, qui efficitur ex latere illius Trianguli producto, sit æqualis duobus Angulis ejusdem Trianguli sibi oppositis. Quis non videt hoc *Medium*, non esse Causam illius passionis, quæ demonstratur? Cùm prius natura sit *Triangulum* esse, & habere tres Angulos æquales duobus rectis, quàm vel produci latus illius, vel ab eo latere fieri Angulum æqualem duobus internis? Præterea, tale medium habet se omni.

X.

Exempla
Demonstrationū
Mathematicarū,
quæ non
gignunt
Scientiam.

omninò per accidens ad illam Passionem; nam sive latus producat, & fiat Angulus externus, sive non, imo tametsi fingamus productionem illius lateris, affectionemque Anguli externi esse impossibilem, nihilominus tamen illa Passio *Trianguli* inesset; at quid aliud definitur esse Accidens, quàm quòd potest abesse & adesse rei præter ejus corruptionem? Ad hæc illas propositiones; Totum est majus sua parte: Æquales esse lineas, quæ à centro ducuntur ad circumferentiam: Illud latus esse majus, quod Angulo majori opponitur, & id genus alia, quæ crebrò usurpat in demonstrando, in quàm multis Demonstrationibus, eas pro medio adhibet, & inculcat Mathematicus; ut necesse sit ex his Demonstrationibus, quæ constant prædicatis communibus, non gigni perfectam Scientiam.

XI.

Jure merito à Cartesio de

Veritati-

bus ma-

thematicis

dubitat.

Quare cùm apparentes sint duntaxat Mathematicorum Demonstrationes, & earum certitudo non à Rerum natura pendeat, potuit *Cartesius* jure merito illas ut incertas

XII.

Cùm Car-

tesius, De-

um non-

dum no-

verit, du-

bitare po-

tuit, an

non esset

deceptor.

reputare, donec aliundè earum evidentia ipsi innotesceret.

ALIAM addit *Cartesius* suæ Dubitationis causam: Cùm insculptam scilicet Memoriam haberet & veterem, & omnibus penè Homini-
bus communem sententiam, *Deum* quendam esse, qui omnia possit, quique cuncta pro beneplacito operatur, & à quo omnia condita sunt; quidni summus ille Rerum &

Crea-

Creator, & Moderator, pro infinita sua agendi libertate effecerit, ut nihil eorum, quæ intueri videmur, verum sit, & in iis decipiamur, quæ nobis notissima apparent. Nam quamvis ad naturam *Trianguli*, exempli gratia, attendentes, concludere cogamur, tres ejus Angulos duobus rectis esse pares, non tamen idem concludere possumus, si ad naturæ nostræ Authorem mentis aciem convertamus, quoniam tunc dubitandi causam invenimus, ex eo, quòd nullam talem Dei ideam habeamus, quæ nos ita afficiat, ut nobis impossibile sit cogitare, Deum esse *Deceptorem*. Quippe tam ei facile est, qui veram Dei notionem non habet, quam nos non habere jam supponimus, cogitare suum Authorem Deceptorem esse, quàm non esse Deceptorem: Quemadmodum illi, qui nullam habet *Trianguli* ideam, æquè facile est apprehendere ejus tres Angulos æquales esse, quam non esse æquales duobus rectis.

Si urgeas, non necessarium fuisse, ut Philosophus, se productum fingeret à summo numine, à quo falli posset. Respondeo, quemcumque originis suæ Authorem finxerit, seu *seipsum*, seu alium quemcumque, quò minus potentem sui Opificem assignet, tanto magis credibile est, se tam imperfectum esse, ut semper fallatur, ac proinde de rebus omnibus materialibus, & Sensibilibus, merito dubitandi rationem *Cartesius* iniit.

XIII.

Et quo minus potens fingeretur, eò magis ab eo decipi potest.

CAPUT

CAPUT SEPTIMUM.

*Non frustra Cartesium, malignum quendam
Genium supposuisse, ad Rerum Dubitati-
onem validius firmandam.*

I.
*Fictio sci-
entia com-
paranda
aliquando
famula-
tur.*

CUM certitudo Metaphysica, eviden-
tiam postulet, & obscuram instabi-
lemque persuasionem aversetur; sat
Cartesio videri poterat, ad eam Sci-
entiam, ad quam aspirabat, si præconcep-
tas *Opiniones* amoliretur, & eas ut dubias,
quales reverà sunt, spectaret. Sed quia in
Meditationibus suis, præcipuus ei scopus
fuit, de rebus Philosophicis agere, quæ non
nisi certa cognitione comprehenduntur: ne-
cessarium quoque cogitavit eas Falsas finge-
re, & tanquam imaginandi facultate omni-
no dependentes. Hac in re, eos imitatus
est, qui ut *Baculi* curvitati medeantur, &
ad pristinam rectitudinem restituant, illum
in partem adversam deflectunt, & in ea
aliquamdiu detinent. Sæpe enim *Fictio*
proficua est, & ad Veritatem illustrandam,
non raro utiliter adhibetur. Sic *Astrono-
mi* Siderum motus considerando, varia in
Cælo simulant, ut Zodiacum, Æquatorem,
& alios circulos, quos ignorant, qui supe-
ra incolunt. Sic *Geometræ* quasi ludibun-
di, Figuras contemplantur, novas effin-
gunt, & inventis alias lineas superindu-
cunt,

Sic

SIC *Archimides* ex paucissimis Hypothe- II.
sibus, stupenda confirmavit de *Sphæra* & *Hypothe-*
Cylindro, de *Circulî* dimensione, de *Lineis* sibus u-
Spiralibus, de *Conoidibus* & *Sphæroidibus*, tuncur
de quadratura *Parabolæ*, hoc est, portionis *Mathe-*
contentæ à linearecta, & *Sectione Rectangu-* *matici* &
li conî. His quoque adjutus, numerum *Are-* *Philoso-*
na, non illius modò, quæ circa *Syracusas*, *phi.*
& circa reliquam *Siciliam* existerat; verùm
etiam illius, quæ in universa habitabili simul
& inhabitabili Regione ubique contineri
possit, determinavit. Sic denique *Philosophi*
penè omnes, falsas nonnunquam *Hypotheses*
proponunt, dum è quibusdam assumptis
principiis, *Rerum* universum secundum *Nat-*
uræ leges paulatim nasci perpendunt: quia
facis se præstitisse arbitrantur, si ea, quæ sup-
ponunt, talia sint, ut omnibus *Naturæ* phæ-
nomenis respondeant.

AD eum modum, *Genium* aliquem insignis III.
malitiæ *Cartesius* commentus est, qui, utpo- *Ad eum*
te summa potestate, & incredibili astutia *modum*
instructus, nos præstigiis illudere nititur, & *finxit*
data opera in fraudem allicere. Quoniam *Philoso-*
hac ficta Hypothesi, de Opinionebus no- *phus esse*
stris securius diffidimus, atque non tantùm du- *malignū*
bias, sed & falsas esse, citra quodammodò Er- *aliquem*
roris suspicionem apprehendimus. Nam tali *genium.*
Genio activam Fallaciā tribuendo, quâ Erro-
res vitare possumus? Qua arte, qua indu-
stria, quibus præstigiis, nos ab ejus vafri-
tie immunes reddemus, cùm sciamus illi
propo-

propositum esse, nos decipiendi, & ne quid Veri attingamus impediendi. Certum est interim, nihil inde periculi, vel erroris, ut loquitur *Cartesius*, sequuturum, & nobis plus æquo diffidentiae indulgere non posse, quandoquidem non de Rebus credendis, aut agendis Quæstio est de Philolophicis duntaxat, quæ certa Scientia, & irrefragabili certitudine comprehendendi debent.

IV.

*Obijci-
tur
genii ma-
ligni ficti-
onem ad-
versari re-
rum cog-
nitioni.*

ERUDITISSIMO Theologo hæc Hypothesis non placet, horrere videtur, quòd in ignorantiae prætextum, Deus decepto supponatur, summaque ei calliditas attribuat, à qua omninò secundum naturam alienus est. Cum verò, inquit eadem Secti-
one decima quinta. *Deum Opt. Max. malignum quendam Genium esse finxerit, qui datâ opera in omnibus, quantum potuit, nos fefellit, itaque fecit ut in iis, quæ perfectissimè scire arbitremur, maximè fallamur; hoc fateor neminem ante se finxisse, cum verò ipse finxerit, è præcipitio se planè misit, atq; ita ruit, ut nunquam se postea sustinere possit.* Enimverò quomodo aliqua perfectissimè scire arbitrari possumus, quamdiu omnia dubia esse supponimus, Deceptoremq; adesse fingimus, qui omnem suam industriam in eo ponit, ut nobis imponat, & Res oblatas falsis imaginibus præsentet.

V.

*Potest Deo
confuse co-
gnito ali-
quid tri-
bui, quod
vere cog-
nito non
potest.*

AT hi scrupuli facilè evanescent, si attendatur, magnum esse discrimen ponendum inter Deum Verum, & clarè cognitum, & Deum

Deum non nisi confusè apprehensum. Certum enim est, Deum clarè cognitum, nullo pacto ut Deceptorem concipi posse; ac pari impossibilitate nunquam fieri posse, ut illi quicquam falsi, hoc est, ab ejus natura alieni tribuatur. Nihil autem obest, quominus Deo obscurè tantum cognito aliquid ex suppositione adscribatur; quia quod ita fingitur, & illi ex *Hypothesi* imputatur, non tam à *Voluntate*, tanquam aliquid verum assignatur; sed solùm *Intellectui* examinandum proponitur; atque adeò nullam boni, aut mali rationem formalem includit; aut si quam includit, à *Fine*, cujus gratia *Hypothesis* facta est, sortitur. Quando igitur Cartesius Deum, quem clarè non noverat, sive quando se nondum nosse putabat, ut Deceptorem finxit; non id illi vitio vertendum est, quum ea simulatione, ad Intellectum magis illustrandum usus sit, seu ad Dei naturam clariùs cognoscendam, seu ad aliis evidentius ostendendam. Verùm, ne fortè hac explicatione, *Cartesio* iniquus fiam, quod supervacaneo sermone, Mentem ejus interpreter, Dico, illum nunquam Deum Opt. Max. malignum quendam *Genium* esse finxisse, nec ei illam calliditatem indidisse, qua ad deceptionem nos traheret. Agnovit quidem Bonitati Divinæ haud repugnare, ut interdum fallamur, atque ut id contingat, permittere; Illi autem nunquam positivam fallaciam affinxit, quem Optimum, & om-

nis Veritatis Authorem appellat, sed illam in *Genium* quendam *malignum* transtulit, quem astu & versutia instructum, ut omnes suas Opiniones esse falsas imaginaretur, supposuit. Supponam, inquit, non Optimum Deum (esse deceptorem) sed *Genium* aliquem malignum, eundemque summè potentem & callidum, omnem suam industriam in eo posuisse, ut nos falleret. Quibus verbis, sat apertè insinuat, hanc fictionem non Deo Benigno; sed maligno cuidam Dæmoni acceptam ferre, cui fallendi potentiam adscripsit.

VI. UNDE patet, non satis matura consideratione, quæ sequuntur, Virum Eximium subjunxisse: *Cum verò ipse finxerit, è præcipitio se planè misit, atque ita ruit, ut nunquam postea se sustinere possit.* Quasi verò, ex eo quòd Cartesius omnia in dubium trahat, & quæ sub Intellectum cadunt, falsa esse arbitratur, de ejus salute actum sit, & ita dubiarum & falsarum opinionum laqueis implicitus provolvatur, ut nunquam se ab eis extricare valeat. Et quò se ab eis liberare poterit? subjungit Vir Clarissimus; *Sic enim tam perversè facti & constituti esse possumus, ut falsa semper pro veris percipiamus, quo quæso initio Scientiæ cujusvis fundamenta ordiemur?*

VII. Optima Cartesii methodus ad Scientiæ fundamenta eruenda, RESPONDEO, nulla alia faciliore methodo, quis Scientiæ fundamenta ordietur, & ad Rerum cognitionem certius perveniet, quàm

quàm si *Cartesii* exemplum secutus, de omnibus dubitandum esse censeat, & per generalem iudicii suspensionem simul & semel ea prorsus abdicet. Quoniam eo pacto, ab Infantia & affectuum *præjudiciis* immunem se tuetur, atque Veri cognitione se exornandum exhibet. Non tamen ad Vitæ finem huiusmodi Dubitatio protrahenda est, nec quæ falsa esse semel finximus, pro talibus semper habenda sunt; quemadmodum fecere *Sceptici*, qui humanam imbecillitatem causati, omnem animi operam in dubitando locabant: sed ad tempus duntaxat iudicium differendum est, donec tandem velut æquatis utrimque præjudiciorum ponderibus, ut loquitur Philosophus, nulla amplius prava consuetudo iudicium à recta ratione detorqueat. Fingere igitur possumus, à perverso aliquo *Genio* nos inludi, at non *ut semper falsa pro veris percipiamus*; sed ut facilius postmodum transacta dubitatione, & dispersa Genii caligine, à Falsis *Vera* discernamus, & genuina Scientiæ fundamenta cruiamus.

QUARE citra rationem (salvo tamen VIII. meliori iudicio) sequentia à præstantissimo *Dabitatio* Theologo adduntur. *Quantacumque enim non ad res perspicuitate res ipsa nobis suæ fidem fecerint, ipsas, sed nihil tamen ad assensum unquam efficient, ad noquamdiu manet desperata illa dubitandi ratio stram cognoscibile esse, ut omnia contra quàm sunt nobis cognitionem videantur.* Quoniam illi prius animadvert- est refen-

G 2

ten-renda.

tendum erat, *Dubitationem* non ob res ipsas fieri; sed potius ob dubitandi rationes, quæ nobis occurrunt. Vel illius intuitu, qui nondum veram Philosophandi viam ingressus, solo Naturæ lumine, ad Res cognoscendas accedit. Verum Vir Clarissimus videtur *Dubitationem* & Falsitatem Rebus assignere, quasi quæ semel ut incerta, aut falsa apprehenduntur, nunquam certa, aut vera reddi queant. Cum potius supponere debuisset *Dubitationem* & certitudinem, non ut Objectorum esse proprietates, quæ illis perpetuò inhæreant; sed ut relationes *Cognitionis* nostræ ad Objecta: Sic ut *Dubitatio* & *Certitudo* solum in nostra *Cogitatione* considerata sint. Sin verò aliter senserit, volueritque nulli nos rei assentiri posse, quamdiu de illa ambigimus, damus manum, idque ultrò quod intendis, largimur; Cum *Dubitatio* Rei ignoratio sit, non notitia, iudicii dilatio, non affirmatio, aut negatio, & qua manente, nulli rei sit assensus aut dissensus.

IX. At quid inde mali oritur, quòd quis ut
Ex mali- inconcussa Scientiarum fundamenta inve-
gni genii niat, dubitet, omnia objecta falsitatis suspi-
fictione, cetur, perversæ naturæ *Genium* effingat,
nihil mali qui illum suis artibus in *errorem* inducat?
sequitur. Quid prohibet, ut qui Philosophica tantum
 meditatur, de iis iudicii assensum cohibeat,
 non adhibita mora, quæ ad evidentem &
 distinctam Rei perceptionem requiritur? Id

pandat Vir eximius, & apertius ea in re mentem suam aperiat.

SED ubi satis acerbè contra præjudicio-
rum everſionem invecſus eſt, ac rationum
vanitatem, quibus omnia in dubium revo-
cantur, oſtendere animum adjecit; ad Dubi-
tationis effectus tandem delabitur. *En igitur*, inquit, *unde initium ipſe* (Carteſius) *duxerit, quod Deum demonſtrare poſſit, proban-*
eumque neque falli, neque fallere. Adcõne
fœcunda eſt ignorantio? Quid! tantum po-
teſt mentis incertæ & dubitantis Affectio, ut
ea poſita, illicò ſupremum numen exiſtere
deprehendatur? Imo ejus eſſe naturæ, ut
non fallere, neque falli queat? Admittit qui-
dem *Philofophus* utilem eſſe *Dubitatiõnem*,
ut nos à præconceptis Opinioniſus liberet,
viamque facilſſimam ſternat ad Mentem à
Senſibus abducendam: Non tamen ad ali-
quid probandum, aut ad *Veritatem* aliquam
ſtabiliendam. Quis credat, Dei Exiſtenti-
am ex Rerum omnium ſubtrahitione conſe-
qui? An inter Deum, & univerſalem judici-
i ſuſpenſionem connectio neceſſaria interce-
dit? *Abdicatio* non niſi ad eum ſpectat, qui
nondum clarè & diſtinctè quicquam cog-
noſcit: quomodo autem talis, aut per Ide-
am, aut per effectum, Dei Exiſtenti-
am demonſtrabit? Niſi dicatur *Scepticos*, quibus
familiaris fuit Rerum omnium abdicatio,
clarè nihilominus aliquid percepiffe, quod
tamen ipſi abnuunt, & ignorantia patrocini-

X.

Non in-
ſervit Du-
bitatio ad
Dei exi-
ſtenti-
am
proban-
dam.

nantur. Non igitur à Dubitatione *Cartesius* initium duxit, quò Deum demonstrare posset; sed post Dubitationem; per eam Animum præparavit, non quicquam ejus ope stabilivit. Deum existere demonstravit, non ambigendo, sed *ratione* in arbitrium ascita, cui soli evidenter & distinctè percepta manifestantur, & patescunt.

XI. NONNULLA in eadem Sectione decima quinta Eruditus Theologus subjungit, *Dei Veritas non ad probandum Deum fallere posse, modò hoc loco, delictum absit, & fraus citra alicujus injuriam committatur. Sed quia Cartesius in prima Meditatione, quam Reverendus Dominus in ea Sectione, potissimum impugnandam suscepit, nondum Deum se nosse præsupponit, & illius Existentiam in tertia duntaxat Meditatione demonstrare adoritur, ea, quæ illic adfert, in Capite decimo sexto examinanda consultò differo.*

XII. INTERIM ægrè fert Vir Clarissimus, quòd ut Res falsas, imaginariasque *Philosophus* fingeret, invidum, perversumque Dæmonem constituerit, qui data opera, fucum faciat, nosque Veritate, quam inquirimus, frustretur. Quippe illi satis fuisse arbitratur, si fictus ille Deceptor, facetus lepidusque habeatur, dum nobis ita illudit, ut Cælum, Solem, Terram, aliâque omnia, quæ cum non sint, existere videantur. *Nihil igitur opus erat, inquit, malignum finxisse, ut hujus præstigiis ludat, satis est, si facetum putave-*

taveris. Sed quare opus non fuit *Genium* malignum potius quam ludicrum simulare? si illi ratio suppetit, cur ita fieri non debeat, cur illam non adferat? Id meritò à quocumque exigere fas est, ubi non tam autoritate, quam rationibus decertatur. Verum, quia fortè idem in *Cartesium* retorqueri posset, quòd insigni malitia Deceptorem commensus sit, ejus mentem paucis explicabo. Cum Scientiam *Philosophus* tunc quæreretur, quæ foret à minima etiam *erroris* suspitione libera, quicquid ejus evidentiae obstat poterat, in medium adduxit, ut ostenderet, tanti etiam Deceptoris intuitu, suam infallibilitatem ac certitudinem vendicare.

Hoc Responsum Viro Erudito mecum XIII.
constare non videtur, qui Sensus suos con- *Cum affi-*
sulendo, & detecto oculis *Solis* splendore, *nis sit*
affirmat, se Solem aspicere; neque ea de re *Somno*
ambigere, quantumcunque Dæmon ille ma- *Vigilia,*
lignus obluetur, & præstigias exerat. Pro *non certò*
immensa itaque sua potentia me fallat, siue *noscitur,*
facetis ille, siue malignus Deus, insanus sim, *quid per*
si cum nunc Solem aspexerim, an aspiciam du- *altern-*
bitarem. Atque tu ipse an bona fide dubita- *trum re-*
res tres angulos esse aequales duobus rectis; presen-
quadratum quatuor duntaxat latera habere; tur.
duo & tria esse quinque; res quasdam mate-
riales existere, &c. Observatum est, in præ-
cedentibus, Sensus non veros esse Rerum
Judices, & circa objecta, quæ nobis exhi-
bent, non rarò decipi: quod et si non for-
malem.

malem, materialem saltem falsitatem implicat. Quod si ita se Res habet, unde, quæso, nobis apparebit, *Solem* esse, qui nostris oculis objicitur, aut quem nobis objici imaginamur. Cum similes prorsus cogitationes dormienti & somnianti occurrant, quales nunc ad Sensuum evidentiam provocamus? si actionum nostrarum conscientiam, tanquam Vigiliæ testem adducamus, quomodo nobis Vir Clarissimus persuadebit, quòd *Sidus*, quod præsens esse existimat, somno solutus potius, quàm eodem gravis intueatur? Decipi igitur potest, & sic meritò dubitare, an Solem nunc verè aspiciat, necne; ac proinde *non is plusquam insanus reputandus est, qui plus certitudinis quàm Solem esse, aut se corpus habere, in re quavis postularet.* Quia sæpiùs experimur, nos eadem dormientes, quæ vigiles pati, & in alterutro statu positi, pro Opinionibus nostris conflagere & præliari,

XIV. SIMILI ritu nunquam certi esse possumus, in *Triangulo*, tres Angulos esse duobus rectis æquales: *Quadratum* quatuor latera continere: unum & duo facere tria; nisi priùs pro certo habeamus, Deum non posse esse fallacem: Verùm, cum Deum existere nondum Cartesio in prima Meditatione innotesceret, de prædictarum Veritatum evidentiâ, absolutè certus esse non potuit, nisi antea clarum & distinctum Dei conceptum haberet, qui cum affirmare faceret,

Deum

De igno-
re, ambi-
gi potest
de certi-
tudine
Veritatũ
Mathe-
matica-
rum.

Deum esse summè Veracem. Atque cùm illud, inquam, tunc temporis non apparuerit, sufficiens illi dubitandi ratio adfuit; an in Triangulo tres Anguli pares essent duobus recti, & an *Quadratum* non plura aut pauciora latera complecteretur.

HINC dilucidè manifestum apparet, quàm Cartesiana abdicatio, iis utilis sit, qui ad solidam Sapientiam contendunt, & Sensibus neglectis, soli claræ Cognitioni indulgent; quandoquidem citrà illam, nihil quicquam evidenter percipi queat, ea nimirum evidentia, quæ ad certitudinem Metaphysicam requiritur. Unde nullatenus Viro Eximio assentiri valeo, dum ait: *Quid itaque opus est nos ipsos fictis & inanibus istis dubitandi rationibus fatigare, cùm sine labore, sine temeritate, sine periculo res omnes, quas scire sit operæ pretium, certò intelligamus?* Quàm fælices nos, si id, quod pollicetur, præstare posset! Hinc à nobis lubentes, omnem dubitandi rationem amandaremus, eamque ut inanem rejiceremus, si ad nullam certitudinem nos promovet, & quæ discenda nobis proponuntur, citrà *laborem*, citrà temeritatem, citrà periculum certò intelligamus. Sedes igitur suas professores deserant, exulent Academiæ Magistri; ablegentur à Civitatibus Doctores, si ad Scientiam sine *labore* pervenire valemus, si Disciplinarum abdita sine *temeritate* panduntur, & quod scitu necessarium est, sine *periculo* obtine-

G 5

XV.
Nihil certitudine
Metaphysica
acquiri
potest, nisi per Dubitationem Cartesianam.

mus.

mūs. An fortè nihil nostra interest, si Logica, si Mathematicis Disciplinis, si Geometriæ Analyfi damus operam, quæ dum ingenium acuunt, imaginandi Facultatem defatigant? An Theologia, in qua tam insigniter versatus est Vir Clarissimus, negligenda est, quoniam Veritates à Deo revelatæ, humani ingenii captum excedunt, & sæpe non absque periculo & temeritate discutiuntur?

XVI. SEDULO perpendat Eruditissimus Theologus, an non facilius sit, circa Philosophiæ *Prius de* initia, à Dubitatione ordiri, & oblatas utrinque *rebus dubitandum* rationes ventilare, quàm absque ullo examine, & cum magna sui fiducia, omnia scrutari, omnia concludere. *quàm ut aliquid statuatur.* Nam quo pacto, ut disserit Plato, Fidem habeat novis ac recentibus Rebus, qui prius ex Animo non depulerit, quæ malè sibi insita fuerunt? Et cum id egerit Cartesius, & deducta à Sensibus præjudicia prius deposuit, quàm Verum investigaret, quod demum fuit ejus Fatum? Quæ sors illum mansit? En, Miserrimo hujus Philosophi exitu, modestè sapere discamus, qui cum ingenii fiducia fretus in altum, spreta naturæ suæ conditione, evolare vellet, mox in tam profundum delapsus sit dubitationum gurgitem, ut quantumcunque postea enisus sit, nunquam potuit aut enatare, aut pedem figere. Hoc est, quantum ego assequi valeo, ita dubiis involutus permansit, ut nihil postea veri, nihil certi inde deduxerit. Priusquàm verò tanti Viri judicio subscribamus,

lis instituat, & cui palmam & ratio & institutio assignaverint, Victor esto.

CAPUT OCTAVUM,

Ut primum omnis Scientia fundamentum Cartesius invenerit, & quale illud sit.

QUAMVIS Rerum omnium abdicatio, ut præmonui, Scientiæ inutilis sit, & ad Veritatem aliquam stabiliendam nihil conducatur; Ita tamen ad Res Intellectuales considerandas Animos præparat, & eos præjudicatis intempestivæ ætatis *Opinionibus* exuit, ut citra illam nihil solidi, nihil cum ratione ostendi posse videatur. Quemadmodum *Aristoteles* Lib. 3. *Metaphysic.* cap. 4. testatur: *Certa enim cognitio, quæ sequitur, solutio est eorum, quæ antea dubitabantur.* Hinc *Cartesius* postquam circa omnia, quæ sub ejus cogitationem cadere possunt, dubium movit, periculum demum fecit, num fortè aliquid superesset, quod inter dubia non retulisset, & si ita ancipiti & suspensio quicquam obversaretur, quod in dubium non revocaratur, id sibi velut *Basim*, cui tota ejus *Cognitio* inniteretur, retinendum sententiæ fuit. Et licet omnia, ut ante patuit, submovisset, nihilque eorum, quæ sibi repræsentarat, ut Verum agnosceret: quippe non de iis solum, quæ Sensibus attinguntur, dubitarat; verum etiam de illis omnibus, quæ menti obvia sunt, I. Adoritur post omnium abdicatorem, aliquid certe invenire.
sive

sive à solo intellectu apprehenduntur ; aliquid tamen , quod explorandum esset , reliquum fuit.

II. *AT* qua arte, inquires, quibus machinis, *Post omnium abdicationem, se existere certo Car-tesius infert.* illud eruet, cum *in tam profundum delapsus est dubitationum gurgitem, ut quantumcunque enitatur, nunquam posset aut enatare, aut pedem figere ?* Revera non ægrè admodum. Nam cum omnia per abdicationem sustulisset, animadverteret verò eum, qui sic judicio suspendit, eo ipso, quo hoc facit, existere, se esse conclusit ; non quatenus Capite, Manibus, cæterisque Corporis membris constat ; quia hæc jamdudum ablegaverat, sed quatenus *Dubitans, Cogitans, &c.* Si quis Somnum obtrudat, dicatque eadem simulacra pari modo somniantibus, ac vigilibus occurrere, nihil efficiet : Nam sive quis somno obrutus, sive experrectus, cogitat, tamen est si cogitat. Ac proinde intellexit Philosophus, se Rem, seu Substantiam esse, cujus tota Natura, seu essentia in eo tantum consistit, quod cogitet, quæq; ut existat, nec loco ullo indiget, nec ab ulla Re Materiali seu Corporea dependet.

III. *Uniuscujusque existentia adeò nota est, ut nullo modo de ea dubitari possit.* VERUM, Tetantillum contine, subjunges, cum Homo sis, ac idcirco Erroribus obnoxius, unde te non falli judicas, cum ex tua Dubitatione, seu Cogitatione te existere concludis ? Quid ni imposturam patiaris, & cum Rebus cæteris fictitium quid sis, & evanidum. Imò certè *sum*, si erro, si decipior, & qua-

& qualemcumque Deceptorem mihi ob-
 cias, qui astu valeat, omnemque in me
 fallendo industriam impendat, ero
 tamen, quamdiu me decipi supponetur.
 Nec denique quæcumq; alia dubitandi cau-
 sa proponatur, ulla unquam adferri potest,
 quæ de mea *Existentia* certissimum me non
 reddat. Imò quo plures ambigendi ratio-
 nes in medium adducentur, eo plura addu-
 centur Argumenta, quæ me existere per-
 suadebunt. Quia etiam si in Rebus aliis
 circumveniri possim, nequaquam verò in
 propriæ *Existentiæ* meæ cognitione. Quem-
 admodum præclarè observavit *Augustinus*
 ad *Evodium*. *Quare prius abs te quaro,*
(ut de manifestissimis capiamus exordium)
utrum tu ipse sis? An fortasse metuis, ne hac
in interrogatione fallaris? Cum utique si non
esses, falli omninò non posses. Adeò ut, quam-
 vis me omnibus *Sensibus* destitutum spectes;
 quamvis à me Corpus, Figuram Extensio-
 nem, motum localem removeas, *sum* ta-
 men, si aliquid me esse cogito, & quocumque
 me ad dubitandum verto, in has voces erum-
 pere cogor, *Cogito, Dubito, igitur sum.*

Hoc effatum tam manifestum, tantaque IV.
 soliditate præditum est, ut de ejus Certitu- *Ego cogi-*
 dine nullatenus ambigi queat; Cum fieri non *to, ergo*
 possit, ut qui cogitat, se cogitare non cogi- *sum est per*
 tet, & consequenter ut is, qui se cogitat co- *se notum.*
 gitare, non sit. *Non entis enim nullæ sunt*
Affectiones, aut operationes. Unde sicuti
Archi-

Archimedes Geometricarum demonstrationum claritate nixus, non nisi punctum extra Tellurem nostram exigebat immobile, in quo pedem figens, hanc totam loco amoveretur; sic *Cartesius* Archimede felicior, ope suæ Methodi fretus, inconcussum principium vestigans, *Veritatem* invenit ab omni prorsus dubitandi causa liberam; Adcò ut ei tanquam immobili principio, tota Scientiarum moles innitatur. Quippe illud tale est, ut ab eo solo rectè primus progressus instituatur, ad probandam aliarum Rerum existentiam: quod quilibet propria experientia cognoscere potest: Nam etiamsi verum sit, ea quoque existere, quæ Sensibus detegimus, non tamen à *Sensuum* iudicio, tanquam à re per se nota, initium faciendum est, ad rerum existentiam manifestandam; quandoquidem plurima dubia non temerè quæsitæ, sed Viro cuivis prudenti sese offerentia, de Sensuum testimonio objici queunt. Restat igitur ut hoc effatum, *Cogito, ergo sum*, omnium Veritatum norma sit ac mensura: quippe id pro firmo ac immobili principio habendum est: *Quicquid tamen evidenter, ac distinctè cognoscitur, quam istud, id verum est.*

V. QUAMQUAM Vir eximius hunc conatum non spernat, tacitèque fateri cogatur *Dogmatici Sceptici præfere-
rendi.* *Cartesium*, in eum Beatitudinis apicem pervenisse, ut Veritatem saltem unam, suæ Methodi auxilio attigerit; *Scepticos* nihilominus

minus illi præfert, ingenique palmam *Academicis* concedit, qui ut ab omni assensu, suam libertatem contra *Dogmaticorum*, ut aiebant, insolentiam tuerentur, incerta omnia, & incognita esse voluerunt. *Cartesius* autem eandem philosophandi semitam ingressus, omnia in dubium tantummodo revocare voluit, ut ea ratione, summam de omnibus certitudinem investigaret. Quo conatu rem suam longè minori acumine quàm veteres *Scepti* confecisse visus est. Dubitationem Scientiæ anteponendam nondum antea ab ullo assertam audiveram. Quid! ingenii solertiam arguit, de omnibus Rebus ambigere, & nullum alium præter Dubitationem, sibi finem præfigere? quî hujusmodi incertitudo ab Ignoratione discrepat? Quid Rerum planè nescio, aut de illis ambigenti interest? Itane satius erit tunc libertatis gratia assensum perpetuò cohibere, quàm Verum scrutari, & earum naturas pervadere? Quomodo igitur is erit censendus

Fælix, qui potuit rerum cognoscere causas.

Si ignari, si de omni re ambigui, majori acumine rem suam conficiunt, quàm qui ad Sapientiam aspirant, & Veritates detegere moliantur?

AN fortassis, quales fuere *Sceptici* Virum Clarissimū latet? Qui omnium Rerum, quem admodum scribit *Gellius*, fidem veritatemque mixtis confusisque veri atque falsi signis tur.

VI.

Parkerus
Divinam
providen-
tiam sta-
biliendo
Scepticis
adversa-
gnis tur.

nis ita incomprehensibilem videri ajunt, ut quisquis Homo est, non præcept, neque judicii sui prodigus, his uti verbis debeat. Vereor profecto, ne Scepticos hîc nimium extollendo, proprium institutum inconsultò deprimat, & armis, quæ in Cartesium contorquet, sibi vulnus inferat. Nam cùm tota Disputatione sexta, Pyrrhonios & Academicos infectetur, qui omnem de summi Numinis providentia, de boni & mali legibus, certitudinem eripiunt, quidni ipsis potius laudi ducat, quòd ita fluctuent, & rem suam cum majori acumine peregrisse pronunciet, quàm fecerit ipse, qui divinam Providentiam asseruit, & Boni malique regulas esse demonstravit?

VII. *Nihil* efficiet præclarus Vir, dictumve *Cartesius* excusabit, si *Cartesium* ut Scepticum denuò proponat; quippè luce meridiana evidentiùs est, illum Scepticos aspernari, cum Academicis subistere fastidientem, Philosophum existimari velle & Dogmaticum. Quare depulsa tota Dubitationum turba, velut è caligine, in lucem erumpens suam ex præ-

VIII. *sente cogitatione existentiam adstruit, intrepidèq; profert, Ego sum.*
Illud, ego cogito, ergo sum, ita evidens est, ut dubitando clarum evadat. Hoc principium adeò perspicuum est, tantoque lumine se mentibus nostris ingerit, ut sive *Deum* in rerum natura existere credam; sive, *Atheorum* exemplo, extra Mundum relegem; sive *Sensuum* testimonio standum esse judicem, sive illos malè fidos esse

esse testes arbitrer; sive mentem meam existere; sive illam fictitium quid esse supponam; denique sive me, qui credo, qui judico, qui arbitror, qui suppono, Mentem esse statuam; aut Mentem esse inficiar, inconcussum tamen manet, me, *qui Cogito*, existere. Adeo ut illud ita evidens sit, ut quoties de eo *dubito*, fateri cogar verum esse.

REVERENDUS Doctor hunc apparatus improbat, atque ut supervacaneum rejicit; quandoquidem aliunde existentiae nostrae certitudinem elicere possumus. Nam quis se ut Hominem contemplatus, non statim se existere intelligit? Quis non quavis alia actione sua se esse colligit? Cur tot praeparationibus opus, cum Cartesius *simplici intuitu*, sine solenni ista diei indictione, sine *prolixa meditationum serie*, sine tanto *syllogismorum strepitu* sat notum sibi habere potuisset. Id quanquam cum asseveratione à Clarissimo Viro adducatur, omni tamen probatione destitutum est. Nam quicquid praeter *cogitationem*, in suae existentiae demonstrationem attulerit; nunquam illius certus erit, certitudine scilicet Metaphysica, de qua hic potissimum est quaestio. Nam quamcunque aliam *Actionem* adduxerit, non tamen ex ea se esse infallibiliter concludet; nisi in quantum internum agendi Judicium Cogitatio est, de qua sola illatio vera est. Nequaquam autem de *Motu corporeo*, à quo

IX.

Non potest quis ex actionibus corporis, sed ex sola cogitatione colligere se esse.

Dormiens non rarò affici sibi videtur, quàmvis interim quiescat, & tranquillus in lecto recondatur. Adeò ut ex eo, quòd quispiam se manum, se pedes agitare apprehendit, dubio procul, Mentis, quæ illud apprehendit, existentiam verè deducit; non autem Corporis, aut aliquarum ejus partium, quæ moventur quare statuendum est non *simplici alio intuitu*, non quacumque Corporis actione, potuisse Cartesium *notum sibi habere potuisse*.

X. ET ut omnis ambiguitas circa hoc effatum: *Dubito, cogito: ergo sum*, tollatur, ob-
 Ego Cogi- tum: *Dubito, cogito: ergo sum*, tollatur, ob-
 to, ergo servare hñc operæ pretium erit, hanc Ora-
 sum, non tionem non discursum Syllogisticum esse,
 est Syllo- quounum ex alio infertur; adeò ut ad illud
 gisticus in forma reducendum, hanc propositionem
 discursus. addi necessum sit: Quicquid cogitat est, vel
 existit; cogito ego; igitur ego sum. Quia
 cum *Præmissæ* in Syllogismo, Conclusionem
 evidentia superent, & ei Notione antecede-
 rant, sequeretur datas præmissas, fore ipsa
 Conclusionem & clariores & notiores: ac
 proinde illud *Ego sum*, non foret omnis phi-
 losophicæ cognitionis fundamentum, imò à
 Conclusionis dignitate deviare; cū certa non
 esset, & dubiis tantum præmissis inniteretur.
 Nam cum *Cartesius* Universales propositiones in dubium prima Meditatione revoca-
 verit, quæ aliquam firmitatem nancisce-
 tur, si illius veritas ab illis dependeat,
 & ab iisdem totam suam claritatem desu-
 mat?

mat? Quare in Responsione ad secundas Objectiones ita scribit: Cum autem adversus nos esse Res Cogitantes, prima quædam notio est, quæ ex nullo Syllogismo concluditur; neque enim cum quis dicit, *Ego cogito, ergo sum, sive existo*, existentiam ex Cogitatione per Syllogismum deducit, sed tanquam rem per se notam simplici mentis intuitu agnoscit; ut patet ex eo, quòd si eam per *Syllogismum* deduceret, novisse prius debuisset istam majorem: *Illud omne quod cogitat, est sive existit*; atqui profecto ipsam potius discit ex eo quod apud se experiatur fieri non posse ut cogitet, nisi existat, unde effatum illud, *Cogito, ergo sum*, pro unica solummodo propositione habendum est, quæ huic æquivalet, *Ego sum Cogitans*.

HINC evidens apparet Virum Eximium, non satis ad hoc attendisse, dum solennem diei, qua Rerum abdicatio facta est, indictionem ut superfluam existimans, ait: *Sine proluxa Meditationum serie, sine tanto Syllogismorum strepitu sat notum sibi habere potuisset*, nempe, se esse: Quia nullo Syllogismo ad sui existentiam probandam philosophus usus est; imo nullo uti debuit, quemadmodum ipsemet id testatur, in Responsione ad Instantias *Gassendi*, simile quid obijcientis. Præcipuus enim *Gassendi* error hac in materia fuit, quòd Enunciationum particularium cognitionem, semper ex universalibus secundum Syllogismorum Diale-

XI.

*Propositio
universalis
ex particulari-
bus est deducenda,*

Etices ordinem, deducendam esse supposuerit. Quain re, quomodò Veritas indaganda sit, se ignorare prodidit. Constat enim inter omnes Philosophos, ad eam invenendam, initium semper à notioribus *Particularibus* fieri debere, ut postea ad *Universallem* perveniatur: quamvis etiam reciprochè Universalibus inventis, aliæ particulares inde deduci queant.

XII. I TA si puer in *Geometriae* Elementis institutus Geometer tuendus est, hoc principium generale: *Si colligit ab aequalibus aequalia demas, qua remanent, Universaliter erunt aequalia*: aut *Totum singulis particularibus* majus est, non capiet, nisi particularibus exemplis illustretur, quia ea est Mentis nostræ natura, ut generales propositiones ex particularium cognitione efformet. Patet igitur, quod hujus effecti; *Ego cogito, igitur ego sum*; veritas non sit ex majori universali deducenda, cum adeò evidens animo appareat, ut ab ea credenda temperare sibi non possit, cum fortè de illa tum primùm cogitare incipiat.

CAPUT NONUM.

I. *De Criterio, sive nota indubitata veræ Certitudinis.*
Quid tam clarum nobis est, ac nostri existentia verum est.
CUM nemo ambigere queat se existere, ex eo, quod sit Cogitans, & certitudine planè irrefragabili se cogitare, hoc est, affirmare, negare, imaginari, intel-

ligere percipiat, indubitata consecutione, hoc enunciatum, *Cogito, sive sum Cogitans*, infert esse solidissimum totius Philosophiæ fundamentum. Quia cum de nulla re certi esse possumus, quamdiu an existamus, nos latet, & omnis nostræ Affirmationis & Negationis veritas, ab hoc principio pendet, rectè pronunciat, *Ego sum*, esse per se notum, nec per aliud evidentius posse manifestari. Cum verò in Scientiis nihil aliud investigetur imò nihil aliud desideretur, ut Res, quæ tractantur, pro *compertis* habeamus, quàm ut omnia inconcussis ex principiis deducantur, eaque non minùs evidentia & distincta evadant, quàm principia ipsa, ex quibus emanarunt; apertè sequitur, ut quicquid eam claritatem adsciscit, sive quicquid nobis pari claritate & evidentia innotescit, ac principium jam repertum; atque omne, quod huic principio sic consentaneum est, ut ab eo talem involvit dependentiam, ut si de illo ambigatur, de principio quoque ambigendum sit, pro verissimo admittere debemus.

UNDE pro Criterio, & infallibili Certitudinis nota recipiendum est: *Omne illud mihi verum est & certum, quod valdè perspicuè & distinctè concipio, sive apprehendo.* Ea enim est perspicuitatis & evidentiae efficacia, ut à nobis assensum extorqueat, & fieri nequit, ut rei alicujus claritate Animus con-

II.
Nota Veritatis in omnibus Scientiis observanda.

cutiatur, quin illicò velut Lanx ponderibus impositis, cedat, & spretis omnibus præstigiis, quibus ab ea depelli potest, illam probet, atque ut veram amplectatur. Hinc Platonici comprehensibilem vocari Rationem dicunt, quæ est communis Evidentiæ & Veritatis. Sic Plato in Phædone, *Ecquando igitur Animus veritatem assequitur; nonne Animus ratiocinando, seu alio quodam modo res ipsas perspicuè contemplatur? Certè. Tunc vel optimè ratiocinatur, cum ipsum nullus Corporis Sensus offenderit, seu visus, seu dolor, seu voluptas. Sed ipse apud seipsum maximè sit, quantum potest, Corpus nulla communitate contingens, rem ipsam certo instituto persequitur. An ita res habet, illum Hominem, què maximè & exquisitissimè comparatus sit, ad ipsius rei, in qua disquirenda versatur, naturam cogitatione comprehendam: illum nimirum proximè accessurum ad illius rei naturam cognoscendam atque intelligendam.*

III.
*Judicium
claram
rei notiti-
am sequi-
tur.*

QUIPPE si rationem inquiramus, quor-
sum tanta cum Animi securitate, me esse
Rem cogitantem affirmem, nulla alia occur-
ret, quam quia illud tam manifestè & distin-
ctè percipio, ut ei assentiri cogar, nec à
me in dubium ullatenus revocari queat: Om-
nium enim Animis, inquit *Cartesius, part. I.
principior. Artic. 43.* à natura impressum est,
ut quoties aliquid clarè percipimus, ei
spontè

spontè assentiamur, ut nullo modo dubitare possimus quin sit verum. Nam cùm cognitionem nostram iudicium sequatur, & per Ideas, quæ menti insunt, de Rebus discernamus, fit, ut quicquid in Rei Idea clarè, & distinctè continetur, illud de *Re* dici, & verè prædicari queat. Ut quia in Idea *Trianguli* includitur, quòd tres ejus Anguli pares sint duobus rectis, Angulorum æqualitatem de *Triangulo* affirmare licet. Et quia in Idea *Circuli* continetur, quòd lineæ ab uno earum puncto, seu Centro ad peripheriam cadentes, sint æquales, rectè etiam de Circulo linearum *paritatem* affirmare licet.

ET hoc pacto tollitur summa illa Dubitatio, quæ ex eo petebatur, quòd nesciremus, an fortè talis essemus naturæ, ut in iis etiam falleremur, quæ nobis evidentissima esse videntur. Quin & aliæ omnes dubitandi Causæ prius recensitæ, facile ex hoc principio tollentur. Non enim amplius Mathematicæ Veritates nobis suspectæ esse debent, quia sunt maximè perspicuæ. Atque si advertamus, quid in Sensibus, quid in Vigilia, quidve in Somno clarum sit, ac distinctum, illudq; ab eo, quod confusum est, & obscurum distinguamus, facile quid in qualibet Re pro vero habendum sit, agnoscemus. Certum enim est, nihil nos unquam falsum pro vero admissuros, si iis duntaxat assensum præbeamus, quæ

VI.

Per hanc
Regulam,
quicquid
clarè cog-
nosco, ve-
rum est,
tollitur
omnis du-
bitatio.

clare & distinctè percipimus. Quia cum prædicta *Dubitatio*, non ex claræ perceptionis defectu, sed potius à quodam fingendi excessu, & quicquid excogitandi libertate, quod Scientiarum *certitudini* adversabatur, profecta sit; ambigi nequit, quin hujusmodi enuntiata adeo dilucida sint, ut nullæ de iis dubitandi rationes reperiri queant, præter hanc unicam, quod Deus quispiam (dum nimirum ejus natura ignota supponebatur) talem nobis indolem largitus sit, ut etiam circa illa, quæ evidentissima intueri putabamus, deciperemur. Verùm cum de ejus Veracitate nobis constet, eumque omnis luminis datorem agnoscamus, in iis, errare non possumus, quæ clarè & distinctè nobis observantur.

V.
Et omnia
Veritas in
quacumq;
Scientia
stabilitur.

QUIPPE hæc unica est *Regula*, nec ullam aliam fingere possumus, quæ aliquem usum in Scientiis adipiscendis habeat. Cum qualemcunque Demonstrationem expectaveris, illa nihil prorsus efficiet, nec earum fundamenti rationem obtinebit, nisi quatenus clarè & distinctè apprehendetur; ac proinde distincta & evidens Cognitio, unicum & stabile est principium, quo aliquid de re cognoscibili, non tantum certò & decretoriè statuitur; sed *Lapis Lydius* haberi potest, quo Veritas exploratur, & quandonam verum judicium de Rebus profertur, detegitur. Enimverò, si sedulo meditemur, accuratiusque examinemus, cur à nobis impetrare non

non valemus, ut confusè & obscurè *perceptis*, quamdiu talia existimamus, assensum præbeamus; à clarè autem & distinctè cognitis, illum cohibere penes nos non sit, statim Intellectus lumen succurret, insinuabitque id ita à nobis fieri, quoniam in istis *falsitatem* aut incertitudinem: In iis verò *veritatem* & certitudinem deprehendimus. Sic ut evidens & distincta perceptio, Causa sit, cur iudicium nostrum verum & stabile esse pronunciemus; obscura autem & confusa cur dubium & incertum.

Si ita se res habet, inquit, quo pacto fit, ut nos tam sæpè *deceptos* esse experiamur, etiam in iis, quæ Sole clarius seire credebamus? Unde habemus, quòd in iis, quæ clarè & distinctè nunc cognoscere putamus, certum sit, nos neque falli, neque falli posse?

ALIUD mihi, quod respondeam, non suppetit, quàm quòd nos clarè & distinctè non cognovisse, quòd falsum esse postmodum deteximus: sed nobis nimia præcipitantia imposuisse. Nec id certè mirum videri debet, cum pauci inveniantur, etiam inter Libera-
lium Discipularum Professores, & alios, qui publicè docendi munus suscipiunt, qui huic studio, ut par est, operam navant, aut ad illam evidentiam aspirant. Quare quid mirum, si in iis sæpè decipiamur, quæ clarè & distinctè visi sumus cognovisse? Quia non perceptionis nostræ perspicuitatem à solo Intellectu, à quo expectanda est, petivimus:

VI.
*Unde ori-
tur, ut de-
cipiamur
in iis, quæ
arbitra-*

*mur clarè
cognoscere?*

VII.
*Error no-
ster ori-
tur ex
defectu ac-
curata
cognitio-
nis.*

sed vel à *Sensibus*, vel à falso aliquo *præjudicio*, eam desumpsimus. Nam quis est, qui Infantiae tempore, non judicavit *Terram* planam esse; *Cælum* ad modum fornicis extensum; *Sidera* veluti clavos in Firmamento affixos; *Solem* & *Lunam* cæteris aliis astris majores, ac si id evidentissimè & certissimè intuitus esset? Et illud ipsum est, in quo multi deluduntur, aut si verum judicant, id solum casu contingit, non autem ex suæ Cognitionis evidentia. Quemadmodum monet Philosophus *partè i. princip. Artic. 44.* Certum etiam est, inquit, cùm assentimur alicui rationi, quam non percipimus, vel nos falli, vel casu tantùm incidere, in *Veritatem*; atque ita nescire nos non falli. Id sanè raro contingit, ut assentiamur iis, quæ advertimus à nobis non esse percepta; quia lumen Naturæ nobis dicat, nunquam nisi de re cognita esse judicandum. In hoc autem frequentissimè erramus, quòd multa putemus à nobis olim fuisse percepta, iisque memoriæ mandatis, tanquam omninò perceptis, assentiamur; quæ reverà tamen nunquam percipimus.

VIII. FUNDAMENTUM igitur, cui omnis humana certitudo nititur, in hoc dici potest *Ut quis de re, quam apprehendit, certus esse possit.* consistere: Imprimis, ut statim aliquid à nobis rectè percipi putamus, spontè, naturalique lumine impulsì, *verum* illud esse nobis persuademus. Si verò hæc persuasio tam firma sit, ut nullam unquam possimus habere

bere causam dubitandi, de eo, quod nobis ita persuademus, nihil est quod ulterius inquiramus, habemus omne, quod cum ratione optare licet. Quid enim ad nos, si fortè quis fingat illud ipsum, de cujus veritate tam firmiter sumus persuasi, *Deo vel Angelo* falsum apparere, atque ideò absolute loquendo falsum esse? Quid istam absolutam falsitatem curamus, cum illam nullo modo credamus, nec vel minimum suspicemur? Supponimus enim persuasionem tam firmam, ut nullo modo tolli possit, quæ proinde persuasio idem planè est, quòd perfectissima certitudo. Sed dubitari potest, an talis certitudo, siue firma & immutabilis *persuasio* habeatur. Et quidem perspicuum est, illam, non haberi de iis, quæ vel minimum obscure, aut confuse percipimus: Hæc enim qualiscumque obscuritas satis est causæ, ut de ipsis dubitemus. Non habetur etiam de iis, quæ quantumvis clarè, solo *Sensu* percipiuntur, quia sæpè notavimus in *Sensu errorem* reperiri; ut cum *Hydropicus* nivem videt ut flavam: non enim minùs clarè & distinctè illam sic videt, quàm nos ut albam. Superest itaque, ut si quæ habeatur, sit tantum de iis, quæ dilucidè ab *Intellectu* percipiuntur.

DICES fortassè, si hæc Regula in omnibus judiciis servanda est, nulli erunt in Mundo Fideles, nulli Christiani; quia cum

Voluntas claram & distinctam mentis co-

IX.

Objicitur
nullos fore
fideles, si
sola clara
perceptio
est sequen-
da.

gnitionem sequi debeat, quomodò quis Fidem amplectetur, cum obscura sit, & soli Divinæ Authoritati innitatur.

X. **R E S P O N D E T** Philosophus, Fidem quidem de obscuris esse, non tamen illud, propter quod, ipsam amplectimur, obscurum est: sed omni naturali luce illustrius. Quippe distinguendum est inter materiam, sive *rem* ipsam, cui assentimur, & *rationem formalem*, quæ Voluntatem movet ad assentiendum. Nam in hac sola ratione perspicuitatem requirimus. Et quantum ad *Materiam*, nemo unquam negavit, illam posse esse obscuram, imo ipsammet obscuritatem. Cum enim judico, obscuritatem ex nostris conceptibus esse tollendam, ut absque ullo errandi periculo ipsis assentiri possimus, de hac ipsa Obscuritate clarum iudicium formo. Deinde notandum, claritatem, sive perspicuitatem, à qua moveri potest nostra Voluntas ad assentiendum, duplicem esse, aliam scilicet à lumine naturali, & aliam à *Gratia divina*. Jam verò etsi Fides vulgo dicatur de obscuris, hoc tantum intelligitur de *Re*, sive de materia, circa quam versatur, non autem quòd *ratio formalis*, propter quam rebus Fidei assentimur, sit obscura: Nam contra, hæc ratio formalis consistit in lumine quodam interno, quo à Deo supernaturaliter illustrati confidimus ea, quæ credenda proponuntur, ab ipso esse revelata, & fieri planè non posse, ut ille mentiatur, quod omni naturæ

naturæ lumine certius est; & sæpe etiâ propter lumen Gratiæ, evidentius.

UNDE magna cum ratione postmodum XI.
infert, *Turcas*, aliosque Infideles, non ex eo *Non pec-*
peccare, quòd Religionem Christianam non *cant In-*
amplectantur, quoniam Rebus obscuris, ut *fideles*
obscura sunt, nolint assentiri; sed vel ex eo, *quod Chri-*
quòd Divinæ Gratiæ interioribus illos moventi *stiani non*
repugnent: vel quòd in aliis peccando, se *fiant.*
gratia indignos reddant. Atque audacter
dico, *Infidelem*, qui omni gratia supernatu-
rali destitutus, & planè ignorans ea; quæ
nos Christiani credimus à Deo esse revelata;
ipsa tamen, quamvis sibi obscura; falsis ali-
quibus ratiociniis adductus amplecteretur,
non ideo fore Fidelem, sed potius in eo pec-
caturum, quòd ratione sua non rectè utere-
tur. Nec puto ullum orthodoxum Theolo-
gum àliter unquam de his sensisse.

SI forte rôges, quâ tanta in Conceptibus XII.
nostris evidentia comparari queat? *Quomodo*

Breviter cum Philosopho respondeo *prim. acquiri-*
parte princip. Artic. 75. Primò omnia præ- *tur clara*
judicia sunt deponenda, sive accuratè est ca- *notitia in*
vendum, ne ullis ex Opinionibus olim à no- *concepti-*
bis receptis fidem habeamus, nisi prius iis ad *bus no-*
novum examen revocatis, veras esse compe- *stris.*
riamus. Deinde ordine est attendendum
ad notionēs, quas ipsimet in nobis habemus,
eæque omnes & solæ; quas sic attendendo
clarè & distinctè cognoscimus; judicandæ
sunt veræ. Quod agentes imprimis adver-
temus,

temus, nos existere, quatenus sumus naturæ Cogitantis; & simul etiam esse *Deum*, & nos ab illo pendere, & ex ejus Attributorum consideratione, cæterarum Rerum veritatem posse indagari. Quoniam ille est ipsarum causa. Et denique præter notiones Dei, & mentis nostræ, esse etiam in nobis notitiam multarum propositionum æternæ veritatis, ut quod *ex nihilo nihil fiat*, &c. Itemque Sensuum quorundam, qui nos afficiunt, ut *doloris*, *caloris*, *colorum*, *saporum*, &c. quamvis nondum sciamus, quæ sit causa, cur ita nos afficiant. Et hæc conferentes cum iis, quæ confusiùs ante cogitabamus, usum claros & distinctos Rerum cognoscibilium conceptus formandi acquiremus.

XIII.
Hac Regula non
in vita
actioni-
bus, sed in
veritatis
contem-
platione
sola est at-
tendenda.

CÆTERUM animadvertendum est, hanc Certitudinis regulam, non ad *Vitæ* usum extendendam esse, sed solum ad *Veritatis* contemplationem. Nam quod ad *Vitæ* actiones spectat, tantum abest, ut putem nullis nisi clarè perspectis esse assentiendū, quin è contrane quidem *Verisimilia* puto esse semper expectanda; sed interdum è multis planè ignotis, unum eligendum, nec minùs firmiter tenendum, postquam electum est, quamdiu nullæ rationes in contrarium haberi possunt, quàm si ob rationes valdè perspicuas fuisset electū. Ubi autem agitur de *Veritatis* contemplatione, quis nescit unquam ab obscuris, & non satis distinctè perspectis assensionem esse cohibendam?

CAPUT

CAPUT DECIMUM.

Summa cum Ratione Mentem à Corpore Distinctam Cartesius comprobavit.

SUPPOSITO quòd distincta, & evidens Cognitio, sit Voluntatis norma, quam in Judiciis suis sequi debeat, ac proinde illud verum sit, quod à nobis perspicuè & distinctè percipitur. *Cartesius* Substantiam Cogitantem esse rectè intulit, & ab omni prorsus Materia semotam. Nam cùm an *Corpus* habeamus, dubitare, imò omnia Corpora, per Rerum abdicationem, è medio tollere possimus, nequaquam verò ambigere licet, quin simus, sive existamus, quamdiu dubitamus, sive cogitamus; per claram & distinctam Intellectus operationem deprehendimus, nos Substantias esse, & ab aliis Rebus, quas completè intelligimus distinctas; ac proinde nos, in quantum Cogitantes, non Cælum, non Terram, non Ventum, non Ignem, aut quodlibet aliud *corpus* esse quandoquidem de eorum omnium existentia dubitare possimus, & illa per claram Intellectus operationem à nobis remove. Nullum autem majus Distinctionis inter duas Res argumentum reperiri potest, quàm quòd in utramque partem nos convertentes, nihil planè in una deprehendimus, quod ab altera non sit diversum.

I.

*Ut nobis
innotescit
distinctio
Mentis à
Corpore.*

NIHILO.

II.

Explicanda sunt nomina Corporis & Mentis.

NIHILOMINUS quoniam id à quibusdam contròvertitur, nec omnium mentibus hæc lux affulget; ad difficultatem, quæ ex nominum ambiguitate oriri posset, tollendam; juvat hîc obiter explicare, quid per *Corpus*; quid per *Mentem* intelligendum sit; & an non fortassis hæc duo Vocabulâ, uni & eidem Rei aliquando tribuantur.

III.

Quid Corporis nomine intelligendum.

CORPUS passim dicitur Substantia in longum; latum; & profundum extensa; cujus præcipuæ proprietates; *Impenetrabilitas*; *Divisibilitas*; *Figura*; quibus tanquam formis, sive Attributis in ejus cognitionem devenimus.

IV.

Quid Mentis.

MENS vocatur Substantia Cogitans, sive Res facultate cogitandi; aut percipiendi prædita: Cujus formalis ratio in eo potissimum sita est; quod Conscientiam inferat: In Mente diversæ Cogitationes reperiuntur; quia *alia* est Cogitatio cum vult; *alia* cum intelligit; *alia* cum dubitat; *alia* cum affirmat aut negat, &c. Et illæ sunt Formæ; quibus Substantia; quæ Mens vocatur; intelligitur.

V.

Mens & Corpus conceptibus planè distinguuntur.

UNDE patet, nihil planè in Corporis conceptu includi; quod ad Mentem pertineat; nihilque in Mentis conceptu; quod ad Corpus spectet: Ac proinde hæc duo esse reuera distincta; adeo ut si una Res sit materialis; altera ut immaterialis & incorporea sit; necessum est. Quid enim hæ duæ Idæ commune habent? Quid ad earum discrimen

ampli-

amplius requiritur, quàm ut una sine altera concipi queat, vel etiam alterutra sine com-
parte & socia existere apprehendatur? Ita evidens est illorum Oppositio, ut quis faciliùs admittat *Hominem esse Saxum*, Circulum esse Triangulum, Codicem esse Domum, quàm Cogitationem cum Corpore consentire, seu materialis naturæ esse participem. Quippe si rogem, cur Homo à Saxo, Circulus à Triangulo figura discrepet, aliud reponi non potest, quàm quia unum sine alio intelligi potest; & quamvis in pluribus conveniant, aliquid tamen in illis reperiri, in quo discriminantur.

CONCEDIT quidem præclarus Theologus Sectione decima sexta, ex Cogitatione, existentiam nostram legitimè inferri, lubensque largitur, quòd Substantiæ simus Cogitantes; at negat inde colligi mentem nostram à Corpore esse distinctam. *Quamobrem verò, inquit, non cogitet ipsum Corpus? Quòd inquit (scilicet Cartesius) cum Corpus esse negaverim, istotamen negato me cogitare scio. At falso negasti (ut probè noris) te corpus habere. Cur itaque cum quòd cogites te esse concluderis, Corpus non sit, quod se esse cogitet?* Optandum profectò, ut Vir Clarissimus magis sedulò Philosophi ratiocinium perpendisset, & qua ratione discrimen inter Mentem & Corpus collegerit attendere dignatus esset. Scripsit *Cartesius* nos dubitare non posse, quin Mens nostra

VI.

Potest haberi Conceptio Mentis, etsi nulla dentur corpora.

existat; quia ex hoc ipso, quod dubitemus, sequitur illam existere: sed interim nos posse dubitare, an ulla *Corpora* existant: Unde collegit & demonstravit istam à nobis clarè percipi, ut rem existentem, sive ut Substantiam, quamvis nullum planè Corpus concipiamus, ac etiam negemus ulla *Corpora* existere; ac proindè mentis conceptum non involvere in se ullum conceptum Corporis.

VII. *Sufficiunt
varii de
Mente &
Corpore
conceptus,
ut illa di-
stineta
censean-
tur.* QUOD Argumentum adeò mihi evidens apparet, ut nihil illustrius ad probandum *Mentem* à *Corpore* distingui, adferri posse censeam. Verùm quia ita Reverendo Domino placet; detur *Cartesium*, cum Homo fuerit, atque vero Corpore constiterit, se corpus habere, non potuisse inficiari; an propterea Corpus cogitare, & à mente indistinctum esse inferendum erat? Nihil minus. Ulti præclarè animadvertit Philosophus in sexta Meditatione: Et quamvis fortasse (vel potius ut postmodum dicam pro certo) habeam Corpus, quod mihi valdè arctè conjunctum est: Quia tamen ex una parte claram & distinctam Ideam habeo mei ipsius, quatenus sum tantum *Res Cogitans*, non extensa; & ex alia parte, distinctam ideam *Corporis*, quatenus est tantum *Res extensa* non cogitans, certum est, me à Corpore meo esse distinctam.

SED majoris evidentiae gratia, detur quod IX.
 Mens & Corpus, quæ omnibus suis modis *Ex eo*
 dissentiunt, ita tamen secundum Naturæ Au- *quod cor-*
 thoris imperium, ita concordent, ut ex *pus &*
 mutatione in *Mente* facta, eodem tempore, *mens u-*
 mutatio in *Corpore* oriatur; & vice versa *num com-*
 Corporis mutatio, in Animam mutationem *positum*
 inducat; adeo ut certi eorum modi simul po- *faciant se-*
 nantur & desinant; Nihilominus hæc com- *quitur ea-*
 positionis unitas, non Corporis & Animæ *dem esse,*
 naturam variabit, sed adhuc distincta ma-
 nere intelligentur. Sic licet quis se *Corpus*
 habere, negare non possit, non tamen inde
 sequitur Extensionem & Cogitationem, quæ
 unum Compositum efficiunt, ita inter se
 confundi, ut quicquid uni attribuitur, alteri
 quoque attributum affirmare necessum sit.

HÆC Responsio Clarissimo Viro non satis- IX.
 facit, urgetque nos de una & eadem Re in- *Quando-*
 completos conceptus habere posse, ac pro- *nam Res*
 inde ex eo quod mentem, Corpore negato, *per con-*
 intelligere valeamus, non sequi ab eo esse *ceptum*
 separabilem. *Quasi vero,* inquit, *de re qua-*
que conceptus, ut vocas, inadæquatos fabrica- *inada-*
re non liceat. Verum, quando nam id licet? *quatum*
concupi-
 Quoties id nobis lubuerit? nequaquam. Nam *tur &*
 cum Ideæ, quas de rebus habeamus, à pro-
 priis nostris cogitationibus proficiscantur,
 nec de re aliqua, quæ extra nos est, certi esse
 possumus, nisi per *Ideas*, quas de illis, in
 nobis esse experimur; cura adhibenda est,
 ne Judicia nostra ad Res ipsas referantur,

aut illis quicquam positivum affingatur, quod in earum Ideis prius deprehensum non fuerit. Quare ut cognoscamus an Conceptus nostri per aliquam Mentis abstractionem *inadequati* sint, sufficit si examinemus, annon illam ex subiecto aliquo magis completo desumpserimus: sed ex aliqua Idea, quam in nobis reperimus, magis completa & perfecta; Atque annon illam per Intellectus abstractionem, ex hac desumpserimus, hoc est, cogitationem nostram ab aliqua ejus *parte* abducendo, quod in ista Idea deprehenditur, ut Animum majori cum attentione applicemus, & magis sedulos ad aliam partem nos præbecamus.

X.
Mens &
Corpus
non pos-
sunt con-
cipi per
conceptus
inadequa-
tos.

SIC cum considero *figuram* aliquam, non cogitando de Substantia, aut Quantitate, cujus est figura, abstractionem mentalem facio, quam postea agnoscere facile possum examinando, annon *Ideam* hanc, quam de *Figura* habeo, desumpserim ab aliqua alia, quam antea habuerim, & cui ita juncta sit, ut licet possit quispiam de una cogitare, altera omissa; nequeat tamen illa negari de hac altera, quando de utraque cogitatur. Etenim hoc pacto clarè video *Ideam Figuræ* adjunctam esse *ideæ Extensionis*, & *Substantiæ*, quandoquidem impossibile est, ut concipiam *Figuram* aliquam, negando esse illi *Extensionem* ullam, aut etiam negando *Extensionem* hanc esse *Substantiæ* alicujus. Atverò *Idea Substantiæ extensæ & figuratæ*

completa est, quia possum illam per se solam concipere, deque illa negare cætera omnia, quorum Ideas habeo. Video autem mihi valdè clarum, Ideam, quam habeo de Substantia *Cogitante*, completam esse hoc pacto, nullamque esse in Mente mea Ideam, quæ illam præcedat, aut quæ sit cum illa ita conjuncta, ut nequeam illas rectè concipere, negando unam de alia, talis enim in me nulla esse potest, quin illius conscius sim.

MANIFESTUM igitur evadit, *Ideas* XI. substantiæ extensæ, & substantiæ Cogitan- *Plus dif-* tis esse completas, ac proinde de quacum- *fert Mens* que non posse Conceptus inadæquatos, à Corpo- quemadmodum Vir Clarissimus voluit, fa- *re, quam* bricari. Sed pergit: *Tuum ipse corpus su-* *substan-* *mas, annon in eo extensionem concipias, mo-* *tia à suis* *tu & figura non conceptis? An itaque figura* *modis.* *& motus à re extensa res sint diversæ & se-* *parabiles? Figuram concipere potes, non con-* *cepto circulo, an itaque in corpore rotundo* *aliud sit figura, aliud circulus? Rectè infert* *Vir Eximius, Extensionem concipi posse,* *Motu & Figura non conceptis; quia ea est* *inter Substantiam & ejus Modos differentia,* *uteam clarè & distinctè absque modis intel-* *ligere valeamus, ac proinde si Extensio, quæ* *Corporis naturam constituit, cognosci queat* *absque Motu & Figura, quæ sunt ejus modi,* *rectè concluditur Extensionem à Motu & Fi-* *gura distingui. An propterea, Figura &* *1 3* *Motus*

Motus à re extensa res sunt diversa & separabiles? Nihil minus, quia in eo Modorum natura positæ est, ut nullo pacto apprehendi queant, quin conceptum Rerum, quarum sunt Modi, in idea sua involvant. Exempli causa, si Saxum sphaericum sit & moveatur, illius quidem Figura rotunda absque Motu intelligi potest; & è converso ejus Motus absque rotunda Figura. Verum, nec Figuram illam, nec illum motum sine Saxi substantia concipere valemus; ac proinde liquet Figuram & Motum non esse Res à Saxi substantia diversas & separabiles. Hinc colligitur Modorum ideas, per mentis nostræ abstractionem duntaxat, incompletas reddi; quando nimirum illas absque Rebus illis, quarum sunt modi, consideramus. Substantia autem nequeunt esse non completæ, nec earum Ideæ à nobis inadæquatæ reddi possunt, per Intellectus abstractionem.

XII.

Rerum essentia alio modo concipi possunt, quam sunt in se.

Quod sequitur, fateor à me non ita probè intelligi: Denique tua ipsa Mens res extensa sit, an inextensa, utrum mavis, de utroque cogitare potes, interim de cogitatione nihil cogitans. Nam si verum est, non plura, quam duo summa Rerum genera à Philosophis admitti; unum scilicet Rerum Intellectualium, hoc est, ad Mentem, sive Substantiam Cogitantem pertinentium; aliud Rerum Materialium, sive quæ spectant ad Substantiam extensam, sive Corpus. Quæ fieri potest, ut mens extensa aut inextensa apprehendatur? An arbi-

arbitratur Vir Clarissimus, à libera Volunta-
te nostra pendere, quòd Res essentiam suam
habeant? Et quæ nobis placuerint Attribu-
ta eis assignemus? Quidni pari modo asse-
ram, Ignem posse esse aut calidum aut frigi-
dum? Nihil ad montem referre, an cum val-
le, aut sine valle concipiatur? Fateor equi-
dem in iis, quæ mutari possunt, & quæ id-
circo *Contingentia* vocantur, ut quòd quis-
piam eruditus sit, alius ignarus, quod Corpo-
re firmo sit, vel imbecilli, alterutrum illo-
rum posse illi attribui. In iis autem, quæ ad
Rei essentiam spectant, & quæ ei indispensa-
biliter competunt, contradictionem impli-
cat dicere, quòd alio modo se habere possit,
& mens, quæ determinatam habet naturam,
extensa sit, vel inextensa, cum Cogitatione
concipi possit, vel sine Cogitatione; quia si
inextensa est, necessario *Cogitationem* invol-
vit, & absque illa intelligi nullatenus potest.

VERUM, cum ad hanc Veritatem validius
firmandam addidisset Cartesius Distinctio-
nem realem non ex eo inferri, quòd Res una
per Intellectus abstractionem absque alia
concipitur; sed ex eo solùm, quod unaquæ-
que Res ut completa intelligeretur, subjun-
xit Doctissimus Theologus: *At unde hoc pro-
bes, aut quem qui contra disputaverit, tibi
daturum putes? Quidni enim incompleti sint*
*utriusque (Mentis scilicet & Corporis) con-
ceptus; ut cum Corpus tuum rem extensam, non
autem Cogitantem intelligas, non aliud facis,*
I 4
quàm

XII I.

*Conceptus
Mentis
& Corporis
sunt
omnino
distincti
& com-
pleti.*

quàm si idem sine erecta figura cogitares. Nihil hic novi quod superinducam, suppetit? Ad Regulam suprâ explicatam Vir Clarissimus remittendus est; nempe non posse nos ullam Rerum cognitionem habere, nisi per *Ideas*, quas de illis concipimus; ac proinde debere nos de ipsis secundum istas *Ideas* judicare; adeò ut illud à nobis ut impossibile cogitandum sit, & contradictionem involvere, quicquid *Ideis* istis repugnat, & adversatur. Sed *Mens* distinctè & completè, sive quantum sufficit, ut habeatur pro Re completa, percipi potest, sine ulla ex iis formis, sive attributis, ex quibus *Corpus* esse substantiam agnoscimus; & *Corpus* distinctè intelligitur, atque ut Res completa, sine iis, quæ ad Mentem pertinent: ergo distincti & completi sunt utriusque conceptus. Quoniam ut benè animadvertit *Philosophus* in Responsione ad quartas Objectiones; nullum majus argumentum Distinctionis inter duas Res haberi potest, quàm quod in utramque nos convertamus, nihil planè in ipsa deprehendamus, quod ab altera non sit diversum.

XIV.

Nulla certior inter

Res Distinctionis nota, quàm penes conceptus qui de illis habentur.

QUAMVIS illud millies ingessero, insinuaveroque, nihil in Rebus *positivum* admittere debere, nisi in earum *Ideis* priùs perceperimus, nihil tamen adhuc apud Virum Eximium præstitero, ni quoque ostendam hanc *Idearum* diversitatem, ad Rerum *distinctionem* sufficere, satque esse, ut clarum & distinctum.

finctum substantiæ Cogitantis conceptum habeamus, in quo nihil eorum, quæ ad Substantiæ Corporeæ conceptum spectant, continetur, ut illam à Substantia Corporea diversam esse pronuntiemus. *Quid autem in re tam levi multa?* inquit. *Cum corpus rem extensam, mentem rem cogitantem; utramque substantiam esse intellexeris, an verò eadem, an diversa fuerit, tuo solo conceptu non efficies, atque millies lacesitus ut id serió coneris, nunquam provocari potuisti.* Non! quid igitur obest? Currationem non adfert, quæ contrarium persuadeat? Si ad Rerum discrepantiam non sufficit, quòd unam absq; altera evidenter percipiamus, aliam Distinctionis realis notam prodat. An cum *Peripateticis* obtrudet illa realiter differre, quæ separatim ab se invicem existere possunt? Tum urgeo, unde quis novit Rem unam ab alia sejunctam esse posse? Quia non sat est dicere ita fieri, sed necessarium est, ut quod *Distinctionis* signum est, innotescat. Fortassis ad *Sensus*, tanquam ad humanæ eruditionis magistros confugiet, quibus Rem unam, sublata altera intuemur, tangimus, olfacimus, &c. At quis nescit quàm dubiæ fidei sint *Sensus*, quàm sæpius decipiant, & longè minùs de iis certi simus, quæ per illos haurimus, quàm quæ per Intellectum vestigamus. Pluribus enim modis contingit ut eadem Res, sub variis imaginibus, nobis obversetur, ut in diversis locis cer-

I S

natur,

natur, & pro duabus sæpè sumatur & appareat. Quid de illis dicendum, qui manu abscissa, *dolorem* in digitis se sentire queruntur, & non rarò dubiant, an verè eis manus amputata sit.

XV. *Nostra* **QUARE** cùm à Sensibus desumenda non sit *cognitionis* Cognitionis nostræ certitudo, restat, ut *certitudo* ab Intellectu solo Res percipiantur, & aliud *ab Intel-* non sit Rem unam absque altera sentire, *lectu pen-* quàm unius rei Ideam habere, atque per- *der.* cipere istam Ideam non esse eandem cùm alterius Idea. Hoc autem aliunde percipi non potest, quàm ex eo, quòd una citra alteram concipiatur; nec potest certò intelligi, nisi utriusque Rei Idea ita evidens sit ac distincta; atque istud realis Distinctionis indicium, ad illud, quod assignavit *Cartesius*, ut sit certum, reduci debet.

XVI. *Mens ex* **CONSTANS** igitur ac immotum manet, *Augusti-* Mentem & Corpus à perceptione nostra realem distinctionem sortiri, & penes conceptus, quos de illis habemus, diversa existimari. Nam ut præclarè suggerit *Augustinus* libro de Spiritu & Anima: Removeat ergo *Corpore* à consideratione sua omnes notitias, quæ per *distincta* Corporis Sensus extrinsecus capiuntur; quæ *cognoscit.* namque Corporalia sunt, eorumque similitudines, sensus, & imaginationes in memoriam infixæ, cum recordando reminiscuntur, ad exteriorem Hominem pertinent: quanquam istis quasi nuntis Anima exteriora percipiat.

Mens

Mens verò, cui nihil ipsa præsentius est, interiori, non simulata, sed vera præsentia videt se in se; nihil enim tam novit mens, quàm id, quod præstò sibi est; nec magis menti quicquam præstò est, quàm ipsa sibi; nam cognoscit se vivere, se meminisse, se intelligere, se velle, cogitare, scire, judicare; Hac omnia novit in se, nec imaginatur, quasi extra se illa aliquo sensu Corporis tetigerit, sicut Corporalia quædam tanguntur; ex quorum cogitationibus nihil sibi affingat, ut tale aliquid sese putet. Quicquid ei de se remanet, hoc solum ipsa est, nihil enim tam in Mente, quàm ipsa Mens, nec quicquam sic mentem novit, quemadmodum mens. Cum enim querit Mens, quid sit Mens; profectò novit, quòd ipsa sit Mens; quæ seipsam querit. Quid illustrius adferri potest, ad ostendendum Mentem immaterialem esse, ac proinde à Corpore penitus diversam?

CAPUT UNDECIMUM.

Ostenditur Cartesium, ritè à Deì potentia, Mentis à Corpore diversitatem desumpsisse.

I.
Ex eo
quòd
Mens &

QUAMVIS nullum certius realis Distinctionis argumentum afferri possit, quàm quòd Res una absque altera perspicuè & distinctè percipiatur; Nihilominus ne quis ad libitum Deo separaret Mentem & Corpus, ita Naturæ Autho-

Corpus se-
juncta
concupi
possint, à
Deo sepa-
rari pos-
sunt.

Authoris imperio esse unita, ut prorsus inseparabilia haberentur; Cartesius per Demonstrationem ostendere nititur, Deum sua potestate, duas illas Substantias qualicumq; vinculo connexas sejungere posse; ac proinde Mentem & Corpus esse realiter distincta. Demonstrationem his verbis instituit: Quicquid clarè percipimus, à Deo fieri potest, prout illud percipimus: sed clarè percipimus *Mentem*, hoc est, Substantiam Cogitantem absq; *Corpore*, hoc est, absq; Substantia aliqua extensa; & vice versa, Corpus absque Mente, ut facilè omnes concedunt: Ergo saltem per Divinam potentiam Mens esse potest sine Corpore, & Corpus sine Mente. Major propositio ex jam dictis manifesta est, ex eo quòd omnia, quæ ego percipio, à Deo quoque percipiantur, & conceptus meus nonnulla sit Conceptus Divini repræsentatio. Unde hoc pacto argumentor: Id omne quod clarè concipimus, idipsum *Deus* concipit, sive est in ejus conceptu, modo tamen illustriori & distinctiori, quàm in nostris conceptibus: sed quæ Deus concipit, & quæ ideò essentiam Veritatemq; in suis conceptib⁹ habent, ab eo fieri possunt: Igitur quicquid clarè percipimus, à Deo fieri potest, prout illud percipimus. Minor quoque ex præcedentibus evidens est, cùm de *Mentis* propriæ existentia ambigere non valeamus, quamvis omnia, quæ à *Sensibus* unquam hausimus, falsa esse supponantur: Ergo clarè percipimus Substantiam Cogitantem

tantem absq; Corpore, & vicissim Corpus absque Substantia cogitante. Jam verò Substantiæ, quæ esse possunt una absq; alia realiter distinguuntur: atqui Mens & Corpus sunt Substantiæ, quæ una absque alia esse possunt; Ergo Mens & Corpus realiter distinguuntur.

HINC hoc ratiocinio, quorundam argumentum tollitur, qui licet liberè fateantur Mentem & Corpus posse separatim concipi, *Quocumque nexu dubitationem* tamen ingerunt, an Deus ita *uniantur mens & corpus,* illa univerit, aut tam arcto glutine inter se *possunt à Deo separari.* conjunxerit, ut sint prorsus inseparabilia: quia qualicumque vinculo aut glutine ea *Deo separari.* Deus copulaverit, certi sumus illum posse ea separare, & sic absolutè loquendo esse separabilia; quandoquidem mihi hanc facultatem indidit, illa ut sejuncta concipiendi. Idem de iis omnibus, quorum diversas & completas Ideas habemus, dicendum est, aliàs Deus impostor foret, nec ullam Certitudinis Regulam haberemus, ex qua Veritas nobis constare posset.

VERUM, quicquid in hujus Veritatis assertionem adferri potest, præstantissimo Theologo non arridet, & tanquam ebullientis Cerebri phantasma aspernatur. *Ut motus & figura sunt omnia, & penitus pro libidine sumpta. corpore An non motum absque figura clarè & distinguere concipi dicitur intelligis, & figuram absque motu, & possunt. utrumque absque corpore? Neutrum tamen neque à se neque ab isto seorsim poni posse ab ipso*

ipso Deo non minùs clarè & distinctè intelligi. Duo his verbis Vir Clarissimus completitur, & quæ majoris explicationis gratia, separatim juvat examinare. *Primum*, Motum absque Figura & vicissim Figuram absque motu evidenter & distinctè intelligi. *Secundum*, Motum & Figuram non talem habere à Corpore, cui insunt, dependentiam, quin ab eo perspicuè concipi etiam queant.

IV.

Figura & Motus non realiter, sed modaliter tantum ab invicem distinguuntur.

QUANTUM ad *primum* animadvertendum est, non eodem modo nos Figuram & Motum intelligere, quo Extensionem & Cogitationem; quia licet Motus absque Figura, & vice versa Figura absque Motu distinctè concipiantur per Intellectus *abstractionem* rem inadæquatè concipientis; Non autem ita distinctè & seorsim ut unumquodque eorum, tanquam ens per se, & ab omni alio diversum intelligamus. Admittimus quidem inter Figuram & Motum distinctionem *modalem* interjacere: sed cùm talis Distinctio, non nisi ad entia incompleta se extendat, nunquam efficiet, ut Motus, aut Figura, ab omni alio ut quid diversum intelligatur, sed ad hoc Distinctio realis omninò requiritur.

V.

Motus & Figura extra subiectum concipi non possunt.

QUOD ad secundum, omnino falsum est, *utrumque* Motum scilicet & Figuram absque Corpore clarè & distinctè posse intelligi. Nam licet Figuram absque Motu, & Motum absq; Figura, & utrumque à Corpore abstractendo, optimè intelligere possimus, non ta-

men

men possumus completè motum intelligere absque Substantia, in qua sit Motus; nec Figuram absque Substantia, in qua sit Figura; nec denique fingere Motum esse in subiecto, in quo Figura esse non possit, vel Figuram in Subiecto Motus incapaci. Nam ponamus nullum in Mundo Corpus mobile reperiri, quis nobis persuadere poterit, aliquid *rotundum* esse, quemadmodum sine ulla Animi lucta concipere possumus Rem, quæ cogitat, etiamsi aliquid in Mundo extensum esse inficiemur. Imò completè intelligo quid *Corpus* sit, imaginando tantum illud esse extensum, mobile, figuratum, &c. deque illo negando omnia ea, quæ ad *Mentis* naturam spectant: Et vicissim *Mentem* intelligo Rem esse completam, quæ dubitat, quæ intelligit, quæ vult, &c. quamvis in ea quicquam ex iis negem, quæ in *Corporis* Idea continentur. Quare quum Figura & Motus entia sint tantum incompleta, & non nisi per Intellectus abstractionem concipiantur, mirum non est, si *neutrum ab isto, (Corpore) seorsim poni posse ab ipso Deo clarè & distinctè intelligamus.*

PERGIT nihilominus Vir Eximius, & VI. quæ de inadæquatis Motus & Figuræ conceptibus diximus, ad Mentem & molem Corpoream transfert. Contendit enim Conceptuum diversitatem, non semper Rerum diversitatem arguere, cum fieri possit, ut ad Rem eandem, sub vario respectu referantur. *Cogitatio & Extensio non ejusdem rei inadæquati conceptus.*

Acutè profectò, atque ipsâ Rei solertia tibi aures omnium devinctas tenuisti. Sic ergo gravi vultu in scenam prodis: Me cogitare novi; rem autem cogitantem à mole corporea diversam esse, quòd diversi de iis habeantur conceptus. Quocùm processeris spe nostra delusi exclamamus, non diversos fortè esse diversarum rerum sed incompletos ejusdem rei conceptus. Quibus verbis, non positivè negat haberi completos Mentis & Corporis conceptus, sed fortè tantùm aliter posse contingere, ut qui de Intellectuali & Extensa cogitant, incompletos ejusdem Rei conceptus formare queant. Sed quam obtrudit difficultas, facilè tolletur, si attendatur, quid per Rem completam à Philosophis passim intelligatur, Substantia nempe iis formis, sive attributis instructa, quæ sufficiunt, ut ex eis ipsa esse Substantia cognoscatur. Quippe Substantiæ non immediatè apprehenduntur, sed ex eo duntaxat, quòd quasdam formas sive Attributa percipiamus, quæ cum alicui Rei inesse debeant, ut existant, Rem illam, cui insunt, Substantiam vocamus.

VII.

*Res clari-
us co-
gnoscun-
tur, quo
plura at-
tributa in
iis depre-
hendun-
tur.*

HINC quo plura novimus Rei alicujus attributa, eo clariùs illam intelligimus; ad eum modum, quo illos Homines magis novimus, quibuscum diu conviximus, quàm eos, quorum vultum tantùm intuiti sumus, aut nomen audivimus. E diverso si illam eandem Substantiam iis Attributis, ex quibus illam cognoscimus, nudare vellemus, om-

nem

nem prorsus notitiam de ea destruemus, atque ita voces quidem aliquas de ipsa proferre possemus, sed quorum significationem non clarè & distinctè perciperemus. Sic *Oculus* substantia est completa, si solus consideretur, incompleta verò est substantia, si ad totum *Corpus*, cujus pars est, referatur. Pari modo *Mens* & *Corpus* Substantiæ sunt incompletæ, si in ordine ad *Hominem*, quem componunt, spectentur; sunt verò completæ, si solæ spectentur, hoc est, si iis *Attributis* indutæ considerentur, quæ illi peculiarioria sunt ac propria. Quare concludendum est, conceptus, qui de *Mente* & mole *Corporea* habentur, non fortè incompletos esse ejusdem *Rei* conceptus, sed *Rerum* diversarum, & quarum *Attributa* seu *Formæ* omnimodè discrepant.

SICUT abyssus abyssum invocatur, & Res VIII.
rem trahit, ita Viro Clarissimo placet, novas *Ut Attri-*
difficultates excitandi, & quamvis sat *buta à*
rectè *Cartesii* Sensum, prout auguror, ap- *modis di-*
prehendat, recentes tamen conflictus amat, *stinguun-*
& veluti ingenium saperet, plura commi- *tur.*
nisci, quædam proponit, quæ proprio *Marte* solvere poterat, ni id ab altero audire expectasset. Quippe nihil facilius fuit ex *Cartesio*, data, quam ipse attulit, *Rei* Completæ definitione, colligere Rem incompletam dici, quæ non ut existens consideratur, & quæ ab alia non nisi per *Intellectus* abstractionem, distincta concipitur; Nihilomi-

nus ita quærit, *At isto pacto dicas utinam quid sit rem esse incompletam, cum nullum attributum concipi possit, quin rem, cui insit, substantiam esse agnoscas, quod ab omni substantia nequeat esse secretum.* Etsi interdum per modos idem intelligatur, quod per *Attributa*, vel *Qualitates*, non tamen idem est *Modus* quod *Attributum*; Nam quicquid alicui Rei à natura tributum esse intelligimus, siue *Modus* sit, qui variari potest, siue ipsa met istius Rei planè immutabilis essentia, id ejus *Attributum* nuncupamus. Ideo in Deo non *Modos* aut *Qualitates*, sed *Attributa* tantum esse dicimus, quia nulla mutatio est in eo intelligenda. Sic unum ex *Attributis* cujuslibet *Substantiæ*, est quod per se subsistat. Sic *Corporis* alicujus extensio, varios quidem in se modos recipere potest, quippe alius ejus *modus* est, si *Corpus* istud *triangulare* est, alius si *quadratum*: attamen *Extensio* illa, quæ illorum modorum basis est, si in se consideretur, non est *Substantiæ* *Corporeæ* *modus*, sed *Attributum*, quod illi inest, atque ejus naturam constituit. Sic denique varii sunt *Cogitationis* *Modi*, ut *affirmare*, *negare*, &c. Verùm *Cogitatio* ipsa, ut est principium internum, ex quo omnes *Modi* isti proficiuntur, non ut *modus* concipitur, sed ut *Attributum*, quod *Substantiæ* alicujus essentiam constituit.

UNDE

UNDE patet, quòd etiam si nullum Attributum concipi possit, quin Res; cui inest, *Modi* cognoscatur, & ab omni Substantia separa- *sunt in-*tim esse nequeat, non tamen omne Attribu- *completa,* tum esse rem incompletam, sed modos dun- *non autem* taxat, quorum *Ideæ*, ut ante dictum est, per *Attributa.* nostræ Mentis abstractionem incompletæ redduntur; quando nimirum illos sine Re illa, cujus sunt Modi, consideramus. *Extensio* enim, quæ præcipuum est Substantiæ Corporeæ attributum, & *Cogitatio* Incorporeæ, non illis tanquam subjectis à se diversis insunt, cum Substantia Extensa aliud non sit, quàm Corpus, & Substantia Cogitans aliud quàm Mens. Nam non ex eo, quòd Res alteri tribuitur, statim inferendum est, eam quid esse, ab illa, cui tribuitur re sive Substantia diversum: ut in Attributis Divinis manifestum apparet, quæ ab ipso Deo aliquid diversum non sunt; cum unam & eandem naturam constituent.

CAPUT DUODECIMUM.

Solam Mentem, hoc est, Substantiam Spiritualem, non autem Corpus posse cogitare.

I.

QUAMVIS non ægrè admittat Vir *Quæritur* Clarissim⁹, ex Cogitatione nostra, *cur Corpus* Existentiam nostrā legitimè infer- *quemad-*ri, & fieri nequaquam posse, ut ali- *modum* cujus operationis conscii sim⁹, quin inde nos *Mens co-* *Cogitantes* esse judicemus, persuaderi tamen *gitare non* nequit, *possit.*

quit, cogitandi Facultatem, quam in nobis experimur, soli *Menti* competere, sed posse quoque ipsi moli corporeæ impertiri. Nam si nulla *Menti* & *Corpori*, quemadmodum ostendere nititur, distinctio interjacet, si uno posito, alterum perinde poni necessum est, atque si completi de ipsis conceptus haberi nequeunt, quidni iisdem privilegiis fruantur, & quæ *Mens* possidet, *Corpus* etiam obtineat? *Quamobrem* verò, inquit, non cogitet ipsum *Corpus*? *Quod*, inquit, (scilicet *Cartesius*) cum corpus esse negaverim, isto tamen negato me cogitare scio. At falso negasti (ut probè noris) te corpus habere. Cur itaque cum quòd cogites te esse concluderis, *Corpus* non sit, quod se esse cogitet.

II. QUARE mihi nunc ostendendum incumbit, ut postquam reale inter Extensionem & Cogitationem *discrimen* duobus præcedentibus Capitibus asserui, eorundem actuum subiecta esse non posse demonstrandum aggrediar. Quod ut faciliùs exequar, hîc breviter supponam *Cogitationis* vocabulo non aliud à nobis intelligi, quàm Perceptionem, Conscientiam, Cognitionem internam, quam unusquisque nostrum per se ipsum imeditatè percipit, quando ejus conscius est, quod agit, vel quod in ipso perficitur, quemadmodum tradit *Cartesius* prima parte principior. Art. 19. Cogitationis nomîne intelligo omnia, quæ nobis consciis in nobis

nobis sunt, quatenus eorum in nobis conscientia est. Atque ita non modò intelligere, velle, imaginari, sed etiam sentire, idem est hîc quod cogitare; in quantum sentire ad conscientiam refertur; quoniam tunc solam Mentem respicit. Hæc Cogitationis Idea, adeò Menti essentialis est, tamque intimè illi conjungitur, ut sicut ab illa divelli nequit, ita Rei, alteri ab ea distinctæ convenire non potest.

QUAMOBREM verò, non cogitet etiam III.
ipsum Corpus; sive si Mentem Viri Clarissimi Cur Cor-
 mi benè interpretor, quam ob causam Ex- pus Cogi-
 tensio, Quantitas, Motus, Quies, Figu- rationis
 ra, partium Situs, quæ in eo reperiuntur capax
 vim percipiendi, volendi, imaginandi, non est.
 amandi, desiderandi, &c. non habent?
 Quid si forsitan Res Cogitans aliud non sit,
 quàm Corpus, sive eorum omnium com-
 plicatio?

RESPONSIO ex jam dictis evidens est: IV.
 cùm enim Substantia non per seipsam imme- Actus Co-
 diatè intelligatur, sed per hoc duntaxat, gitativi
 quòd quorundam Actuum subjectum sit; Ra- omniò
 tio postulat, imò usus ipse jubet, ut Sub-
stantias, quas diversorum planè Actuum distincti
 subjecta esse deprehendimus, diversis ab
 nominibus nuncupemus; atque ut postmodum bus
 attentè consideremus, utrum voces illæ sio.
 versæ, unam & eandem Rem significant.
Actuum autem quidam sunt quos Corporeos
 appellamus; ut *Magnitudo, Figura, Motus,*
K 3 Quies.

Quies, & cætera omnia, quæ citra localem extensionem à nobis intelligi non possunt. Quippe fingere non possumus aliam esse Substantiam, quæ Figuram recipit, aliam, quæ Motum localem. Dantur præterea *Actus* alii, quos Cogitativos appellamus, ut *percipere, velle, imaginari, &c.* qui omnes sub communi ratione Cogitationis, sive conscientiæ conveniunt, atque Substantiam, cui insunt, Rem Cogitantem, sive Mentem dicimus, aut alio quolibet vocabulo, modò ne ipsam cum Substantia Materiali confundamus. Quoniam Actus cogitativi nullam prorsus habent cum corporeis Actibus similitudinem aut convenientiam, & Cogitatio, quæ communis est earum ratio, toto genere ab Extensione discrepat, quæ aliorum ratio est communis.

V.

*Ac proinde
de Cogitatione
nullo
modo potest
corpori con-
venire.*

HIS ritè perpensis spontè trahimur ad asserendum, Cogitationem Corpori non posse competere; quia si nulla Corporis & Mentis *actuum* affinitas interponitur; si esse conscientium & esse extensum toto genere differunt, quo titulo, cogitandi Vim Rei corporeæ assignabimus? Quæ illi perceptionem, Imaginationem tribuemus, si ejus, quem de illa formamus, conceptui hæc proprietates extraneæ sunt, & illius Modi Cogitantis Substantiæ modos excludant? Hinc *Cartesius* cuidam objicienti Cogitationes quosdam esse Corporis Motus respondit, Parte secunda Epistolarum Epist. LII. Equè

veri-

verisimile esse, atque si quis Ignem esse glaciem, aut album esse nigrum diceret. Non enim habemus *albi* & *nigri* magis diversas Ideas, quàm *Cogitationis* & *Motus*, cum nullam aliam viam habeamus, qua cognoscamus, utrum duo sint diversa, an verò unum idemque, quàm considerando, utrum diversas duas Ideas de illis, an verò unam tantum habeamus.

SED ut ad Rem pressius accedamus, ostendamus Cogitationem non posse Rei extensæ, seu Substantiæ Corporeæ opus esse. Quippe quaslibet Figuras Materiæ assignato, & ut nihil intentatum remaneat, illius partes pro lubitu compingito, agitato, dividito, & in exiliores quantumvis comminutio; An putas ex his *Mutationibus* Cogitationem unquam adfuturam? Si id non succedat, crassiores Materiæ massam elige, & si quam Figuris *virtutem* esse existimas, sphaericam, cubicam, quadrangularem, sexagonam, aliamve imprime, an cujusdam earum gratia, Cogitationem elicies? Negabis, ut opinor, & nullam hac vi pollere dices, Eam utique, quæ ad humani Corporis figuram partium, membrorumq; contextum accedit. Sed quia sunt, qui *Animam*, seu Substantiam Cogitantem, instar Venti, Ignis, vel similis rei subtilis ac tenuis, crassioribus humani Corporis partibus infusæ imaginantur, finge subtilissimam materiam in Myriadas innumeras quantumvis tenues, figura & motu

VI.
Ostenditur
Corpus
non posse
Cogitationem
elicere.

ad arbitrium præditas, mox fac ut per Cerebri meatus, variis modis in rectum, in obliquum transmittantur, sic ut earum agitatione, membrorum externorum motus sequatur; an hoc pacto, Cogitationem oriri posse existimas? Si affirmes, cur non idem de spiritibus animalibus dicendum esse opinaris, dum è Corpore humano elapsi, in Aëre vagantur, & tum in rectum, tum in obliquum feruntur.

VII.

*Materia
motu sibi
impresso
nihil cogi-
tationis
molitur.*

PRÆTEREA, quis credat, quòd spiritus, qui certo ritu, per Cerebri anfractus deducuntur, & magis *recto*, exempli causa, quàm obliquo tendunt, cogitent, hoc est, velint, nolint, affirment, negent, &c. Imò Deum venerentur, Proximum ament, Virtutes exerceant, Vitia abominentur? Quis integræ mentis Vir sibi persuadebit; ut cum *Deus* mortalibus imperat, ut *eum* diligant, laudent, noscant, contemplantur, ei fidem præstent, ei obtemperent, nihil aliud jubeat, quàm ut subtilissima Sanguinis nostri portio tali temperie imbuatur; agilis sit, aut lenta; abundet aut deficiat, vel ut hoc aut alio modo concutiat, aut quiescat.

VIII.

*Cogitatio
expers est
dimensionis
cujusque.*

ROGET nunc præclarus Vir, *quamobrem* verò non cogitet ipsam Corpus? aut, cur cùm quòd cogites te esse concluderis, Corpus non sit, quod se esse cogitet? Quandoquidem ita à communi Hominum sensu alienum est, quòd Materia sit perceptionis capax, ut se delirare, & spectris se delectari, ipso facto prodat,

prodat, qui illud aſſerit. Denique ſæpius ſupra inſinuatum eſt, ad Corporis naturam ſpectare, quòd tribus Dimenſionibus conſtet; ſive quòd ſit longum, latum, profundum, diviſibile in partes: Verùm, hæc Animæ noſtræ, quæ eſt *Res Cogitans*, attribui non poſſunt, quoniam neque Intellectio, ſeu Perceptio, neque Volitio, neque Dubitatio, neque Affirmatio vel Negatio, neque ulla alia Cognitionis ſpecies, longa, lata, profunda intelligi, vel in partes dividi, vel pedibus, ulnis, paſſibus, &c. menſurari poteſt; igitur *Cogitatio* nullatenus ad *Corpus* pertinet. Nam quis valenti adeò ingenio, qui Cogitationis partem aliquam majorem, minorem, ſphæricam, quadratam concipiat? Quis unam ejus partem in alterius locum transponi apprehendat? Quæ tamen omnia in quolibet Corpore clarè & diſtinctè concipiuntur.

Si cum Gaſſendo dicas, *Etiamſi Cogitationem de meipſo habeam, nescire tamen utrum iſta Cogitatio ſit actio corporea, aut Atomus, quæ moveatur, potiùs quàm ſubſtantia Immaterialis*. Reſpondet Philoſophus ad Instantias in ſecundam Meditationem: Judicas te eſſe Hominem, quia in te omnia deprehendis, propter quæ eos, in quibus illa reperiuntur, Homines vocas, ſed quæſcis, annon ſis Elephas potiùs quàm Homo, aliquibus aliis, quas ignoras, de cau-

K 5

ſis?

IX.

Ac proinde nihil, quod ad materiam ſpectat, includit.

sis? Nam postquam *Substantia*, quæ cogitat, se Intellectualem esse judicavit, quia in se omnes substantiarum Intellectualium proprietates observavit, & nullas, quæ Corpori convenient, animadvertere potuit, ex ipsa adhuc quæritur, quomodo noverit, annon sit Corpus potius quàm Substantia Immaterialis.

X.

*Cogitatio
non potest
dicimodus Cor-
poris.*

FORSITAN quorundam sententiæ Eru-
ditissimus Theologus suffragatur, qui autu-
mant, Mentem quoddam eidem subiecto At-
tributum esse posse, cùm Extensione conve-
niens; ac proinde Cogitationem aliud non
esse, quàm Rei Extensæ modum. Nam quid
aliud sibi vult, dum ait: *Quidni enim in-
completi sint utriusque conceptus; ut cùm
corpus tuum rem extensam, non autem cogi-
tantem intelligas, non aliud facis, quàm si
idem sine erecta figura cogitares.* Sed erecta
figura, respectu Rei extensæ, est *Modus*:
Ergo qui rem Extensam absque Cogitatio-
ne intelligit, nihil aliud agit, quàm si Rem
sive Substantiam sine Modo consideraret.
At, non probè naturam Modi intellexisse
videtur Vir Clarissimus, quæ in hoc consistit,
ut licet Rem absque illo facilè apprehen-
damus; non tamen è diverso, *Modum* clarè
agnoscere possumus, ni simul Rem, cujus est
Modus, simul concipiamus. Verùm, perspi-
cùè & distinctè intelligo Cogitationem sine
Extensione, & vice versa, Extensionem sine
Cogi-

Cogitatione : Igitur Cogitatio non est Rei
 extensæ Modus. Sed aliquid Eximio Viro
 largiamur, & non de verbis contendamus,
 ab iis à cōmuni significatione tantillum de-
 viantibus, verus sensus elici potest. Demus,
 inquam, *Cogitationem* eandem substantiam
 esse cum Corpore, & non nisi ab eo modaliter
 distingui; si Substantiæ nomine, conceptum
 illum generalem *Entis* per se existentis intel-
 ligat, qui Menti & Corpori communis est, &
 illi contra ordinariū loquendi modum, lu-
 beat Cogitationem, qua conceptus ille im-
 pletur, ut mentem referat, modum appellet,
 non est, quòd illi tantoperè obluſtemur, mo-
 dō aliis nominibus, quàm quæ passim recep-
 ta sunt, se uti fateatur, ne inde inter Res ip-
 sas confusio nascatur. Verū, quicquid mo-
 liatur, nunquam efficiet, ut *Cogitatio* & *Ex-*
tenſio, quas Modos vocat, inter se conveni-
 ant, nisi in generali hac ratione, quod *Entia*
 sunt per se, sed semper hæc ab altera planè di-
 versa manebit, imò una ab altera seponi &
 negari poterit. Hinc sequitur Cogitationem
 & Extensionem, quocumque nomine insigni-
 antur, tantum inter se discrepare, quantum
 Res ulla ab alia concipi potest distincta.

SI fortè cum *Authore* quartarum Obje-
 ctionum urgeat Vir Clarissimus; unde nobis
 constare pōtēst, non decipi, dum à Mentis es-
 sentia Corpus excludimus; quippè ad Di-
 stinctionē realem non sufficere videtur, quòd
 unius rei notitia parari queat absque alte-
 rius Primo.

XI.

Uc Corpus
 & Mens
 distinguū-
 tur, per si-
 militudi-
 nem Tri-
 anguli se-
 micirculo
 inscripti.

rius notitia; Nam qui certò novit *Angulum* in semicirculo rectangulum esse, ambigat verò, imò sophismate delusus neget quadratum basis rectanguli æquale esse quadratis laterum, non tamen ei inferre licet dari posse *Triangulum*, cujus basis quadratum æquale non sit quadratis laterum. Imò etiam si quis neget, quod illius basis quadratum sit æquale quadratis laterum, certus, tamen manet, quòd sit *Rectangulus*, & clara distinctaq; remanet in ejus Mente notitia, quod unus ex ejus Angulis sit rectus, quo salvo, ne quidem Deus efficere potest, ut non sit rectangulus. Respondet Philosophus, quantum ad exemplum, multis modis differre. Nam primò, etsi *Triangulus* fortè in concreto accipi queat, pro Substantia nimirum, figuram Triangularem habente, certè proprietas habendi quadratum basis æquale quadratis laterum, non est substantia, nec proinde unum quodque ex iis duobus intelligi potest, ut Res completa, quemadmodum Mens & Corpus intelliguntur: nec quidem Res vocari potest, eo sensu, quo dixit, *satis esse, quòd passim unam Rem (nempe rem completam) absque altera intelligere.* Quia non asseruit Facultates esse Res, sed ipsas accuratè à Rebus sive substantiis distinxit.

XII. SECUNDO, clarè & distinctè possumus
Secundò. intelligere *Triangulum* in *Semicirculo* esse
 rectangulum, absque eo, quòd advertamus
 ejus basis quadratum æquale esse quadratis
 laterum;

laterum; non tamen ita possumus clarè intelligere *Triangulum*, in quo basis quadratum sit æquale quadratis laterum, quin simul advertamus esse rectangulum; Atqui & Mentem sine Corpore, & Corpus sine Mente clarè & distinctè percipimus.

XIII.
Tertio.
 TERTIO, quamvis conceptus *Trianguli semicirculo* inscripti, talis haberi possit, ut in eo æqualitas inter quadratum basis, & quadrata laterum non contineatur, non potest tamen haberi talis, ut nulla proportio inter basis quadratum, & quadrata laterum ad hunc *Triangulum* pertinere intelligatur; ac proinde quamdiu ignoratur qualis sit ista proportio, nulla de eo potest negari, nisi quàm clarè intelligam⁹ ad ipsum non pertinere, quod de proportionē æqualitatis nunquā potest intelligi. Sed nihil planè in *Corporis* conceptu includitur, quod ad *Mentem* pertineat, nihilq; in conceptu *Mentis*, quod pertineat ad *Corpus*.

XIV.
Distinctio
inter
Mentem
& Corpus;
& inter
quadratum basis
& quadratum
lateralium;
 ITAQUE quamvis dixerit Cartesius, *scilicet esse, quod possim unam rem absque altera clarè & distinctè intelligere, &c.* Non ideo potest subsumi; at clarè & distinctè intelligo hunc *Triangulum*, &c. Primò, quia proportio inter quadratum basis & quadrata laterum, non est *Res* completa. Secundò, quia non clarè intelligitur ista proportio æqualitatis, nisi in *Triangulo* rectangulo. Tertiò, quia ne quidem *Triangulus* distinctè in-


de intelligi potest, si negetur proportio, quæ est inter quadrata ejus laterum & basis.

XV. Ex dictis manifestum evadit, *Quamobrem non cogitet ipsum Corpus, & Corpus non sit, quod se esse cogitat.* Quia quemcumque *Motum* corporeum, cui cogitationis nomen tribuas, assignaveris, fateri cogitis à Cogitatione esse diversum: Nam cum *Ideæ*, quas de illis habemus, differentes sint, necessum quoque est, ut unum ab alio distinctum apprehendamus: quamvis propter consuetudinem diversas proprietates, quibus nulla affinitas interest, uni & eidem Substantiæ assignandi, contingere possit, ut dubitem, vel etiam ut asseram, me esse unum & eundem, qui cogito, & loco moveor. Etenim observandum est, duobus modis ea, quorum diversas habemus *Ideas*, pro una & eadem Re sumi posse: nempe vel *unitate Compositionis*. Ita exempli causa, non eandem quidem habemus ideam Figuræ & Motus: ut neque eandem habemus Intellectionis & Volitionis; neque etiam Ossium & Carnis, neque Cogitationis & Extensionis: Atqui nihilominus clarè percipimus illi eidem Substantiæ, cui competit ut sit figurata competere etiã ut possit moveri, adeò ut figuratum & mobile sit unum & idem unitate Naturæ; Itemque rem Intelligentem & volentem esse etiam unam & eandem unitate Naturæ.

turæ. Non autem idem percipimus de *Re*,
quam consideramus sub forma ossis, & de *Re*,
quam consideramus sub forma Carnis, nec
idcirco possumus illas pro una & eadem *Re*
sumere unitate Naturæ, sed tantum unitate
Compositionis, quatenus scilicet unum & idem
Animal est, quod habet Ossa & Carnes.

JAM verò quæstio est, an Rem Cogitantem XVI.
& Rem extensam perspiciamus esse unam *Cogitatio*
& eandem unitate *Naturæ*, ita scilicet, ut *& exten-*
inter Cogitationem & Extensionem, aliquam *sio sunt*
talem affinitatem, sive connexionem inve- *tantum*
niamus, qualem inter Figuram & Motum, *una unitas*
vel Intellectionem & Volitionem advertim⁹, *te compo-*
an potius dicantur tantum esse unum & idem *sitionis.*
unitate *Compositionis*, quatenus in eodem
Hominereperiuntur, ut ossa & carnes in eo-
dem Animali, quod ultimum *Cartesius* affir-
mat, quia Distinctionem, sive diversitatem
omnimodam inter naturam Rei extensæ, &
Rei Cogitantis, non min⁹ quàm inter Ossa
& Carnes animadvertit.

QUARE cum illud, quod cogitare potest, XVII.
Mens sit, sive Mens vocetur, atque Mens *Concludi-*
& Corpus realiter distinguantur, ac proinde *tur Corpus*
nullum Corpus sit Mens, nullum Cor- *incapax*
pus potest cogitare. *esse cogita-*
tionis.



CAPUT DECIMUM TERTIUM.

*Deus sub nulla specie, aut Forma materiali,
Menti nostræ occurrit.*

I. *Cartesius inter alias Ideas, Dei Ideam in se reperit.* **U**BI Cartesius *Mentem* suam contemplando, ejus existentiam intulit, & ejus perfectionibus probè intentus, ad eam, non autem ad ejus *Corpus* Cogitationem spectare demonstravit; illius penetralia intimiùs perscrutatus, alias Rerum imagines sibi spontè obversari deprehendit; non earum duntaxat, quæ per *Sensus* Animo ingeruntur, sed illarum etiam, quas spirituales vocamus, & quæ absque ulla specie Corporea Mentem nostram penetrant. Sed nullam clariorem distinctionemque, quam de *Deo* cogitationem reperit, quæ cum à seipso tanquam à *Causa* exemplari proficisci nequeat, omni dubitatione postposita, Deum necessario existere asseruit. Nam quamvis, inquit, *Meditatione tertia*, Substantiæ quidem Idea in me sit ex hoc ipso, quòd sim Substantia, non tamen idcirco esset idea Substantiæ Infinitæ, cum sim finitus, nisi ab aliqua Substantia, quæ revera esset Infinita, procederet.

II. *Quid Idea vocabulo est intelligendum.* HÆC assertio mirum in modum Eximio Theologo displicet, & tantum non Cartesio, initio Sectionis decimæ nonæ, impropert, quòd id efferre ausus sit. *Tunè verò*, inquit, *illius Ideam in te habere jactitas? Nosti, quid sit*

fit Idea? Quas Latini verum formas, Græci
Ideas vocant. Revera Ideæ nomen adeò
 simplex est, omnibusque ita evidens, ut
 per alias voces magis perspicuas, vix expli-
 cari posse videatur. Nam cùm simplex sit,
 ac per se notum, obscurius reddi necessum
 est, quando Definitio accedit, & quædam
 vocabula ad majorem ejus claritatem adhi-
 bentur. Sed quia tam vehementer urget
 Vir Clarissimus, quid *Idea* sit, & an illa à
Philosopho noscatur, paucis exponam, quid
 per Ideam *Cartesius* intellexerit. Satis ma-
 nifestum est ex præcedentibus, Mentis hu-
 manæ naturam in *Cogitatione* consistere, at-
 que varias ac singulares Cogitationes, Men-
 tis nostræ *Modos* vocari; quemadmodum
 varias rei extensæ sive Corporis figuras, il-
 lius *Modos* appellamus. Cùm verò Modi
 illi cogitandi aliud non sint, quàm Animi
Conceptus, illos Ideas dicimus, ac proinde
 ut aliqua Definitionis specie utamur: *Ideæ*
 sunt Forma uniuscujusque nostrarum Cog-
 itationum, cujus immediata perceptione,
 earundem Cogitationum cognitionem habemus;
 Adeò ut nihil verbis exprimere pos-
 sumus, quando id quod dicimus, intelli-
 gimus, quin ex hoc ipso evidens sit, nos in
 nobis Rei per verba *Significata* Ideam, seu
 notionem habere. Concedat igitur Vir
 Doctissimus nosse *Cartesium* quid sit Idea,
 & quæ illæ sint Rerum formæ quas Græci
Ideas vocant.

III.

VERUM quid eo dato sequitur; Tu igitur, inquit, quâ forma, quave specie sit im-
 mensa Numinis Majestas intelligis? Si in-
 corporea telligere te ais, cur figura quadam non descrip-
 potest re-feris, aut fando non explicaveris. Fateor
 presentari, equidem, neque Me, neque Cartesium, nec

quenquam alium, qui rectè Philosophatur, posse hoc pacto Deum intelligere. Enim-
 verò quis Deum sub aliqua figura sibi, aut aliis unquam repræsentare potest? Quis dicet Corporis modum posse nobis spirituales substantiam exhibere? Quæ inter summi Numinis Majestatem, ei speciem, seu formam materialem, similitudo, ut hæc illam referat? Quando enim de Deo loquimur, implicat Ideam, quam de illo formamus, ulli speciei corporæ consentanea sit. Quare sedulò cavendum est, cum de Deo, cæterisque rebus corporeis sermo habetur, ut Imaginationis species, ab Intellectus puri Ideis secernamus, atque eorum exemplum declinemus, qui Rem unam concipere se non autumant, nisi quam & imaginantur, sive illam sub specie materiali sibi proponunt. Quod ipsis ob inadvertentiam duntaxat contingit, quippè si in id, quod in mente sua agitur, Animum intenderent, multa sibi citra hujusmodi species observari experirentur. Quod sat arguit, non exiguum inter puram Intellectionem & Imaginationem discrimen esse interpositum.

EXEMPLI causa, dum *Triangulum* imaginor, non tantum intelligo illud esse figuram tribus lineis comprehensam, sed simul etiam istas tres *lineas* tanquam presentes, mentis acie intueor, & illud est, quod propriè imaginari appellamus. Si vero de *Chilogo-*no cogitare velim, equidem benè intelligo illud figuram esse mille *lateribus* constantem, ac intelligo *Triangulum* esse figuram constantem tribus: sed non eodem modo illa mille latera imaginor, sive tanquam præsentia contemplor. Et quamvis tunc propter consuetudinem aliquid semper imaginandi, quoties de Re corporea agitur, *figuram* fortè aliquam confusè mihi repræsentem, patet tamen illam non esse *Chilogonè*, quia nulla in re est diversa ab ea, quam mihi etiam repræsentarem, si de *Myriogono*, aliave quavis figura plurimorum laterum cogitarem, nec quicquam juvat ad eas proprietates, quibus *Chilogonum* ab aliis *Polygonis* differt agnoscendas.

IV.

Non omnes figurae possunt per imaginationem attingi.

UNDE apparet Virum Clarissimum, citra rationem à Philosopho exegisse, ut si *Quid Dei Ideam* haberet, panderet *sub qua forma, nomine, quave specie esset immensa Numinis Majestas*. Quia *Ideæ* nomine, non *Rerum materialium* imagines in *Phantasia corporea* depictæ intelliguntur; sed omne illud, quod immediate à Mente percipitur, quando cum veritate dicere possumus, nos Rem aliquam concipere quocumque modo illam concipia-

V.

Quid Dei Ideam haberet, panderet sub qua forma, nomine, quave specie esset immensa Numinis Majestas. Cartesius.

cipiamus. Unde *Cartesius* Meditatione tertia, ut quid Dei vocabulo intelligendum vellet, sive quamejus ideam & cogitationem haberet, declararet, hanc proferit Definitionem: Dei nomine, intelligo Substantiam quandam Infinitam, Independentem, summè Intelligentem, summè Potentem, & à qua tum Ego ipse, tum aliud omne, si quid aliud extat, quodcumque extat, est creatum. Quamvis hæc Definitio perfecta sit, & omnia Attributa sub Substantiæ *Infinitæ* vocabulo complectatur, manca Præstantissimo Theologo videtur, ni Substantiæ, quæ ut primum Attributum, Dei naturam constituit, certa figura assignetur, & quodam decore adornata in medium proferatur. *Substantiam*, inquit, *intelligimus* & nos, *quæ* *verò sit ejus forma, species & figura, à te discernere libenter vellemus.*

VI. Et ego, quam voluerit eligendam relinquere, speciem fingat, quæ hanc Substantiam illustret, & quæ illi placuerit imaginem Numinis Majestati adaptet, non obluclabor. Fortè Deum, prout aliquando *Gassendo* visum est, sub venerabilis Senis habitu nobis exhibebit? Prodeat igitur venerandus ætate gravis, fronte crispata, capite calvo, genis tumentibus, ore vivido; Illi barba emineat, & niveo colore aspergatur, acres sint illi Oculi, & Mundum, quem dextra tenet, pervadat & moderetur. An hoc genuinum Dei *simulacrum* reputandum est? Siccine

res Incorporæ Oculis nostris expanduntur? Ita Deus, qui Incomprehensibilis est, à Mortalibus agnoscitur? Id asserant, qui oculis omnia metiuntur, aut qui nihil verum existimant, quod sub Imaginationem non cadit. Falsitas autem hujus Opinionis ex eo facile detegetur, si ad cogitationes nostras attendamus, consideremusque quàm evidenter judicia nostra ab Ideis nostris discrepent. Quippe si *Deus* sub Venerabilis Senis simulacro nobis innotescere fingatur, quodcumque aliud judicium de Deo formemus, illud falsitatis arguere cogemur, si Dei Ideæ adversatur, & ei in omnibus non correspondeat. Quia naturali lumine ad credendum adducimur, falsa illa esse *judicia*, quæ à Rerum Ideis, quæ in Mente nostra versantur, dissentanea sunt, ac proinde nunquam cum certitudine affirmare possumus, Deum partium esse expertem, non Corpore constare, esse invisibilem, & in omni loco reperiri. Quia hæc omnia cum Venerabilis Senis Ideæ non conveniunt, imò hæc duo conceptibus discrepant.

Si dicatur, Deum sub hac effigie nonnunc VII.
quam Mortalibus se conspiciendum præbu- *Alias Spi-*
isse. Quid tum! an inde sequitur, illam esse *ritus S.*
notionem, quam de Deo habere debemus? *sub specie*
Alias inferendum quoque esset, nullum al- *tolumba*
terum de *Spiritu Sancto*, quàm Columbæ *cognosce-*
conceptum habere posse, quoniam sub hac *reitur.*
Hominibus aliquando apparuit, & ejus vota-
tum imitatus est. L 3 POST-

VIII.

Deus benè scitatus est, quæ Divinæ Substantiæ esset
definitur species, & qua figuraterminaretur, demum
substantia in verbum quoddam offendit, quod ne da-
quadam tam à Cartesio Dei definitionem amplecteretur,
Infinita, tur, impedivit. *Quandam enim esse cautè*
independens &c. an callidè, seu potius imprudenter dicis? Quid
enim hoc est, quàm quæ fuerit, te omninò
nescire? Quasi indeterminati hujus Prono-
minis, *Quandam*, subsidio, ignorantiam
suam celaret, & quod explicare non pote-
rat, Vocis obscuritate tegeret. Verùm,
tantùm abest, ut Pronomen istud, Sub-
stantiæ imprudenter adderet, quinimò vix
citra confusionem omitti potuit. Nam
cùm Substantiam definiret, cui nihil est,
cum cæteris Rebus creatis commune, *Quan-*
dam appellavit, cui scilicet specialia Attri-
buta competere, & eam ab omni alio Ente
amolirentur. Hinc Gassendus Dubitatione
septima ad tertiam Meditationem: *Benè,*
inquit, dicis, quandam, ut quæ prorsus ta-
lis non sit, quales sunt prorsus omnes, quæ à
nobis intelliguntur aut intelligi putantur Sub-
stantiæ: quæ non substat ulli Accidenti, quæ
nulli planè substat rei; quæ propriè Substan-
tia non sit, quæ potius supersubstantia sit,
quæ sit aliquid longè excellentius, quàm quic-
quid Substantiam intelligimus. Quæ deniq;
sit aliquid, quod intelligere non possumus.
Non imprudenter igitur Cartesius, Dei no-
mine intellexit Substantiam *Quandam* Infi-
nitam,

nitam, Independentem, Potentissimam, &c. Cùm Substantia illa singularis sit & individua, & positiva solius Dei perfectio, ac proinde per vocem illam, *Quandam*, demonstranda.

VERUM, nihil effecero, ni cuidam illi Substantiæ Differentiam præscribam, ostendamque an materialis sit, an incorporea: *Deus noscè non potest per aliquam speciem corpoream.* Dicas itaque, inquit, Corporea, an incorporea sit; si corporea; istuc unde clarè & distinctè noveris; si incorporea; istuc, quid sit, nobis clarè & distinctè explices. Obscuræ (mihi crede) & difficiles sunt primæ istarum notiones. Et si experiare, nihil magis arduum invenies, quàm quo pacto res, quæ corpore vacua sit, à corporea mole distinguatur. Tanto certè molimine opus non est, ad cognoscendum an Dei Substantia corporea sit, an incorporea. Rem paucis perficiam, si unam ex duabus his partibus seligam, ostendamque Dei Substantiam nullatenus corpoream esse posse. Nam hoc probato, infallibili consecutione infertur, Deum Immateriale esse & Incorporeum. Apud omnes, qui quid per Dei nomen importetur, intelligunt, in confesso est, Deum Ens esse omnium, quæ concipere possumus, perfectissimum: Sed in Re Corporea, non omnes inveniuntur perfectiones: Nam etsi Corpus prout tribus dimensionib⁹ constare intelligitur, longitudinem sine latitudine, & latitudinē sine quadam profunditate habere non queat,

non tamen necessariò talem ac tantam longitudinē sine tali ac tanta latitudine includit. In Deo verò, talis ac tanta *Sapientia*, à tali ac tanta *Potentia* dividi nullatenus potest, nec ullum Dei Attributum summè perfectum, ab alio etiam summè perfectò separari potest; non est igitur Dei Substantia corporea. Deinde Rem materialem clarè & distinctè apprehendere possumus, quantum ad quæstionem *Quid est*, quamvis eo ipso non percipiamus *An sit*; Sed Deum rectè definire non possumus, nisi in ejus definitione *Existentia* includatur, quandoquidem *Existentia* Dei conceptum ingreditur, nec ejus *Essentia* citra illam intelligi potest.

X. Si objicias, Deum ens esse maximè *singulum* ac proinde impropriè cum Corpore in *materia* genere comparari. Respondeo ex ejus collatione cum Corpore singulari, magis utriusque diversitatem patescere. Omne enim Corpus *singulare*, ex variis partibus componitur, varios subit motus, variis instruitur figuris, quæ à se mutuò separari & disjungi possunt: Hinc Rerum materialium *corruptio*, *alteratio*, *diversitas* oritur. At Deus Immortalis est, nullis mutationibus est obnoxius, quamcumque varietatem refugit. Si igitur Deus *Materiae* vicissitudines non subit, nullasque ejus proprietates admittit, non illa, ex qua constat Substantia Corporea dici potest, sed ut incorporea sit, necessum est. Dico itaque, me *clarè ac distinctè* cognoscere Dei

Dei *Substantiam esse Incorpoream*, quamvis illius imaginem in phantasia mea depictam non inveniam, imò in me inveniri posse impossibilem existimem.

AT cum Philosophi quidam sunt, inquit **XI.**
 Vir Eximius, iique non indocti, qui quicquam præter phantasmata, menti advenire inficiantur, atq; hinc factum, ut in surdo nato phari non
 nulla sit vocis Idea, neque in cæcolucis, quod possunt,
 primi occludantur aditus, per quos illarum qui suam
 phantasmata ad phantasiam pervenirent. Si cognitio-
 autem nullas Ideas habeamus, nisi quæ ex- nem à sen-
 trorsum advenere, nihil aliud sunt omnes, sibus &
 nisi Imaginationis phantasmata. Sunt equi- imagine
 dem, qui ita censent Philosophi, sed quales tione tan-
 nobis narrat, eos nimirum, qui toti Carni tum ha-
 immerfi, præjudicia Infantiae pro Axioma- bent.
 tibus habent, qui Res cortice tenus, hoc est
 earum, quibus indicantur, verba contem-
 plantur, & quæ ratio regenda sit, ignari, re-
 rum Spiritualium notiones è mente sua de-
 turbant. Quid? ita Cognitio nostra à Sen-
 sibus initium ducit, ut nihil Menti occurrat,
 quod per illos non subierit? Nihil ab Intelle-
 ctu percipitur, quod in Cerebro non deli-
 neatum sit, aut in Imaginatione insculptum?
 Quis dicet Sapientiam, Beatitudinem, Ju-
 stitiam, Amorem, cæterosq; animi Affectus
 per phantasmata repræsentari? Cum Vir
 Clarissimus se vivere non dubitet, certus
 que sit se cogitare, se multa contra Carte-
 sianam Philosophiam moliri, an putat suæ

Existentiæ & Cogitationis Ideam, *Corporum* esse simulachrum? Id si arbitretur, precor, ut quo colore afficiantur nobis aperire non dedignetur: dicat quem ejus Auribus sonum imprimunt; quibus Qualitatibus imbuantur, frigidæne sint, an calidæ? Nihil minus: nam licet *Sonus*, aut *Vox* cogitationem & existentiam exprimat, & earum species cum harum Idea jungatur, non est tamen Cogitationis, de quâ sit quæstio, imago.

XII. Id animadvertit *Augustinus*, dum libro *Multa sunt secundum Augustinum, quæ sola mente, seu intellectu percipiuntur.* sexto de Musica ita loquitur: Triâ sunt Rerum genera, quæ videntur: Unum Corporalium, sicut hoc *Cælum* & *Terra*, & quicquid in eis Sensus cernit & tangit; Alterum simile Corporalibus, sicut sunt *ea*, quæ spiritu cogitata imaginamur, sive recordata vel oblata, quasi corpora contuemur. *Tertium ab utroque discretum, quod neque sit Corpus, neque habeat similitudinem Corporis; sicut est Sapientia, quæ mente intellecta concipitur, & in cujus luce de iis omnibus veraciter judicatur.* Nihil enim magis Veritati adversatur, aut ejus acquisitionem arcet, quàm phantasmatum multitudo, & Rerum imagines, quæ per Sensuum organa in animum transmittuntur. Nam licet earum consciî sumus, & veluti præsentis intueri videamur, certi tamen esse non possumus, non vana esse somnia, quibus deludimur, & subreptitia figmenta, quæ in errorem nos indu-

Inducant. Adeò Cognitioni Rerum Spiritualium infesta est imaginandi Facultas, ut eas Mens ad modum Corporum concipiendo, earum naturam alienet & corrumpat. Hinc *Idololatria* externa, qua efficta ab Homi- nibus simulacra coluntur, non aliundè originem habuit, quàm quòd *Deus*, qui solo Intellectu concipi potest, sub Imagine exhibitus sit, & exsculpta in Cerebro exemplaria, typo externo cuderentur. Mens humana igitur corporeis *speciebus* primùm ex- uenda est, ut veram Dei Ideam nanciscatur, & illi viriliter, pertinaci versus corporea in- clinationi obluetandum, ut sibi aditum ad Spiritualium rerum contemplationem ape- riat.

AD id, quod de *Cæconato* subjungit, quod XIII.
nulla ei insit lucis Idea, aut in Surdo vocis. Possent ita
 Idem quod Philosophus olim *Gassendo* illud *cæco nato*
 ipsum objicienti respondendum est; nullius *esse idea*
 prorsus esse momenti. Qui enim scit Vir *colorum*,
 Doctissimus, in Cæco nato nullam esse co- & in in-
 lorum Ideam? Cùm non rarò in nobis, etsi *fante in*
 oculos claudamus, nihilominus Lucis & Co- *ntero. ma*
 lorum *Sensus* excitentur; & quamvis, quod *terno idea*
 ait, concedatur, nunquid ab eo, qui rerum *Dei &*
 materialium existentiam negat, dici potest, *sui.*
 Cæcum natum non colorum Ideas habere,
 quia oculis est privatus? Concludimus igi-
 tur, nihil eorum, quæ Deo attribuuntur,
 ab objectis externis, tanquam ab exem-
 plari proficisci posse, quia nihil in Deo iis
 simile

simile est, quæ in Rebus externis, hoc est, Corporeis observatur. Hinc *Cartesius* alio in loco, eidem opponenti verè dixit. Quia tam ingenuè interrogas, quas putem Mentem meam habituram fuisse Dei & sui Ideas, si ex quo infusa est in Corpus mansisset hucusque in eo clausis oculis, & absque ullo aliorum sensuum usu: ingenuè & candidè Respondeo, me non dubitare (modò ipsam in cogitando non impeditam à Corpore, ut neq; etiam adjutam supponamus) quin easdem, quas nunc habet, Dei & sui Ideas fuisset habitura, nisi tantum quòd multò puriores & clariores habuisset: Sensus enim ipsam in multis impediunt, ac in nullis ad illas percipiendas juvant: & nihil obstat, quominus Homines easdem se habere æquè animadvertant, quàm quia in rerum Corporum imaginibus percipiendis nimium occupantur.

CAPUT DECIMUM QUARTUM.

Ostenditur Cartesium Divinae Substantiae Cogitationem seu Ideam habuisse.

I.

Secundùm D. Parkerum nulla est in nobis idea, quæ non sit in Imaginatione depicta.

CUM eximius Doctor omnes Cogitationes suas ab Imaginatione mutuetur, nullamq; Ideam agnoscat, quæ prius in Cerebro non fuerit depicta, mirum non est, si Rerum Intellectualium notiones repudiet, palamque fateatur, Deum à Mente humana attingi non posse. Quippe si necessum est, ut Intellectus

Quis ad *Phantasmata* se convertat, quatenus aliquid intueatur, quo pacto Deum sibi obvium efficiet, qui Corpore destituitur, & nihil cum materiali specie affinitatis habet? Hinc eadem Sectione decima nona, distinctis verbis, mentem suam aperit: *Quamquam enim distinctas Intellectus facultates esse concesserint, non tamen distinctas Ideas; sed cum Mens ipsa quicquam percipit, aut de quopiam dñiudicat, illius non novam & distinctā Ideam effingit, sed solam Ideam in imaginatione depictam intuetur. Nullius itaq; substantiæ Idea intellectui obversatur, nisi quæ prius phantasiam afficiat, quam cum Natura divina movere nequeat, nulla illius idea in nobis esse potest.*

VERUM, quid si dum à se Dei Ideam II. eliminare videtur, eam hoc ipso admittat, *Nomine* & quod inter Cerebri *Phantasmata* reponit, Dei au- ejus menti infideat? An non Dei nomine *dito aliud* audito, aliquid præter sonum sibi repræsen- præter vo- tat? Aliàs quæ fieri possit, ut tam multa de *cis sonum* Deo demonstremus; ut quòd Unus sit, *menti in-* Omnipotens, Æternus, Sapiens, &c. quan- geritur. doquidem nihil eorum in hoc *sono*, Deus, includitur, sed in Idea duntaxat, quam de Deo habemus, & quam huic sono adstrinximus. Deindè, si hac voce pronunciata, nulla nobis est Dei Idea, nihil igitur de illo concipimus, quàm quatuor has litteras D, E, V, S, & dum illum colimus & veneramur, in nihil aliud, quàm in earum Sonum no- ster

ster cultus ac veneratio dirigitur. Quod an aliquid effingi potest absurdius, ipsimet Viro Theologo discernendum relinquo. Annon quis jure ipsum severitatis infimulabit, quòd tantopere in Atheos invehatur, & eos perversitatis & stultitiæ reos faciat? Quippe si Dei negatio, unius duntaxat Vocis negationem importat, & Deum è Mundo deturbando, unam tantum dictionem ipsi amoliantur, quorsum tanta Acerbitas? Cur tot in insontes minæ, qui nomen abigunt, cujus significationis cum rudes sint, nullam ejus Ideam animo concipiunt? Annon *Paganis* immeritò Vir Clarissimus succenset, qui Divinitatis vocabulum Falsis Numinibus assignant, cum id illis solummodò *materialiter*, ut loquuntur Logici, conveniat? Quid linguæ Latinæ perito ad Pietatem, ad devotionem conducet, quòd nomen, *Deus*, pronunciari audiat, magis quàm Synagogam ingressus, Hebraicæ autem linguæ planè ignarus, *Adonai*, aut *Eloha*, efferri audiat? Cum ex utroque pronunciato nullum conceptum sibi efformet, & non nisi à quodam syllabarum murmure afficiatur? Necessum igitur est, ut Dei ipsius notionem habeamus, dum illi Attributa assignamus, & quid nomen illud significet, nobis manifestum sit, ut cæteris Rebus extraneum esse judicemus.

II.
Omnes
gentes in
Dei notio-
ne conveniunt.

CERTE, cum diversæ gentis Homines, variis nominibus Deum exprimant, quæ sit, ut om-

ut omnes similem de illo conceptum efformant? Annon *Gallus & Germanus*, dissimilibus utentes verbis, cum de Deo loquuntur, eandem de eo cogitationem efformant? Quis sit, ut de illius Majestate, Potentia, Sapientia, Æternitate idem censeant, nisi quia à vocabulis cogitationis suæ identitatem non habent, sed potius ipsis eadem *Notio* Dei occurrit, & similis Idea in eorum mentibus correspondet. Enimverò quomodo summo Honore Deum esse colendum decernerent? Quomodo Dei opera admirarentur? Quomodo Dei misericordiam ejus justitiæ præponerent? Quomodo denique Dei amore contemnenda esse omnia prædicarent, nisi Dei cogitationem haberent, & alias Ideas ad illa nomina spectantes mente gererent, quàm quæ diversorum Sonorum Phantasmatibus tribuuntur. Putatne Clarissimus Vir, dum Athei Deum esse inficiantur, aut saltem, ne pejus quàm par est, de illis judicem, Mundo exulem optant, ut liberiùs vitia sectentur, & impunè voluptati indulgeant; putatne, inquam, nihil prorsus per hoc nomen, *Deus*, intelligere? Si affirmet, non igitur Athei culpandi sunt, quandoquidem non nisi nihili existentiam denegant, aut saltem illius Rei, quæ nullam sui notionem eorum Intellectui exhibet. Si præter *litteras*, quibus hoc vocabulum, *Deus*, componitur, quicquam significare ajat, cum Res per illud significata, ejus

Menti

Menti insinuetur, ut illius quoque Ideam habet, necessum est; cum nequaquam fieri possit, ut aliquid verbis exprimere possimus, id intelligendo, quod dicimus, quin hoc ipso certum sit in nobis illius Ideam esse, quod verbis illis significatur.

IV. ID Eximio Doctore necessarium non videtur, sed sufficit secundum eum, ut Deus percipiatur, quod Ratio adhibeatur, non autem Idea. *An ergo Deum esse non percipimus?* inquit, *Imo quidem ratione, non Idea.* At quomodo asseverabit, se rem nosse, cujus nulla Idea ejus Menti obversatur? Cum per Ideam id omne intelligitur, quod alicujus perceptionis est forma, adeo ut Idea aliud non sit, quam Mentis conceptus, sive res Mente concepta & intellecta. Nam si quicquid perspicue & distincte cognoscimus, verum est, & tota evidentia & distinctio rei, ab Ideis non nostris pendeat, certi nunquam erimus, eorum cognitionem, quæ extra nos sunt, habere, nisi per Ideas, quas in nobis invenimus: Cumque Vir Clarissimus, nullam Dei notionem se Mente gerere asserat; quidni audacter inferamus, nullam prorsus Dei perceptionem habere, ac proinde, si non Idea, neque etiam ratione Deum cognoscere, quandoquidem Idea sit id ipsum, quod ratione evincitur, ut & alia, quæ quolibet modo percipiuntur. Sic *Philosophus respons. ad Tert. Object.* Ego passim ubique, ac præcipue hoc ipso

ipſo in loco, oſtendo me nomen *Ideæ* ſumere pro omni eo, quod immediatè à Mente percipitur, adeò ut cùm volo, & timeo, quia ſimul percipio me velle, & timere, ipſa volitio, & timor inter *Ideas* à me numerentur; uſuſq; ſum hoc *nomine*, quia jam tritum erat à Philoſophis, ad formas perceptionum Mentis Divinæ ſignificandas, quamvis nullam in Deo phantaſiam agnoſcamus; & nullum aptius habebam. Satis autem puto, me explicuiſſe *Ideam* Dei pro iis, qui ad meum ſenſum volunt attendere: Sed pro iis, qui mea verba malunt aliter quàm ego intelligere, nunquam poſſum ſatis.

ITA nihilominus proſequitur Doctiſſimus Vir; *Quamquam enim quendam eſſe Veteres ſummæ cùm potentia tum ſapientia novimus, non potuerunt tamen ſit illius eſſentia, omnem captum runt De- humanum non modò ſuperat, ſed & prorsus* ^{um defini-} *fugit. Cum ejusmodi ſit naturæ, ut menti,* ^{re, prius} *quamdiu Carni immerſa ſit, obverſari ne-* ^{ejus Ideam} *queat. Si Dei natura, ſeu eſſentia ita Ho-* ^{habuerint.} *mines latet, ut ejus nulla Notio, in hac Vita comparari queat, quâ contigit ut veteres tum Philoſophi, tum Theologi eum definire aggreſſi ſunt? Cùm Definitio aliud non ſit, quàm clara & diſtincta Rei Idea; quæ certè de nulla re haberi poteſt, niſi vocabula, quib; conſtat, ab Intellectu evidenter apprehendantur, & eorû ſignificatio innotefcat. Unde cùm dixerunt, Deum eſſe *Ens*, quo majus, aut*

melius cogitari non potest: vel *Actum* esse omnis potestatis expertem: vel primam & sempiternam *essentiam*, ex qua est omne, quod est, quatenus est: vel denique, *Ens* summè *perfectum*; haud dubiè Dei cogitationem Cartesiano sensu habebant, & quid per nomen Dei significatur, per hujusmodi descriptiones, animo tenebant. Etenim quo alio pacto Rei alicujus Idea ostendi potest, quàm ejus definitionem tradendo, & Attributa, quibus constat, explicando? Quod cum circa Dei cognitionem Veteres Philosophi præstiterint, negari non potest, quin de Deo Cogitationem habuerint,

VI. *Non potest fieri sermo de Deo, nisi ejus idea habeatur.* NIHIL solentius inter Theologos, quàm Cursum suum, quem *Theologicum* vocant, à Dei naturæ examine ordiri; ac inter primas Quæstiones proponere, *An Deus sit*, sive an Ens sit Infinitum, Æternum, summè potens, à se ipso existens, &c. Dici nequit, hanc Quæstionem de nomine, seu voce materiali, hoc est, de duabus Syllabis, quæ Dei vocabulum componunt, agitari; sed de ipsa Dei Existentia, de qua Quæstio moveri aut intelligi poterat, nisi Dei conceptus haberetur, hoc est, nisi animo apprehenderetur subjectum, de quo investigatur. Nihil præclaro Theologo proderit adferre, *Quendam esse summam cum potentia tum sapientia, sed illius essentiam omnem captum humanum excedere.* Quia eo ipso, quo tale Ens dari affirmat, cum ejus conscius sit, quod asse-

asserit, cogitationem sive notionem habet de tali ac tanto Ente, quod existere affirmat. Quia, quemadmodum loquitur Philosophus *prima parte princip. Artic. 19.* Quamvis summas Dei perfectiones non comprehendamus, quia scilicet est de natura Infiniti, ut à nobis, qui sumus finiti, non comprehendatur: Nihilominus tamen ipsas clariùs & distinctiùs, quàm ullas res Corporeas intelligere possumus, quia Cogitationem nostram magis implent, suntque simpliciores, nec limitationibus ullis obscurantur.

ET profectò si quis Theologos consulat, VII.
deprehendet omnes propemodum asserere, *Ex Scrip-*
Dei Existentiam non modò naturali ratione *tura &*
posse manifestari; verùm etiam ex sacris lit- *Ratione*
teris inferri ejus perceptionem multis, quàm *ostenditur,*
quæ de creatis Rebus habetur, faciliorem *Dei notio-*
esse, imò ita comparatu facilem, ut qui ea *nem in no-*
destituuntur, culpandi sint. Quod ex Sa- *bis repe-*
pientia decimo tertio Capite manifestum *riri,*
est: *Nec his debet ignosci: si enim tantum*
potuerunt scire, ut possent æstimare seculum,
quomodo hujus Dominum non faciliùs inve-
nerunt. Et D. Paulus ad Romanos cap. 1.
Eos *inexcusabiles* esse proclamat, atque ibi-
dem paulò post; *Quod notum est Dei, mani-*
festum est in illis. Quibus verbis sat ad-
monemur, Deum maximè intelligibilem
esse, & solis naturæ viribus manifestissimum.
Enimverò cùm Veritas Mentem respiciat, &
M 2 illud

illud sit circa quod Intellectus potissimum versatur, id Intellectum maximè afficiet, quod maximè Veritas est, sive quod est ipsa *Veritas* originaliter & essentialiter: Sic quoniam Deus præcipuum est humani Intellectus objectum, sequitur, quòd Homines naturali instinctu ad Deum cognoscendum primò & maximè ferantur: Quia quæcumque Operatio, ea ratione ad præstantissimum objectum dirigitur, à quo perficitur, & in quo solo quiescit: Sed summa Intellectivæ Facultatis perfectio sive Veritas, in nullo alio objecto, quàm in Deo posita est, cùm illud Infinitum sit, humanique Intellectus capacitatem expleat; sequitur igitur, quod Homines ad eum intelligendum maximè propendeant.

VIII.
Ostendit
Augustinus obsta-
re Corpo-
rea, ne
Spiritu-
alia attingamus.

VERUM longè aliter sentit Vir Clarissimus, dum ait: *Et quidem multum interest inter illius (Dei) existentiam, an Ideam intelligamus; in existentia enim notitiam, rerum omnium pulchritudine ducimur; Ideam verò quæ assequi possumus non intelligo, nisi ipse se coram sistat; atque quasi videndum & palpandum se exhibeat, cùm nullæ substantiarum Imagines ad Mentem, nisi per sensus advenire possint. Dederint Superi, ut Doctor Eximius, priusquam hæc scriberet, D. Augustini Confessiones evolvisset, advertisset enim lib. 6. cap. 10. illustrissimum Ecclesiæ Doctorem, infælicem suum statum, ante susceptam Evangelii Doctrinam, deflere,*

fieri, atque errorum suorum Causam in hoc rejicere, quod Mens ejus Corporeis Imaginibus obtenebrata, spiritualia capere non posset. *Et quoniam, inquit, cum de Deo meo cogitare vellem, cogitare nisi moles Corporum non noveram: Neque enim videbatur mihi esse quicquam, quod tale non esset; ea maxima & propè sola Causa erat inevitabilis erroris mei. Et lib. 4. cap. 15. Et converti me ad Animi naturam, & non sinebat falsa Opinio, quam de Spiritualibus habebam, verum cernere. Et irruebat in oculos meos ipsa vis Veri, & avertebam palpitantem Mentem ab Incorporea re, ad lineamenta & colores, & tumentes magnitudines. Et quia non poteram ea videre in Animo, putabam me non posse videre Animum meum.*

ENIMVERO quâ Dei Ideam unquam IX.
 assequi poterimus, quamdiu illa ad rerum Imago
 materialium Imagines, quæ in phantasia in Cere-
 formantur, restringetur? Non enim effigies *bro depi-*
 in Cerebro depicta, Ideæ nomen sortitur, *ita non*
 sed omne illud, quatenus habet tantum esse *habet ra-*
 objectivum in Intellectu; quemadmodum *tionem*
 Tertio OppONENTI dicit *Philosophus*: Cum *Idea.*
 additur non dari Ideam animæ, sed ratione
 colligi, idem ac si diceretur, non dari ejus
 Imaginem in phantasia depictam, sed dari
 tamen illud, quod ego Ideam vocavi. Nam
 quis ille est, qui non percipit, se aliquid in-
 telligere, dum has voces pronunciat: *Deus*
est Res omnium, quas concipere possumus,
 M 3 *perfe-*

perfectissima? Hoc enim est, quod apud omnes Homines Dei nomine venit. Si verò dicat Eruditissimus Doctor, se non intelligere quid significant voces omnium mortaliū ore tritæ; dico hanc omnium, quæ fingi possunt, maximè impiam esse confessionem, quod de seipso profiteatur, nullam eo sensu, quo accepit Cartesius, Dei Ideam habere. Hoc enim non solum est palam insinuare se illum ratione naturali non cognoscere, sed etiam nec Fide, nec ulla alia via, quicquam de illo posse attingere. Quia si nullam Ideam, hoc est, nullam perceptionem habeat, quæ hujus vocis, *Deus*, significatui respondeat, quantumvis Deum esse se credere profiteatur, istud perinde est, ac si diceret, se *nihil* esse credere, & ita in Impietatis & extremæ Ignorantiæ abyssodemersum jacere.

X. SED quorsum tam obstinatè Dei perceptionem haberi posse negat Vir Clarissimus? An fortè Ideæ nomen, quo Cartesius utitur, displicet? An nimis ineptum, quàm ut Dei notionem seu conceptum significet, existimat? Nequaquam, sed quia *nulla substantiarum Imagines ad mentem, nisi per sensus advenire possunt*. Itane cognitiones nostræ eam à Sensibus dependentiā habent, ut quicquid per illos non subierit, Intellectum nostrum fugiat? Quid! ita Mens nostra *Corpori* involuta est, ut nisi Sensus consulat, in nullius

Rei

Rei notitiam deveniat? Mirum; quod Insignis Theologus Rei alicujus Cogitantis conscius est, nihili omninò conscius sit; quòd dum affirmat, aut negat, id ipsum, quod affirmat vel negat, illi ignotum sit, & nullam ejus Ideam prorsus habeat, quoniam esse conscius, assentiri, dissentiri Rei Spiritualis Operationes sunt, & quæ nullis corporeis Sensibus innituntur. Statuendum igitur est, omnes cogitationes nostras, non à Sensibus initium ducere, & plurima Menti nostræ obversari, quæ sine ulla Rei materialis similitudine intuemur.

HINC manifestum est, quàm verè dixerit Cartesius, de Rationibus, quas à Mente sua, pro Dei Existentia desumpsit, eas tales esse, *ut non putet ullam viam humano ingenio patere, per quam meliores inveniri unquam possint*: Quia cum Mens humana de sui existentia certa sit, & eo ipso, quo de Rebus cæteris ambigit, eam firmet ac stabiliat, sequitur, quòd ex se probè inspecta & explorata, Deum existere demonstrando, à maximè notis & perceptis procedit; Quippe constat, Conclusionem eo notiores evadere, quò certiores, & magis homogeneæ fuerint præmissæ. Igitur si nihil humanæ Menti evidentius est, quàm ipsa sibi, Mens à se pro Dei Existentia argumentum petendo, Conclusionis veritatem infallibiliter deducit. *Quoniam, ut probè animadvertit Marsilius Ficinus in Alcib. 1. Perfectum*

XI.

Nulla ratio ad probandum Dei existentiam efficacior quam Cartesianæ.

absolutum Hominis officium est, primò quidem ut naturam suam animadvertat, deinde ab illa, tanquam ab Imagine & effectū ad Divinam Mentem & exemplar ejus & Causam convertatur. Magna enim in hoc Existentiā Dei probandi modo, inquit *Cartesius prima parte princip. Artic. 22.* per ejus scilicet Ideam, est prærogativa; quòd simul quisnam sit, quantum naturæ nostræ fert infirmitas, agnoscamus: Nempe ad ejus Ideam nobis ingenitam respicientes, videmus illum esse Æternum, Omnisceum, Omnipotentem, omnis Bonitatis Veritatisque fontem, &c.

CAPUT DECIMUM QUINTUM.

Ingenitam esse omnibus Hominibus de Deo cogitandi Facultatem.

I.
Cùm Dei Idea non à Sensibus proveniat, à solo Deo Mentis nostra imprimatur.

DEMONSTRATO, quod Dei Idea in nobis sit, sive quòd illius notio Mentibus nostris insideat; haud immeritò quæri potest, à quò proveniat, siciscatur, & quæ ejus origo sit & exemplar; nam non illam à *Sensibus*, ut satis probatum est, hausimus, & quæ per *Imaginationem* nobis repræsentantur, rerum Materialium sunt simulachra; alia istius Idæ causa investiganda est, quæ à prædictis differat. Et certè alia assignari nequit, quam ipse Deus, qui illam Animis nostris impressit, & illos produ-

producendo, indidit. Adeò ut illa nobis infita sit, & veluti nota tanti Artificis ejus operibus exarata. Ita Philosophus *Meditatione Tertia*: Neque enim Ideam istam Sensibus hausi, nec unquam non expectanti mihi advenit, ut solent Rerum sensibilibus Ideæ, cùm istæ res externis Sensuum organis occurrunt, vel occurrere videntur, nec etiam à me efficta est. Nam nihil ab illa detrudere, nihil illi superaddere planè possum, ac proinde superest, ut mihi sit innata. Quemadmodum etiam mihi est innata Idea mei ipsius. Et sanè non est mirum, Deum me creando, illam mihi indidisse, ut esset tanquam nota Artificis operi suo impressa.

NON tamen per illam impressionem ita II.
intelligendum est, quasi *actu*, & re ipsa Idea *Quid per*
illa menti nostræ semper obversetur, quoni- *innatam*
am tunc nos semper de Deo cogitarem⁹; sed *Ideam Dei*
per illam impressionem intelligimus Faculta- *intellexe-*
tè Homini à Deo concessam, qua Dei Ideam, *rit Car-*
absque aliarum Idearum præsidio, elicere *tesum.*
potest. Quippe cùm Cogitationes se comi-
tentur, & una aliam expellat, fieri nequa-
quam potest, ut iisdem perpetuò Cogitatio-
nibus inhæreamus. Dicimus igitur Dei
Ideam nobis *innatam* esse, ad eum modum,
quo innatam quibusdam familiis *generosita-*
tem dicimus, & aliis quosdam morbos, ut
Calculus, vel *Podagram*: non quòd ideò
istarum familiarum Infantes, Morbis istis
in matris utero laborent; sed quod cum qua-
dam

dam dispositione, sive Facultate ad illos contrahendos nascantur, & in lucem edantur.

III. AT quid ad hæc Vir Eximius? Nihil,

Non innata Idea quod huic cogitationi faveat, expectes. *reijcenda,* Quamquam, inquit Sectione decima-septima, hanc disputandi ab innatis notionibus quia illis rationem adhiberi hac præcipuè causa nollem, aliqui abusi sunt. quòd ea maximè utuntur omnes, qui Deum solum jocandi causa induxerunt. Id illi gratis largiamur, quod nonnulli Philosophi,

inter quos *Epicurum* potissimum recenset, Dei nomine abutantur, atque illud ad ficta & evanida quædam numina transferant. An ideo è philosophorum Scholis amandandum est Dei vocabulum? Quidam reperti sunt, qui *innatas* notiones non nisi ad jocosos de Deo sermones fingendos desumpserunt, quid tum! Abigenda est igitur penitus è mente nostra Dei Idea? Nihil amplius de Deo loquendum est? Aut quicquam de ejus perfectionibus, Justitia, Bonitate, Sapientia cogitandum? Quis ignorat, qui Ciceronem legit, *Velleium* quondam existimasse, à natura nos omnes habere, omnium gentium, speciem nullam aliam nisi humanam, Deorum? *Qua enim alia forma unquam aut vigilantium unquam aut dormienti occurrit?* inquit. Certè nihil in natura adeò sacrum reperiesset, quod non temeritorem interdum habeat, aut quicquam Mortalium omnium ita *Animis* insitum, quod non à quibusdam vile fiat & contemnatur.

VERUM,

VERUM, cùm nullam ideam Eximius IV.

Theologus admittat, quæ non sit in Cere-
bro insculpta, & cùm Divina *Substantia* it-
lud movere non possit, quid aliud ex illius *rum gene-*
mente concludendum est, quàm quod à no-
bis efficta sit; & ad modum Entium, quæ *ventitia,*
rationis vocamus, & formata: *Putasne e-*
factitia,
nim, inquit, *te illius simulachrum, exem-*
plar, imaginem mente depictam habere? Si nita,
non putas, nihil aliud Idea nomine intelligis;
Sin putas, omnem simulachri istius deline-
ationem, quam intus habes, nobis quoque ex-
terna descriptione exhibere potes; ut quidem
nunquam Dei Ideam tibi inesse persuaseris,
donec istius picturam, & delineationem nobis
descripseris, quòd cùm omninò fieri nequeat,
planè sequitur, nullam esse istiusmodi Ideam.
Ut hæc Idea meliùs describatur, & qualis
revera sit, evidentiùs innotescat, haud pa-
rum animadvertere proderit, *Ideam* posse
in tria genera dispesci. Quædam enim
Adventitiæ sunt, quæ à Rebus extra nos po-
sitis adveniunt, qualis est Idea, quam de *Sæ-*
le habemus, quæ ideò tales vocantur, quo-
niam experimur quòd Res quædam externæ
efficiunt, ut hoc tempore potiùs, quàm
alio, id genus cogitationes animo præsen-
tes habeamus. Aliæ *factæ* vel *factitiæ*, quæ
à nobis effinguntur, in quantum Cogitatio-
nes Adventitias componimus, seu conjun-
gimus; ut dum *Montem aureum* nobis re-
præsentamus, aut Corpus, quod sit summè
perfe.

perfectum fingimus. Aliæ denique *Innata*, quæ à Deo immediatè proficiſcuntur, & Mentibus noſtris ſunt inditæ, ut *Idea Dei, Mentis, Corporis, Trianguli*, & generaliter omnes, quæ aliquam veram, immutabilem & æternam eſſentiam exhibent.

V.

Dei Idea inter eas, quæ nobis ingente ſunt, numeranda eſt.

AD Ideas ingenitas, *Dei Idea* maximè referenda eſt, cum nec Senſuum ope, nec per diſiſionem, aut compoſitionem factam, nobis adveniat, ſed inſita nobis ſit, hoc eſt, à natura nobis *potentia* inſit, qua Deum cognoscere poſſumus. Quia Deus nos creando, iſtam de ſe cogitandi facultatem nobis impertiit, qua inter alia, abſolutam ipſius Immenſitatem & unitatem cuncta alia Attributa complectentem ſic nobis repræſentamus, ut nullum eorum exemplum alibi reperiamus.

VI.

Idea Dei non efformatur ad modum univerſalium.

AD id, quod aliqui dicunt, *Dei Ideam* in Mentibus noſtris ad modum Generis, & reliquorum Univerſalium efformari, quæ tantum Entia ſunt rationis; Reſpondeo, *Univerſalia* ex eo duntaxat fieri, quòd una & eadem *Idea* utamur, ad omnia *Individua*, quæ inter ſe ſimilitudinem habent, cogitanda. Ut etiam unum & idem nomen Rebus omnibus per *Ideam* iſtam repræſentatis imponimus, quod nomen eſt *Univerſale*. Verum, quis dicet aliquid Deo par, aut ſecundum reperiri, ut inde Generis conceptus formetur? Aut *Dei Ideam* objectivè conſideratam, tantum eſſe, cogitandi modum, ac ni-

ac nihil præterea reale in illa contineri? Deinde nullam omninò perfectionem Unitas illa Universalis involvit, cum è converso summa Dei Simplicitas, sive Unitas, una est ex præcipuis Dei *Perfectionibus*, quas in illo deprehendimus. Aut si velint hanc Dei Ideam aliud non esse, quàm *Ens Rationis*, non ob luctabor, si per Ens rationis aliud non concipiūt, quàm Intellectus operationē, hoc est, ens à ratione productum: quia hoc pacto totus Mundus Ens rationis Divinæ dici potest, hoc est, Ens per simplicem Divinæ Mentis actum productum.

Si fortè quis Clarissimi Doctoris partes tuitus, urgeat plures *Theologos* ac *Geometras* reperiri, qui hanc Ideam ut inanem exhibilant, sponteque fatentur, quantumvis mentem à Rebus corporeis abstraxerint, nullam in se innatam Dei notionem animadvertere: Unde omnes illos sibi imponere pronunciant, qui hac *Idea* se frui opinantur; sat intimasse sufficit, nihil inter Homines solentius, quàm sciendi methodum pervertere, & de Rebus judicare, priusquam eas clarè & distinctè perceperint. Tam enim sæpè animadverti, ea, quæ Homines judicabant, ab iis, quæ intelligebant, dissentire; ut quamvis non dubitem, quin omnes in se *Dei* Ideam habeant, saltem implicitam, hoc est, aptitudinem ad ipsam explicitè percipiendam in se habeant, non mirer

VII.

Unde quidam abnuunt, se experiri in se *Dei* Ideam.

mirer tamen, quòd illam se habere non experiantur, sive non advertant. Sic cùm discernunt *Spatium*, quod Inanè appellant, nihil esse, illud nihilominus ut Rem positivam intelligunt: Sic cùm *Accidentia* realia esse arbitrantur, ipsa tamen tanquam Substantias sibi repræsentant, quamvis Substantias non esse judicent: ac sæpe aliis multis in rebus, Hominum judicia ab ipsorum perceptione dissentiunt. At quicumque nullum unquam judicium ferunt, nisi de Rebus, quas clarè & distinctè concipiunt, non possunt uno tempore aliter, quàm alio de eadem re judicare.

VIII. CLARISSIMUS Parkerus, etsi certò non *Nulla est* asserat, dari in Mundo Homines, adèd *Renatio, qua* rum spiritualium ignaros, qui omni Divini non *supre-* tatis sensu destituantur, nonnullorum tamen *mum ali-* meminit Sectione decima octava, *qui inte-* quod numè *gras* Hominum gentes sic immanitate effera- *agnoscat.* *tas esse ferunt, qua omni Numinis sensu &* *suspensione caruerant. Quod de quadam in-* *ter novi orbis incolas Urorum gente narrat Jo-* *sephus Acosta quodq; de Tourvoupinambu-* *lis, de Caribum Insulis, aliisque populis Ame-* *ricanis alii narravere. An tales Historici* fidem mereantur, se planè nescire fatetur, non modò quod alii aliquantò post de iisdem populis contrarium scripserunt; verùm etiam quod ipsi rem, de qua narravere, non possent satis exploratum habere. Imò ipsemet Josephus Acosta, de Proc. Ind. Sal. lib. 5. 479. aperte

apertè inculcat , omnibus barbaris vulgare esse , supremum aliquod numen agnoscere. Hoc commune apud omnes Barbaros est , inquit , ut Deum quidem omnium rerum Supremum & summè Bonum fateantur ; Spirituum autem quorundam perversorum non obscura Opinio sit , qui à nostris Barbaris Zupay vocari solent. Igitur & quis ille summus , idemque sempiternus rerum omnium Opifex , quem illi ignorantes colunt , per omnia doceri debent , mox quantum ab illo , illiusque fidelibus ministris Angelis absint gens pessima Cacodemonum.

QUIA verò Historici , quarundam nationum mentionem faciunt , quæ nullam veri Dei notionem habent ; sed Idola venerantur , concludi posset , non omnium mentibus insculptam esse Divinitatis Ideam. Ad quod dupliciter responderi potest. *Primò* cum efferæ , omnisque humanitatis experientes gentes habeantur , nequidem seipsos , hoc est , *Mentis* suæ naturam concipiunt , cum tamen insitam à Natura habeant illius notitiam : dubitari nihilominus non potest , quin gentes quantumvis barbaræ , & ab omni humaniore disciplina alienæ , in Dei notitiam , per naturæ contemplationem , & *Mentis* suæ proprietatum intuitum deduci queant , in quibus sedulò intentæ , & Deum & Mentem suam clarè deprehendent. Responderi potest *secundò* , Gentes illas non omni prorsus Dei cognitione destitui ; Quia

IX.

Non dan-
tur natio-
nes, qua
penitus
sint Divi-
nitatis
ignara.

licet

licet vice Dei, Idolum usurpent, atque nomen Dei rejiciant, rem tamen per illud significatam admittunt. Cum certum sit, illos non *Idolum* colere, nisi quia Ens summè perfectum esse existimant; ac proinde necessum est, ut aliquam Divinitatis Ideam habeant. Non tamen putat *Philosophus* istam Ideam, esse ejusdem naturæ cum Imaginibus rerum materialium in phantasia depictis, sed esse id tantum, quod Intellectu sive apprehendente, sive judicante, sive ratiocinante percipimus. Unde Homines nunquam in ista Dei Idea rectè concipienda aberrarent, si tantum ad Entis summè perfecti naturam attenderent: Sed quia aliqui alia simul miscent, fit ut pugnantia loquantur, & *chimæram* Dei notionem esse effingant.

X. QUAMVIS Vir Clarissimus nullos in
Deus esse Mundo Homines esse putet, adeò suæ Ori-
gine ginis immemores, ut se, cæterisque rebus
ratione at- spectatis, ad Dei notitiam & cognitionem
tingi pos- spectatis, ad Dei notitiam & cognitionem
sit, non non deducantur, id tamen non per ingeni-
tamen tam tam Ideam fieri contendit, sed per rationem,
clare ac sive, quantum conjicio, per ratiocinationem
per Ideam, & discursum. Sic verò *firma omnium de Deo*
consensio, neque esse dubito, an igitur insculpta
& innata sit necesse est? Cur non potius ipsa
rei perspicuitate omnes se percipere sibi-
que assentiri cogat? Ne nimium in confutan-
 dis Viri Eximii effatis rigidi simus; demus
 Deum ratione, ut alibi ipse loquitur, per-
 cipi,

cipi, an tantam ex Ratiocinio adfuturam
Menti suæ evidentiam arbitratur, quantum
ex *Idea* eliceret? Nequaquam. Quæ enim
discursu, & rationum ambagibus comparan-
tur, tamdiu solummodò manifesta sunt,
quamdiu eorum claritas à nobis ani-
madvertitur; Illa autem evanescente, eo-
rum quoque certitudo corrui, nec ampliùs
de Conclusionis veritate, quam antea am-
plexi sumus, nobis constat. Illa autem,
quæ per *Ideam* nobis obversantur, consen-
sum à nobis extorquent, nec de illis dubita-
re possumus.

HINC oritur, ut *prima* principia, & quæ XI.
per se nota sunt, ita Intellectum & iudicium *Cur de pri-*
afficiunt, ut de iis ambigere, accedente eti- *mis prin-*
am *Voluntatis* imperio, non possumus. *cipiis non*
Cum igitur Res, quæ per Ratiocinium inve- *liceat du-*
stigatur, desinente Meditatione, nullam *bitare,*
amplius perspicuitatem sortiatur, neque ea
pro Indubitatis admittamus, nisi quia nobis
memoria occurrit, eorum nos claram & ma-
nifestam *Demonstrationem* habuisse, non
autem quia suo lumine efficiunt, ut de iis
dubitare non possimus. Et cum ea, quæ
isthoc pacto attinguntur, vera esse, certò
cognoscere non valemus, ni priùs de Dei
Existentia certi simus, cujus natura est, ut
nunquam fallat, nec decipi nos patiatur, in
iis, quæ clarè & distinctè percipimus; se-
quitur, nos circa illa, quæ ratiocinatione
deprehendimus, nunquam fore securos,
N quam-

quamdiu Deum non constat, ac proinde de Deo ambigere posse.

XII. QUANTUM ad id, quod de Sole addit, quem in Cælo lucere omnes animadvertunt: *Num itaque illius Ideam Natura omnium suæ mentis, Mentibus impressam esse concludemus? An Cartesius non potius ea vi longè latèque collucere, ut Dei Existentiam inculcit, impressa sit Numinis notitia, ita scilicet, ut cum ipsam Solis conversionem intueamur, ipse rei aspectus se sine Opifice conficere non posse judicaret?* Quantum ad id, inquam, nihil habet, quod Cartesio adversetur. Id ipsum enim in fine Meditationis Tertiæ docuit, dum ex consideratione Mentis suæ, Dei Existentiam infert. En ejus verba: Dum in me ipsum Mentis aciem converto, non modò intelligo, me esse *Rem* incompletam, & ab alio dependentem, remque ad majora & majora, sive meliora indefinitè adspirantem; sed simul etiam intelligo illum, à quo pendeo, majora ista omnia non indefinitè & potentia tantum, sed re ipsa infinitè in se habere, atq; ita Deum esse. Totaque vis Argumenti in eo est, quòd agnoscam fieri non posse, ut existam talis naturæ, qualis sum, nempe Ideam Dei in me habens, nisi revera Deus etiam existeret; *Deus*, inquam, ille idem, cujus Idea in me est, hoc est, habens omnes illas perfectiones, quas ego non comprehendere, sed quocumque modo attinge-

tingere Cogitatione possum, & nullis planè defectibus obnoxius. Tota enim Argumenti efficacia in eo posita est, quòd vis de Deo cogitationem formandi, in Intellectu ejus esse non posset, si Intellectus humanus tantum finitus esset, ut revera est, nullamque sui causam haberet, quæ Deus esset; sive quòd quis agnoscat fieri non posse, ut talis naturæ, qualis est, existat, nisi etiam revera Deus existeret.

Quod si verò velit Clarissimus Theologus ex *Solis*, rerumque aliarum Materia- XIII.
lium intuitu, Ideam seu notionem Dei for- *Rerum*
mari posse, non minùs contra Rationem *Creatarum*
loquitur, ac si quis affirmaret, nullam au- *considera-*
diendi Facultatem nobis inesse, sed ex sola *tio non ju-*
Colorum *visione*, in Sonorum notitiam de- *vat ad*
venire. Quippe plus analogiæ ac similitu- *Dei notio-*
dinis inter colores & Sonos fingi potest, *nem obti-*
quàm inter res Corporeas, & *Deum*; ac pro- *nendam,*
inde ex rerum creatarum perfectionibus,
quantumvis ampliatis, nulla Idea formari
potest, quæ ad Deum nos dirigat. Nam
cùm Creaturarum perfectiones *finita* sint,
& certis limitibus coerceantur, quo pacto
majoris perfectionis Ideam, seu conceptum
nobis conciliabunt? Cùm cuique manife-
stum sit, Dei *Ideam* non successivè, & per
gradus formari, sed uno quasi intellectus
aspectu, Ens Infinitum à nobis concipi,
sive apprehendi; atque ampliatio illa Infini-
ti notioni tantùm adversatur, quàm si illud

idem infinitum, per Imaginationem nobis exhibere vellemus. Et licet in entibus Creatis, graduum accessus inveniri possit, id tamen Ideæ, quam de Deo habemus, repugnat, cum sit *Ens summè perfectum*, ut ultra id, quod est, extolli non possit.

XIV. Hinc ab illa Dei notione, seu Idea, quæ
 Ex Dei Mentibus nostris obversatur, ipsum existe-
 Idea, quæ re rectè concludimus; quia cum de Deo
 habemus. *conceptum* habeamus. & conceptus ille, quæ-
 rectè con- dam sit Entis perfectissimi repræsentatio, *cau-*
 cluditur, sam Efficientem exemplarem habere debet,
 eum exi- in qua omnis illa perfectio objectivè, & tan-
 stere. quam in Imagine, *actu* reperiatur, ut in Ar-
 chetypo & exemplari: sed in tota rerum Uni-
 versitate, nulla res occurrit, quæ talis ac tan-
 tæ perfectionis sit, Exemplaris causa, quan-
 ta in Dei Idea continetur: Igitur ejusmodi
 causa *Deus* esse debet. Deus, inquam, sive
 Res illa summè perfecta, cujus notio, seu
 conceptus Menti nostræ insidet; ac ideo
 Deus existit. Et quamvis vi illius Axioma-
 tis, *Nihil esse potest in Effectu, quod non præ-*
extiterit in Causa, non ex qualibet Rei no-
 tione, actualem rei conceptæ existentiam
 manifestari possit, ex illa tamen *notione*, seu
 conceptu, qui majus ac melius repræsentat,
 quàm in concipiente, & aliis quibusvis
 Rebus conceptis invenitur, clarè ostendi-
 tur: quoniam conceptus ille nullam ali-
 am habere potest Causam, præter Rem il-
 lam Animo repræsentatam, Maximam sci-
 licet,

licet, summè Potentem, Æternam, Immen-
sam, & ut verbo dicam, Realissimam.

CAPUT DECIMUM SEXTUM.

*De Dei Veracitate, & quod Hominibus im-
ponere nullatenus possit.*

POSTQUAM Vir Eximius omnem
Dei conceptum è Mentibus nostris
expellere conatus est; eo nimirum
Argumento nixus, quòd omnis
Idea, quæ nobis obversatur, phantasiam
afficiat: Eadem rationum vi, ejus perfectio-
nes humano ingenio ignotas esse asserit, &
nullo conceptu repræsentabiles. Unde Sc-
ctionem vigesimam sic orditur: *Cùm autem
nullam (quantum intelligis) divina substan-
tiæ Ideam habueris, quæ, quasò, est, quam
de illius perfectionibus habere te dicis? Pri-
mùm esse infinitam. Tunc verò infiniti Ideam
cognitam & comprehensam habes? Nimium
tibi assentaris.* Quasi hujus Sectionis ini-
tio, monitum vellet, frustra quempiam ad
Dei Attributorum perceptionem aspirare,
qui ejus naturam non priùs deprehenderit,
& cum nullius Substantiæ notio occurrat,
in vanum ad ejus perfectiones attingendas
contendit. Eam ob causam, statim Dei In-
finitatem obtrudit, quæ cùm ab Intellectu
humano comprehendì nequeat, sic etiam
nequè ab eo cognosci posse decernit.

I.
*Asserit
Parkerus
non posse à
nobis ul-
lam habe-
ri de Dei
perfectio-
nibus
Ideam.*

II.
*Nostre
 Cognitio-
 nis certi-
 tudo à Dei
 veracitate
 dependet,*

SED quia tota Cognitionis nostræ certi-
 tudo, à Dei Veracitate dependet, & hæc Re-
 gula : *Quicquid clarè & distinctè percipio,
 verum est,* ex hac Dei perfectione eruitur,
 priùs de illa agendum esse existimo, ob ra-
 tiones, quas Capite septimo tetigi. Quo-
 niam, ut prudenter animadvertit Cartesius
prima parte princip. Artic. 29. primum Dei
 Attributum, quod hîc venit in consideratio-
 nem, est, quòd sit summè verax, & dator
 omnis luminis; adeò ut planè repugnet, ut
 nos fallat, sive ut propriè ac positivè sit cau-
 sa Errorum, quibus nos obnoxios esse ex-
 perimur. Quòd autem Veritas ab eo in
 nobis evidenter & distinctè percipientibus
 dependeat, ita concludit *Artic. 30.* Atque
 hinc sequitur, lumen Naturæ, sive cognos-
 cendi à Deo nobis datum, nullum unquam
 objectum posse attingere, quod non sit Ve-
 rum, quatenus ab ipso attingitur, hoc est,
 clarè & distinctè percipitur.

III.
*Non com-
 mittitur
 circulus in
 probando
 cognitionis
 nostre cer-
 titudinem
 per Dei
 existentia-
 am, &
 Dei exi-
 stentiam
 ex clara
 nostra cog-
 nitione.*

CLARISSIMUS Vir Sectione decima
 quinta, ubi hanc doctrinam de Dei Veraci-
 tate potissimum impugnat, dubium movet,
 quomodo hæc duo, intemerata manente ra-
 tiocinii essentia, se comitari queant; quòd
 scilicet perceptionis nostræ evidentia, Dei
 Existentiam necessariò inferat; & vice ver-
 sa, ex Dei Existentia nostræ cognitionis
 certitudo concludatur: sive manifestum no-
 bis esse, quia id clarè & distinctè percipimus,
 & quæ clarè & distinctè percipimus vera
 esse,

esse, quia Deus est. *Sicut igitur, inquit, facultates veraces esse ipse non intelligendum statuit, nisi Deum prius esse intelligamus: Ita Deum esse nullo modo intelligi potest, nisi prius facultates veraces esse intelligantur.* Ubi certè Circulus committi videtur, qui passim à receptis argumentandi legibus deflectit. *Cartesius* ad quartas Objectiones distinguit id, quod reip̃sa clarè apprehendimus, ab eo, quod recordamur, nos antea evidenter percepisse. *Primum* enim nobis constat, inquit, Deum existere, quoniam ad Rationes, quæ id probant, attendimus. Postea verò sufficit, ut recordemur, nos aliquam Rem percepisse, ut ipsam veram esse simus certi; quod non sufficeret, nisi Deum esse & non fallere sciremus. Quamvis enim plurima Dei *Attributa* ratiocinatione tantum & discursu nobis innotescant, quorum per consequens ea est natura, ut nobis evidētia appareant, nisi cūm Rationes, quæ nobis eorum veritatem persuasērunt, animo præsentes sunt: non inde tamen sequitur, in Dei Existētia probanda *Circulum* committi: quia alio modo in Dei Existētiæ, quàm in ejus Attributorum notitiam devenimus. Nam in Dei, ejusque Existētiæ cognitionem devenimus non ratiocinio & discursu; sed attenta solummodò ejus *contemplatione*, quæ naturæ lumine, & ita per se manifesta est, ut nihil inveniatur, unde lumen mutuari possit, cujus subsidio, ejus ve-

ritas nobis efficacius insinuetur. Et ita statuimus per se notum esse, Deum existere.

IV.

*Utr Dei attributa
detegimus,
& cur
Deus decipere non
possit.*

POSTMODUM Dei Ideam exactius perpendendo, alia multa in Deo detegimus, & per discursum ei convenire ostendimus, quæ à prioribus per se manifestis dependent, & cum eis connexa sunt: Quemadmodum in *Trianguli* Idea, quam nobis insitam antehac diximus, contingit, de qua ambigere non possumus, an *Figura* sit tribus Angulis comprehensa; quamvis Geometræ *Trianguli* rationem postmodum accuratius animo volventes, plurima per Demonstrationem, *Triangulo* consentire probent, quæ ipsos antea latebant. *Philosophus* igitur ut Dei Veracitatem assereret, Argumentum ab ejus perfectione desumpsit: quia cum Deus sit Ens summè perfectum, & in quo nihil intelligitur, quod aliquem defectum, aut perfectionis limitationem involvat, ei deceptio, aut fallendī Voluntas attribui non potest, cum omnis fraus à defectu pendeat, & non nisi ex metu, vel malitia proficiscatur. Quippe Metus potestatis diminutionem arguit; Malitia verò Bonitatis privationem supponit, & cum neutrum in Deum cadere

V.

*Notio perfectionis,
aut fallendi Voluntas,
Veritatis,
&c. est
nobis à natura in-
dita.*

possit, infert *Philosophus*, nullam Fraudem, aut fallendi Voluntatem, Enti summè Bonitatis, no, & summè potenti esse adscribendam. AT, quid ad hæc Vir Clarissimus; Cum autem Deum esse invenerim, unde sciam non esse deceptorem? Quod sit summè perfectus.

Ac

At qui sciam quid sit perfectum, quid imperfectum? quid mentiri, quid verum dicere; cum fieri possit, ut quod summè perfectum putem, sit summè imperfectum; ut mentiri sit verum dicere; ut nihil sit mendacio melius, veritate nihil deterius: ut denique perceptionibus nostris semper contrariæ sint ipsæ rerum Notiones? Si ad conceptus, qui ejus Menti obversantur, Doctissimus Theologus attentè animadverteret, non modò adventitias Cogitationes, & quæ à Rebus externis derivantur, deprehenderet; sed plurimas alias innatas, quæ illi ab exordio impressæ sunt, & quas non Sensuum auxilio, aut Hominum institutione formavit, ut quod intelligendo quid sit Res, quid sit Perfectio, quid sit Veritas, quid sit Mendacium, sibi repræsentet: Quoniam hæc non aliundè possunt, quàm à sua, hoc est, mentis suæ natura, utpote quæ est res vera, & quidem Cogitans. Enimvero quem latet quid sit mentiri, quid verum dicere? Cum illæ notiones adeò simplices sunt, & per se notæ, ut qui eas Logicis Definitionibus explicare aggrediretur, non tam eis evidentiam, quàm obscuritatem conciliaret. Quem fugere potest, quid sit Perfectum? An non quilibet experitur se intelligere & velle perfectionem? Esse Justum, Clementem, Bonum, Veracem, esse perfectionem; Vitia autem, & quæcunq; Virtutibus sunt opposita, esse imperfectionem? Id quisque à natura

tura edocetur, & propterea experitur, se facultatem habere Ideas illas ex proprii ingenii viribus, absque ullo Sensuum experimento eliciendi.

VI. VERBIS immediatè sequentibus profectus est Eximius Doctor: *An verò Cartesi, Deum mentiri non posse tam certò te scire mentiri putas, quàm Solem interdium, noctu lunam non posse, lucere, aut te oculos, te manus, te corpus quàm Solem interdium lucere?* Quasi verò tanta certitudine agnoscimus Solem interdium splendescere, ac nobis evidens est, quòd Deus non mentiatur, non fallat, non Erroris sit causa? An ita implicat decipi nos, dum Solem oculos radiis suis ferire arbitramur, ac dum Deum Ens omnimodè perfectum esse intelligimus, & cui proinde ut Deceptor sit, repugnat? Quoties *Hydropicus* sitim patitur? Quoties *Ictericus* Nivem flavam esse spectat? Quoties qui membro, exempli causa, pede carent, se dolorem in digitis sentire conquerrunt? Ea enim est Corporis nostri constitutio, ut nulla ejus pars, ab alia parte aliquantum remota agitari queat, quin etiam eodem modo, ab iis, quæ interjacent, moveri possit, remotiore etiam quiescente. In exemplum *Funis* proponatur in quatuor partes distinctus A, B, C, D. Cujus si quarta pars D trahatur, non aliter prima A movebitur, quàm moveri etiam posset, si secunda pars B, vel tertia C traheretur, & quarta

quarta D, immota maneret. Simili prorsus ratione, cum pedis *dolorem* sentimus, docere nos potest Physica, Sensum illum, nervorum per *pedem* sparsorum adminiculo excitari, qui inde ad Cerebrum funiculorum instar extenduntur, imò ex Cerebro in omnes Corporis partes educuntur. Hi ergo *nervi* dum in pede trahuntur, (quemadmodum in ponderum elevatione & torturis contingit) eoque momento, intimas Cerebri partes, ad quas terminantur, trahunt, & aliquem *motum* in illis partibus producant, qui secundum Naturæ ordinem, Mentem *dolorem* percipere facit, tanquam in pede existentem.

AT quoniam necesse est, Nervos illos VII.
per *tibiam, crus, lumbos, dorsum & col-* Potest senti-
lum transmitti, à pede ad Cerebrum ut per- tiri dolor
veniant, facile accidere potest, etiamsi ea in una
Nervorum extremitas, quæ in pede est, non parte cor-
tangatur, sed aliqua tantum ex interjacen- poris, in
tibus in tibia, crure, cæterisque partibus, qua nulla
ut idem ille motus in Cerebro oriatur, qui est.
aliàs à pede malè affecto proficiscitur. Hinc
autem necessario sequitur, Mentem tunc do-
lorem tanquam in *pede* existentem sentire,
qui tamen non à pede, sed ab aliis inter Ce-
rebrum & pedem interjacentibus *partibus*
dependet. Et similis naturæ fallacia, in re-
liquis omnibus Sensuum perceptionibus lo-
cum habet.

VIII.
Repugnat
Deum
posse nos
discipere,

Si igitur ita nobis Sensus imponunt, quid-
ni & cum *Solem* intueri videmur, decipi pos-
sumus? Cum Somno oppressis idem nobis
contingat, ut multa cernere, audire, pal-
pare videamur? Quare cum majori certitu-
dine asseverare possumus, *Deum mentiri*
non posse, quàm Solem interdium, & Lunam
noctu lucere, aut nos oculos, manus, corpus
habere. Quia cum Deus sit supremum Ens,
non potest non esse etiam summum Bonum
& Verum; atque idcirco repugnantiam in-
volvit, ut ab eo aliquid proficiat, quod
in *falsum* positivè tendat: atqui cum nihil
reale nobis contingere possit, quod ab ipso
tanquam omnis perfectionis fonte non ma-
net: realem autem in nobis facultatem ad
verum cognoscendum experiamur, & illud
à Falso distinguendum, concludendum est,
Deum Veracem esse, & mentiri nullatenus
posse. Aliàs non summè perfectus optimo
jure diceretur, hoc est, si propriè & effici-
enter causa Errorum foret, quibus nos ob-
noxios esse experimur. Hinc Cartesius
prima parte Epistolarum, Epist. LXXXII.
Omnem fraudem à defectu pendere, mihi
est lumine naturali manifestum; quia *Ens*, in
quo nulla est imperfectio, non potest ten-
dere in non ens, hoc est pro fine & institu-
to suo habere non ens, sive non bonum,
sive non verum, hæc enim tria idem sunt.
In omni autem Fraude esse falsitatem ma-
nifestum est, falsitatemque esse aliquid non
verum,

verum, & ex consequenti non ens, & non bonum.

Quod si fortè Eximius Theologus, in IX.
 suæ rationis probationem adferat, cum plu- *Non deci-*
 rimorum Theologorum turba, *Damones & piuntur*
 damnatos Homines, per Ignis torquentis *damnati,*
 ideam, sibi à Deo inditam decipi, ita ut *dum pu-*
 firmissimè sibi persuadeant, manifestèque *tant, se ab*
 se percipere arbitrentur, se ab *Ignè crucia-*
 ri, quamvis revera nullus adsit Ignis, qui *Ignè tor-*
 illos torqueat. Huic Objectioni occurrit *queri.*
 Philosophus Responsione ad sextas Obje-
 ctiones, his verbis: Quod autem repugnet
 Homines à Deo decipi, clarè demonstratur
 ex eo, quòd forma deceptionis sit *non ens*, in
 quod non potest ferri summum Ens. Et in
 hoc omnes Theologi consentiunt, omnis-
 que Fidei Christianæ certitudo ex hoc pen-
 det. Cur enim à Deo revelatis crederemus,
 si nos interdum ab ipso decipi arbitraremur?
 Et quamvis vulgò Theologi affirmant Dam-
 natos igne torqueri, non idèò tamen cen-
 sent ipsos decipi per falsam Ideam Ignis tor-
 quentis sibi à Deo inditam, sed potius ab
 Ignè verè torqueri, quia *ut viventis Homi-*
nis incorporeus spiritus tenetur naturaliter
in Corpore: sic facìle per Divinam Potentiam X.
teneri potest, incorporeo igne, &c. Vide In Deone.
Magistr. lib. 4. sent. dist. 44. *que est po-*

ALIA ratio, quæ Cartesium adegit, ad *tentia, ne-*
 Dei Veracitatem affirmandam est, quòd cùm *que volun-*
 ad Fallaciam pertexendam duo concurrere *tas deci-*
 ani- *piendi.*

animadverteret, *Potentia* scilicet decipiendi, & decipiendi *Voluntatem*, & cum utrumque imperfectionem implicet, neutrum in Deum cadere posse statuit. Nam quamvis fallendi potestas, nonnullum ingenii argumentum apud Homines videatur, quatenus aliquam in Intellectu subtilitatem ostendat, si illa tamen propius inspicatur, imbecillitas potius, & impotentia dicenda est. Nam quid aliud aliis imponendi Facultas indicat, quam à Vero posse deficere? Quod certè *Perfectioni* adversatur. Decipiendi autem *Voluntas* non aliundè, quam ex metu, vel in Affectibus pravitate provenire potest, quod utique ab Ente summè perfectò alienissimum esse putat, quisquis Dei naturam percipit.

XI. CLARISSIMUS Vir autem Deum fallere posse tueretur, modò in illà deceptione ab-
Deus uti re posse tueretur, modò in illà deceptione ab-
deceptione sit delictum, & citra alicujus injuriam com-
ut non po- mittatur. *Si putas*, inquit (certò Deum men-
test, etiam tiri non posse te scire) *michi solum probes*
ea, qua quodvis in deceptione delictum esse, nisi cum
committi- injuria copuletur; si enim non noceat, pec-
tatur citra catum esse nego. Id est, inter nostras Cogi-
delictum. tationes, & Dei Veracitatem ordo, tanta-
 que est illarum ab hac dependentia, ut nul-
 lam prorsus *Certitudinem* sortiantur, nisi
 de illo Dei Attributo nobis primùm consti-
 terit. Quia cum Deus omnis luminis Na-
 turalis, seu claræ perceptionis largitor sit;
 sequitur hanc cognoscendi facultatem, ut-
 pote

pote à Deo nobis datam, nullum unquam objectum posse attingere, quod non sit verum, quatenus ab ipsa attingitur, hoc est, quatenus clarè & distinctè percipitur. Verùm, an non damnum nobis inferri censet Doctissimus Theologus, si postquam Deus *promisso* se adstrinxit, Cogitationes nostras modo speciali recturum, nos postmodum circumducat, & in Errorem præcipitet? Non enim inter hujus Veracitatis objecta, promissa duntaxat reponuntur, quæ Deus vocibus, vel literis se tuiturum significavit: Verùm etiam, quicquid Signis, Testimoniis, Ideis quibuslibet, ut certa Menti exhibuit, seu per interposita Corpora, seu immediatè per suas ipsius cogitationes. Nam cùm Rerum omnium sit Opifex, omnia exequitur, quæ se facturum pollicitus est. Unde hæc notitia, Quisquis *facultate* cognoscendi rectè utitur, is Veritatem offendit; seu rectè *Intellectu* utenti Veritas occurrit, quam Deus Mentibus nostris ita infixit, ut de illa ambigi non possit; est veluti primum *promissum*, quod Deus sine injuria infringere non potest; cùm Verax sit, hoc est, dator omnis luminis, Fons veræ cognitionis, &c. Quod enim absoluto suo imperio Mentibus nostris præsens, vel futurum esse voluit, haud putandum est, ut id aliquando improbet, & priori Voluntatis actui alterum opponat.

XII. Si dicas, Deum Errori patrocinari, cum Deus non ad actus Voluntatis eliciendos concurrat, ad formam iudiciiisque nostris adfit, in quibus decipimur. Id liberè conceditur, si ad *Materiale*, non autem ad *Formale* attendatur. Actus enim boni, & veri sunt, si in ordine ad Deum spectentur, à quo dependent; & maior in nobis quodammodò perfectio reputatur, quòd à nobis elici possint, quàm non elici. *Privatio* verò, in qua sola formalis Veritatis ratio consistit, nullo Dei auxilio indiget, quia non est *Res*, neque ad illum ut *Causam* relata, privatio, sed *Negatio* tantummodò appellari debet.

CAPUT DECIMUM SEPTIMUM.

Deus quamvis Infinitus, per Ideam finitam à nobis cognosci potest.

I.
*Infinitum
etsi à
Mente
humana
compre-
hendi non
possit, potest
tamen in-
telligi.*

CUM Deus Res Summa sit, & omnes perfectiones undique infinitas complectatur, objiciendi, seu potius dubitandi occasionem Viro Clarissimo præbuit; an Deus à Mente humana attingi posset, præsertim cum Infinitus sit, & nullis limitibus circumdatus; Quæ quæso est Idea, inquit Sectione vigesima, quam de illius perfectionibus habere te dicis? Primum esse infinitam. Tunc verò infinito ideam cognitam & comprehensam habes? Nimirum tibi assentaris. Inficiari non possum, quin ille sibi assentaretur, nimis-
umque

umque ingenio suo daret, qui *Infinitam* Substantiam se posse comprehensam habere arbitraretur. Quippè Infinitum, qua tale, humanæ cogitationis angustias transgreditur, & nullatenus comprehendi potest. Nihilominus non obest, quin à nobis percipi queat, in quantum clarè & distinctè intelligimus, aliquam Rem hujusmodi esse naturæ, & nulli planè limites in ea reperiri possint; Et id est clarè intelligere Rem illam esse Infinitam. Unde illud inter *Infinitem* & *Indefinitum* discrimen statuimus, quòd *Infinitem* propriè tantum nuncupemus, in quo nulla ex parte terminos, seu limites reperiamus, quo sensu solus *Deus* Infinitus esse dicitur. Illa verò, in quibus sub aliquo tantum respectu finem non agnoscamus; ut *Spatii* ultra Cælos protensi Extensio; *Partium* in Corpore Divisibilitas, & similia, *Indefinita* quidem vocamus, non autem Infinita, quia non omni ex parte, sine destituuntur. At quo pacto illa Distinctio nobis innotesceret, nisi Infiniti Ideam haberemus, & ni illud clarè & distinctè apprehenderemus?

VERUM si Viro Eximio credimus, nihil de Infinito noscimus, nisi illud undequaque noscamus, hoc est, comprehendamus: Cum verò Mens nostra imbecillis sit, & non nisi ad pauca extendatur, quæ Infinitum sibi re-
II.
Aliud est Infinitum
apprehen-
dere, &
presentabit? Quanta enim cumque Mens alind
sis, finita es. Dic ergo, quæ finita facul-
compre-
tatis hendere.

tatis modulo infinitum comprehendas? Si non comprehendis, finita est, quancumque habes Ideam; & si finita ipsa sit, finitum est, quodcumque repræsentat. Certè aliud est conceptum & notionem Infiniti habere, & aliud ipsum Infinitum comprehendere: quia etsi finita, & ad ingenii nostri modulum accommodata cognitione, Infinitum attingamus, non autem perfectè & adæquatè illud intelligimus. Hanc enim cognitionem nemo habet, non modò de *Infinito*, sed nec de minima etiam Re alia, quam concipiendam aggreditur. Quis enim *Pulvisculi*, exempli causa, notitiam perfectam habet? Quis eorum omnium, quæ illi insunt, aut esse possunt, conscius est? Assignet, qui id asserere præsumit, omnes ejus particulas, ejus motus, gradus & modos enumeret, ejus figuras metiatur, & illa præcisè determinet, quæ illum à cæteris corpusculis dirimunt. Clarè quidem omnia, quæ ad hoc corpusculum spectant, Deus intuetur, & peculiare modos, quibus affici potest, distinctè pervadit. At cum nulla assignari queat ratio, qua ad credendum adigamur, conceptus nostros, Divinæ Cognitioni æquiparari, incassum præsumimus, Ideas nostras posse Rei alicujus esse adæquatatas. Interim quanquam non nisi imperfectè Corporea à nobis apprehendantur, non inde sequitur, non dari Corporum notitiam; Ita nihil obest, quominus infinitum à no-

à nobis percipiatur, quamvis non adæquata & comprehensiva cognitione.

III.
 I M O licet Deus ob perfectionum suarum exuberantiam, magis humano Intellectui incomprehensibilis sit, quàm quodlibet aliud Ens Creatum, nihil tamen obest, quominus magis ab eodem cognoscibilis dicatur: ad eum modum, quo Sol licet suo splendore oculus offuscet, nihilominus validius se ipsis ingerit, quàm nebulosæ Stellæ, quæ suis radiis eos debiliùs lacesunt. Uti enim luminis copia ad Visionis claritatem confert; ita ubi plus entitatis, seu perfectionis reperitur, plus conceptibilitatis seu cognoscibilitatis exurgit. *Deus magis est intelligibilis quàm quodvis aliud creatum.*

IV.
 U R G E T Vir Clarissimus; *si non comprehendis, finita est, quamcumque habes Ideam, Ut Infinitum. Et si finita ipsa sit, finitum est quodcumque eas & res repræsentat.* Mihi, quod respondeam, in infinita promptu est; nec Infinitatem, nec Rem ipsam, quæ Infinita est, in cogitatione nostra consistere; imò nullum est Dei Attributum, quod in Mente isto modo versatur; aliàs cogitatio mea Deus dicenda esset, quandoquidem quælibet ejus perfectio ab eo realiter non distinguatur, & res eadem sit cum Deo. Sunt igitur tantummodò in cogitatione nostra certæ quædam delineationes, & umbratilia indicia, è quibus Rem Infinitam, hoc est, Deum existere deprehendimus. Non tamen necessum est, ut delineamenta ista, iisdem perfectionibus instruantur,

tur, quas Res illa possidet, quam Menti exhibent; alioquin non Imagines & tabulae forent, sed ipsum Exemplar. Nec dici debet, à Dei Infinitate alienum esse, ut alio modo, quàm perfectissimo repræsentetur; imò maxime consentaneum est, ut per Rem *aliā* ab ipsa diversam perfectissime non exhibeatur; quoniam hoc dato, duo Dii forent assignandi, sive duæ Res perfectissimæ, quod implicat.

VI. *SUSPICOR* quid contra hoc repositurus sit præclarus Theologus, nempe hanc questionem moveri de Re Infinita, *objectivè* modo perfectissimo repræsentanda, non autem *subjectivè*; quæ duo se patiuntur, nec sese in rebus diversis tollunt, aut adversantur. Etsi id cum quadam Veri specie objici posse videatur, dico tamen falsum esse. Nam quis, ubi de Rebus Cogitantibus sermo instituitur, dixerit, hæc cognitio perfectissimam & infinitam Cogitationem modo perfectissimo repræsentat? planè idem est, ac si diceret, hæc cogitatio est perfectissime *cogitans*, hoc est, est ipsamet Cogitatio perfectissima & infinita; ac proinde perfecte objectiva Infiniti imago, seu repræsentatio, reperiri non potest, nisi in Re, quæ revera est Infinita. Unde Christus, qui à D. Paulo *Splendor paternæ gloriæ, & imago Substantiæ illius* vocatur, Deus quoque est *subjectivè*, quoniam perfectissima Dei imago est, & vice illius.

Cum Cartesius, ut similium argumentorum, quæ contra claram & distinctam Infiniti notitiam, à Theologis, aliisque Philosophis proposita sunt, vim eluderet, ingessissetque ad perfectam Rei cognitionem habendam, non necessarium esse, ut adæquata sit & comprehensiva, sed sufficere, si pauca intelligantur, quamvis cætera in Mentis conspectum non veniant, subiecit Eximius Doctor. *Itane? Infiniti igitur Ideam non habes, sed solum finiti; cum, si non omnia, quæ in infinito sunt, partem tantum infiniti apprehendis: at infiniti pars non est ipsum totum infinitum.* Cartesius suæ assertionis sensum dilucidius explanaturus, distinguit inter rationem formalem Infiniti, siue infinitatem, & Rem, quæ est infinita; nam quantum ad *Infinitatem*, etiam si illam intelligamus esse quàm maximè positivam, non tamen nisi negativo quodam modo intelligimus, ex hoc scilicet, quòd in *Re* nullam limitationem advertamus: ipsam verò Rem, quæ est infinita, positivè quidem intelligimus, sed non adæquatè, hoc est, non totum id, quod in ea intelligibile est, comprehendimus; sed quemadmodum in *Maro* oculos convertentes, etsi non totum visum attingamus, nec immensam ejus vastitatem metiamur, dicimur tamen illud videre. *Pari modo*, etsi *Montis* alicujus valdè excelsi magnitudo non patiatur, ut brachiis totum illum complectamur, nihil tamen obstat,

Infinitas à re, quæ infinita dicitur distinguenda.

quominus illum manu tangamus, & sensu adeò evidenti, ut clarè & distinctè illud nobis innotescat.

VII.
Cognitio,
quam de
Deo habemus,
finita est,

At quantumcunque distinxeris, addit Vir Eximius, *nihil proficies, nisi quod id ipsum distinctionibus tollas, quod antea argumentis posueras: ut cum prius Deum Infinitum esse, quod de eo infinitam Ideam haberes, concluderis, te nunc excusatum putas, quod omnem infiniti Ideam finitam esse inquiras; & tamen quanquam istâ tuâ excusatione premissas sustuleris, à conclusione dimoveri nolis. Sed vereor, ne his verbis aliquid Philosopho imponat, quod ab ejus Mente prorsus alienum esse existimo: Deum scilicet Infinitum esse, quod de eo infinitam Ideam habuerit. Loca precor adferat, ubi Cartesius se infinitam Rei Infinitæ Ideam habere asserit; cum implicet, ut ante monui, ut Infinitum ipsum, aut ipsa infinitas in Intellectu nostro versentur, nisi quis ei Divinitatem assignet, & Deum à conceptu non distinguat. Admittit quidem Philosophus, se Entis summi & perfectissimi Ideam habere, sed illam infinitam esse, hoc est, summam & perfectissimam esse abnuat. Imò Responsione ad primas Objectiones, expressè testatur, eam, quam de Deo habet cognitionem finitam esse & inadæquatam. Ego, inquit, ubicumque dixi, Deum clarè & distinctè posse cognosci, non nisi de hac finita, & ad modulum ingenii nostri accommodata cognitione.*

nitione intellexi. Et ad secundarum Objectionum *Authorem*, qui Dei Ideam, quemadmodum numeri infiniti, aut lineæ infinitæ, haberi non posse obtendebat, respondet *Philosophus*: Cum dicitur Deus *incogitabilis*, intelligitur de Cogitatione ipsum adæquatè comprehendente: non autem de illa inadæquata, quæ in nobis est, & quæ sufficit ad cognoscendum ipsum existere. Imò ea est *Infiniti* natura, ut planè repugnet, ut si quid comprehendam, id, quod comprehendo, sit infinitum. Idea enim infiniti ut vera sit, nullo pacto comprehendi debet, quoniam ipsa *Incomprehensibilitas* in formali ratione Infiniti continetur, & nihilominus manifestum est; Ideam, quam Infiniti habemus, non tantum aliquam ejus *partem*, sed revera totum Infinitum repræsentare, eo modo, quo per humanam Ideam exhiberi potest, in quantum scilicet omnium perfectionum est complementum.

NAM dum ejus *Potentiam*, exempli causa, cogitamus, etsi de illius objectis quicquam determinare non valeamus, agnoscimus tamen tantam esse, ut nihil ei resistere queat; Et ita de cæteris Dei Attributis discernendum est, quorum notiones satis in nobis perspicuæ sunt, ut judicemus illa in eo realissima, simplicissima, adeoque infinita esse. Non tamen inficias eo, quin alia Dei notio multò hac sit perfectior, hoc est, accuratior & distinctior, aut ab ipso

VIII.

Non re-

quiritur

ad Rem

cognoscen-

dam ut

omnes ejus

proprietate-

tes nos-

cantur.

Deo, aut ab alia Natura Intelligente haberi possit, eadem ratione, qua dubium non est, quin *Geometriae* imperitus, totius *Trianguli* Ideam habet, cum Figuram tribus lineis comprehensam intelligit; etsi à Geometris alia multa de eodem *Triangulo* cognosci possint, atque in ejus conceptu animadverti, quæ ab illo ignorantur. Quemadmodum enim intelligere sufficit *Figuram* tribus lineis contentam, ad habendam totius *Trianguli* Ideam: ita quoque satis est, *Rem* intelligere nullis limitibus comprehensam, ut genuina & integra totius *Infiniti* Idea habeatur.

IX.

*Duo in
Idea con-
sideranda
sunt, for-
male &
objectivum.*

EXPLOSA igitur à Mente humana, infinita Entis perfectissimi Idea, inadæquatam impugnare aggreditur Vir Clarissimus, ostendendo necessarium non esse, ut finita Idea à Re summa producat; sed quamcumque causam ad illam efformandam sufficere. Si verò finita sit Dei Idea, infinitam causam non exigit, etsi non exigat, finitâ produci potuit; & si potuit, ruit tota demonstratio, quæ huic soli principio innititur, infinita Idea infinitam causam esse oportere, quod tantumdem ad minimum esse debeat realitatis formalis in causa, quantum reperitur objectiva in Idea, atque idcirco cum Idea objectiva infinita sit, causæ quoque, quæ eam produxit, infinitam formalem esse. Animadvertendum est, duo in quacumque no-
tione, seu Idea consideranda esse. Unum,

Pro-

Proprium seu formale, quatenus est Mentis operatio seu cogitandi Modus. Alterum, Objectivum seu vicarium, in quantum est rei apprehensæ Imago, seu quatenus est vice illius. Licet Idea quatenus Mentis nostræ *operatio* est, nullam aliam, præter Mentem nostram causam exigat, quia cum sit Res Cogitans, talem operationem eliciendi par est. Aliam talem exigit, quatenus talis est, sive quatenus ab omnibus aliis Cogitationibus distinguitur, & quatenus Idea Dei, exempli causa, Substantiam Infinitam, Independentem, summè Intelligentem, summè Potentem nobis repræsentat. Et certè talis Idea neque à Mente nostra, neque à quacumque Causa alia *finita* proficisci potest. Nam licet ipse ego, exempli causa, Ideam Substantiæ in me habeam, ex hoc ipso, quòd sim Substantia, ac proinde causa Exemplaris esse possim illius. Ideæ secundum esse vicarium spectatæ, nequeo tamen istius Ideæ exemplar esse, quatenus mihi *Infinitum* exhibet, quia hoc esse objectivum, non se habet ut vicarium mei esse tanquam alicujus principalis. Quare necessum est, ut ab aliqua causa, quæ revera Infinita est, procedat. Unde patet Dei Ideam, quamvis finitam, Causam Infinitam exigere, & *Finita* produci non posse.

X.
Quo sensu
intelligi-

ET SI Distinctio, quam supra tetigimus, inter Substantiam Infinitam, & ipsam Infinitatem, cuique Philosopho sit obvia, assensur Infinitas esse
quid negas
tiritium.

tiri tamen præclarus Theologus nequit, quòd Res Infinita quàm maximè *positivam* intelligatur, Infinitas verò, non nisi ut quid *negativum* concipiatur, quandoquidem eo concesso, nihil ad Infinitam Substantiam stabiliendam suppeditetur. *Cùmque mones, (etiamsi nihil demonstrant monita) positivam esse rei Infinita Ideam, Infinitatis negativam; quid agis, nisi quod fatearis rei, quæ reipsa fortè infinita est, solam finitam Ideam te assequi? Cùm itaque tuo sensu infinitam esse dicis, te nihil intelligere fateris, quid enim aliud est negativa Idea, quàm Ignorantiæ confessio? Non sequitur ex eo, quòd in Re Infinita nullam limitationem advertamus, quòd limitationis negatio in Finitæ cognitionem ingrediatur: quoniam illud, per quod Infinitum Finito discrepat, positivum est, & reale: E diverso limitatio; qua Finitum ab Infinito distinguitur, est non ens, sive entis negatio. Manifestum est autem apud omnes Philosophos, id quod non est, non posse nos in illius notitiam adducere, quod est. Sed contra ex Rei cognitione, ejus negatio percipi potest. Quando igitur dixit *Cartesius*; quantum ad Infinitatem, etiamsi illam intelligamus esse quàm maximè positivam, non tamen nisi negativo quodam modo intelligimus, ex hoc scilicet, quòd in Re nullam limitationem advertamus; vulgarem loquendi modum secutus est, quemadmodum & Infiniti*

niti nomen retinuit, quod tamen rectius *Ens Amplissimum* vocari posse alicubi existimat, si omnia vocabula Rerum naturis conformia esse vellemus; quoniam verò usus invaluit, ut Infiniti nomen per *limitationis* negationem exprimatur, tanquam si ad Rem maximam designandam, non parvam esse, seu nihil planè parvitatìs includere, dicere sufficeret.

A B hoc loquendi ritu desistere noluit Cartesius, quanquam nullibi scripserit *positivam* Infiniti naturam per *negationem* cognosci, Imò Meditatione Tertia, attendendo Ens Infinitum idem significare, quod *perfectissimum*, ita loquitur: Nec putare debeo me non percipere Infinitum per veram Ideam, sed tantum per negationem finiti, ut percipio *quietem*, & *tenebras*, per negationem motus & lucis; nam contra manifestè intelligo plus realitatis esse in Substantia Infinita, quàm finita, ac proinde priorem quodammodo in me esse perceptionem Infiniti, quàm finiti, hoc est, Dei, quàm mei ipsius: qua enim ratione intelligerem me dubitare, me cupere, hoc est, aliquid mihi deesse, & me non esse omninò perfectum, si nulla Idea entis *perfectioris* in me esset, ex cujus comparatione defectus meos agnoscerem?

SIMILITUDINEM quoque, quam à *esse illud* Maris intuitu Philosophus desumpsit, ad *non comprehendendam* claram & distinctam haberi *prehendam* posse *non*.

XI.

Infinitum non includit in sua natura negationem limitationis.

XII.

Deus clarè & distinctè à nobis attingitur.

posse notitiam, licet Rei non sit adæquata & perfecta, rejicit Vir Clarissimus, & veluti ipsi adversam inculcat: *Quam denique affers similitudinis rationem, cum scilicet in mare oculos convertimus, etsi non totum visu attingamus, nec immensam ejus vastitatem metiamur, dicimur tamen illud videre: Nonne vides contra te valere, cum quicquid videre dicamur, non tamen videamus? Sed aliquonſque intenditur oculorum acies, & nihil ulterius intuentur.* Quid tum! An propterea mare non intuemur, quia totum Mare non discernimus? Deum mente attingo, ergo nisi illum comprehendam, hoc est, omnia, quæ in Deo sunt, cogitandi actu capiam ac teneam, non Deum percipere dicendus sum? Quis abnuet ex sola depicta faciei Imagine, Hominem distinctè cognosci, quamvis Corporis reliquum occultetur, & nulla pectoris, crurum, &c. delineatio adsit? Nihil in rem facit, si dicatur, per humani vultus delineationem, non totum Hominem exhiberi, sed ex parte depicta, in Totius notitiam ratiocinando deveniri: Quia cum Deus partibus careat, & tantum Attributa, sive perfectiones illi insint, non potest aliqua ejus pars, per ejus Ideam representari, sed ex unius Divini Attributi notitia in alterius notitiam discurrendo deduci. Unde postquam Philosophus dixit Mare videri posse, etsi totum oculis non perlustretur, immediatè subjunxit:

Et

Et quidem si eminus respiciamus, ut quasi totum simul oculis complectamur, non videmus nisi confusè, ut confusè imaginamur *Chillogonum*, cum omnia simul ejus latera complectimur; sed si cominus in aliquam Maris partem obtutum defigamus, talis visio potest esse valdè clara & distincta, ut etiam imaginatio *Chillogoni*, si tantum ad unum, aut alterum ejus latus se extendat.

SIMILI ratione, Deum ab humana XIII.
Mente capi non posse, cum omnibus Theo- *Deus clar-*
logis concedo, & nequidem etiam distinctè *re & quo-*
posse cognosci ab iis, qui totum simul co- *ad singulas*
nantur animo complecti, & tanquam è lon- *ejus perfe-*
ginquo respiciunt. Quo sensu dixit *San-*
ctus Thomas, Dei cognitionem sub quadam *perspicuè*
tantum *confusione* nobis inesse: Qui au- *intelligi*
tem ad singulas ejus perfectiones attendere, *potest.*
illasque non tam capere, quàm ab ipsis capi, & Intellectus sui vires omnes in *iis* contemplandis occupare conantur, illi profectò multò ampliorem facilioremque materiam claræ & distinctæ cognitionis in eo inveniunt, quàm in ullis Rebus *Creatis.*

PROGREDITUR Clarissimus Theolo- XIV.
gus: Ita cum Deum infinitum intelligere di- *Ex rerum*
citur, aliquousque intelligendo progredi- *progressu*
mur, at quicquid revera intelligimus, fini- *deveniri*
tum est, & cum illius perfectionem latius non potest
patere intelligamus, quàm ut ulla Intellectus ad Dei
acie assequi possimus, infinitam esse dicimus, cognitio-
quod nem.

quod quanquam conceptus nostri, nullum tamen illius finem agnoscamus. Nihil penè objicit, ad quod priùs Philosophus non responderit; quippè Responsione ad primas Objectiones, profitetur se argumentum suum non desumpsisse ex eo, quod videret in *Sensibilibus* esse ordinem sive successionem quandam Causarum efficientium: Tum quia *Deum* existere multò evidentius esse putaret, quàm ulla res sensibiles: Tum etiam, quia per causarum istarum *Successionem*, non aliò devenire posse videbatur, quàm ad imperfectionem Intellectus sui cognoscendam, quòd nempe comprehendere non posset, quomodo infinitæ tales Causæ sibi mutuo ab æterno ita successerint, ut nulla fuerit prima. Nam certè ex eo, quòd istud comprehendere non posset, non sequitur, aliquam primam esse debere, ut neque ex eo infinitas *Divisiones* in quantitate finita comprehendere non valeam, sequitur aliquam dari ultimam, ita ut ulterius dividi non possit, sed sequitur tantùm Intellectum meum, qui est finitus, Infinitum capere non posse. Id quoque insinuare videtur Eximius Vir verbis sequentibus: *Cùm sane cuiusvis liceat perfectissimam, quam pro suis viribus fabricare possit Ideam, & cùm longius progredi se non posse sentiat; exclamare infinites perfectiorem esse & fabricari posse, quanquam ipse præ captus angustia non possit omnem illius amplitudinem complecti.*

NEGARI non potest, quin in Mente XV.
 nostra *Facultas* sit, ad Rerum Ideas ampli- *Per rerum*
 andas, sed quantumvis earum perfectiones *ampli-*
 augeantur, nunquam eò devenient, ut *tionem*
 cum Divinis essentialiter conveniant, ac *percurrere*
 proinde ut per illarum Ideas, Dei Idea in *non potest*
 nobis oriatur. Nam quot velis gradibus *ad Dei*
Creatam perfectionem amplifices, nunquam *existen-*
 idcirco Divina evadet, nisi impetu, ut ita *siam*.
 dicam, & veluti saltu infinito, una vice
 à perfectione *creata*, ad aliud quid omninò
 diversum transitus fiat. Unde longè dilu-
 cidius *Philosophus* rem aperit Meditatione
 Tertià, quàm hic Vir Clarissimus. Dum
 in me ipsum Mentis aciem converto, in-
 quit, non modò intelligo, me esse rem *in-*
completam, & ab alio dependentem, remque
 ad majora & majora, sive meliora indefini-
 tè aspirantem: sed simul etiam intelli-
 go illud, à quo pendeo, majora ista omnia
 non indefinitè & potentià tantum, sed re
 ipsa infinitè in se habere, atq; ita Deum
 esse.

POSTQUAM sat exspatiatus est præcla- XVI.
 rus Doctor in ostendendo imparem esse Men- *Nulla re-*
 tem humanam, ad omnes Perfectiones Di- *nus Deus*
 vinas adæquatè concipiendas, quod illi ul- *adequatè*
 trò concedimus, se ipsum alterius nomine *cognosci*
 interrogat. *An igitur, inquires, nullum ha-* *potest.*
bemus infiniti conceptum? Habemus sanè,
atque eo modo, quo dixi, non quòd absolutam
& infinitam illius Ideam habeamus, sed so-
lum

lūm quodd tale quidpiam esse, qualemcumque fuerit, ratione concludamus. Sufficenter in præcedentibus monui, adæquatum Dei conceptum à Mente humana haberi nullatenus posse, ac proinde frustra illius mentionem ampliùs fieri, ut ostendatur, Deum per absolutam & infinitam notionem nobis repræsentari. Nam quis perfectam Rei, etiam minimæ, notitiam habet? Prodeant Metaphysici, *Ens* in genere sibi ita notum existimant, ut primum cognitum apud omnes censeatur, nemo tamen eorum, opinor, omnia Entis *Attributa*, quatenus *Ens* est, se explicite cognoscere asseret: Ita quid Deus sit, manifestè quidem percipiunt, licet innumera in Divinarum perfectionum abyſſo latentia non attingant.

XVII.

Quo pacto igitur in Dei notitiam deveniemus? Non quod absolutam, inquit, & infinitam illius Ideam habeamus, sed solum quodd tale quidpiam esse, qualemcumque fuerit, ratione concludamus. Hinc præter Viri Clarissimi Mentem, infero; nos veram Dei Ideam habere. Nam quâ Rem aliquam existere Ratione concludam, si ejusdem Rei nulla in me Idea sit? Sive si illa Menti meæ non obversetur? Nam cùm Mens simplici intuitu Rem contemplatur, tum illius Rei speciem, seu imaginem efformat; ubi judicat, duas aut plures *Imagines* connectit; ubi discurrit, vel in motu circulari acta, primas Ideas cum posterioribus copulat; At qui

qui nullam Dei Ideam animo volvit, quomodo Deum existere percipiet, judicabit, aut ratione inferet? Quomodo *illud* qualecumque fuerit Infinitum dari concludet, si ignotum sit, hoc est, si nulla ejus Idea, notio, conceptus Menti exhibeatur? Id alias Reverendo Domino decernendum relinquo.

ALIUS, qui eum remoratur scrupulus XVIII. tollendus est, quî nimirum fit, si comprehensivam Dei cognitionem habere non possumus, ut clarum nihilominus & distinctum Divinæ Ideæ conceptum consequamur. Si Dei Ideā enim non adequatè, neque clarè & distinctè: habere, et si omnis enim imperfecta cognitio (qualis est non Deum inadæquata) pro suo imperfectionis gradu, comprehensa est & confusa. Cum itaque tam longè absit, adequatam, ut tu vocas, sive ut ego, *claram & distinctam Dei Ideam habeamus, tuis principiis, utcumque distinxeris, confecta res est, & tollitur omnis illius existentia certitudo.* Quamvis eadem pluries repetere, penè ad nauseam coacti fuimus, quia tamen quicquid alicujus difficultatis speciem præ se fert, non intactum relinquere statui, & ad hanc aliquid etiam reponere visum est. Quando igitur clara & distincta Rei Idea nobis inesse dicitur, non ita accipiendum est, quasi in Re, quam clarè & distinctè cognoscimus, omnia Attributa, omnesque ejus proprietates intelligamus; talis enim conceptio planè repugnat.

Nam ut sumpto antea *Cartesii* exemplo utamur; possum perspicuam & distinctam Trianguli Ideam habere, quamvis omnes Trianguli proprietates, quas de eo Mathematici demonstrant; ut quod *Angulus* externus in *Triangulo* sit æqualis duobus rectis internis & oppositis: Quod omnes tres Anguli duobus rectis sint æquales: quod maior Angulus in *Triangulo*, semper à majori latere subtendatur, &c. Quemadmodum itaque intelligere sufficit figuram tribus lineis comprehensam, ad habendam *Trianguli* Ideam; Sic etiam satis est, Rem nullis limitibus comprehensam intelligere, ut vera, integra totius Infiniti Idea habeatur, Quod inde evidens apparet; Nam sicuti nullæ proprietates de *Triangulo* probari possunt, quæ ab illa Trianguli Idea alienæ sunt, quam prius de Triangulo quis habuit: similiter nullæ de Deo Perfectiones demonstrari queunt, quæ in Idea, quam de Deo habuit, conclusæ non fuerunt.

CAPUT DECIMUM OCTAVUM.

Realitas objectiva, sive Cogitationum nostrarum esse objectivum non est nihil, verum aliquid in ipsis reale & perfectum.

I.

Objicitur
quod objectiva realis
tas nihil
sit.

UT in congenitam Dei notionem tutius Vir eximius invehatur, & *Cartesii* argumentum ex Infiniti idea desumptum, ad Dei existentiam proban-

bandam fortius convellat, Realitatem objectivam, seu Artificium objectivum è medio tollere conatur, tanquam nomen inane, & ens à sola Cartesii mente depromptum. Quippe ubi inadæquatum Rei conceptum cum evidentia stare non posse, tota *Sectione vigesima* contendit, & confusionem individuum esse imperfectæ cognitionis comitem: tandem ex hoc labyrintho elapsus, in alterum sequenti *Sectione* devolvitur, ut scilicet Ideam sua perfectione exuat, & nihil prorsus ab objectis mutuari demonstret. Sed hoc opus, hic labor est, *At quid quæso*, ita *Sectionem vigesimam* primam incipit, *est ista realitas tua objectiva, quam ubique tanto strepitu evehi & mirari?* Et cum scripsisset Cartesius Ideam esse ipsam rem cogitatam, quatenus objectivè est in Intellectu. *Praclarè*, subnectit, *At quid est esse objectivè in Intellectu?* Et Cartesium respondentem introducens, id aliud non esse, quàm esse in Intellectu, eo modo, quo objecta in eo esse solent. Ad hæc simulata admiratione, *Quam diffugiunt tenebra, quàmque perspicua sunt omnia!* Quis responsum clarius ex ipso Sibyllæ antro expectaret, quàm Objecta in intellectu eo modo esse, quo esse solent, hoc est, in Intellectu eo modo esse solere, quo esse solent?

IL
In Idea
duo sunt
attendenda,
ipsa
Mentis

IMO & diffugerent Tenebra, & perspicua fierent omnia, si duo in omnibus Cogitationibus considerasset: Unum, quòd quædam ratio.

dam sint Mentis nostræ operationes, sive, ut ante dictum est, operandi Formæ, in hanc illamvè faciem velut conformantes: *Alterum*, quod sint Repræsentationes, sive quædam picturæ illarum rerum, quam nobis exhibent. Certum autem est, quod simplices cogitandi Modi, alia ratione in Mente nostra non versentur, quàm ipsæ rerum Imagines & picturæ, quæ peregrina objecta repræsentant. *Priores* enim à Mente utpote Re Cogitante promanant, eique pari modo inhærere videntur. *Posteriores* verò magnum nanciscuntur discrimen, prout ad Res diversas, quas exhibent, referuntur. Quare mirum non est, si dixit *Cartesius*, Rem cogitatam in Intellectu esse, eo pacto, quo objecta esse solent. Nam cum Eruditus quidam fœderati Belgii Theologus objecisset; objectivè esse in Intellectu, aliud non esse, quàm denominationem extrinsecam, & nihil rei; Respondet *Philosophus* Theologum ad Rem ipsam, tanquam extra Intellectum positam respexisse, cujus ratione, est sanè denominatio extrinseca, quod sit objectivè in intellectu; illum autem de *Idea* loqui, quæ nunquam est extra Intellectum, & ratione cujus, esse objectivè non aliud significat, quàm esse in Intellectu, eo modo, quo objecta in illo esse solent.

III. ITA exempli causa, si quis quærat, quid *Ut objecta Soli* accidat, ex eo quod sit objectivè in meo
dicuntur Intel.

Intellectu, optimè respondetur, nihil ei ac-
 cidere, nisi extrinsecam denominationem, *esse in In-*
 quòd nempe intellectus operationem per *tellectu*
 Modum Objecti terminet: Si autem de Idea *exemplo*
 Solis quærat quid sit, & respondeatur, *Solis ostenditur.*
 illam esse rem cogitatam, quatenus est obje-
 ctivè in Intellectu, nemo intelliget illam
 esse ipsum *Solem*, quatenus in eo extrinseca
 est denominatio: neque ibi, *Objectivè esse*
in Intellectu, significabit ejus operationem
 per modum objecti terminare, sed in In-
 tellectu, eo modo esse, quo solent ejus
 objecta; adeò ut Idea Solis sit ipse *Sol* in
 Intellectu existens, non quidem formaliter,
 ut in Cælo, sed objectivè, hoc est, eo mo-
 do, quo objecta in Intellectu esse solent.
 Quid clarius efferri potest, ad ostenden-
 dum, quo pacto res in Intellectu resideant,
 sive ut earum Ideæ Menti obversentur?

SED quia Vir Clarissimus se supra Sensus **IV.**
 erigere non vult, & omnes Ideas ad solas *Objicitur*,
 Imagines in phantasia depictas restringit, *Cartesium*
 vanam esse putat Objectorum in Intellectu *existimasse*
 repræsentationem. Quod ut validiùs per-*objecti-*
 suadeat, iis Cartesium comparat, *qui quan-* *quam rea-*
quam ingenti hiatu nugas ridiculas parturi- *litate esse*
re se viderint, magnum tamen aliquid se pe- *tantum*
perisse clamant. Prætermitti hæc Compa-*nomen*
 ratio à Viro Eximio poterat, cùm omni-*inane.*
 bus Doctis satis notus sit Cartesius, qui tan-
 tum abest, ut ejus rationes nugas ridiculas
 existiment, ut eorum plurimi illas commen-
 dent,

dent, atque tanquam veras ac certas Discipulis suis, aliisque *Veritatis* amatoribus proponant. Sed venia Viro Eruditissimo danda est, qui Philosophi doctrinæ subtilitatem aspernatus, non sat illi errores impingere autumat, ni & illum eorum conscium fuisse, ut crederemus, efficeret. *Vidit Cartesius*, inquit, *realitatem objectivam*, nomen inane esse, tamen quòd magnum aliquod de eadem promiserat, etiam convictus, ne ipse *Mens* non foret, sateri noluit, cum ad nauscam usque interrogatus, tam frigido responso quicquam aut sibi, aut alius satis factum esse putaret.

V.

*Quid est
Realitas
objectiva
Ideæ,*

.VI

SED ubi id vidit Cartesius? cur locum, cur Meditationem non assignat? Cur illius verba non prodit? Si putavit Realitatem objectivam aliud non esse, quàm *inane nomen*, ita iniquus fuit, ut non aliis modò, sed & sibi ipsi imponeret? Quis de Viro modesto, sapienti, Philosopho hoc credat? Contingere quidem potuit, ut non omninò plenè, & ad omnium captum, Objectivam Realitatem explicuerit, dum dixit, esse objectivè in Intellectu, est esse eo modo, quo objecta in eo esse solent. Verùm poterat Vir Clarissimus apertiore hujus rei explicationem ex *Geometricis* ejus Rationibus, ubi de illa ex proposito agit, mutuari, ubi ita loquitur: Per Realitatem objectivam Ideæ, intelligo entitatem Rei repræsentatæ per Ideam, quatenus est in Idea; eodem modo dici potest

test *Perfectio Objectiva*, vel Artificium ob-
jectivum, &c. Nam quæcumque percipi-
mus tanquam in Idearum objectis, ea sunt
in ipsis objectivè. Adcò ut Realitas obje-
ctiva aliud non est, quàm Perfectio, seu
entitas rei cognitæ, quatenus est in Idea, in
qua tanquam in Imagine fulget.

AN quis talem perfectionem fictitiam VI.
esse dicet, & inane nomen duntaxat? Quo- *Esse obje-*
modo igitur fit, ut talis *Perfectio* Causam *Etivum*
realem exigat, & una ab altera realiter di- *Idea est*
stinguatur? Nam quòd quædam Cogitationes *aliquid*
sublimes & excelsæ dicantur, aliæ autem *reale*,
humiles & abjectæ; quòd quædam de Deo,
aliæ de Creaturis, exempli causa, de *Sole*,
de *Cælo*, de *Terra* habeantur, quatenus
scilicet tales aut tales res referunt, id non
à reali Mentis actu sortiuntur, quoniam
Ideæ, quatenus *Modi* sunt cogitandi, nul-
lam habent inæqualitatem, & omnes à Men-
te simili ritu procedere videntur: Ergo ne-
cessum est, ut ab altera alia reali causa pro-
ficiscantur. Si enim illud nihil esset, haud
dubiè tantam differentiam inter eas procre-
are non posset, nec nobilior perfectiòrve
foret de *Sole*, aut alio Sidere cogitatio, quàm
de vilissimo Terræ *pulvisculo*. Cùm autem
non ens, neque discrimen, neque conve-
nientiam, neque quicquam aliud efficere
possit; oportet ut Cogitationes à Causa ali-
qua reali proveniant. Et hanc esse *Cartesii*
Mentem ex illius verbis, Meditatione Ter-
tia,

tia, luce clarius colligi potest: Nempe quatenus Ideæ istæ cogitandi quidem *Modi* tantum sunt, non agnosco ullam inter ipsas inæqualitatem, & omnes à me eodem modo procedere videntur: sed quatenus *una* unam Rem, *alia* aliam repræsentat, patet easdem esse ab invicem valdè diversas. Nam procul dubio illæ, quæ *Substantias* mihi exhibent, majus aliquid sunt, atque, ut ita loquar, plus realitatis objectivæ in se continent, quàm illæ, quæ tantum *Modos*, sive *Accidentia* repræsentant: Et rursus illa, per quam summum aliquem Deum Æternum, Infinitum, Omniscium, Omnipotentem, rerumque omnium, quæ præter ipsum sunt, Creatorem intelligo, plus profectò realitatis objectivæ in se habet, quàm illæ, per quas finitæ Substantiæ exhibentur. Unde à nobis passim sciscitari solent Homines, quomodo in talem Cogitationem inciderimus? Quo modo talem conceptum formare potuerimus? Ubi non de causa Ideæ, prout Mentis *actus* est, quæritur, sed prout habet tale *esse vicarium*: quæritur enim, unde sit expressa; quod exemplar talis Imaginis,

VII. SUPPOSITO, quod tales revera dentur in Mente cogitationes, ita præclarus Theologus prosequitur: *Sint verò in Mente tua Ideæ, suamque realitatem objectivam habeant: Quid autem rei est ista realitas, an res ipsa in te procreata? Si non sit, nullam istius rei realitatem habere potes. Si sit, Dei*

Idea

*Realitas
Idea est
quid di-
stinctum
ab ipsa ob-
jecti reali-
tate.*

Idea Deus alter erit, ut enim Deus formalis est, qui extra te, ita objectivus, qui in te existit. Quis unquam somniavit ipsam objecti Realitatem in Mente reperiri? An quia esse cognitum aliquid reale in Intellectu est, necessum est, ut objecti realitas, in ipso quoque Intellectu inveniatur? Ineptè quis dubio procul sic argumentaretur: Pictura est Rei imago, pictura est aliquid reale; Ergo pictura est ipsa objecti realitas. Ita non magis à Ratione deviaret, qui ex eo, quòd Idea sit realis quædam Rei in Mente pictura, statim inferret; igitur Idea est ipsa rei realitas seu perfectio. At si ista rei realitas in Idea non est, nulla istius rei realitas haberi potest. Quid tum? nullus unquam Philosophorum asseruit, Ideas Rerum, quas Intellectui exhibent, ipsammet rerum realitatem involvere: sed pro illis supponi, sive ipsarum vice & loco esse. Ergo, inquires, si *Res* ipsa in te *procreata non est*, nullam istius Rei realitatem habere potes; Distinguendum est, non erit *formalis* realitas, quæ tanquam Rei, inhærens apprehenditur, concedendum est; non erit ipsa Rei realitas in Mente *cognita*, negandum est. Nam et si Idea formalem objecti realitatem non involvat, non tamen penitus nihil est, sed aliquid est, quatenus est Rei cogitatæ Imago, seu vice illius: quemadmodum pictura loco illius rei est, quam repræsentat. Certè esse in Mente, esse objectivè, esse cognitum, amplius est, quàm omnino non esse, Aliàs

modo Idea rei logo esse posset? Quomodo alicujus vicem, à quo infinitum distat, præstaret? Sed esse vicarium Idearum, est esse in mente, esse objectivè, esse cognitum: Ergo illud aliquid reale est, quamvis non sit ipsa Rei realitas.

VIII. *Si non sit*, instat Vir Eximius, *nullam Habemus istius Rei realitatem habere potes*. Illud ipsi rei veram lubentes largimur, modò istius realitatis *for- ideam, etsi man* in Intellectu nos habere concedat, fate- *res ipsa* aturque Mentem, dum unam Ideam potius, *non sit in* quam aliam in se producit, ab aliqua causa *mente no-* determinari. Nam sicuti *stra.* *Pictor* Angliæ Regem coloribus illustrare non potest, nisi eum intuitus sit, aut ejus saltem *Imaginem* aspe- xerit; quia suum Exemplar quælibet pictura postulat: Ita Mens humana Dei Ideam ef- fingere non potest, nisi priùs Deum con- templatus sit, aut certè ad ejus *Imaginem*, quam in se ipsa invenit, attenderit. Un- de totum argumentum corrui, quo præ- clarus Doctor probare moliebatur, da- ta objecti Realitate in intellectu depicta, Naturam Divinam multiplicari debere, ac tot fieri in Mundo numina, quot sunt Ho- mines, qui Realitatem Dei objectivam in se habent. Quia cum Idea sit tantum Rei pictura in Mente, à formali objecti realita- te differt, nec unquam ejus perfectiones, assequitur.

IX. *Perfectio* SED quid demum erit esse objectivè in *objectiva* Intellectu, si nihil reale ipsi contingit, & quæ

quæ ipsi obversatur Imago, nullam ei per-^{debet ha-}
 fectionem conciliet? Respondet Vir Clarif-^{bere cau-}
 simus; Si quid itaque fortè sit objectivè in^{sam, à qua}
 intellectu, non est ipsa res, sed conceptio rei,^{proficiscat-}
 quæ nihil magis reale est, quàm intellectus^{tur.}
 actio; ut esse objectivè in intellectu, nihil
 aliud sit, quàm esse intellectionis objectum,
 quod nullam aliam causam exigit, quàm ut
 intellectus suam cogitandi facultatem exerat;
 cùm enim de quavis re meditari velit, fit res
 ipsa absque quavis nova realitatis productio-
 ne, ejus Meditationis objectum. Si per Rei
 conceptionem intelligat Ideam, seu Rei re-
 præsentationem, manus dat, & in nostram
 sententiam etiam obluens trahitur: quo-
 niam illa repræsentatio, ut aut antea dixi-
 mus, aliud non est, quàm *Perfectio*, sive rei
 cogitatæ entitas, quatenus in Idea, velut in
 Imagine elucet. Sin verò per *Rei conceptionē*,
 Mentis operationem intelligat, qua res ex-
 tra se positas contemplatur, nihil contra *Car-*
tesium movet, qui in omni conceptu dupli-
 cem realitatem, seu perfectionem agnoscit;
 Formalem seu propriam, quatenus est Men-
 tis operatio; alteram Objectivam, seu vica-
 riam, quatenus est Rei cognitæ Imago, qua
 Rem apprehendimus, veluti res ipsa es-
 set. Et de hac ultima *Perfectione* quæstio
 agitur, an scilicet Cogitatio, quæ viva
 quædam est Rei pictura, causam exigit, in
 qua Ideæ realitas objectivè contineatur, &
 illam

illam afferit contineri debere formaliter vel
eminenter in ejus causa.

X. QUAMVIS id inficias eat Vir Clarissi-
mus, arbitreturque esse objectivè, nullam
Oportet ut realitas aliā causam postulare, quā ut Intelle-
obliqua ctus suam cogitandi Facultatem exerat, dici-
Idearum mus adeò necessariò admittendum esse rea-
nostrarū, litatem Objectivam Idearum nostrarum,
causam causam requirere, in qua eadem ipsa Rea-
habeat, litas non tantum objectivè, sed formaliter
vel eminenter contineatur, ut ab hoc prin-
cipio, omnium Rerum tam sensibilibium, quā
insensibilibium cognitio dependeat. Unde
enim scimus, exempli causa, Cælum exi-
stere? An quia illud videmus? At ista visio
Mentem non attingit, nisi quatenus Idea
est, Idea, inquam, Menti ipsi inhærens,
non autem Imago in phantasia depicta: Nec
ob hanc Ideam possumus judicare Cælum
existere, nisi quia omnis Idea Causam suā
realitatis objectivæ habere debet realiter exi-
stentem; quam Causam judicamus esse ip-
sum Cælum, & sic de cæteris. Unde evidens
est, plus requiri, ut aliquid sit Intellectio-
nis objectum, quā ut Intellectus suam co-
gitandi Facultatem exerat. Nam à quo
alio, quā ab ipsis Rebus oritur, quod quæ-
dam Idææ mihi Rem undequaque Perfectam;
aliæ finitam & creatam exhibeant? Aliæ
Corpus, aliæ Mentem repræsentent? Quæ
est inter istas Idæas discriminis causa? Nam
licet differentia, quam inter Idæas nostras
ani-

animadvertimus, in relatione duntaxat ad Res objectas consistat, talis tamen respectus adeò Ideis, in quantum *rerum* sunt Imagines, essentialis est, ut maximam inter Cogitationes differentiam constituat. Et quamvis in Rebus extra Mentem nostram positis, nihil reale ponat, necessum est tamen, ut quid realitatis in ipsis Ideis ponat; imò talem realitatem, quæ non solum inter se, verum etiam ab aliis Qualitatibus & actionibus distinguatur.

At *nondum Cartesii fastus*, subdit Eximius Theologus, *flecti potest, sed vult, quicquid obnitimur, aliquid reale nosci*. Et quidni esse invicem opponi, & quendam diversitatem, objectivum, seu ideale aliquid reale esse vellet *Cartesius*? Cum videamus conceptus, sibi præ se ferre. At quis dicet, id nihil esse, per quod aliqua differunt? imò tanto discrimine à se mutuò avellantur, ut contrariorum nomina habeant? Nec quisquam debet hanc doctrinam tanquam peculiarem Cartesio adscribere, eam longè antè *Aristoteles* professus est in *lib. Categ. cap. de Qualitate*; ubi Scientiam inter Qualitates enumerans, ita loquitur: *Nihil aliud est Scientia in Anima, quàm intentio & imago Rei cognita, representans rem, quæ extra animam est*. Scientia igitur, secundum *Aristotelem*, ens reale est, & quandam perfectionem involvit.

XI.
Esse ideale
seu objectivum involvit aliquam perfectionem.

XII.

*Idea in
Deo idem
sunt cum
ejus essen-
tia,*

VERUM, quia mihi cum præstantissimo Theologo res est, rationibus Theologicis obiter uti liceat, ad hanc veritatem, Veritatis Discipulo persuadendam. *Dei Filius* in Sacris Codicibus, Imago patris, & character illius personæ appellatur: sed quomodo id constabit, si *Idea* secundum esse objectivum, nihil omninò sint, & esse signum, esse imaginem, nihil reale importat? Præterea docent passim Theologi, Ideas non quicquam esse à Deo diversum, sed ipsummet *Deum* esse, quemadmodum explicat *August. lib. 82. Quest. Sunt Idea principales formæ quadam, vel rationes rerum stabiles atq; incommutabiles, quæ ipsæ formata non sunt, ac per hoc æternæ, atque eodem modo se habentes; quæ in Divina Intelligentia continentur, &c.* Unde sic infero: Quod in Intellectu Divino est ipse Deus, id in nostra Mente non pro nihilo haberi potest, præsertim cum *Dei Imago* & similitudo in eo etiam consistat, quòd Mens humana res objectas sibi exhibeat, quemadmodum Deus sibi prorsus omnes, & nunquam non præsentis sistit, quæ actu sunt, quæ elapsis temporibus extiterunt, aut aliquando futura sunt.

XIII.

*Idea sunt
aliquid
reale in
Mente, &
quandam*

SED vereor ne id frustra præclaro Theologo inculcemus: Nam cum ipsemet *Cartesius*, desumpto à *Sole* exemplo, explicuisset, dixissetque *Solem* objectivè esse in Intellectu, & actu, aliud non esse, quàm *Solis* ideam in intel-

intellectu existentem, non quidem forma-^{veritatem}
liter, ut in Cœlo, sed objectivè, hoc est, ^{includunt.}
co modo, quo objecta in intellectu esse
solent; illico exclamat: *Utinam foret, ut*
tenebras, quas tibi ipse offundis, discuteret.
Profectò nulla caligne involvi *Cartesium*
opinaretur, nisi quia ipse præjudiciorum vi
adhuc obruitur, & nondum *Infantiæ* cogi-
tationes deposuit. Pluribus enim causa erro-
ris fuit, quod illa, quæ spiritualia sunt, ip-
si nihil esse arbitrentur, cum tamen res
sint. Nam uti dantur Substantiæ *incorporea*
& spirituales, quæ verissimæ sunt Substan-
tiæ: ita Accidentia dantur *spiritualia*, quæ
veram habent entitatem. Imò cum verita-
tem habeant Ideæ, & aliæ aliis veritate an-
teponantur, habent quoque realitatem, seu
perfectiorem aliæ aliis majorem. Sed ut
omnis caligo circa hanc materiam penitus
evanescat, annotandum est, cum *Clauber-*
gio, has species seu intentiones, quas in Ani-
ma esse diximus, esse aliquid *reale & inten-*
tionale simul: Nam respectu objecti, quod
repræsentant, & cujus dicuntur species,
habent *esse intentionale*, at respectu subje-
cti, in quo inhærent, habent *esse reale*, ut
Scientia in Anima: quod quidem ex hoc
discrimine cognosci potest, quia *lapis* in
anima tum substantia est, tum accidens:
nam secundum se formaliter est Accidens
de genere qualitatis, & est Substantia per
repræsentationem; movere autem ani-
ma di-

ma dicitur & cognosci, non secundum esse formale, sed secundum esse suum repræsentatum: quando enim cognoscimus *Lapidem*, Substantiam cognoscimus, non ipsam secundum se qualitatem illam, &c.

XIV. *Magna est differentia inter Ideam, & rem per illam repræsentatam.* His igitur tenebris, Rationis lumine diffusis, quid sequatur, videamus? *An verò te solem ipsum, subjungit Vir Clarissimus, in te habere putas? Habeo, inquis, objectivum, non formalem. Atqui Sol objectivus & rem per illam repræsentatam, Sol realis est, etsi sit, quamobrem minus in te, quàm in Cælo luceat! At, inquis, Solis formalis munus est lucere, non objectivi. Nego, omnis Sol lucet, etsi non luceat objectivus, Sol non est. Si igitur ipsum Solem in intellectu tuo haberes (ut habere te ais) certè nisi crassissimis tenebris obducatur, lucret; cum itaque non luceat, non habes. Fatigor toties idem repetere, at quàm vitari id potest, ubi penè eadem sub diversis nominibus continuo obijciuntur. Aliis igitur verbis quoque utendum est, & ne carere responso videar, lector etiam attentus fallendus est. Quamvis Idea objecto similis sit, & in cognoscente ejus locum suppleat, non tamen omnis perfectio, quæ in re repræsentata reperitur, ipsi Ideæ attribuitur. Quippe experimur *solidum* illum & efficacem existendi modum, qui in Rebus repræsentatis deprehenditur, ab Ideis abesse; ac proinde non necessum esse, quòd si Solis lucidi Ideam in nobis habeamus, non minus in*

nus in Mente nostra quàm in Cœlo Sol fulgeat. Fundamentum enim ab esse Idearum intentionali & umbratili distinguitur, atque perfectione, seu realitate discrepat. Hinc *Cartesius* Meditatione Tertia, actualem seu formalem entitatem, quæ Rebus tanquam fundamentis competit, ab *objectiva*, quæ in Ideis intelligitur, separat, & tanquam duo entia à se invicem dirimit. Causa Ideæ, inquit, nihil de sua realitate actuali, sive formali in Ideam transfert, &c. Quantumvis imperfectus sit iste existendi modus, quo res est objectivè in intellectu per Ideam, non tamen profectò planè *nihil* est: ac proinde à nihilo esse non potest. Hæc enim sufficere videntur, ut quis sibi persuadeat, dum Solis imaginem in Mente complectitur, haud opus esse, ut Solem ipsum in se habere putet, nec ad illam Imaginem pertinere, ut *lucem* emittat, nisi crassissima caligine obducatur.

Huius Sectionis vigesimæ reliquum Vir XV. Clarissimus impendit, in fingendo *Cartesium* Nihil de se supra cæteros Homines evahere, oracula fundere, responsa dare, quæ sua perspicuitate omnium assensum extorqueant; ac non sit omnino mirum non esse, si alios Philosophos, quos à Cartesio è Terra satos vocari simulat, fugiant, iisque solùm detegantur, qui è Cœlo delapsi, mentium instar & disserunt & philosophantur. Unde his verbis *Cartesium* alloquitur, Tu verò si sectam affe-

Q

ctas-

XII.

*Idea in
Deo idem
sunt cum
ejus essen-
tia.*

VERUM, quia mihi cum præstantissimo Theologo res est, rationibus Theologicis obiter uti liceat, ad hanc veritatem, Veritatis Discipulo persuadendam. *Dei Filius* in Sacris Codicibus, Imago patris, & character illius personæ appellatur: sed quomodo id constabit, si *Idea* secundum esse objectivum, nihil omnino sint, & esse signum, esse imaginem, nihil reale importat? Præterea docent passim Theologi, Ideas non quicquam esse à Deo diversum, sed ipsummet *Deum* esse, quemadmodum explicat *August. lib. 82. Quest. Sunt Idea principales forma quadam, vel rationes rerum stabiles atq; incommutabiles, qua ipsa formata non sunt, ac per hoc aeterna, atque eodem modo se habentes; qua in Divina Intelligentia continentur, &c.* Unde sic infero: Quod in Intellectu Divino est ipse Deus, id in nostra Mente non pro nihilo haberi potest, præsertim cum *Dei Imago* & similitudo in eo etiam consistat, quod Mens humana res objectas sibi exhibeat, quemadmodum Deus sibi prorsus omnes, & nunquam non præsentis sistit, quæ actu sunt, quæ elapsis temporibus extiterunt, aut aliquando futuræ sunt.

XIII.

*Idea sunt
aliquid
reale in
Mente, & ætu
quandam*

SED vereor ne id frustra præclaro Theologo inculcemus: Nam cum ipsemet *Cartesius*, desumpto à *Sole* exemplo, explicuisset, dixissetque *Solem* objectivè esse in Intellectu, & ætu, aliud non esse, quàm *Solis* ideam in intel-

intellectu existentem, non quidem forma-^{veritatem}
liter, ut in Cœlo, sed objectivè, hoc est, ^{includunt.}
eo modo, quo objecta in intellectu esse
solent; illico exclamat: *Utinam foret, ut*
tenebras, quas tibi ipse offundis, discuteret.
Profectò nulla caligne involvi *Cartesium*
opinaretur, nisi quia ipse præjudiciorum vi
adhuc obruitur, & nondum *Infantiæ* cogi-
tationes deposuit. Pluribus enim causa erro-
ris fuit, quod illa, quæ spiritualia sunt, ip-
si nihil esse arbitrentur, cum tamen res
sint. Nam uti dantur Substantiæ *incorporeæ*
& spirituales, quæ verissimæ sunt Substan-
tiæ: ita Accidentia dantur *spiritualia*, quæ
veram habent entitatem. Imò cum verita-
tem habeant Ideæ, & aliæ aliis veritate an-
teponantur, habent quoque realitatem, seu
perfectiorem aliæ aliis majorem. Sed ut
omnis caligo circa hanc materiam penitus
evanescat, annotandum est, cum *Clauber-*
gio, has species seu intentiones, quas in Ani-
ma esse diximus, esse aliquid *reale & inten-*
tionale simul: Nam respectu objecti, quod
repræsentant, & cujus dicuntur species,
habent *esse intentionale*, at respectu subje-
cti, in quo inhærent, habent *esse reale*, ut
Scientia in Anima: quod quidem ex hoc
discrimine cognosci potest, quia *lapis* in
anima tum substantia est, tum accidens:
nam secundum se formaliter est Accidens
de genere qualitatis, & est Substantia per
repræsentationem; movere autem ani-
ma di-

ma dicitur & cognosci, non secundum esse formale, sed secundum esse suum repræsentatum: quando enim cognoscimus *Lapidem*, Substantiam cognoscimus, non ipsam secundum se qualitatem illam, &c.

XIV. *Magna est differentia inter Ideam, & rem per illam representatam.* His igitur tenebris, Rationis lumine discussis, quid sequatur, videamus? *An verò te solem ipsum*, subjungit Vir Clarissimus, *in te habere putas? Habeo, inquis, objectivum, non formalem.* Atqui Sol objectivus & rem per Sol realis est, etsi sit, quamobrem minus in illam re te, quàm in Cælo luceat! At, inquis, Solis formalis munus est lucere, non objectivi. Nego, omnis Sol lucet, etsi non luceat objectivus, Sol non est. Si igitur ipsum Solem in intellectu tuo haberes (ut habere te ais) certè nisi crassissimis tenebris obducatur, lucret; cum itaque non luceat, non habes. Fatigor toties idem repetere, at quâ vitari id potest, ubi penè eadem sub diversis nominibus continuo obijciuntur. Aliis igitur verbis quoque utendum est, & ne carere responso videar, lector etiam attentus fallendus est. Quamvis Idea objecto similis sit, & in cognoscente ejus locum suppleat, non tamen omnis perfectio, quæ in re repræsentata reperitur, ipsi Ideæ attribuitur. Quippe experimur *solidum* illum & efficacem existendi modum, qui in Rebus repræsentatis deprehenditur, ab Ideis abesse; ac proinde non necessum esse, quòd si Solis lucidi Ideam in nobis habeamus, non minus in

nus in Mente nostra quàm in Cœlo Sol fulgeat. Fundamentum enim ab esse Idearum intentionali & umbratili distinguitur, atque perfectione, seu realitate discrepat. Hinc *Cartesius* Meditatione Tertia, actualem seu formalem entitatem, quæ Rebus tanquam fundamentis competit, ab *objectiva*, quæ in Ideis intelligitur, separat, & tanquam duo entia à se invicem dirimit. Causa Ideæ, inquit, nihil de sua realitate actuali, sive formali in Ideam transfert, &c. Quantumvis imperfectus sit iste existendi modus, quo res est objective in intellectu per Ideam, non tamen profectò planè *nihil* est: ac proinde à nihilo esse non potest. Hæc enim sufficere videntur, ut quis sibi persuadeat, dum Solis imaginem in Mente complectitur, haud opus esse, ut Solem ipsum in se habere putet, nec ad illam Imaginem pertinere, ut *lucem* emittat, nisi crassissima caligine obducatur.

Huius Sectionis vigesimæ reliquum Vir XV. Clarissimus impendit, in fingendo *Cartesium* Nihil de se supra cæteros Homines evchere, oracula fundere, responsa dare, quæ sua perspicuitate omnium assensum extorqueant; ac non sit improinde mirum non esse, si alios Philosophos, quos à Cartesio è Terra satos vocari philosophis simulat, fugiant, iisque solùm detegantur, qui è Cœlo delapsi, mentium instar & disserunt & philosophantur. Unde his verbis *Cartesium* alloquitur, Tu verò si sectam asse-

Q stave-

*claveris, Cælum redeas ubi fortasse tuam
 denominationum extrinsecarum philosophi-
 am acrius intelligunt; Nos autem Terra fi-
 lii, ea est indolis nostræ hebetudo, tam sub-
 tiliter philosophando nos non esse fatemur.*
 Neque Sectam *Cartesius* affectavit, nec un-
 quam laudem ex Opiniorum suarum novita-
 te venatus est; cum palam profiteatur, se
 nullo uti *principio*, quod ab *Aristotele*, om-
 nibusq; aliis omnium seculorum philoso-
 phis admissum non fuerit; adeo ut philoso-
 phiam suam non ut *novam*, sed omnium ma-
 ximè antiquam & vulgarem sequacibus suis
 proponeret. Adde etiam, quemadmodum
 ipse Epistola ad P. *Dinet* scribit, quod fortè
 videbitur esse paradoxum, Nihil in ea phi-
 losophia esse, quatenus censetur *Peripate-
 tica* & ab aliis diversa, quod non sit novum;
 nihilq; in mea, quod non sit vetus: Nam
 quantum ad *Principia*, ea tantum admitto,
 quæ omnibus omnino philosophis hacten-
 us communia fuere, suntque idcirco om-
 nium antiquissima, & quæ ex eis deduco,
 jam ante in ipsis contenta & implicita fuisse,
 tam clarè ostendo; ut etiam antiquissima,
 utpote humanis Mentibus à natura indita,
 esse appareat. Contra verò principia phi-
 losophiæ *vulgaris*, eo saltem tempore, quo
 ab *Aristotele*, aliisque inventa sunt, erant
 nova, nec jam meliora putari debent; quàm
 tunc fuere; Nihilque ex iis deducitur, quod
 non sit controversum, & ex more Schola-
 rum

rum à singulis Philosophis mutari possit, ac proindè quod non sit maximè novum, cùm quotidie adhuc renovetur.

CAPUT DECIMUM NONUM.

Realitas Objectiva Idea Dei etiamsi Formalem non aquet, tamen Dei Existentiam optimè concludit.

EX dictis plus æquo manifestum est, Ideam à Re concepta, aut simili pendere, cùm re vera aliud non sit, quàm rei repræsentatio, sive *Imago*, ad cuius imitationem expressa est; quia tamen Eximius Theologus hujus conformationis adhuc dubius manet, eodemque, Sectione vigesima secunda, Dilemmate utitur ad probandum, nihil ex *objectiva* Realitate inferri posse, nisi formalem includat, denuò statuit, hoc concesso, plures Deos in Mundo dari debere, & Naturam Divinam pro Intelligentium numero esse multiplicandam. *I.* Dato reallitate *objectiva* Idea esse formali si- milem, non sequitur Deorum pluralitas.

Tanta verò sit realitas tua objectiva, quantum esse velis; an tamen formalem ejusdem rei realitatem natura perfectione æquare censes? Si æqualis sit utriusque conditio, plura denuò fiunt Deorum Numina, cùm res diversæ sint, extra Intellectum una, intus altera, quæ infinita natura perfectione, cæteris omnibus antecellunt; at quicquid perfectionum infinitum est, Deus est. Certè etsi hanc rationem Vir Clarissimus magni ducat, rem-

que confecisse sibi videatur; si tamen attentius discutatur, prorsus evanida apparebit, & ad trahendam, quam meditatur, Conclusionem, inepta; cum plusquam luce meridiana evidentius sit Ideam esse quid à re, quam exhibet, distinctum.

II. SED demus exercitii causa, Realitatem objectivam & Formalem pariter esse conditionis, an propterea plura fient Deorum *Numina*? Nihil minus. Quippè aut illæ in eadem essentia Divina convenient, aut non; si non convenient, *plures* igitur Dii non sunt. Si verò Divinam essentiam pari modo participant, neque etiam tunc plures Dii sunt, sed unus Deus: Cum in Ente summè perfectio essentia & existentia individualis sit, & unius existentia omnem realitatem, seu perfectionem exhauriat, atque complectatur. Præterea, Dei Idea, est Idea Entis perfectissimi, Omnipotentis, ab omni alio Independentis, &c. Realitas autem illa *objectiva*, quæ est intra Intellectum, duplicem dependentiam involvit, *unam* à Concipiente, sive Cogitante Intellectu, quatenus est ejus operatio; *Alteram* à Re concepta, seu cognita, quatenus ejus Imago est, & pro illa sumitur. Quis igitur talis Realitas pro Deo haberi potest? Quo modo cæteris rebus, infinita naturæ perfectione antecellet?

III. *Imago est ignobilior ipsa re, quam representat.* SI vero realitas *objectiva*, refert Clarissimus Doctor, è *summa* perfectione quoquo modo deficiat, infinita non est: Si ergo finita, *causam*

causam infinitam non exigit, et si non exigat, à causa, qua quoque ipsa finita sit, proficisci potuit. Monui non semel in præcedentibus haud necessarium esse, ut perfectio secundum esse vicarium, principalis sui perfectiones prorsus adæquet, seu eas in omnibus repræsentet. Nam ut benè animadvertit *Philosophus* in responsione ad quintum Opponentem, non est de ratione Imaginis, ut in omnibus eadem sit cum Re, cujus est Imago; sed tantum ut illud in aliquibus imitetur. Hinc *Aristoteles Topic. lib. 6. cap. 2.* Imaginem definit, id esse, quod per imitationem efficitur, sive cujus natura ab Imitatione dependet. Imitatio enim si probè quid sit spectetur, per se aliud dici nequit, quàm conformatio rei imperfectioris ad perfectiorem, ac proindè implicat, ut Imago suum exemplar perfectione excedat, aut illi par sit.

QUAMPLURIMA *Signa* sunt, quæ evidenter ac distinctè signata sua manifestant, quamvis non omnia, quæ in eis reperiuntur, non exprimant? Tibi *vocabula* elige, quæ ad Res significandas maximè idoneas judices; an non poterit *Vox* rem totam perspicuè indicare, ni priùs ab omnibus Rei partibus & attributis desumpta fuerit? Plurimarum certè Rerum claram & distinctam Ideam habemus, etiam si plurimas earum proprietates, attributa, perfectiones nos lateant. Non tamen sequitur, quòd si realitas

IV.

Signa non omnia referunt, quæ in signatis inveniuntur.

litas *objectiva* integram Dei naturam non exhibeat, hoc est, non sit infinita, quòd Causam Infinitam non postulet; ac proinde à Causa Finita proficisci queat. Quia *finitum* esse, si probè consideretur, Infiniti absentiam & negationem denotat: unde fit, ut dum Mens nostra tanquam quid finitum se percipit, *Infiniti* notionem in se habere supponatur, non quod istius Ideæ causa sit exemplaris; sed quod sui conceptum quodammodo negativum habere non possit, ni antè saltem naturæ ordine, positivam omninò Infiniti Ideam in se habeat. Nam uti præclare observat Boetius: Omne quod imperfectum esse dicitur, id diminutione perfecti imperfectum esse perhibetur. Quo fit, ut si in quolibet genere Imperfectum quid esse videatur, in eo perfectum quoque aliquid esse necesse est. Etenim sublata perfectione, unde illud, quod Imperfectum perhibetur, existerit, nec fingi quidem potest. Neque enim à Diminutis Inconsummatisque, Natura Rerum cepit exordium; sed ab integris absolutisque procedens, in hac extrema, atque effæta delabitur.

V.
Idea Dei
à re pro-
cedere de-
bet, quæ
verè est
Infinita.

MENS igitur nostra *Infinita* Substantiæ Ideam habere non potest, nisi hæc Idea à Substantia Infinita proficiscatur; quia aliud Exemplar, ex quo desumpta est, habere non potest: cum summæ perfectiones, quæ per Dei Ideam exhibentur, nec formaliter, nec eminenter in ulla alia Re, quàm in Deo, actu

actu inveniuntur. Unde mordicus tenendum est, quemadmodum & Clarissimus Theologus ipse ibidem insinuat, tantundem ad minimum debere esse realitatis formalis in Causa, quantum est objectivæ in Effectu: & cum Idea infinitæ perfectionis Menti nostræ occurrat, erit quoque *Formalis Causa Infinita*. Nam quæso undenam posset assumere realitatem suam nisi à Causa? Et quomodo ei illam Causa dare posset, nisi etiam haberet?

Huius Ratiocinio lubens Vir Clarissimus acquiesceret, nec amplius tam manifestæ Veritati renitens, ultrò fateretur, *objectivæ* realitatis perfectionem à principio, quod illam formaliter continet, debere procedere, ni scrupulum *Cartesius* iniecisset, dum in Responsione ad primas Objectiones ita loquitur: Quanquam modus essendi Objectivus longè imperfectior sit, quàm ille, quo Res extra Intellectum existunt, non idcirco planè nihil est. Ad hæc subiungit præclarus Doctor: Si verò longè imperfectior sit, tantundem realitatis formalis in sua Causa non exigit, quantum objectivæ in se habet: Cum isto pacto longè imperfectiore realitate formali æquari aut superari possit, adeò ut eam ipsa, quanquam Infinita non sit, efficere valeat. Certè illum à sententia dimovere non debet, quod is existendi modus, quo Res in Mente repræsentantur, imperfectus est, quia id relatè tantummodò intelligi-

VI.

Modus, quores est in Mente, imperfectior est eo, quo est extra Mentem.

ligendum est, eo nimirum sensu, quo ille ellendi modus, quo Rex in *tabula* depictus est, illo imperfectior dicitur, quo idem Rex Londini, aut alio quovis loco degit. Quis nescit picturam suo Exemplari in perfectione cedere? Sufficit quod non nihil, sed *reale*, & perfectum, ut Causam postulet, & à nihilo esse non possit.

VII. LICET itaque Cogitatio secundum esse *vi-*
Res perfe- *carium* imperfectior sit, & formalem obje-
ctior ab *cti* dignitatem non æquet, Causam tamen
ignobilio- *exigit*, in qua tantumdem sit ad minimum
ri tanquā perfectionis originaliter, quantum est in
à causa Cogitatione repræsentativè: Et cum *Idea*,
procedere quam de Deo habeo, summum aliquod Ens,
non potest. Infinitum, Omnisциum, summè Potens mihi
exhibeat, non potest ab alia Causa, quàm
Infinita proficisci. Nihil enim quod finitum
est, illius conceptum, qui Infinitum repræ-
sentat, Exemplar esse potest. Nam sicuti
nulla Res, nec ulla rei *Perfectio* actu exi-
stens, potest habere nihil, sive rem non exi-
stentem pro Causa suæ existentiae: Ita quod
magis perfectum, sive quod plus *realitatis*
complectitur, ab eo produci nequit, quod
minus reale & perfectum est. Ac proinde
necessum est, ut *Idea*, quæ Deum talem ac
tantum repræsentat, ab eo promanet, & ab
alia Causa *finita* effici non possit; cum in no-
tione Rei finitæ, Substantiæ Infinitæ notio
non contineatur. Quòd autem nihil sit in
Effectu, quod simili, vel eminentiori aliquo
modo

modo in Causa præextiterit, prima notio est, qua nulla clarior habetur: Hæcque vulgaris, à *nihilo nihil fit*, ab ea non differt: quid si concedatur aliquid in *Effectu* esse, quod in *Causa* non fuerit, concedendum quoque erit, hoc aliquid à *nihilo* factum esse; nec patet cur nihil possit esse Rei Causa, nisi ex eo, quod in tali Causa non esset idem, quod in effectu.

Hinc haud probè concludit Vir Clarissimus, quòd nisi realitas *objectiva* omnino *Entitas* Formali similis sit, & par sit in utraque Per-*objectiva*, sectio, de *Cartesii* Demonstratione concludendum esse. *Quodemum fit, ut nisi modum vis tenu-essendi objectivum formali omnino æqualem is, causã esse dicat, se, suamque demonstrandi viam requirit planè prodat; sin dicat, quid planè sequitur, realem, jam ante diximus.* Idea enim, quantumvis tenuis ac exiguæ entitatis, habito ad fundamentalem Rerum existentiam respectu consideretur, Causa nihilominus exemplaris Rei faciendæ esse potest, aut certè conditio ad producendum necessaria; uti ab omnibus passim conceditur: Ergo saltem ejus perfectionis imbecillitas non obstabit, quin Causam aliquam requirat: Cum sanè majus sit Rei cujusquam *principium* esse, quàm à principio procedere: ad aliquid efficiendum *activè* concurrere, quàm ab altero causari, & *passivè* dependere. Ac proindè rectè dixit *Cartesius*: Quanquam igitur *objectivus* essendi modus longè imperfectior sit,

Q 5

non

non tamen idcirco nihil est: Quia intentionaliter est ipsum Objectum; Ens autem intentionale realitatem in genere non excludit, quemadmodum Ens Rationis, quod est Reali oppositum; sed in specie, illam duntaxat, quæ propriè fundamentalis dicitur, & in ipsis Rebus repræsentatis reperitur.

IX. AT quid ad hoc Doctor Eximius; *Quàm Objectiva autem pudet post tantum Thrausonismū in tam Realitas abjectam pusillanimitatem incidisse! Cum e-*
aliquid nim primo ingressu tanta de realitate tua obje-
est in ctiva jactaveras, ut nulla causa, nisi ipsa, qua
Mente Omnipotens fuerit, produci possit, nunc dimisso
existens. vultu, & stomacho, saltem ut nihil non sit de-
mū imploras. Quorsum dicere puderet Imaginem in speculo *nihil non esse*, quamvis Rei repræsentatæ perfectiones non æquet? Regis picturam *nihil non esse*, quamvis Rex nobiliori modo se habeat, quàm ejus Effigies coloribus adumbrata? Signum *nihil non esse*, etsi ad Signati dignitatem, aut valorem non accedat? Satis enim est, ut Imago, Pictura, & Signum realia sint, & verè existant, quatenus *nihil non esse* dicantur, & inter Entia perfecta numerentur. Similiter quamobrem Philosophum puderet asserere Ideam *nihil non esse*, etiamsi non nisi quid umbratile sit, & illius tantum similitudo existat, ad cujus notitiam nos deducit? Quantumcunque imbecillis res *Idea* fuerit, opus est, ut ab aliquo principio oriatur, nec possi.

possibile est, ut quod aliquid est, à nihilo pendeat. Una enim quæque Res, pro natura sua Causam exigit, & ex varia cujusque conditione, diversum quoque principium colligitur. Exempli gratia, si Theologis credimus, alia ratione *Virtus* à causa proficitur, quàm *Peccatum*: Nec eodem modo, si Medicos audias, Morbus initiū habet, quàm Sanitas. Ita si attendatur, quæ causa sit *Ideæ* productiva, seu unde manet illud *esse vicarium*, & quid illud constituat, non alia occurreret, quàm quæ *Rei* repræsentatæ assignatur; quoniam tota illius vicariæ Realitatis natura, quæ in *Idea* deprehenditur, in tali repræsentatione posita est, quæ certè *non nihil est*, cū Exemplar assignari possit, unde ejusmodi Repræsentatio pendeat, & à quo mutuatur, quod talis in Mente existat.

PERGIT igitur Vir Eximius, & veluti X.
Cartesio favens, Ideam nihil non esse supponit: *Euge ergo, bono sis animo, nihil non sit; quantum- Quicquid*
quid inde, an quod quoque nihil mus non sit? vis debile
semper sit montibus parturiendum? Cum ita- causam
que res tam exiles sint Ideæ, ut nihil tantum requirit si
non sint, non opus est, ut aut ad gravitatem Res est.
Jovis, aut ad partum Lucinæ opem invoces,
cū tam exilia non duriori enixu, quàm spontè
orta nascantur. Quemadmodum necessarium
non est, ut si Mus nascatur, è Montium pene-
tralibus erumpat; sed tantū si edatur,
ab aliqua Causa profluat, quia nulla perfectio,
qualis est existentia, à nihilo, sive à Re
non

non existente provenire potest. Similiter etſi ad *Jovis* graviditatem recurrendum non fit, aut *Lucina* auxilium implorandum, quatenus *Ideæ* efformentur, & Rerum vice ſubſtituantur; non propterea ultrò pullulant, & citra *Cauſam*, ſuum eſſe vicarium obtinent. Nam ſicuti Intellectus cauſa eſt Efficiens conceptus, uti operans ſuæ operationis eſt principium: Pari modo, Res concepta, vim Cauſæ Exemplaris habet, ad illum producendum, ad quem ſimili ritu refertur, quo Archetypon ad Ectypon, & vicarium ad ſuum principale. Quis autem dicet Entia illa, quæ hoc pacto producuntur, ſpontè oriri, hoc eſt, quantum Viri Clariffimi Mentem interpretari valeo, absque ulla Cauſa, nulloque præcedente principio? Nam id inſinuare videntur illius verba Sectionis præcedentis: *Ut eſſe objectivè in Intellectu, nihil aliud ſit, quàm eſſe intellectiōis objectum, quod nullam aliam cauſam exigit, quàm ut Intellectus cogitandi facultatem exerat: Cùm enim de quavis re meditari velit, ſit res ipſa absque quavis nova realitatis productione, ejus Meditationis objectum.*

XI. VERUM quidem eſt, nos pro lubitu agere, hoc eſt, nos Cauſas Idearum liberas eſſe, quatenus illæ eſſe formale habent in Intellectu, & illius ſunt Operationes: non tamen quidvis de objectis cogitare valemus; ſive Libertas Contrarietatis, & ad actus ſpecificationem nobis deeſt: Nam eùm *Ideæ* cauſa

A nobis non pendet, ut res aliter cogitentur, quàm ſunt,

causa secundum *esse vicarium* spectatæ sit necessaria, ad certam objecti Naturam concipiendam nos determinat, & de illa aliter nobis cogitare non licet. Exempli causa, *Ternarium*, qui numerus est, ex Binario & Unitate conflatus, pro arbitrato considerare non possumus, ita compositum, aut non ita compositum: Sed necessario sub priori ratione; sic ut siue talis Numerus extra Mentem nostram existat, siue non existat, ejus Definitio certa sit, quæ ejus essentiam, seu formalem rationem exprimit, & cui neque addi, neque detrahi à nobis quicquam possit. Nam quod *Ternarius* ex tribus unitatibus componatur, quod ter sumptus novem conficiat, & quod in se ductus viginti septem, &c. ita in Ternario contineri perspicue & distincte deprehendimus, ut à Mente nostra non pendeat; sed *Ternarium* illis Proprietatibus insigniri concipimus, siue tales esse velimus, siue nolumus. Simili modo in potestate nostra non est, *Ens* summè *Perfectum* ut existens, aut ut non existens cogitare: aut Omnipotens, aut imbecille, aut Sapiens, aut ignarum; sed necessario semper existens, summè potens, summè sapiens à nobis cogitatur. Adeo ut *Ideæ*, quæ rerum sunt Repræsentationes, non spontè nascantur, ut Clarissimo Viro placet, sed à Rebus, quarum *Ideæ* sunt, proficiantur. Et illud est, quod docet Philosophus initio Meditationis Quintæ: Invenio

venio apud me innumeras Ideas quarundam Rerum etiamſi extra me fortasſe nullibi exiſtant, non tamen dici poſſunt nihil eſſe: & quamvis à me quodammodò ad arbitrium cogitentur, non tamen à me finguntur, ſed ſuas habent veras & immutabiles naturas.

XII.

*Id mani-
feſtum fit
exemplo
Trianguli.*

EXEMPLI cauſa, cùm *Triangulum* imaginor, etſi fortasſe talis Figura nullibi gentium extra Cogitationem meam exiſtat, nec unquam extiterit, eſt tamen proſectò determinata quædam ejus natura, ſive eſſentia, ſive forma immutabilis & æterna, quæ à me efficta non eſt, nec à Mente mea dependet, ut patet ex eo, quòd demonſtrari poſſint variæ proprietates de iſto *Triangulo*, nempe quòd ejus tres Anguli ſint æquales duobus rectis: quòd maximo ejus Angulo maximum latus ſubtendatur; & ſimiles, quas velim nolim clarè nunc agnoſco, etiamſi de iis nullo modo antea cogitârim, cùm *Triangulum* imaginatus ſum, nec proinde à me fuerint effictæ.

XIII.

REPETIT poſtmodum præclarus Theologus, quo pacto Dei Idea *Carteſio* adveniret à ſua rit, ſumpto ſcilicet à Mentis ſuæ argumento. Cùm enim *Subſtantiam* quandam eſſe te deprecognitione hendas, quædam *Naturæ Perfectione* præditâ, ad Dei notionem quodammodo ſtabilem, aliquamdiu duraturâ, quædam intelligentem, atque efficere potentem; harum omnium perfectionum meditationi ſi diu incubueris, ſex dierum ſpatio, aut ſaltem

tem quanto ovīs gallinæ incubant, *Substantiæ infinitæ, æternæ, independentis, omniscia, omnipotentis Ideam* facile conficias. Enimvero quidni Mentem suam intimius considerando, in Substantiæ cujusdam Infinitæ, Æternæ, Independentis, &c. notitiam deveniret? Quomodo enim se existentem spectare vallet, ni & illicò in suæ originis *Principium* assurgat? Nam à quo Mens ipsa foret, ni *Deus* illam procreasset? An fortè ejus est virtutis, ut à se oriri possit? Sive an ea est Mentis humanæ natura, ut ad existendum nulla Causa indigeat? Si ita esset, nec dubitaret, nec optaret, nec quicquam omninò illi deesse animadverteret. Omnes siquidem *Perfectiones*, quas clara cognitione assequeretur, sibi concederet, atque ita ipsa met *Deus* esset. Quippe cùm *Res Cogitans* in Bonum evidenter sibi cognitum imnota voluntate tendat, non potest non illas perfectiones, quibus destituitur, sibi statim largiri, si penes illam sunt, hoc est, si illas obtinere potis est. Verùm, cùm Mens experiatur, se quibusdam Perfectionibus acquirendis imparem esse, imò imbecillitatis ingentis conscia sit, summum Opificem agnoscit, cujus *Ideam* in se reperit, tanquam Imaginem in tabula inscriptam. Lumine enim naturali notissimum est, Rem illam, quæ aliquid perfectius se novit, à se non esse, sed ab alio.

XIV. ALTERAM Difficultatem Eximius Theologus ingerit circa Dei *Ideam*, quam ex nominis Perfectionibus efformari posse autumat, juxta id, quod sibi solvendum proponit *Philosophus* Meditatione Tertia. Exuperior, inquit, jam cognitionem meam paulatim augeri, nec video quid obstat, quominus ita magis & magis augeatur in infinitum; nec etiam cur sic aucta cognitione, non possim ejus ope, reliquas Dei perfectiones omnes adipisci; nec denique cur potentia ad istas perfectiones, si jam in me est, non sufficiat ad illarum *Ideam* producendam. Ita *Cartesius*. Clarissimus Vir autem in eundem sensum, quamvis verbis dissimilibus, sic objicit: *Cum enim tua Natura perfectioni, quousque potes, alios, aliosque perfectionis gradus accumulaveris, rei, quam concipis, Ideam, infinitam apellas, solummodò quod nullum meditandi finem invenias? atque isthac unica infinitatis Idea est, quod quantumcunque adauxeris, semper tamen deficias, atque aliquid ultra quàm quòd tu cogitare potes, addi posse fatearis.* Respondet *Cartesius*, nihil horum esse posse: Nam primò, ut verum sit Cognitionem meam gradatim augeri, nihil tamen horum ad cogitationem de Deo pertinet, utpote in qua nulla includitur perfectio, quæ tantum *possibilis* sit, sive quæ esse possit, & revera nondum sit præsens: Sed contrà omnes Dei perfectiones in ea Cogitatione mihi exhibentur, tanquam *actu* semper Deo præsentes,

sentes, atque ita præsentes, ut earum nulla unquam possit, vel ad momentum temporis abesse. Atque hoc ipsum alia perfectione gradatim augeri, sive melius ac majus paulatim fieri, certum est Imperfectionis & mutabilitatis indicium, quæ in Ente summe perfectio, & mutabilitatis experte cogitari non possunt,

PRÆTEREA concesso, quòd *Cognitio* XV.
 mea usque & usque augeatur, majorque & *OmnisCo-*
 major indies evadat, nihilominus intelligo, *gitatio, so-*
 nunquam *actu*, seu revera fore ut infinita sit, *la de Deo*
 quoniam nunquam tanta erit, ut non sit ma- *cognitione*
 joris incrementi capax. Eodem modo quo *excepta,*
 me docuerunt *Arithmetici*, numerum posse *potest sem-*
 usque & usque augeri, cumque ideò po- *per an-*
 tentia Infinitum esse, addentes, nullum ta- *geri.*
 men esse tantum, quin Unitatis adjectione,
 major fieri queat. E contrario Deum non
 sic *Potentia* tantum Infinitum judico, ut nu-
 merum, & id genus alia, quæ Indefinita ap-
 pellantur, quod finis in iis non deprehen-
 dantur; sed *actu*, revera, & propriè Infini-
 tum dicitur, quia omnibus rebus finem ha-
 bentibus, innumeris modis majorem cog-
 nosco, hoc est, sic Infinitum, ut nihil om-
 ninò ejus perfectioni addi possit; nam Inf-
 nitum tantumdem valet ac *perfectissimum*,
 hoc est, quo majus ac melius cogitari
 nihil potest.

CAPUT VIGESIMUM.

De clara & distincta Dei Attributorum notitia, & quòd hæc à Parentibus, aut ab Institutione non proveniat.

I.
Dei Attributa ab
essentia
Divina,
nec à se
invicem
sunt separabilia.

UT effossis Fundamentis, facile quod superstruitur Ædificium corrui, & Radice avulsa, arbor in Terram spontè delabitur; Ita Eximius Doctor, è Mentibus nostris Dei Ideam abegissè ratus, nullo Molimine opus esse arbitratur, ut eas quoque illius Attributorum cognitione exuat, persuadeatque, quæ cum comitantur perfectiones, non tam ab humano Intellectu attingi, quàm ab eo pro arbitrato effingi. Etenim si omnia Dei *Attributa* aliud non sunt, quàm tot partiales, & inadæquati unius & ejusdem Entis Summi *conceptus*, qui ob humani Intellectus imbecillitatem, simul & semel apprehendi non possunt; rem peregisse sibi visus est Vir Clarissimus, ubi Deum per Ideam concipi non posse ostendit, ac proinde tales esse ejus perfectiones, ut Intellectum quemcumque Creatum fugiant. Omnia siquidem in Deo Attributa, non aliter à nobis considerari possunt, quàm & ab ejus *Essentia* inseparabilia, & à se invicem prorsus individua. Quippe nec Optimam Voluntatem à Potentia Efficacissima, nec Misericordiam à Justitia, nec Sapientiam ab Infinitate, nec denique ullam perfectionem ab alia ejusdem perfectione, ulla ratione divellere ac separare possumus. SED

SED quia *Æternitas* præcipuum est At-
tributum, quod ante omnia considerandum *Duratio*
venit, nullam illius notionem nobis occur- non ingre-
rere prætendit. Cum deinde, inquit eadem ditur con-
Sectione vigesima secunda, *aternam dicis ceptum*
durationem, eam, quæ nunquam exorsa, aut Æternita-
desitura est, animo comprehensam non habes, tis.
sed solum agnoscis quotcunque annorum mil-
lia tecum cogitaveris, durationis neque ini-
tium, neque finem cogitare te posse, atque
isthac tua Æternitatis Idea. Primum, in
propria persona loqui debuisset Clarissimus
Doctor, hoc pacto: Cum deinde *aternam*
dico durationem, eam, quæ, &c. Quia nul-
libi quod sciam Philosophus *Æternitatem*
Duratioem nominavit, quæ nunquam exor-
sa, aut desitura est: Hæc enim duo Concep-
tibus discrepant; cum unum Essentiæ, aliud
Existentiæ duntaxat attributum sit. Est
enim *Duratio* Attributum, sub quo Rerum
creatarum Existentiæ, prout in sua actualita-
te perseverant, concipitur. Cum qua nihil
prorsus commune habet *Æternitas*, quæ
Attributum est, sub quo Infinitam Dei Exi-
stentiam intelligimus. Omnis enim *Duratio*
Successionem involvit, sive effluxum à præ-
terito per præsens in futurum, ob Rei, cui
competit, dependentiam, quæ talis est, ut
omnes ejus Realitates, quas animo agnosci-
mus, non omnes simul ponantur, sed unæ
post alias, prout summo omnium Modera-
tori visum est.

III. *In Duratione plus imperfectio- nis quam per- fectionis includi- tur.* AT quis non videt, in tali Durationis *Succeſſione*, plus imperfectio- nis, quàm per- fectionis includi? Quippe quod præteritum est, esse desiit; quod futurum est, adhuc non est; & solum volucre quoddam momentum superest, quo Res istis subiecta actu frui- tur. Quomodo autem *Succeſſio*, & effluxus in Deo concipietur, cùm omnia, quæ illius sunt, *unum* sint, & sub perfectissima & In- dependenti Cogitatione comprehendantur. Quàm à Ratione alienum est, quòd *Æterni- tas* infinitorum momentorum series consti- tuatur, quæ principio carentia, ita cursum suum peragant, ut nullum fluendi terminum adipiscantur? An non hoc pacto *Imperfectio- nes* Deo adscribuntur? Nam cui *Succeſſio* competit, omnia in eo simul & semel esse non possunt, ac proinde limitatæ sint natu- ræ necessum est. Quod enim distendi, ac prolongari concipitur, haud necessariò exi- stit, sive non absolutè est, sed tantum sub conditione, ut reproducatur, qua sublata, in nihilum relaberetur. Cùm igitur Dei Exi- stentia in præteritum devenire nequeat, cùm sit perfectissima, neque talis est illius præ- sens status, qui re aliqua ad postmodum exi- stendum indigeat, nulla ei *Duratio* convenit, sed *Æternitas*, qua Deum, seipsum, seu Essentiam suam totam independentem, & perfectissimè *semel* possidet.

IV. *Æterni- tas Deo competere demon- stratur.*

AT talem aternam Durationem, inquit Clarissimus Vir, quæ nunquam exorsa, aut desi-

desitura est, animo comprehensam non habes.
 Quanquam ob Mentis nostræ imbecillitatem, ejusq; naturæ imperfectionem, *adequatam* & perfectam Æternitatis Ideam habere nequeamus, ambigi tamen non potest, quin aliqua ejus Notio occurrat, quamdiu de illa demonstrare possumus, quod ad Substantiam aliquam pertineat, eamque solam, quæ perfectæ ac immutabilis est Naturæ. Quia certè posito quod jam *unus* existat Deus, hoc est, Ens summè perfectum, sive Infinitum, efficace prorsus, & immutabili consequentia, inferri videmus, eundem illum Deum, & ab æterno existitisse, & in æternum perman surum. Nam quid hac *Demonstratione* clarius: Deus est Res summè perfecta, cùm nullum defectum, sive perfectionis limitationem involvit, ex quo sequitur illum necessariò existere? Si enim limitata Existentia illi assignetur, ejus Existentiæ limites necessariò si non à nobis, saltem ab ipso Deo intelligi debent; quia est summè Intelligens; quare Deus ultra illos limites, hoc est, *Ens summè perfectum* non Existentem intelliget, quod est absurdum; quandoquidem Deus ex sola ejus Naturæ consideratione cognoscatur: Ergo Deus non limitatam, sed Infinitam habet Existentiam, quam Æternitatem vocamus: Deus igitur est Æternus. Quis enim animo non capit, in eo, qui maximè Ens est, sive Ens simpliciter, initium, aut finis reperiri non posse;

ac proinde mera existendi Æternitas in eo intelligi necessum esse. Quoniam qui *Initium* apprehendit, primum in eo non esse, dein esse intelligit, & qui Finem mente concipit, is intelligit non esse post esse, sic ut illud quodammodo comitetur: Verum, in Ente simpliciter, nullum non esse agnoscere potest, sive ante, sive post statuatur esse: Ergo, &c.

V.
Clarè cog-
noscitur
summam
Intelligen-
tiam Deo
conveni-
re.

UT nullum Æternitatis conceptum haberi posse Doctissimus Theologus inficiatur; ita neque summam Intelligentiam, & Omnipotentiam, de Deo nullatenus demonstrari posse declarat. *Quod idem de Omnipotentia, Omniscientia, aliisque quibuscunque perfectionibus, quas tuæ Numinis Idea tribuis, dicendum est.* Profectò Deum summe Intelligentem esse, adeò lumine Naturali evidens est, ut de illo Cogitationem habere non possumus, quin & illud Attributum occurrat. Nam cum *Intelligentia* perfectionem includat, & Deus Ens perfectissimum sit, nullaque perfectione carere possit, *Scientia* summo gradu erit Deo assignanda; talis scilicet, quæ nullam Ignorantiam, sive Scientiæ privationem supponat; quia tunc in ipso Attributo, sive in Deo imperfectio reperiretur. Hinc sequitur, Dei Intellectionem ab ejus Essentia haud distingui, cum perfectissima sit cogitatio, ac proinde eam ipsi esse naturalem, ut nullis rebus Creatis communicari possit, cum tantæ perfectio-

nis

nis capaces non sint: Sed id omne Deum esse, qui Deum comprehendit, seu adæquatè intelligit. Quòd si quædam *alia* à Deo noscantur, non tamen ab illo necessario noscuntur: sed à libera ejus *Voluntate* pendet, quod illa attingat, quandoquidem fieri potuerit, ut illa non nosceret, qualiter ab illo nunc intelliguntur.

SIMILI modo de Dei Omnipotentia disserendum est, cùm fieri nequaquam possit, *Omnipotentia* ut Deum omni perfectione instructum consideremus, quin & summè *potentem* quoque *adeò Deo* agnoscamus. Est enim in nobis Idea tantæ *essentialis*, potentia, ut certi simus res omnes vi ejus *ut nulla* *placiti* existere; sive quia summo numini vi- *res concipi nequit*, sum est, eas non tantum veras constituere, *qua ab eo* aut earum Ideas concipere: sed ut omnem *non pendeat* suam *realitatem* ab eo mutuarentur, & velut umbras ac repræsentationes sui placiti se exhiberent. Quippe Rationes omnes, ut benè animadvertit *Cartesius*, primo *Volunt. Epist. Epistola Octava*, quæ Dei Existenti-
 am probant, illamque primam esse, & Immutabilem Causam omnium effectuum, qui à libero Hominum arbitrio non pendent, mihi videntur probare illum etiam esse Causam *actionum* omnium, quæ à libero arbitrio pendent. Non enim potest demonstrari quòd existat, nisi consideretur ut Ens summè perfectum; non esset autem summè perfectum, si quid in Mundo fieri posset, quod ab illo omninò non procederet. Ve-

rum quidem est, sola Fide doceri nos, quid sit *Gratia* illa, per quam Deus ad Beatitudinem Supernaturalem nos evehit: sed ex sola naturali philosophia colligere licet, non posse animum humanum, vel minimam Cogitationem subire, quin velit Deus, & ab æterno voluerit, ut subiret.

VII. OMNIPOTENTIA enim adeò essentialiter est Divinæ Cogitationi Attributum, ut à nemine in dubium vocari possit; nisi cui Animus pendet, an Deus omnes perfectiones includat, seu Enti, quod perfectissimum habetur, aliquid desit. Nam etsi Rerum Creatarum essentiali, seu potius *conceptus*, quos de illis habet Deus, illius rationem non ingradientur, ac proinde eorum negatio, non necessario Divinæ essentiali negationem inferat: Ex suppositione tamen, quòd summè perfectus sit, & Res hoc aut illo modo esse voluerit; sequitur, aut eas ita esse, aut si non sint, statuitur eas noluisse, qui eas voluisse dicitur, quod *hypothesi* adversatur; aut si voluit, non esse Ens summè perfectum asseritur: quoniam hoc pacto statueretur ei aliquid deesse, non quòd illi peregrina Entia deficerent, utpote quæ ad ejus Naturam non spectent: sed quòd ejus *Voluntati* ad ea ponenda vis, & efficacia deesset, cui tamen propositum esset, ut extra se constituerentur. Enimverò quomodo illud perfectissimum censeretur, à cujus libertate non penderet, ut *Rex* existerent, & quæ etiam

valdè

valdè imperfecta sunt, extra se ponere non valeret?

AD id, quod subjungit Vir Clarissimus: VIII.

Quamquam ne nimium tibi assenteris, te tam prolixa, & profunda Meditatione Dei Ideam, quam tuam esse jactitas, ex imis tuis ipsius visceribus effodisse; Id quoque nego, eam enim diu ante te natum Viri docti expolivere, & ab eis nomina, quibus usi sunt, ipse accepisti, quid autem rei significant, an intellexeris, nimiam suspicionis causam dedisti, cum ea nunquam explicare conatus sis, neque ut coneris, quavis importunitate induci velis. Observavi in præcedentibus, Cartesium Doctrinæ novitatem non affectare; sed veterum potius vestigiis hærentem, nihil moliri, quod ab illis antè receptum non fuerit; quemadmodum ipsemet manifestat in Responsione ad septimas Objectiones: Neque ullam unquam, inquit, ex novitate mearum Opinionum laudem quæsi: Nam contrà ipsas omnium antiquissimas puto, quia verissimas. Et nulli rei magis soleo studere, quàm simplicissimis quibusdam Veritatibus animadvertendis, quæ cum Mentibus nostris sint innata, statim atque alius admonetur, non putat se illas unquam ignorasse.

SED quantumcunque id profiteatur Cartesius, quantoque Ingenii acumine præstiterit, ut cuicunque animum seriò applicuerit, ut loquitur præclarus Theologus, in illius naturam tantum, quantum fortassè quispiam

Nihil docet Cartesius, quod non sit veterum opinionibus conforme.

IX.

Dei Idea

nobis à

parenti-

bis, aut

magistris

communibus

aliis capitur,

alius penetrare posset; in animum tamen inducere non valet, quòd veram Dei *Ideam* unquam habuerit; sed quicquid de illo noverit, vel per Traditionem, vel per rerum Observationem hausisse. *Ut ut verò fuerit*, ait, quicquid de Deo intelligendum est, id satis, superque tibi demonstravi, qui aut ab aliis discendo, aut propriam naturam contemplando, absque quovis Numinis afflatu *Ideam* fabricari potueris: & si passis, quid de tua tam jactata, & plusquam Mathematica demonstratione fiat, rursum tu ipse videas. Certè talem *Ideam* à Parentibus depromere non potuimus; nam cum illorum Natura à nostra non discrepet, non alia via, quàm nos comparare eam potuerunt: Et licet Doctrina, quâ à Magistris imbuti sumus, causa esse possit, ut res, quæ ad nos spectant, aut nobis extraneæ sunt, accuratius exploremus, atque ita ad Dei *Ideam*, quam Mentibus nostris ingentiam, antea diximus, attendamus; ipsa tamen Institutio talem Entis Infiniti notitiam suppeditare nobis non potuit. Quia quamvis ante omnem *Institutionem*, in nobis Facultas esset, Rei Infinitæ conceptum excitandi, ea tamen est Naturæ nostræ imbecillitas, ut Infinitum concipiendi omnino impares essemus: quemadmodum nunc potentia intelligendi aliquam naturam destituti sumus, quæ cum Rebus jam productis nullam affinitatem habet, quantumvis *possibilis* sit, & à Deo creari queat. Longè enim minor Cog-

natio

natio intercedit inter naturam Dei Infinitam, & Creaturam finitam, quàm inter Ens jam productum, & à nobis cognitum, & naturam *possibilem*, sed à Rebus omnibus creatis distinctam; cum nihil omnino sit, quod de Deo & Creaturis univocè prædicetur.

PRÆTEREA, unde illi, qui nos erudierunt, Dei conceptum sibi compararunt; *Non ex* cum neque in *ipsis*, neque in toto universo *Rerum ob-*prehendatur, quod illos ad Infiniti noti-*servatione* tiam deucat? Nam licet ex ingenti illa, *vel tradi-*quam contemplamur, Mundi *Machina*, dari *tione ag-*Deum comprobetur, sed quis, & qualis ille *nosci po-*Deus sit, de quo omnes conveniunt, id ex *est qualis* nullius Creaturæ intuitu deprehendimus: *Dem sit.* Imò ex hac Mundi Fabrica, nunquam ad illius Authorem Deum deveniremus, si Entis Infiniti *Idea innata* nobis non esset, & ab illo non dimanaret. Hinc Cartesius *Regio*, in quodam programme statuente *Ideam Menti insitam esse*, *vel ex Divina Revelatione*, *vel Traditione*, *vel rerum Observatione*, ita respondet, Illius assertionis errorem facilius agnoscemus, si consideremus, aliquid dici posse ex alio esse, vel quia hoc aliud est causa ejus *proxima* & primaria, sine qua esse non potest; vel quia est *remota* & accidentaria duntaxat, quæ nempe primariæ occasione dat, suum effectum uno tempore produci potius quàm altero. Sic *Artifices* omnes primariæ & proximæ operum suorum sunt Causæ; Qui vero jubent, vel mercedem promittunt,

tunt, ut illa faciant, sunt Causæ Accidentariæ, & *remotæ*, qui fortassis nisi iussi non facerent. Non autem dubium est, quin *Traditio*, vel rerum Observatio, sæpè remota Causa sit, nos invitans, ut ad Ideam, quam de Deo habere possumus, attendamus, illamque Cogitationi nostræ præsentem exhibeamus. Quod autem sit Causa proxima istius Ideæ effectrix, à nemine dici potest, nisi ab eo, qui putat nihil à nobis de Deo unquam intelligi, nisi quale sit hoc nomen, DEUS, vel qualis sit Figura Corporea, quæ nobis ad repræsentandum Deum à *picloribus* exhibetur.

XI. QUIPPE Observatio, si per *Visum* fiat, *Nihil Sensus nobis exhibere possunt, quod Deum referat.* nihil propria vi sua, Menti præter picturas exhibet, & quidem picturas ex sola motuum quorundam Corporeorum varietate constantes: Si per *Auditum*, nihil præter verba & voces: Si verò per alios *Sensus*, nihil in ea habetur, quod ad Deum referri possit. Et sanè quòd Visus nihil præter *picturas*, nec Auditus præter *voces* vel sonos, propriè ac per se exhibeat, unicuique est manifestum: Adeò ut illa omnia, quæ præter istas voces, vel picturas cogitamus, tanquam earum significata, nobis per Ideas repræsententur, non aliunde advenientes, quàm à nostra Cogitandi Facultate, ac proinde cum illa nobis innatas, hoc est, *potentia* nobis semper inexistentes: Esse enim in aliqua Facultate, non est, esse *actu*, sed potentia duntaxat,

taxat, quia ipsum Facultatis nomen nihil aliud quam potentiam designat. Quòd verò de Deo nihil præter nomen, vel effigiem corpoream cognoscere possimus, nemo potest affirmare, nisi qui se apertè Atheum, atque etiam omni Intellectu destitutum, fateatur.

CAPUT VIGESIMUM PRIMUM.

Cogitatio de Ente Infinito, à Mente nostra, quæ Finita est, effingi non potest.

SECTIONE vigesima Tertia, Vir Eximius ad Realitatis *objectivæ* Ideæ Examen revertitur, se nihil adhuc effecisse arbitratus, ni illam ad interitum prosequatur, & desumptis etiam ex *Cartesio* viribus, è medio tollat. Primùm itaque philosophum interrogationibus adoritur, poscitque, ut quid *Objectivæ* Realitatis nomine intelligat, manifestum faciat. *An Substantia?* inquit, *Atqui te priùs inficiatum esse audivimus. An substantiæ modus?* id quoque negas. *At si neutrum sit, tenuissimum, & admodum exiguum quiddam esse necesse est. Quid ergo? an Mentis actio?* neque isthac quidem. Jamdudum ad nihilum penè devenimus. Si autem neque substantia, neque illius aut modus, aut actio sit; miror grande istuc quid tandem esse possit. Ne itaque rumpamur, Oraculum edas. Auscultate ergo; responsa dat *Apollinis Sacerdos*. Est mentis operationis modus.

I.

Investigatur quid sit realitas objectivæ Idea.

SATIS

II.
*Realitas
 objectiva
 non est
 modus o-
 perationis
 mentis.*

SATIS attentè, quantum saltem Ingenii mei imbecillitas patitur, *Cartesii* opera legi relegique; verùm, hæc ultima verba, quæ *Cartesii* esse affirmat, nullibi me vidisse recordor. Imò Philosophus pluribus in locis contrarium tradit, dum ait *Objectivam* Ideæ Realitatem, esse entitatem Rei repræsentatæ per Ideam, quatenus est in Idea; Dum ait illam à Re concepta, tanquam ab Exemplari efficiente proficisci. Dum eam, *Perfectionem* Objectivam, vel Artificium objectivum appellat. Si igitur adeò agilis est Vir Clarissimus, ut per omnes, in quos correpit Philosophus, cuniculos sequatur, in quo antro hæc Realitativæ objectivæ Definitio, *Mentis operationis modus*, delitescit? Cum *Cartesius* ex professo, duplicem realitatem, seu perfectionem in omni Idea consideret: Unam *formalem*, seu propriam, quatenus est *Mentis* operatio. Alteram *objectivam*, seu esse vicarium, quatenus est Rei cogitatæ Imago, seu quatenus ejus loco est, & vicem ejus præstat. Et cum inter *Mentis* operationes, nullum discrimen agnoscat, sed solùm inter Repræsentationes, seu picturas, quæ Res nobis exhibent, quomodo fieri potest, ut Realitas Objectiva *Mentis* operationis modus sit? Quandoquidem Idea, qua *Sol*, exempli causa, *Menti* obversatur, diversa sit ab Idea, quæ *Lapidem*, aut *Hominem* eidem objicit? Si *Mentis* operationis modus, ab alio *mentis* modo

non

non distinguitur, non est igitur Realitas ob-
jectiva Mentis operationis modus: sed po-
tius Mentis perfectio, & tanto nobilior,
quanto res meliores illi sistit.

ITA igitur mecum dubius cū hære- IV.
rem, quid præclarum Theologum ad tale *Mens fi-*
quid *Cartesio* imputandum adegerit, fortè *nita non*
in Gassendi Instantias adversus Cartesii Me- *potest ex*
taphysicam incidi, in quibus me quicquam *se habere,*
simile olim animadvertisse memoria sugge- *quòd rem*
rebat, nec fefellit, nam in Instantia pri- *Infinitam*
ma post Dubitationem quintam tertiæ Me- *cogitet.*
ditationis, hæc verba offendi: *Jam verò*
Idea per te, estne substantia? Dicis mani-
festè esse modum, imò & modum dicis non sub-
stantia, sed operationis, quæ ipsa est modus.
Igitur ipsa Realitas erit quidem modus, sed
non poterit Realitas dici. Dignum profe-
ctò fuit, ut Discipulus Magistri sui placita
sequatur, & vera autumet, quæ verè dicta
esse ab eo arbitratur. Unde mihi Animus
non est, inutili sermone, ad omnia re-
spondere, quæ contra hunc modum, cum-
que, ut vocat, *tenuissimum* prosequitur:
sit cuique uti cogitandi, ita & scribendi li-
bertas. Non enim ut Virum Clarissimum
quacumque in re carpam, hanc Apologiam
aggredior; sed ut servatis ubique humani-
tatis legibus, Difficultates tollam, quæ *Car-*
tesii Doctrinam aliqua caligine aspergere
videntur.

IV.

Mens finita non potest ex se habere, quòdrem Infinitam cogitet.

SED ad Rem à Viro Eximio, in hujus Sectionis titulo potissimum intentam revertamur. Ubi igitur diu pro arbitrato, Quæstionibus suis Respondentem philosophum constituit: *Bellè quidem!* inquit, *Annon mens ipsa plus perfectionis, quàm suæ operationes habet; suæque operationes, quàm earum modi? Quidni ergo suis viribus producat? et si producere valeat, quid sodes opus est, cælo Deum evocare? An nondum vides quantum tibi subtilitate tua illuseris?* Nequaquam. Nam etsi Mens humana Operationibus suis supergrediatur, & *Modos*, à quibus afficitur, dignitate excedat, suis tamen viribus Ideam, quæ Deum, hoc est, Substantiam Infinitam repræsentet, producere non valet. Nam quamvis penes illam sit, ut de *Substantia* cogitet, cum ipsa vera substantia sit, & verè existens: quòd autem de Substantia Infinita, hoc est, summè perfectà cogitet, non id à se obtinet, nec obtinere potest, cum ipsa sit *Finita*. Nec in illa, utpote imperfecta, Rei perfectissimæ repræsentatio, sive imitatio, sive imago quæcunq; reperiri posset, nisi ab Ente summè perfectò, velut à Causa efficiente *exemplari* revera emanaret, ac proficisceretur.

V.

Sumpto à piktore exemplo ostenditur, mentem finitum non posse formare ideam rei infinita.

RES fortè dilucidius exemplo declarabitur: pone *piktorem* dari, turpi ac inamœna facie, qui singularem *Veneris* vultum in tabula expresserit: quod pingat, habet ex eo quòd piktore est: quod humanam faciem perficiat,

ficiat, à suo vultu, per speculum conspecto
mutuari potest: quod verò speciosissimam
artificio exornet, cum à sua id depromere
non potuerit, quam inhonestam esse suppo-
nimus, necessum est, ut aliunde proveniat,
nempe vel ab *Ingenii* præstantia, mentisque
sue perfectione; vel ex eo, quòd *Puellam* mi-
ræ speciei alicubi existentem intuitus sit; vel
dein ex eo, quòd separatas in diversis fa-
ciebus *perfectiões* consideravit, & in una
conjunxerit. Cum verò Mens, quæ de Deo
cogitat, nihil in se reperiat, quod perfectio-
nem per suam Cogitationem exhibitam ad-
æquet, multo minus excedat; neque ullas
summas perfectiões, quas in Deo junctas
animadvertit, nullis in Rebus sparsis repe-
riat; superest ut *Attributa* summè perfectæ
in aliquo revera existente, quem Animo ap-
prehendit, inveniat. Imò Intellectualis visio
talis Rei existentis, aliud non est, quàm Dei
Idea, hoc est, summè perfecti in ipsa repræ-
sentatio, ac proinde humana Mens, Ideam
de Deo nullaratione producere potest, hoc
est, non potest esse Exemplar istius Idæ, qua-
tenus illi Rem infinitam repræsentat; quia
hoc esse *objectivum* non se habet ut vicarium
illius esse tanquam principalis.

VI.

Ex eo
quod ha-
beamus
rei infini-

FRUSTRA præclarus Vir cum quibus-
dam opponet Rem Cogitantem finitam, Sub-
stantiæ Infinitæ conceptum habere posse, etsi
ipse à Substantia Infinita non proficiscatur: cum nobis
Quippe ex eo ipso, quòd se tanquam *Fini-*
tam cere,

tam quandam Substantiam agnoscit, per hoc necesse est, ut Substantiæ Infinitæ notionem habeat, utpote quam se non esse deprehendit: aliquid enim *finitum* esse agnoscere, idem esse videtur ac cognoscere, aliquid non esse Infinitum. Sicut è diverso concipere aliquid esse Infinitum, est concipere non esse finitum. Verum quidem est, si illud, *Finitum esse*, accuratè perpendatur, Infiniti absentiam & negationem denotare, ac propterea ex eo, quòd humana Mens, sub hoc titulo, quatenus Finita, se apprehendit, jam præsupponatur in se Infiniti quoque *notionem* reperire, non quòd Mens ipsa Ideæ exemplaris causa sit, seu quòd sui Ideam quodammodo negativam (in quantum scilicet plurimas perfectiones sibi deesse animadvertit) habere non possit, nisi positivam Infiniti Ideam, qua perfectissima quæque sibi repræsentat, in se prius habeat. Malè tamen quis inde inferret Infiniti conceptum, à *Finiti* conceptu pendere; quemadmodum neque positiva Entis intellectio, à negativa non entis intellectio pendet; sed potius è diverso, negativa hujus conceptio, à positiva illius conceptione, tanquam ex remotione Causæ Exemplaris proficiscitur.

VII. Et hanc fuisse *Philosophi* Mentem, ex illius verbis Meditatione tertia colligi potest. Manifestè intelligo plus realitatis esse in Substantia infinita, quàm in finita, ac proinde priorem quodammodo in me esse perceptionem

nem Infiniti, quàm finiti, hoc est, Dei quàm mei ipsius: qua enim ratione intelligerem me dubitare, me cupere, hoc est, aliquid mihi deesse, & me non esse omninò perfectum, si nulla Idea Entis perfectioris in me esset, ex cuius comparatione defectus meos agnoscerem? Nam licet Entis Infiniti *Idea*, hoc est, ejus Rei, quæ omnes prorsus perfectiones complectitur, Entis finiti, hoc est, ejus Rei, quæ aliquibus duntaxat perfectionibus instructa est, Ideam contineat, non autem vice versa, in Rei finitæ idea, Rei Infinitæ idea continetur.

URGEBIT forsassis Vir Eximius: Si Dei VIII.
cognitio, mei cognitionem antecedit, cur *Unde fit,*
antea, ex Mentis meæ contemplatione, Dei *ut Dei I-*
existentiam deduxi, cum *præmissæ* priores *dea nostra*
notioresque esse debeant, quàm quæ ex il- *mentis*
lis colligitur Conclusio. *ideã præ-*

RESPONDEO, Mentem nostram *Tem-* *cedat, cum*
poris ordine, prius se positivo quodam modo *ex hujus*
apprehendere, in quantum ex positivis *In-* *existentia,*
tellectionis, affirmationis, &c. actibus, qui ad *illius exi-*
Cogitationem referuntur, suæ Existentiæ *stentia*
certitudinem adipiscitur. Mox verò ubi in- *probetur.*
genitam hisce actibus imperfectionem depre-
hendit, *negativa* quadam ratione se cognos-
cit, & demum notitiam præstantiæ, & *Nat-*
uræ ordine, positiva Dei conceptio ante-
cedit, utpote Entis primi ac perfectissimi. Ni-
hil certè inter Theologos frequentius, quàm
Sacras Scripturas, prius quàm Dei naturam

explicandam suscipere; quamvis Dei cognitio illarum intellectiōem præcedat, & ipsis vim, authoritatemq; conciliet. Quidni igitur pariratione Menti nostræ, cui inscriptam Dei *Imaginem* experimur, ejus existentiam demonstrare liceat, etiamsi Deus non solum Menti anteponatur, sed etiam aliqua Dei perfectio, cuidam Mentis nostræ perceptioni præferatur.

IX. Cum Vir Clarissimus, *objectivam* Ideæ *Formale* Realitatem, ab operandi Modo non distinguat, & utramque hanc rationem in idem principium relegend, mirum non est, si quemadmodum proprium & *formale* à Mente produci, ita & ejus vicarium, seu objectivum ab eadem provenire asserat. *Dicas ergo, inquit, an re ipsa discrepant? Non, inquit: bene ergo se res habet. Quidni enim ipsa causa, quæ formalem producere valet, valeat & objectivam? Quo jam te vertes? si enim ipsius Ideæ realitas à sola Intellectrice mentis facultate proveniat, Mens cum fueris acutissima, distinguas, quæ quoquo modo objectiva, si (ut ipsa definiveris) eadem fuerit, ab eadem provenire non possit.* Optandum foret, ut Vir Eximius verba ipsa, quæ ex Cartesio immediate ante adduxit, paulo attentius perpendisset. Quippe nihil, meo judicio, potest illi esse magis adversum. Nempe quatenus Ideæ istæ tantum cogitandi quidem *Modi* sunt, inter ipsas nullam inæqualitatem agnosco, sed quatenus una unam rem, alia aliam repræ-

repræsentat, easdem ab invicem valdè diversas esse patet, diversasque, pro diversa *Objeutorum* perfectione, perfectiones obtinere; atque adeò secundum *esse formale* ab Intellectu, at secundum *esse objectivum*, à solo Deo fieri potuerunt. Quid clarius adferri potest, ad Mentis operationem, à Rei repræsentatione discernendam? Quis secundum Philosophum esse formale Ideæ, cum ejus esse objectivo confundetur, cum expressè doceat, diversos esse Realitatis sive entitatis gradus: Nam *Substantia*, prout in eodem loco observat, plus realitatis involvit, quàm *modus*, & *Substantia Infinita*, quàm *finita*.

OBIECTIVA enim Idearum nostrarum X.
 Realitas Causam requirit, in qua eadem ipsa realitas, non tantum objectivè, sed formaliter, vel eminenter contineatur. Ex quo conclusit Philosophus, Substantiam Cogitantem finitam, Ideam Substantiæ Infinitæ habere non posse, nisi hæc Idea à Substantia, quæ reverà Infinita est, proveniat: quia aliud *Exemplar*, ex quo desumpta est, habere non potest, cum summæ perfectiones, quæ Menti nostræ per Ideam exhibentur, nec formaliter, nec eminenter in alia Re, quàm in Deo *actu* inveniuntur. Nam si quis sciscitetur, undenam *Homo* suæ Cogitationis & Corporis ideas habeat, nemo non videt, illum eas ex se formaliter nimirum omne, quod Ideæ objectivè continente, habere.

Quare si Homo aliquam ideam haberet, quæ plus realitatis *objectivæ* complecteretur, quàm ipse *formalis*: Necessariò naturali lumine impulsus, aliam Causam extra Hominem ipsum, vestigaremus. Nec ullius unquam aliam præter hanc Causam assignavit, quam æquè clarè & distinctè conceperit. Quia cum Realitatis gradus, quos in Ideis deprehendimus, non in Ideis sint, quatenus tanquam cogitandi Modi considerantur, ut dictum antea est; sed quatenus *una* Substantiam, *alia* Modum tantùm Substantiæ repræsentat, seu uno verbo, quatenus ut rerum Imagines considerantur: hinc clarè sequitur Idearum nullam aliam primam Causam dari posse, præter illam, quam omnes lumine naturali perspicuè & distinctè intelligere, modò ostendebamus, nempe in qua eadem ipsa Realitas, quam habent objectivè, formaliter vel eminenter continetur.

XI. UNDE quæ Vir Eximius subjungit, nullo
Res à Car. nituntur fundamento, nam aliud est rogare
tesio consi- cur Triangulus è tribus Angulis, & quadra-
derantur tum è quatuor constet? Cur bis ter sex effici-
prout sunt ant, cur ligo ligo sit, & denique Dævus Dæ-
in mente, vus, non Oedipus: quàm quærere, quid effi-
 ciat hanc Ideam hoc objectivum potius, quàm
 quodvis aliud repræsentare? Quia non hîc
 agitur de Rebus extra Intellectum positis;
 sed de ipsis, prout in Mente per Ideam repræ-
 sentantur; quibus licet Causa opus non sit,
 ut extra Cogitationem nostram existant;
 ipsis

ipsis tamen causa opus est, ut concipiantur, & de hac sola Quæstio movetur. Nam quemadmodum *Regis* effigies Coloribus expolita, causam Exemplarem exigit: Pari modo Rei cujusque Imago, seu exhibitio in Mente, Exemplar aliquod postulat verum, & reale. Aliàs si quicquam in Cogitationibus nostris reperiatur, quod in illius causa *Exemplari* non fuerit, id igitur à *nihilo* proveniret, quod contingere impossibile est: cum nulla Res, neque ulla perfectio actu existens, potest habere *nihil*, sive rem non existentem pro suæ existentiae Causa, seu principio. Unde rectè concluditur, quòd si Realitas repræsentativa alicujus ex meis Cogitationibus tanta sit, ut exploratum habeam, eam in Mente mea nec formaliter, seu æquè perfectè, nec eminenter, seu perfectiori modo esse, nec proinde me ejus ipsius Cogitationis causam Exemplarem esse posse; hinc necessariò sequi, me non solum in Mundo esse, sed *Ens* aliud, quod Cogitationis istius *Exemplar* sit, etiam existere.

MANIFESTUM igitur evadit, Ideam, XII. quæcumque illa sit, ab aliqua Causa Reali *Causa* proficisci, atque objectivam suam perfectionem ab illa depromere: ac idcirco haud satis ad illud attendisse Eximius Theologus *transmittitur in* videtur, dum ait: Si enim penes Mentis imperium sit, quales vult, actiones elicere, cur Ideam, non etiam & suarum actionum modos? Cum nihil aliud sit, quàm de re quaque suo modo

S 4

cogi-

cogitare. Nisi velis, cum de Machina quavis, si placet, ipse cogitareris; ipsam machinam sui Ideam, ut Deum sui in te transfusisse. Adeo ut si novum forte Horologii artificium inveneris, id ab ipso Horologio acceptum esse velles: Si velles, qui se in te efficere posset neque intelligere; neque dicere posset. Necessarium non est, ut Cogitationis causa Exemplaris, aliquid in eam transfundat, quemadmodum Sal, exempli gratia, calorem suum Corporibus nostris impertit; quoniam ea est Cogitationis, quatenus Mentis operatio est, natura, ut ejusmodi perfectionem à Mente cogitante habeat, qualem calor à Sole calefaciente obtinet, hoc est principalem, seu originalem, in quantum verò Rei cognitæ Imago, cogitatio est, nullam realitatem à Mente sortitur, sed eam habere debet ab aliqua Causa, in qua tantumdem sit ad minimum perfectionis realis, quantum ipsa continet objectivæ. Quare si quis in intellectu Machinæ alicujus, puta Horologii affabrè exstructi Ideam habeat, meritò quæri potest, quænam ejus Ideæ sit causa: non tali quæstioni satisfaciet, qui dicet, Intellectum ipsum esse ejus Causam, nempe ut suæ operationis (quatenus illi Ideæ dat esse formale & proprium) de hac enim re non dubitatur; sed tantum de causa Artificii Objectivi, quod in ea est. Nam quòd hæc Idea Machinæ tale Artificium objectivum potius contineat, quàm aliud, hoc est, quòd

quòd hoc potiùs, quàm illud repræsentet, hoc profectò ab aliqua Causa exemplari, vel Exemplaris vicem præstante habere debet; estque respectu hujus Ideæ artificium objectivum, quod respectu Ideæ Dei est Realitas objectiva.

Et quidem hujus Artificii Causa varia assignari potest: Vel enim est realis aliqua talis *Machina* priùs visa, ad cujus similitudinem Idea ista facta est; Vel magna *Mechanica* scientia, quæ est in illo Intellectu: Vel fortè magna *Ingenii* subtilitas, cujus ope, etiam sine prævia scientia potuit illam adinvenire. Notandum quoque est, quod omne Artificium, quod in talis Machinæ Idea est tantum objectivè, necessariò debere esse in ejus causa, qualiscumque tandem illa sit vel formaliter, vel eminenter; & idem etiam de Realitate objectiva, quæ est in Idea Dei esse putandum. In quonam verò hæc ita erit, nisi in *Deo* realiter existente? Sive in qua Causa, summa illa perfectio per Ideam Dei in Mente exhibita, nisi in Deo continebitur, cum in nulla Re aliquid esse possit, summis perfectionibus eminentius, nec possint summæ perfectiones, nisi in *Ente* summè perfectò reperiri.

XIII.

Variæ potest esse causa machinæ in intellectu exhibita.



CAPUT VIGESIMUM SECUNDUM.

Existentia Dei, ab Essentia Divina conceptu rectè inferitur.

I.
Ex sum-
ma Dei
perfectio-
nis consi-
deratione
inferitur
Deum
existere.

CUM Rerum veritates à nostris cogitationibus potissimum desumamus, nihilque aliud ad probandum certas proprietates cuidam Rei competere requiratur, quàm ut eas in illius conceptu clarè & distinctè contineri percipiamus, rectè intulit *Cartesius*, Deum actu existere, sive in ejus Idea, utpote entis summè perfecti *necessariam* ac perfectam Existentiam involvi. Argumentum ab eodem in hac fere forma proponitur: Quod clarè & distinctè intelligimus ad alicujus Rei veram & immutabilem naturam, seu essentiam pertinere; Id potest de ea Re & verè & certò affirmari: Sed postquam satis accuratè investigavimus quid sit Deus, clarè & distinctè intelligimus ad ejus veram & immutabilem Naturam pertinere ut existat: Ergo tunc & constanter verè possumus de Deo affirmare, quòd existat. *Major* adeò evidens est, ut vix aliter manifestentur, quæ per se nota sunt: Nam licet perceptio mea, causa non sit, cur aliquid tale sit, est tamen causa cur tale esse judicem, cùm revera aliter judicare non debeam, quàm intelligo. Verùm, causa, cur hoc ita percipiam, est ipsa Rei natura, quæ Intellectum meum sic determinat, & impellit. Id quod assumitur, ex Dei Idea,

sive

sive Definitione, quæ est hæc, *Ens summè perfectum*, probatur. Quippe Rem summè perfectam Mente concipere non valemus, quin eam existere omninò intelligamus, quandoquidem Existencia maxima est perfectio; imo nihil à nobis distinctè percipi potest, nisi id existentiam saltem possibilem habere intelligatur.

At, quid ad hoc Argumentum Vir Clarissimus? *Alterum*, inquit, *jam superest subtilius quid ejusdem Sophisma, quod quinto die ceps die excogitavit. Sic igitur quinto die meditatur: Per Ideam Dei clarè & distinctè intelligo Ens summè perfectum, &c.* Sed quibus fallax & Sophisticum hoc Argumentum apparet, iis solùm profectò, qui Existentiam in Deo, ab ejusdem Essentia secernunt, & quæstionem *quid est*, à quæstione, *an est*, separant. Sed eos animadvertere decet illam quidem distinctionem in omnibus Rebus creatis valere, quæ esse, & non esse queunt, semperque aliundè pendent; at talia Distinctio ad Deum, hoc est, ad Rem Increatam & Independentem applicari non potest, cum citra *Existentiam*, absque aperta in conceptu contradictione cogitari non possit. Qui enim Deum Ens esse perfectissimum dicit, non modò ejus *Essentiam* animo concipit, sed simul in eodem conceptu inclusam *Existentiam* intelligit. Quippe si existentia destituatur, id, quod omnem perfectio-

II.

In Dei
conceptu
necessaria
existentia
includi-
tur.

nem

nem complectitur, aliqua perfectione carebit, quod contradictionem implicat.

III. *De ratione entis summè perfecti est, ut existat.* QUARE igitur sicuti à nobis concipi non potest, *Mons* sine valle, aut *Numerus ternarius*, negata ejus imparitate: Ita Deus, hoc est, Ens, cui omnes insunt perfectiones, mente apprehendi non potest, exclusa existendi æternitate, hoc est, cui desit hæc perfectio. Quæ quidem tam aperta Intellectus apprehensio fortissimè nos impellit, ut Deum necessariò, & semper existere asseramus, neq; aliter judicare aut possumus, aut debemus, nisi rationem exuere, aut nobis ipsis adversari, judicio à perceptione dissidente, velimus. Hinc *Cartesius* Dissertatione de Methodo, pag. 23. Quamvis satis viderem si supponamus, exempli causa, dari aliquod *Triangulum*, ejus tres Angulos necessariò fore æquales duobus rectis; nihil tamen videbam, quod me certum redderet, aliquod *Triangulum* in Mundo esse. At contra cum reverterer ad Ideam Entis perfecti, quæ in me erat, statim intellexi *existentiam* in ea contineri, eadem ratione, qua in Idea *Trianguli* æqualitas trium ejus Angulorum cum duobus rectis continetur; vel ut in Idea *Circuli*, æqualis à Centro distantia omnium ejus circumferentiæ partium, vel etiam adhuc evidentius; ac proinde ad minimū æque certum esse Deum, qui est illud Ens perfectum, existere, quàm ulla *Geometrica* demonstratio esse potest.

EA est hujus Argumenti vis, ut nullam ei rationem Vir Clarissimus opponat, sed veluti ei assensum præberet, optat duntaxat, ut *Potest ab attributo Philosophus*, à Rebus Creatis potius ad Ens *rum in* summè perfectum viam fecisset, quò paratius *creatis si-* ad illius existentiam perveniret. *Et quidem, militandi-* ait, *si res finitas gradum quendam, & aditum ne, ad* ad perfectiones infinitas posuerat, *me aver-* *Dei ideam* sum, aut reclamantem non habuisset, cum ista *perveniri.* via facile ab imo ad summum perfectionis gradum pervenire possimus. Sume enim rem quamlibet, quæ facta sit, unde interrogo, an à se? Atqui ita fuisset, antequam esset. An ab alio? Istud igitur aut factum, aut infectum; si primum, idem rogo; si posterius, rem summè perfectam attigi. Quid hac differendi ratione Vir Eximius moliatur, non apprime concipio. Nam quid illud adversus *Cartesium*, qui eadem prorsus argumentandi ratione utitur Meditatione tertia; Icirco si Res Cogitans, ideamque quandam Dei in me habens, qualiscumq; tandem mei causa assignetur, illam etiam esse Rem Cogitantem, & omnium perfectionum, quas Deo tribuo, Ideam habere fatendum est: potestque de illa rursus quæri, an sit à se, vel ab alia; nam si à se, patet ex dictis, illam ipsam Deum esse, quia nempe cum vim habeat per se existendi, habet proculdubio etiam vim possidendi *acta* omnes perfectiones, quarum Ideam in se habet, hoc est, omnes, quas in Deo esse concipio. Si autem sit *ab alia*, rursus eodem modo, de hac

de hac altera quæretur, an sit à se, vel ab alia, donec tandem ad Causam ultimam deveniatur, quæ erit Deus. Satis enim apertum est, nullum hic dari posse progressum in infinitum, præsertim cum non tantum de de *Causa*, quæ me olim produxit, hic agam, sed maximè etiam de *illa*, quæ me tempore præsentis conservat. Quid Viri Clarissimi Argumento magis affine adferri potest? Quæ, obsecrò, inter utrumque disparitas? nisi fortè quòd *Cartesii* argumentum apertius, validiusque concludat, & ad existentiam Dei probandam magis conducat.

V. SI autem velit magnus Theologus à Re-
Ut licet à bus finitis ad infinitas perfectiones aditum
perfectio- parari; exempli causa, ex eo quòd in no-
nibus cre- bis aliquid insit *Sapientie, Bonitatis, Po-*
atis ad *tentie, Quantitatis, &c.* Ideam Infinitæ
Dei perfe- vel saltem indefinitæ sapientie, bonitatis,
ctiones potentie, & aliarum perfectionum, quæ Deo
ascendere. tribuuntur, formare possimus, hoc totum
 lubentes concedimus, & forte alia non est
 in Idea Dei, quàm quæ hoc pacto formatur.
 Sed tota vis Cartesiani argumenti est, quod
 contendat se non posse talis esse naturæ,
 ut illas *perfectiones*, quæ minutæ in illo sunt,
 in infinitum extendere queat per Cogitatio-
 nem, nisi originem nostram haberemus ab
Ente, in quo actu infinitæ reperiuntur; ut
 neque ex inspectione exiguæ quantita-
 tis, sive Corporis finiti, quantitatem inde-
 finitam concipere possemus, nisi Mundi
 Magni-

Magnitudo etiam esset, vel saltem esse posset indefinita.

INTERIM miror, cur Vir Clarissimus, VI. *Proponi-*
Cartesio tantum deroget, dum ait, illum ex so- *tur Argu-*
 la summi Numinis perfectione, ejus Existen- *mentum*
 tiam deduxisse; cum eam ex eo, quod Dei *ex D.*
 Idea in nobis sit, & ex eo, quod nos ipsi ejus *Thoma*
 Ideam habentes existamus, validissimis Ra- *pro Dei*
 tionibus demonstraverit. Cum verò Philoso- *existentia,*
phus, inquit, *viam contrariam ingressus fue-*
rit, ut à sola summa perfectionis ratione ad rea-
lem Dei Existentiam perveniret, neque ini-
tium, neque exitū invenit; sed antrorsum, re-
trorsum se versans, tandem ipsa sophismatis
subtilitate se ipse perdidit. Hæc quidem libera
 Viri Doctissimi assertio, sed citra probatio-
 nem. Sed quia, sumptum à Dei naturæ confi-
 deratione Argumentum pro ejus existentia,
 quibusdam fallax & sophisticum videtur, ad
 hanc suspicionem firmandam, D. *Thoma A-*
quinatis autoritate utitur, qui Sum. part. 1.
 Quæst. 2. Artic. 1. inquit, an Deum esse sit
 per se notum, secundum nos, hoc est, an
 unicuique sit obvium? Quod negat, & me-
 ritò. Sed argumentum contra se objicit, &
 ita proponitur: *Intellecto quid significet*
hoc nomen Deus, statim habetur, quod Deus
est, significatur enim hoc nomine id, quo
majus significari non potest. Majus au-
tem est, quod est in Re, & in Intellectu,
quàm quod est in Intellectu tantum: Un-
de cum intellecto hoc nomine, Deus sit
statim

statim in Intellectu, sequitur etiam quod sit in re.

VII. *Ad quod respondens Angelicus Doctor, ita suo argu. differt: Dato, quod quilibet intelligat hoc nomen D. mine, Deus, quo majus cogitari non potest. Thomas Non tamen propter hoc sequitur, quod intelligat id, quod significatur per nomen Dei, esse respondet. in rerum natura, sed in apprehensione tantum. Nec potest argui, quod sit in re, nisi daretur, quod sit in re aliquid, quod majus cogitari non potest: quod non est datum à ponentibus Deum esse: Qua Responsione arbitratur Vir Clarissimus, Cartesii Argumentum penitus evanescere: quia etiamsi Res summè perfecta, suo nomine ipso, existentiam inferat, non tamen sequitur, quod talis existentia in rerum natura actu aliquid sit, sed tantummodò quod cum Idea Rei perfectissimæ, existentia Idea jungatur. Ex quo haud benè concluditur Dei existentia actu quid esse, nisi Res illa perfectissima actu existere supponatur.*

VIII. *SEd respondet Philosophus, Argumentum in forma peccare, cum concludi tantum debuisset: Ergo intellecto, quid significet hoc nomen, Deus, intelligitur significari, Deum esse in re, & intellectu: Atqui quod verbo significatur, non idèò apparet esse verum; Cartesii autem Argumentum tale fuit. Quod clarè & distinctè intelligimus, pertinere ad alicujus Rei veram & immutabilem naturam, seu essentiam, sive formam, id potest de ea*

de ea re cum veritate affirmari: Sed postquam satis accuratè investigavimus quid sit Deus, clarè & distinctè intelligimus ad ejus veram & immutabilem naturam pertinere, ut existat; ergo tunc cum veritate possumus de Deo affirmare, quòd existat. Ubi saltem Conclusio rectè procedit. Sed neque etiam *Major* potest negari, quia supponitur illud omne, quod clarè & distinctè intelligimus, verum esse. Sola *Minor* restat, in qua fateor esse Difficultatem non parvam: *Primo*, quia sumus tam assueti in reliquis omnibus Essentiam ab Existentiâ distinguere, ut non satis advertamus, quo pacto ad Essentiam Dei potiùs, quàm aliarum rerum pertineat. Ac *deinde* quia non distinguentes ea, quæ ad veram & immutabilem alicujus Rei Essentiam pertinent, ab iis, quæ non nisi per figmentum Intellectus ei attribuantur, etiamsi satis advertamus, Existentiâ ad Dei Essentiam pertinere, non tamen inde concludimus, Deum existere, quia nescimus, an ejus Essentia sit immutabilis & vera, an à nobis tantum efficta.

Sed ut prima hujus Difficultatis pars tollatur, est distinguendum inter Existentiâ possibilem & necessariam; notandumque in eorum quidem omnium, quæ clarè & distinctè intelliguntur, conceptu *Ideæ*, existentiâ possibilem contineri: sed nullibi necessariam, nisi in sola Dei Ideâ. Qui enim ad hanc diversitatem, quæ est inter Dei Ideam, & reliquas omnes diligenter attendet, non dubito, quin sint percepturi, etiamsi cæteras quidem res nunquam intelligamus nisi tanquam exi-

IX.

*Existentiâ
necessaria
in solo Dei
conceptu
includi-
tur.*

stentes, non tamen illas existere inde sequi, sed tantummodo posse existere: quia non intelligimus necesse esse, ut actualis Existentia cum aliis ipsarum proprietatibus conjuncta sit. Ex hoc autem quod intelligamus existentiam actualem necessario & semper cum reliquis Dei Attributis esse conjunctam, sequi omnino Deum existere.

X.

Obijciur
existentiā
tantum
Deo com-
petere sub
conditio-
ne.

ETSI hoc Attributum, *necessario existens*, in subiecti hujus, Dei, definitione contineatur, & impossibile sit, ut quod summè perfectum est, non necessario existat: vult tamen Vir Eximius hanc perfectionem, non nisi sub conditione competere, supposito nimirum, quòd actu existens sit. *Quamquam autem precipuus Sophismatis nodus est, quòd cum dicitur, res summè perfecta rectè & occulta quadam enuntiatione, subiecto copuletur attributum, adeò ut rei summa perfectio non minus attribuat, quàm si aperte dicerem, esse rem summè perfectam, quatenus suppressa solum copulationis voce, rei isti summa perfectio tribuatur secundum id, quod ut caveamus, monent Dialectici, complexum subiectum cujusvis propositionis semper esse assertionem hypotheticam. Ut res necessaria necessario existat, hoc est, si sit res necessaria; Chimæra existens existit, hoc est, si sit Chimæra existens; ita res summè perfecta, si quippiam tale sit, existit.*

XI.

Cum in
Dei Idea
existentia
includa-

HÆC propositio: Quod in alicujus rei Idea seu conceptu includitur, id ipsum de ea verum est, certissima est, quacumque etiam conditione submotā. Id inductione probari potest. Nam si habere tres Angulos æquales duobus

duobus rectis, ad *Trianguli* naturam pertinet, affirmari potest *Triangulum* habere tres Angulos duobus rectis æquales. Si in Idea *Quinarum* duo & tria contineantur; ergo verum erit, quinque esse duo & tria. Si in *Totius* conceptu includatur, quod partes habeat: Igitur verum est, *Totum* partes includere, &c. Ergo similiter si in Idea Entis simpliciter, seu Entis Realissimi, essendi *necessitas* contineatur, verum est Deum necessario existere. Nam si aliquando potuerit non existere, hoc est, si aliquando inter non entia recenseri potuerit, profectò non esset Ens maxime, sive simpliciter, quia perfectius cogitari potest, id nimirum, quod necessario semper fuit, & necessario semper erit. Unde sicuti in *Exemplis* assignatis, actualis Existencia non præsupponitur, sed *possibilis* duntaxat infertur, ita in hac Argumentatione: Quod in alicujus rei Idea continetur, id ipsum affirmari potest: atqui Existencia *necessaria* in Idea Dei continetur: ergo potest necessaria Existencia cum veritate de Deo affirmari: Non necessaria Existencia præsupponitur, sed infertur, ac proinde falsum est, quod in rei alicujus Idea continetur, id posse verè de illa affirmari, *præsupposito quod existat.*

SIMILITER non legitime concludit præclarus Theologus, dum ait: *Atque adeò si rei Existencia cuilibet quodvis Attributum, quod existencia necessaria notionem aut exprimit, aut includit, ad junxeris, idem de eadem pari jure concluderis: uti si materia ipsi materia Attributum, Necessaria, aut à se competere, existens, aut summe perfecta adjungas, an non*

XII.

statim sequitur, ipsam materiam existere? Si illi respondeatur, ad Materia Ideam existendi necessitatem, aut necessariam existentiam non pertinere. Urget illicò Vir Clarissimus: An verò non ad materiae necessariò existentis Ideam? Ut enim tu summam perfectionem Numinis, ita nos existendi necessitatem Materia Attributum effecimus, quod cum fiat, eadem qua tu via ad conclusionem ducit. Advertendū est cum Philosopho in Responsione ad primas Objectiones, illas Ideas, quæ non continent veras & immutabiles naturas, sed tantum fictitias, & ab Intellectu compositas, ab eodem Intellectu non per abstractionem tantum, sed per claram & distinctam operationem dividi posse, adeò ut illa, quæ sic Intellectus dividere non potest, proculdubio ab ipso non fuerint composita. Ut, exempli causa, dum cogito Equum alatum, vel Materiam actu existentem, vel Triangulum Quadrato inscriptum, facilè intelligo, me etiam ex adverso posse cogitare Equum sine alis, Materiam non existentem, Triangulum sine quadrato, & talia, nec proinde illa veras & immutabiles habere naturas.

XIII. Si verò cogito Triangulum, vel Quadratum, tunc certè quæcumque in Idea Trianguli contineri deprehendam, ut quòd ejus tres Anguli sint æquales duobus rectis, &c. de Triangulo cum veritate affirmabo, & de Quadrato quæcumque in Idea Quadrati reperiam; etsi enim possim intelligere Triangulum abstrahendo ab eo, quòd ejus tres Anguli æquales sint duobus rectis, non possum ta-

men de eo id negare, per claram & distinctam operationem, hoc est, rectè intelligendo hoc quod dico. At si in Idea *Corporis* summè perfecti Existentiam contineri considerem, concludere non possum Corpus illud summè perfectum existere, sed tantummodò existere posse. Satis enim animadverto, Ideam istam ab ipsomet meo Intellectu omnes corporeas perfectiones simul jungente fuisse conflatam, existentiamque ex aliis *corporeis* perfectionibus non exurgere, quia de illis æquè potest negari atque affirmari. Quinimò ex eo, quòd ideam *Corporis* examinando, nullam in eo vim esse percipio, per quam seipsum producat, sive conservet, rectè concludo Existentiam *necessariam*, de qua sola hîc quæstio est, non magis ad Corporis, quantumvis perfecti naturam pertinere, quàm ad Montis naturam pertinet, ut Vallem non habeat; vel ad naturam Trianguli, ut Angulos non habeat duob⁹ rectis majores.

XIV.

NUNC autem si quæramus non de *Materia* *Deus concipi non* five Corpore, sed de Re, qualiscumque tandem illa sit, quæ eas omnes perfectiones habeat, quæ simul esse possunt, an *Existentia* *potest, nisi ut existens.* inter illas sit numeranda. Prima quidem fronte dubitabimus; quia cùm Mens nostra, quæ Finita est, non soleat illas nisi separatas considerare, non statim fortassè advertet, quàm necessariò inter se conjunctæ sunt. Atqui si attentè examinemus, an *Enti* summè potenti competat Existentia, & qualis, poterimus clarè & distinctè percipere primò illi saltem *possibilem* Existentiam competere, quemad-

modum reliquis omnibus aliis Rebus, quarum distincta Idea in nobis est, etiam iis, quæ per Intellectus figmentum componuntur. Deinde quia cogitare non possumus ejus Existentiam esse possibilem, quin simul etiam ad immensam ejus potentiam attendentes agnoscamus illud propria sua vi posse existerē, hinc concludemus ipsum revera existerē, atque ab æterno extitisse: est enim lumine naturali notissimum, *id*, quod propria sua vi potest existerē, semper existerē. Atque ita intelligemus Existentiam *Necessariam* in Idea Entis summè potentis contineri, non per Intellectus figmentum; sed quia pertinet ad veram & immutabilem naturam talis Entis, ut existat: Nec non etiam facilè percipiemus illud Ens summè potens non posse non habere in se omnes alias *Perfectiones*, quæ in Dei Idea continentur, adeo ut illæ absque ullo Intellectus figmento, & ex natura sua simul junctæ sint, atque in Deo existant.

XV.

*Athei re-
rum igna-
vi appa-
rent, dum
existenti-
am neces-
sariam
materia
tribuunt.*

NIHIL in Viri Clarissimi rem facit, quod Athei soli materiæ, cùm existendi necessitatem, tum summam, quæ esse potest, perfectionem tribuendam esse arbitrantur. Neque enim, inquit, naturalem aliam rei cujusvis perfectionem cogitari posse intelligunt, præter solidam ipsius substantiæ molem, & si quas alias esse putamus, factitias esse omnes inquirunt, quæ Materiæ motu, situ, & ordine oriuntur & occidunt. Si Athei Entis summi nomen, pro ut omnem perfectionem significat, ad Ens Corporeum transferant, ut sensus sit, *Materiam ens esse*, in quo omnes perfectiones reperi-

reperiuntur, se ejus naturæ rudes ac ignaros esse ostendunt: quoniam ipsa Materiæ Compositio multas imperfectiones involvit: Ut quòd Corpus in partes divisibile sit; quòd unaquæque pars ejus ab alia distinguatur; quòd Materia ex partib⁹ integrantibus constitutatur: Et similes, quæ summæ, quæ esse potest, perfectioni tribui non possunt; cùm per se notum sit, majorem perfectionem esse non dividi, quàm dividi, Ens simplex esse, quàm compositum, &c.

NON obest, quod nonnulli *Cartesii* Rationibus non penitus convincantur, imò illius argumentum ad Dei Existentiam probandā, pro Sophismate accipiant, quemadmodum insinuat Vir Clarissimus; *Denique tametsi quadam fuisset in Argumento subtilitas & acumen, nemo tamen est, quin etiamsi nodum solvere non poterat, se illaqueatum potius & fraude captum, quàm ratione victum suspicaretur.* At, unde id oritur? Non Argumenti vitio, aut imbecillitate, cùm reverà si probandi modus spectetur, ad *Mathematici* vim accedat, etsi qui ejus subtilitate illaqueatos se experiantur, id provenit, quod nimia claritate, mentis oculos, tanta luce nondum assuetos perstringat, qui antea non nisi Rerum *Sensibilium* exemplis illustrati, consuetudine & Regulis minùs rectis malè ducebantur. Unde Philosophus tales in *Præfatiuncula* ad suas Meditationes, admonet, si aliquem fructum ex earum lectione consequi volunt, ut Mentem à Rerum Corporearum contubernio immunem tueantur, & ad Rationum vim

XVI.

Quod alii qui Cartesii rationibus non convincantur, id provenit, quòd ad earum scientiam non sedulo attendant.

ac nexum sedulò attendant. Quin etiam nullis Author sum, inquit, ut hæc legant, nisi tantùm iis, qui seriò, mecum meditari, Mentemque à Sensibus, simulque ab omnibus præjudiciis abducere poterunt, ac volent, quales non nisi admodum paucos reperiri satis scio. Quantum autem ad illos, qui Rationum mearum seriem & nexum comprehendere non curantes, in singulas tantùm Clausulas, ut multis in more est, argutari studebunt, non magnum ex hujus Scripti lectione fructum sunt percepturi: Et quamvis fortè in multis cavillandi occasionem inveniant, non facilè tamèn aliquid, quod urgeat aut Responsione dignum sit, objicient.

INDEX Prior Capitum, quæ in hac Apologia continentur.

Prefatio ad Atheos.

I.

Cap. I. Cur non nisi pauci Cartesii principia, & deductæ ex eis Veritates percipiant.

32.

Cap. II. Qui Sceptici, quidque docuerint, & an inter illos sit Cartesius numerandus.

42.

Cap. III. Omnes propemodum Philosophi, à Dubitatione ad Veritatis inquisitionem processerunt.

51.

Cap. IV. De Cartesiâ Dubitatione. & maximo ejus in prima Philosophia usu.

58.

Cap. V. Rectè Cartesius, ob Errores, quibus Sensus fuit obnoxius, de Rebus Materialibus, præsertim particularibus, dubitare aggressus est.

67.

Cap. VI. Qua ratione, Cartesius Res generales, & Mathematicas Veritates in dubium vocavit.

78.

Cap. VII. Non frustra Cartesium, malignum quendam Genium supposuisse, ad Rerum Dubitationem validius firmandam.

88.

Cap. VIII. Ut primum omnis Scientia fundamentum Cartesius invenit, & quale illud sit.

102.

Cap. IX.



- C I X.** De Criterio, siue nota indubitata Vera Certitudinis. 120.
- Cap. X. Summa cum Ratione Mentem à Corpore distin-
ctam Cartesius comprobavit. 121.
- Cap. XI. Ostenditur Cartesium ritè à Dei potentia,
Mentis à Corpore diversitatem desumpsisse. 133.
- Cap. XII. Solam Mentem, hoc est, Substantiam Spiri-
tualem, non autem Corpus posse cogitare. 141.
- Cap. XIII. Deus sub nulla specie, aut Forma materiali,
Menti nostra occurrit. 154.
- Cap. XIV. Ostenditur Cartesium Divinam Substantiam
Cogitationem, seu Ideam habuisse. 166.
- Cap. XV. Ingenitam esse omnibus Hominibus de Deo co-
gitandi Facultatem. 178.
- Cap. XVI. De Dei Veracitate, & quod Hominibus im-
ponere nullatenus possit 191.
- Cap. XVII. Deus quamvis Infinitus, per Ideam fini-
tam, à nobis cognosci potest. 202.
- Cap. XVIII. Realitas objectiva, siue Cogitationum
nostrarum esse objectivum non est nihil, Verum aliquid
in ipsis reale & perfectum. 220.
- Cap. XIX. Realitas Objectiva Idea Dei etiamsi Forma-
lem non aquet, tamè Dei Existentià optimè concludit. 237.
- Cap. XX. De clara & distincta Dei Attributorum
notitia, & quod hac à Parentibus, aut ab Institutione
non proveniat. 252.
- Cap. XXI. Cogitatio de Ente Infinito, à Mente nostra,
qua Finita est, effingi non potest. 263.
- Cap. XXII. Existencia Dei, ab Essentia Divina concepta
rectè infertur. 276.

I N D E X

Posterior Rerum Præcipuarum.

A.

- A** Cataleptici qui? 49.
- Actus cogitativi omninè distincti sunt ab actibus ex-
tensionis. 143.
- Æternitas Deo competere demonstratur. 254.
- Antiquitas. Ejus magna apud quosdam æstimatio. 32.
- Aristoteles dubitationem utilem ac necessariam esse cen-
suit. ss. quod ex ejus scriptis Metaphysicis colligitur. ss.
- Ars. Semper bonas sequitur artium conditores. 340.
- Athei. Præfatio ad eos, 1. & seqq.

T 5

Attili

Attributa omnia possunt in dubium vocari. 79. **quomodo**
et modum distinguuntur. 139.

C.

CArneades dubitationem tuitus est;

132.

Cartesius. Cur non nisi pauci ejus **Principia** & dedu-
 ctas ex iis Veritates percipiant. 32. quid Parkerum mo-
 verit ad scribendum contra ipsum. 33. cur & quibusdam,
 ut par est, non aestimetur. 35. praclatorum virorum te-
 stimonia de eo. 35. qui ejus doctrinam semel **amplexi**
 sunt, eam semper tuerentur. 37. cur ejus rationes Meta-
 physica non ab omnibus percipiantur, ib. à quibus suas
 Meditationes legi optet. 41. Ejus adversarii non tam
 malitiosi sunt, quàm ignari. 41. Et si ejus meditationes
 non ab omnibus capiantur, non tamen **ab eis** scriben-
 dis abstinere debuit. 42. Eum Parkerus Scepticus annu-
 merat. 42. 47. vindicatur à Scepticismo. 47. Ejus de-
 creta, quibus ostenditur Scepticum non fuisse. 48. quo-
 modo à Sceptico differat. 50. quem ob finem de rebus
 omnibus primum dubitaverit 58. Ejus methodus ab om-
 nibus in Veritatis investigatione sequenda. 66. immeritò
 inter scepticos numeratur. 67. Rectè ob errores, quibus
 sensus sunt obnoxii, rebus materialibus, praesertim par-
 ticularibus, dubitare aggressus est. 67. quid eum moverit
 ad Vocandum in dubium generales rerum affectiones. 78.
 quare ratione ipsi licuerit de Veritatibus Mathematicis du-
 bitare. 84. 86. non dubitavit, ut in dubitatione mane-
 ret. 92. ejus optima methodus ad scientia fundamenta
 eruenda. 92. quomodo omnis scientia fundamentum in-
 venerit, & quale illud sit. 101. ostendit, se Dogmaticum
 esse. 106. ritè à Dei potentia, Mentis à corpore diversa-
 tem desumpsit. 133. inter alias Ideas, Dei ideam in se re-
 perit. 134. quid Dei nomine intelligat Cartesius, 137. Di-
 vina substantia cogitationem seu Ideam habuit. 166.
 quid Cartesius intellexerit per innatam Dei Ideam. 179.
 ex consideratione sua mentis Cartesius Dei existentiam
 intulit 188. Nihil docet Cartesius, quod non sit omni-
 bus Philosophis commune. 235. Is rectè à sua mentis cog-
 nitione ad Dei notitiam pervenit. 248. nihil docet, quod
 non sit Veterum opinionibus conforme. 259.

Certitudo requiritur in iis, quae ad Veritatem spectant. 76.
 nota indubitata Vera certitudinis. 110.

Cogitatio & extensio non ejusdem rei inadequati concep-
 tus. 137. ejus natura consistit in conscientia seu cogni-
 tione

idone interna. 142. nullo modo potest corpori convenire.
 144. expert est dimensionis cujusq. 146. non potest dici
 modus corporis. 148. Deus non potest per eam perfectissi-
 me representari. 206. Omnis cogitatio, sola de Deo cogni-
 tione excepta, potest semper augeri. 251.

Cognitio, certitudo ejus ab intellectu pendet. 132. rectè
 Philosophari non possunt, qui suam cognitionem à sensi-
 bus & imaginatione tantum habent. 163. cognitiones hu-
 mana non ita à sensibus pendent, quin absque illis ha-
beriqueant. 176. ea, quam de Deo habemus, finitum est 208.
 Conceptus mentis & corporis sunt omnino distincti &
 completi. 129.

Corporea secundum Augustinum obstant, ne spiritualia
 attingamus. 174.

Corpus, quid ejus nomine intelligendum. 122. Mens &
 Corpus conceptibus planè distinguuntur. 122. non possunt
 concipi per conceptus inadquatos. 126. cur corpus quem-
 admodum mens cogitare non possit. 141. cur cogitationis
 non sit capax. 143. non potest cogitationem elicere. 145.
 distinctia inter mentem & corpus. 151. corpus incapax
 est cogitationis. 153. D.

Damnati non decipiuntur, dum putant, se ab igne tor-
queri. 199.

Deus. Ipso confusè cognita potest aliquid tribui, quod verè
 cognito non potest. 90. eo ignoto, ambigi potest de certi-
 tudine Veritatum Mathematicarum. 98. Ipse sub nulla
specie aut forma materiali Menti nostra occurrit. 154. nul-
 la specie corporea potest representari. 156. quid ejus no-
 mine intelligat Cartesius. 157. non potest sub Venerabilis
 Senis effigie nobis exhiberi. 158. Benè definitur substantia
 quadam infinita independens. 160. nosci non potest per
 aliquam speciem corpoream. 161. cum materia proprietate
 non habeat, dici nequit corporeus. 162. ipsius nomine
 audito aliud prater Vocis sonum menti ingeritur. 167. in
 ejus notione omnes gentes conveniunt. 168. per Ideam à
 nobis cognoscitur. 170. Veteres eum non potuerunt defini-
 re, priusquam ejus Ideam habuerint. 171. de eo non po-
 test fieri Sermo, nisi ejus Idea habeatur. 172. ex Scrip-
 tura & Ratione ostenditur, Dei notionem in nobis repe-
 riri. 173. ad probandum ejus existentiam nulla ratio effi-
 caciore est, quàm Cartesiana. 177. cum ejus Idea non à
 sensibus proveniat, à solo Deo menti nostra imprimitur.
 178. quid

178. quid per ejus innatam ideam intellexerit Cartesius,
 179. ejus Idea inter eas, qua nobis ingenta sunt, nume-
 tanda est. 182. ejus Idea non affirmatur ad modum uni-
 versalium. 18. Nulla est ratio, qua Deum non agnoscat.
 183. Deus etsi ratione attingi possit, non tamen tam clare
 ac per ideam 186. ejus Existentiam Cartesius ex considera-
 tione sua mentis intulit. 188. ad ejus notionem obti-
 nendam rerum Creatarum consideratio non juvat. 189.
 ex ejus Idea, quam habemus, recte concluditur, eum
 existere 190. est verax, & hominibus imponere nulla-
 tenus potest. 191. ab ejus veracitate nostra cognitionis cen-
 titudo dependet. 192. cur Deus decipere non possit. 194.
 certius est, eum mentiri non posse, quam solem interdum
 lucere. 196. repugnat eum nos posse decipere. 198. in eo
 neq; est potentia, neq; voluntas decipiendi. 199. non ad
 formale actus, sed materiale tantum concurrat. 202.
 Deus quamvis infinitus, per ideam finitam à nobis
 cognosci potest. 202. magis est intelligibilis, quam quod-
 vis aliud creatum. 205. non potest per cogitationem per-
 fectissime repraesentari. 206. clare & distincte à nobis at-
 tingitur, etsi illum non comprehendamus 213. clare &
 quoad singulas ejus perfectiones perspicue intelligi potest.
 215. ex rerum progressu deveniri non potest ad Descogni-
 tionem. ib. neq; per rerum ampliacionem. 217. ipse nul-
 latenus adequatè cognosci potest. ib. absq; Idea nullo
 modo apprehendi potest. 218. Ejus Attribute ab Essentia
 Divina, nec à se invicem sunt separabilia. 222. ejus
 Idea nobis à parentibus aut magistris communicatur. 239.
 Dogmatici philosophi qui. 43. sunt scepticis preferendi. 205.
 Dolor potest sensiri in una parte corporis, in qua nullus
 est. 207.
 Dubitatio omnibus fermè Philosophis communis. 51. So-
 crates à dubitatione rerum investigationem orsus est. ib.
 Plato dubitandi modum affectat. 52. Carneades dubita-
 tionem tuitus est. 53. utilem ac necessariam eam esse, con-
 suit Aristoteles, 55. ad verum comparandum. 56. per du-
 bitationem à sensuum erroribus cavetur. 59. quod ma-
 ximè rationi consentaneum sit, à dubitatione ordiri. 60.
 Mens dubitando se à prajudiciis liberat. 61. dubitationis
 in genere descriptio. 62. non ad res, sed ad dubitandi ra-
 tiones refertur. 62. tres sunt dubitationis utilitates. 63.
 seqq. sufficit ad dubitandum, quod rationes, qua offe-
 runtur, dubia sint. 82. per eam non rationes, sed opinio-
 nes sol-

mes tolluntur. 82. dubitatio non ad res ipsas, sed ad no-
stram cognitionem est referenda. 93. non infervit Dubita-
tio ad Dei existentiam probandam. 95. prius est de rebus
dubitandum, quam ut aliquid statuatur. 100. per hanc
regulam: quicquid clarè cognosco, verum est, tollitur
omnis dubitatio. 113.

Duratio non ingreditur conceptum Aeternitatis. 253. In ea
plus imperfectionis quam perfectionis includitur. 254.

E.

ENtitas objectiva, quantumvis tenuis, causam requirit
realem. 243.

Error noster oritur ex defectu accurata cognitionis. 215.

Essentia rerum alio modo concipi possunt, quam sunt in se. 128.

Existencia uniuscuiusq; adeo nota est, ut nullo modo de ea
dubitari possit. 102.

Extensio & cogitatio non sunt ejusdem rei inadequati con-
ceptus. 137.

F.

Falsio scientia comparanda aliquando famulatur. 88.

Fides suam certitudinem & claritatem habet. 218.

Figura & Motus quomodo absq; Corpore concipi possint 135.
non realiter sed modaliter tantum ab invicem distinguun-
tur. 136. extra subiectum concipi non possunt. 136. non
omnes figura possunt per Imaginationem attingi. 137.

G.

Geometria colligit universalia axiomata ex rebus parti-
cularibus. 110.

H.

Honor sequitur artium & scientiarum conditores. 34.

Hypotheses, hisce utuntur Mathematici & Philosophi. 39.

I.

Idea, quid per eam intelligendum. 154. possunt in caconato
esse idea colorum, & in infante in utero materno idea Dei
& sui. 165. per eam Deus à nobis cognoscitur. 170. quid
Cartesius per innatam Dei ideam intellexerit 179.
Innata idea non sunt rejicienda, quia illis aliqui abusi
sunt. 180. earum dantur tria genera, adventitia, factitia
& ingenita. 181. Dei idea inter eas, quæ nobis ingenita sunt,
numeranda est. 182. ejus idea non efformatur ad modum
universalium 182. Duo in Idea consideranda sunt, forma-
le & objectivum. 210. absq; ea Deus nullo modo apprehen-
di potest. 218. possumus claram & distinctam Dei ideam
habere, etsi Deum non comprehendamus. 219. In idea dua
sunt

sunt attendenda, ipsa Mentis operatio, & ipsa Rei representatio. 221. Idea in Deo idem sunt cum ejus essentia. 232. sunt aliquid reale in mente, & quandam Veritatem includunt. 233. Magna est differentia inter ideam & rem, per illam representatam. 234. Idea Dei à re procedere debet, quæ Verè est infinita. 240. Dei Idea nobis à parentibus aut magistris communicatur. 259. Idea substantia infinita à substantia infinita procedere debent. 271.

Imago in cerebro depicta non habet rationem idea 175. est ignobilior ipsa re, quam representat. 238.

Infideles non peccant, quod Christiani non fiant. 119.

Infinitum etsi à mente humana comprehendere non possit, potest tamen intelligi. 202. aliud est Infinitum apprehendere, & aliud comprehendere. 203. quomodo infinitas & res infinita sint in nostro intellectu. 205. Infinitas à re, quæ infinita dicitur, est distinguenda. 207. quo sensu intelligatur infinitas esse quid negativum. 211. Infinitum non includit in sua natura negationem limitationis. 213.

Intellectus. Ab eo pendet nostra cognitionis certitudo. 132. multa sunt secundum Augustinum, quæ solo intellectu percipiuntur. 164. ex eo, quod habeamus rei infinita ideam, non sequitur, Infinitum nobis innotescere. 267.

Judicium clarum rei notitiam sequitur. 212.

M.

Mathematici utuntur Hypothesibus. 59.

Mathematica Veritates, quæ ratione licuerit Cartesio de iis dubitare. 84. Mathematica demonstrationes non adeò certa sunt, ut de illis ambigi non queat. 84. exempla demonstrationum Mathematicarum, quæ non gignunt scientiam. 85. jure meritò à Cartesio de Veritatibus Mathematicis dubitatur. 86.

Mens dubitando se à præjudiciis liberat. 61. quomodo nobis innotescat distinctio Mentis à corpore. 121. quid ejus nomine intelligendum 122. ipsa & corpus conceptibus planè distinguuntur. 122. ejus conceptio potest haberi, etsi nulla demetur corpora. 123. ipsa & corpus non possunt concipi per conceptus inadæquatos. 126. plus differt à corpore, quam substantia à suis modis. 127. ex Augustino se à corpore distinctam cognoscit 132. distinctio inter eam & corpus 151. multa sunt secundum Augustinum, quæ sola mente percipiuntur. 164. mens finita non potest ex se habere, quod rem infinitam cogitet. 265.

Meta

Metaphysicæ rationes Cartesii cur non ab omnibus percipi-
antur. 37. unde pauci sint studiosi Metaphysici idonei. 38. ad res
Metaphysicas intelligendas mens à sensibus est avocanda. 39.
Modi, quomodo ab attributis distinguantur. 139. res sunt
incomplete, non a. attributa. 141.

Motus & figura quomodo absq; corpore concipi possint. 135.
non realiter, sed modaliter tantum ab invicem distinguun-
tur. 136. extra subjectum concipi non possunt. 137.

N.

Notio perfectionis, Veritatis &c est nobis à natura indi-
ta. 194.

Notitia clara quomodo acquiratur in conceptibus nostris. 119.

Numen, nulla est natio, qua non supremum aliquod nu-
men agnoscat. 184.

O.

Omnipotentia adeò Deo essentialis, ut nulla res concipi
requit, qua ab eo non pendeat. 257.

Opiniones per dubitationem tolluntur. 83

P.

Parkeras, quid enim movet ad scribendum contra Carte-
sium. 33. Cartesium Scepticus annumerat. 42. sentit,
Cartesium cum Scepticis convenire. 47. divinam provi-
dentiam stabilendo Scepticis adversatur. 105. Secundum
ipsum nulla est in nobis Idea, qua non sit in Imaginatione
depicta 156. ipse asserit, non posse à nobis ullam haberi de
Dei perfectionibus Ideam. 192.

Perfectio objectiva debet habere causam, à qua profiscia-
tur. 128.

Philosophi. Eorum secta tres inter Veteres. 43. omnes pro-
prium Philosophi à dubitatione ad Veritatis inquisitio-
nem processerunt. 51. utuntur hypothesebus 89.

Plato dubitandi modum affectat. 52 non tamen in dubita-
tione haret, sed ad cognitionem pergit. 53.

Principia Cur de primis principiis non liceat dubitare 157.

Probabilitas sufficit in rebus ad Vita usum pertinentibus,
ut quis eas amplectatur. 71.

Propositio universalis ex particularibus est deducenda. 109.

R.

Realitas objectiva nihil est 220. 224. Realitas Idea est quid
distinctum ab ipsa objectiva realitate. 226. oportet ut realitas
objectiva Idearum nostrarum causam habeat. 230. Realitas
objectiva duplicem includit dependentiam, qua in Deo non re-
peritur

peritur. 238 aliquid est in mente existens 244 Investigatur
quid sit realitas objectiva Idea. 263. non est modus opera-
tionis mentis. 264.

Res clarius cognoscuntur, quo plura attributa in eis depre-
henduntur. 138a

S.

Sceptici quid sint, quidq; docuerint, & à inter illos Cartesium
sit numerandus. 42. 44. Cur à Græcis Ephebi appellati ib. Eo-
rū autor & discipuli. 44. Eorum præcipua Decreta 45. Se-
cundum eos natura rerum non cognoscuntur. 46. quomo-
do sint intelligendi, dum dicunt, se nihil definire. 46. du-
bitant tantum, nec ultra progrediuntur. 57.

Scientia. Animum & scientiarum conditores semper honor
sequitur. 34.

Sensus passim ad scientiam ducere existimatur 67. non res
etiam materiales detegere queunt 68 occasionem menti
præbent, seipsam fallendi. 69. fallacia sensus multis e-
xemplis ostenditur. 69. Sensationes pro rerum principiis
Cartesius admittere noluit. 70. Sensus excusantur ab Era-
roribus. 71. eos non vera exhibere, tribus exemplis osten-
ditur. 77. quia sunt errori obnoxii, 1. eo eis non fides ha-
benda est. 77. nihil sensus nobis exhibere possunt, quod
Deum referat. 262.

Signa non omnia referunt, quæ in signatis inveniuntur 239.

Socrates à dubitatione rerum investigationem orsus est. 51.

Somnia. Eadem somniantibus, quæ vigilibus occurrunt. 72.
difficile est, somnium à vigilia distinguere. 73. utrumq;
veritas æquè evidens est. 74.

V.

Veritas. qui Verisimilitudine contenti sunt, de Veritate
comparanda non sunt solliciti 40. ab ejus investigatione
distinguenda sunt Vita actiones. 80. ejus nota in omnibus
scientiis est observanda. 111.

Unitas natura & compositionis quid sit. 132.

F I N I S.

